

Pali Text Society.

---

KATHĀVATTHU.

EDITED BY

ARNOLD C. TAYLOR, B.A.

VOL. II.

LONDON :

PUBLISHED FOR THE PALI TEXT SOCIETY,

BY HENRY FROWDE,

OXFORD UNIVERSITY PRESS WAREHOUSE, AMEN CORNER, E.C.

1897.

# INDEX OF QUESTIONS DISCUSSED IN THE KATHĀVATTHU.

---

## CONTENTS OF VOL. II.

### Chaṭṭho Vaggo.

No.	PAGE
1. Niyāmo asaṃkhato ti? ... ..	317
2. Paṭiccasamuppādo asaṃkhato ti? ... ..	319
3. Cattāri saccāni asaṃkhatānīti? ... ..	322
4. Ākāśānañcāyatanam asaṃkhatan ti? ... ..	325
5. Nirodhasamāpatti asaṃkhatā ti? ... ..	327
6. Ākāso saṃkhato ti? ... ..	328
7. Ākāso sanidassano ti? ... ..	330
8. Paṭhavīdhātu sanidassanā ti? ... ..	331

---

### Sattamo Vaggo.

1. N'atthi keci dhammā kehici dhammehi saṃga- hītā ti? ... ..	335
2. N'atthi keci dhammā kehici dhammehi sampa- yuttā ti? ... ..	337
3. N'atthi cetasiko dhammo ti? ... ..	338
4. Cetasiko dhammo dānan ti? ... ..	339
5. Paribhogamayam puññam saṃvaḍḍhatīti? ... ..	343

No.	PAGE
6. Ito dinnena tattha yāpentīti? ... ..	347
7. Paṭhavī kammavipāko ti? ... ..	349
8. Jarāmarañam vipāko ti? ... ..	353
9. N'atthi ariyadhammavipāko ti? ... ..	355
10. Vipāko vipākadhammadhammo ti? ... ..	357

---

### A ṭ ṭ h a m o V a g g o .

1. Cha gatiyo ti? ... ..	360
2. Atthi antarābhavo ti? ... ..	361
3. Pañc'eva kāmaguṇā kāmadhātūti? ... ..	366
4. Pañc'ev' āyatanā kāmā ti? ... ..	369
5. Rūpino dhammā rūpadhātūti? ... ..	370
6. Arūpino dhammā arūpadhātūti? ... ..	372
7. Saḷāyataniko attabhāvo rūpadhātuyā ti?... ..	374
8. Atthi rūpaṃ arūpesūti? ... ..	378
9. Kusalena cittena samuṭṭhitam kāyakammaṃ rūpaṃ kusalan ti? ... ..	380
10. N'atthi rūpajivitindriyan ti? ... ..	394
11. Kammahetu Arahā arahattā parihāyatīti? ... ..	398

---

### N a v a m o V a g g o .

1. Ānisaṃsadassāvissa saññojanānaṃ pahānan ti? ... ..	400
2. Amatārammaṇaṃ saññojanan ti?... ..	401
3. Rūpaṃ sārammaṇan ti? ... ..	404
4. Anusayā anārammaṇā ti? ... ..	405
5. Nānaṃ anārammaṇan ti? ... ..	409
6. Atītārammaṇaṃ cittaṃ anārammaṇan ti? ... ..	410
7. Sabbam cittaṃ vitakkānupatitan ti? ... ..	411
8. Sabbaso vitakkayato vicārayato vitakkavipphāro saddo ti? ... ..	413

No.	PAGE
9. Na yathā cittaṣṣa vācā ti?... ..	414
10. Na yathā cittaṣṣa kāyakammaṃ ti? ... ..	416
11. Atitena samannāgato ti? ... ..	417

---

D a s a m o V a g g o .

1. Uppattesiye pañcakkhandhe aniruddhe kiriyā pañca khandhā uppajantīti? ... ..	421
2. Maggasamaṅgissa rūpaṃ maggo ti? ... ..	422
3. Pañcaviññāṇasamaṅgissa atthi maggabhāvanā ti? ... ..	424
4. Pañca viññāṇā kusalā pi akusalā pīti? ... ..	427
5. Pañca viññāṇā sābhogā ti? ... ..	429
6. Maggasamaṅgī dvīhi sīlehi samannāgato ti? ... ..	431
7. Silaṃ acetasikaṃ ti? ... ..	433
8. Silaṃ na cittaṇuparivattīti? ... ..	437
9. Samādānahetukaṃ silaṃ vaḍḍhatīti? ... ..	439
10. Viññatti sīlaṃ ti? ... ..	440
11. Aviññatti dussīlyānaṃ ti? ... ..	441

---

E k ā d a s a m o V a g g o .

1. Anusayā abyākatā ahetukā cittaṅvippayuttā ti? ... ..	444
2. Aññāṇe vigate ñāṇavippayutte citte vattamāne na vattabbaṃ ñāṇī ti? ... ..	450
3. Ñāṇaṃ cittaṅvippayuttānaṃ ti? ... ..	451
4. Idaṃ dukkhaṃ ti vācaṃ bhāṣato idaṃ dukkhaṃ ti ñāṇaṃ pavattatīti? ... ..	453
5. Iddhibalena samannāgato kammaṃ tiṭṭheyyāti? ... ..	456
6. Cittasantati samādhīti? ... ..	458
7. Dhammaṭṭhitatā parinipphannaṃ ti? ... ..	459
8. Aniccaṭṭhitatā parinipphannaṃ ti? ... ..	460

## Dvādasamo Vaggo.

No.	PAGE
1. Saṃvaro kamman ti? ... ..	463
2. Sabbam kammaṃ savipākan ti? ... ..	464
3. Saddo vipāko ti? ... ..	466
4. Saḷāyatanam vipāko ti? ... ..	467
5. Sattakkhattuparamo puggalo sattakkhattuparamatā niyato ti? ... ..	469
6. Na vattabbam "Kolamkolo puggalo kolamkolatā niyato ti"? ... ..	471
Na vattabbam "Ekabijī puggalo ekabijitā niyato ti"?... ..	471
7. Diṭṭhisampanno puggalo sañcicca pāṇam jīvitā voropeyyāti? ... ..	471
8. Diṭṭhisampannassa pugalassa pahīnā duggatīti? ...	473
9. Na vattabbam "Sattamabhavikassa pugalassa pahīnā duggatīti"? ... ..	475

## Terasamo Vaggo.

1. Kappaṭṭho kammaṃ tiṭṭheyyāti? ... ..	476
2. Kappaṭṭho kusalam cittam na paṭilabheyyāti? ...	477
3. Anantarapayutto puggalo sammattaniyāmam okkammeyyāti? ... ..	478
4. Niyato niyāmam okkamati? ... ..	480
5. Nivuto nīvaraṇam jahatīti? ... ..	480
6. Sammukhibhūto saññojanam jahatīti? ... ..	482
7. Samāpanno assādeti, jhānanikanti jhānārammaṇā ti? ... ..	483
8. Atthi asātarāgo ti? ... ..	485
9. Dhammataṇhā abyākatā ti? ... ..	486
10. Dhammataṇhā na dukkhasamudayo ti? ... ..	488

## Cuddasmo Vaggo.

No.	PAGE
1. Akusalamūlaṃ paṭisandahati kusalamūlaṃ ti? ...	491
2. Saḷāyatanam apubbam acarimam mātu kucchimim saṅghātīti? ... ..	493
3. Cakkhuviññāṇassa anantarā sotaviññāṇam uppajjatīti? ... ..	495
4. Ariyarūpam mahābhūtānam upādāyāti? ... ..	498
5. Añño kāmarāgānusayo, aññaṃ kāmarāgapariyuṭṭhānan ti? ... ..	499
6. Pariyuṭṭhānam cittavippayuttan ti? ... ..	501
7. Rūparāgo rūpadhātum anuseti, rūpadhātupariyāpanno ti? ... ..	502
8. Diṭṭhigataṃ abyākatan ti? ... ..	504
9. Diṭṭhigataṃ apariyāpannan ti? ... ..	507

## Paṇṇarasamo Vaggo.

1. Paccayatā vavatthitā.ti? ... ..	508
2. Avijjāpaccayā saṃkhārā, na vattabbam “saṃkhārapaccayā pi avijjā ti”? ... ..	510
3. Addhā parinipphanno ti? ... ..	511
4. Khaṇo parinipphanno, layo parinipphanno, muhuttaṃ parinipphanan ti? ... ..	514
5. Cattāro āsavā anāsavā ti? ... ..	514
6. Lokuttarānam dhammānam jarāmarāṇam lokuttaran ti? ... ..	515
7. Saññāvedayitanirodhasamāpatti lokuttarā ti? ... ..	516
8. Saññāvedayitanirodhasamāpatti lokiyā ti? ... ..	516
9. Saññāvedayitanirodham samāpanno kālaṃ kareyyāti? ... ..	517
10. Saññāvedayitanirodhasamāpatti asaññasattūpikā ti? ... ..	518
11. Aññaṃ kammaṃ, añño kammūpacayo ti? ... ..	520

## Soḷasamo Vaggo.

No.	PAGE
1. Paró parassa cittaṃ niggaṇhātīti ? ... ..	524
2. Paro parassa cittaṃ paggaṇhātīti ? ... ..	525
3. Paro parassa sukhaṃ anuppādetīti ? ... ..	527
4. Adhigayha manasikarotīti ? ... ..	528
5. Rūpaṃ hetūti ? ... ..	532
6. Rūpaṃ sahetukan ti ? ... ..	533
7. Rūpaṃ kusalan ti ? ... ..	534
8. Rūpaṃ vipāko ti ? ... ..	536
9. Atthi rūpaṃ rūpāvaccaran ti ? ... ..	538
10. Rūparāgo rūpadhātupariyāpanno ti ? ... ..	539

## Sattarasamo Vaggo.

1. Atthi Arahato puññūpacayo ti ? ... ..	542
2. N'atthi Arahato akālamaccūti ? ... ..	543
3. Sabbam idam kammato ti ? ... ..	545
4. Indriyabaddhañ ñeva dukkhan ti ? ... ..	546
5. Thapetvā ariyamaggaṃ avasesā samkhārā dukkhā ti ? ... ..	548
6. Na vattabbaṃ " Samgho dakkhiṇaṃ paṭiggaṇhā- tīti " ? ... ..	549
7. Na vattabbaṃ " Samgho dakkhiṇaṃ visodhe- tīti " ? ... ..	551
8. Na vattabbaṃ " Samgho bhujjati, pivati, khādati, sāyatīti " ? ... ..	552
9. Na vattabbaṃ " Samghassa dinnam mahappa- lan ti " ? ... ..	553
10. Na vattabbaṃ " Buddhassa dinnam mahappa- lan ti " ? ... ..	555
11. Dāyakato va dānam visujjhati, na paṭiggāhakato ti ? ... ..	556

Aṭṭhārasamo Vaggo.

No.	PAGE
1. Na vattabbaṃ “Buddho Bhagavā manussaloke aṭṭhāsīti” ? ... ..	559
2. Na vattabbaṃ “Buddhena Bhagavatā dhammo desito ti” ? ... ..	560
3. N’atthi Buddhassa Bhagavato karuṇā ti ? ...	561
4. Buddhassa Bhagavato uccārapassāvo ativiya aññe gandhajāte adhiggaṇhātīti ? ... ..	563
5. Ekena ariyamaggena cattāri sāmāññaphalāni sac- chikarotīti ? ... ..	563
6. Jhānā jhānaṃ saṃkamatīti ? ... ..	565
7. Atthi jhānantarikā ti ? ... ..	569
8. Samāpanno saddaṃ suṇātīti ? ... ..	572
9. Cakkhunā rūpaṃ passatīti ? ... ..	573

Ekūnavīsatiṃ Vaggo.

1. Atīte kilese jahatīti ?... ..	576
2. Suññatā saṃkhārakkhandhapariyāpannā ti ? ...	578
3. Sāmāññaphalaṃ asaṃkhatan ti ? ... ..	579
4. Patti asaṃkhatā ti ? ... ..	581
5. Sabbadhammānaṃ tathatā asaṃkhatā ti ? ...	583
6. Nibbānadhātu kusalā ti ? ... ..	585
7. Atthi puthujjanassa accantaniyāmatā ti ? ...	586
8. N’atthi lokiyaṃ saddhindriyaṃ ti ?... ..	589

Vīsatiṃ Vaggo.

1. Asañcicca mātaṃ jīvitā voropetvā ānantariko hotīti ? ... ..	593
2. N’atthi puthujjanassa nāṇaṃ ti ? ... ..	585
3. N’atthi nirayesu nirayapālā ti ? ... ..	596
4. Atthi devesu tiracchānagatā ti ? ... ..	598
5. Pañcaṅgiko maggo ti ? ... ..	599
6. Dvādasavatthukaṃ nāṇaṃ lokuttaraṃ ti ? ...	602

## Ekaṅgīsatimo Vaggo.

No.	PAGE
1. Sāsanam navakatan ti? ... ..	604
2. Puthujjano tedhātukehi dhammehi avivitto ti? ...	605
3. Atthi kiñci saññojanam appahāya arahattappat- tīti? ... ..	606
4. Atthi adhippāya-iddhi Buddhānam vā sāvakanam vā ti? ... ..	606
5. Atthi Buddhānam Buddhehi hīnātirekatā ti? ...	608
6. Sabbā disā Buddhā ti? ... ..	608
7. Sabbe dhammā niyatā ti? ... ..	609
8. Sabbe kammā niyatā ti? ... ..	611

## Bāṅgīsatimo Vaggo.

1. Atthi kiñci saññojanam appahāya parinibbānan ti? ... ..	613
2. Arahā kusalacitto parinibbāyatīti? ... ..	613
3. Arahā āneñje ṭhito parinibbāyatīti? ... ..	615
4. Atthi gabbhaseyyāya dhammābhisamayo ti? ...	616
5. Atthi gabbhaseyyāya arahattappattīti? ... ..	616
6. Sabbam supinagatassa cittaṃ abyākatan ti? ...	617
7. N'atthi kāci āsevanapaccayatā ti? ... ..	618
8. Ekacittakkhaṇikā sabbe dhammā ti? ... ..	620

## Teṅgīsatimo Vaggo.

1. Ekādhippayena methuno dhammo paṭisevitabbo ti? ... ..	622
2. Arahantānam vaṇṇena amanussā methunam dham- mam paṭisevantīti? ... ..	622
3. Bodhisatto issariyakāmakārikāhetu vinipātam gac- chatīti? ... ..	623

No.	PAGE
4. Atthi na rāgo rāgapatirūpako ti? ... ..	625
5. Rūpaṃ aparinipphannaṃ ti? ... ..	626

---

INDICES.

I. Index of Proper Names ... ..	631
II. Index of Passages from the Sutta Piṭaka quoted in the Kathāvatthu ... ..	633

## VI. 1.

1. Niyāmo asaṃkhato ti ?

Āmantā.

Nibbānaṃ tāṇaṃ leṇaṃ saraṇaṃ parāyaṇaṃ accutaṃ<sup>1</sup>  
amataṇ ti ?

Na h'evaṃ vattaṃbe—pe—

Niyāmo asaṃkhato, nibbānaṃ asaṃkhataṇ ti ?

Āmantā.

Dve asaṃkhataṇīti ?

Na h'evaṃ vattaṃbe—pe—

Dve asaṃkhataṇīti ?

Āmantā.

Dve tāṇāni, dve leṇāni, dve saraṇāni, dve parāyaṇāni,  
dve accutaṇi, dve amataṇi, dve nibbānaṇīti ?

Na h'evaṃ vattaṃbe—pe—

Dve nibbānaṇīti ?

Āmantā.

Atthi dvinnaṃ nibbānaṇaṃ uccaṇicatā, hīnappaṇītā,  
ukkamsāvakaṃso, sīmā vā bhedo vā rāji vā antarīkā  
vā ti ?

Na h'evaṃ vattaṃbe—pe—

2. Niyāmo asaṃkhato ti ?

Āmantā.

Atthi keci niyāmaṃ okkamanti paṭilabhanti, uppāḍenti  
samuppāḍenti, uṭṭhāpenti samuṭṭhāpenti, nibbattenti  
abhinibbattenti, jaṇenti saṇjaṇentīti ?

Āmantā.

Atthi keci asaṃkhataṃ okkamanti paṭilabhanti, uppā-  
ḍenti samuppāḍenti, uṭṭhāpenti samuṭṭhāpenti, nibbat-  
tenti abhinibbattenti, jaṇenti saṇjaṇentīti ?

Na h'evaṃ vattaṃbe—pe—

3. Niyāmo asaṃkhato ti ?

Āmantā.

Maggo asaṃkhato ti ?

<sup>1</sup> abbhutaṃ, P.

Na h'evaṃ vattabbe—pe—

Maggo saṃkhato ti?

Āmantā.

Niyāmo saṃkhato ti?

Na h'evaṃ vattabbe—pe—

Sotāpattiniyāmo asaṃkhato ti?

Āmantā.

Sotāpattimaggo asaṃkhato ti?

Na h'evaṃ vattabbe—pe—

Sotāpattimaggo saṃkhato ti?

Āmantā.

Sotāpattiniyāmo saṃkhato ti?

Na h'evaṃ vattabbe—pe—

Sakadāgāminiyāmo — pe — anāgāminiyāmo — pe — arahattaniyāmo asaṃkhato ti?

Āmantā.

Arahattamaggo asaṃkhato ti?

Na h'evaṃ vattabbe—pe—

Arahattamaggo saṃkhato ti?

Āmantā.

Arahattaniyāmo saṃkhato ti?

Na h'evaṃ vattabbe—pe—

4. Sotāpattiniyāmo asaṃkhato — pe — arahattaniyāmo asaṃkhato, nibbānaṃ asaṃkhataṃ ti?

Āmantā.

Pañca asaṃkhatānīti?

Na h'evaṃ vattabbe—pe—

Pañca asaṃkhatānīti?

Āmantā.

Pañca tāṇāni—pe—antarikā vā ti?

Na h'evaṃ vattabbe—pe—

5. Niyāmo asaṃkhato ti?

Āmantā.

Micchattaniyāmo asaṃkhato ti?

Na h'evaṃ vattabbe—pe—

Micchattaniyāmo saṃkhato ti?

Āmantā.

Sammattaniyāmo saṃkhato ti?

Na h'evaṃ vattabbe—pe—

6. Na vattabbam “ Niyāmo asaṃkhato ti ” ?

Āmantā.

Niyāme uppajja niruddhe aniyato hotīti ?

Na h'evaṃ vattabbe—pe—

Tena hi niyāmo asaṃkhato ti.

Micchattaniyāme uppajja niruddhe aniyato hotīti ?

Na h'evaṃ vattabbe—pe—

Tena hi micchattaniyāmo asaṃkhato ti.

N i y ā m a k a t h ā .

---

VI. 2.

1. Paṭicasamuppādo asaṃkhato ti ?

Āmantā.

Nibbānaṃ tānaṃ leṇaṃ saraṇaṃ parāyaṇaṃ accutaṃ<sup>1</sup>  
amataṃ ti ?

Na h'evaṃ vattabbe—pe—

Paṭicasamuppādo asaṃkhato, nibbānaṃ asaṃkhatan  
ti ?

Āmantā.

Dve asaṃkhatānīti ?

Na h'evaṃ vattabbe—pe—

Dve asaṃkhatānīti ?

Āmantā.

Dve tāṇāni, dve leṇāni, dve saraṇāni, dve parāyaṇāni,  
dve accutāni, dve amatāni, dve nibbānānīti ?

Na h'evaṃ vattabbe—pe—

Dve nibbānānīti ?

Āmantā.

Atthi dvinnaṃ nibbānānaṃ uccanīcatā, hīnappaṇītatā,  
ukkamaṣāvakaṃso, sīmā vā bhedo vā rājī vā antarīkā  
vā ti ?

Na h'evaṃ vattabbe—pe—

---

<sup>1</sup> abbhutaṃ, P.

2. Paṭiccasamuppādo asaṃkhato ti?

Āmantā.

Avijjā asaṃkhatā ti?

Na h'evaṃ vattabbe—pe—

Avijjā saṃkhatā ti?

Āmantā.

Paṭiccasamuppādo saṃkhato ti?

Na h'evaṃ vattabbe—pe—

Paṭiccasamuppādo asaṃkhato ti?

Āmantā.

Avijjāpaccayā saṃkhārā asaṃkhatā ti?

Na h'evaṃ vattabbe—pe—

Avijjāpaccayā saṃkhārā saṃkhatā ti?

Āmantā.

Paṭiccasamuppādo saṃkhato ti?

Na h'evaṃ vattabbe—pe—

3. Paṭiccasamuppādo asaṃkhato ti?

Āmantā.

Saṃkhārapaccayā viññāṇaṃ asaṃkhatan ti?

Na h'evaṃ vattabbe—pe—

Saṃkhārapaccayā viññāṇaṃ saṃkhatan ti?

Āmantā.

Paṭiccasamuppādo saṃkhato ti?

Na h'evaṃ vattabbe—pe—

Paṭiccasamuppādo asaṃkhato ti?

Āmantā.

Viññāṇapaccayā nāmarūpaṃ asaṃkhatan ti?

Na h'evaṃ vattabbe—pe—

Viññāṇapaccayā nāmarūpaṃ saṃkhatan ti?

Āmantā.

Paṭiccasamuppādo saṃkhato ti?

Na h'evaṃ vattabbe—pe—

Paṭiccasamuppādo asaṃkhato ti?

Āmantā.

Jātipaccayā jarāmaṇaṃ asaṃkhatan ti?

Na h'evaṃ vattabbe—pe—

Jātipaccayā jarāmaṇaṃ saṃkhatan ti?

Āmantā.

Paṭiccasamuppādo saṃkhato ti?

Na h'evaṃ vattabbe—pe—

4. Na vattabbaṃ “Paṭiccasamuppādo asaṃkhato ti”?  
Āmantā.

Nanu vuttaṃ Bhagavatā—“Jātipaccayā Bhikkhave jarāmaṇaṃ, uppādā vā Tathāgatānaṃ anuppādā vā Tathāgatānaṃ ṭhitā<sup>1</sup> va<sup>1</sup> sā dhātu dhammaṭṭhitatā dhammaniyāmatā idappaccayatā; taṃ Tathāgato abhisambujjhati, abhisameti; abhisambujjhitvā abhisametvā ācikkhati deseti, paññāpeti paṭṭhapeti, vivarati vibhajati uttānikaroti; passathāti c'āha jātipaccayā Bhikkhave jarāmaṇaṃ, bhavapaccayā Bhikkhave jāti—pe—avijjāpaccayā Bhikkhave saṃkhārā uppādā vā Tathāgatānaṃ anuppādā vā Tathāgatānaṃ ṭhitā<sup>2</sup> va sā dhātu—pe—passathāti c'āha avijjāpaccayā Bhikkhave saṃkhārā, iti kho Bhikkhave yā tatra tathatā<sup>2</sup> avitathatā anaññathatā<sup>3</sup> idappaccayatā, ayaṃ vuccati Bhikkhave paṭiccasamuppādo ti.”

Atth'eva suttanto ti?

Āmantā.

Tena hi paṭiccasamuppādo asaṃkhato ti.

5. “Avijjāpaccayā saṃkhārā ti” yā tattha dhammaṭṭhitatā dhammaniyāmatā asaṃkhatā, nibbānaṃ asaṃkhatan ti?

Āmantā.

Dve asaṃkhatānīti?

Na h'evaṃ vattabbe—pe—

Dve asaṃkhatānīti?

Āmantā.

Dve tāṇāni—pe—antarīkā vā ti?

Na h'evaṃ vattabbe—pe—

6. “Avijjāpaccayā saṃkhārā ti” yā tattha dhammaṭṭhitatā dhammaniyāmatā asaṃkhatā, “saṃkhārapaccayā viññānaṃ ti” yā tattha dhammaṭṭhitatā dhammaniyāmatā asaṃkhatā, nibbānaṃ asaṃkhatan ti?

Na h'evaṃ vattabbe—pe—

Tīni asaṃkhatānīti?

<sup>1</sup> P. omits va.

<sup>2</sup> tathāgatā, P.

<sup>3</sup> aññatathā, P.

Na h'evaṃ vattabbe—pe—

Tiṇi asaṃkhatānīti?

Āmantā.

Tiṇi tāṇāni—pe—antarīkā vā ti?

Na h'evaṃ vattabbe—pe—

7. “Avijjāpaccayā samkhārā ti” yā tattha dhammaṭṭhitatā dhammaniyāmatā asaṃkhatā, “samkhārapaccayā viññānan ti” yā tattha dhammaṭṭhitatā dhammaniyāmatā asaṃkhatā —pe—, “jātipaccayā jarāmarañan ti” yā tattha dhammaṭṭhitatā dhammaniyāmatā asaṃkhatā, nibbānaṃ asaṃkhatan ti?

Āmantā.

Dvādasa asaṃkhatānīti?

Na h'evaṃ vattabbe—pe—

Dvādasa asaṃkhatānīti?

Āmantā.

Dvādasa tāṇāni—pe—dvādasa leṇāni—pe—antarīkā vā ti?

Na h'evaṃ vattabbe—pe—

Paṭiccasamuppādakathā.

### VI. 3.

1. Cattāri saccāni asaṃkhatānīti?

Āmantā.

Cattāri tāṇāni, cattāri leṇāni, cattāri saraṇāni, cattāri parāyanāni, cattāri accutāni, cattāri amatāni, cattāri nibbānānīti?

Na h'evaṃ vattabbe—pe—

Cattāri nibbānānīti?

Āmantā.

Atthi cattunnaṃ nibbānānaṃ uccanīcatā, hinappaṇītātā, ukkaṃsāvakaṃso, sīmā vā bhedo vā rājī vā antarīkā vā ti?

Na h'evaṃ vattabbe—pe—

2. Dukkhasaccaṃ asaṃkhatan ti?

Āmantā.

Dukkhaṃ asaṃkhatan ti ?

Na h'evaṃ vattabbe—pe—

Dukkhasaccaṃ asaṃkhatan ti ?

Āmantā.

Kāyikaṃ dukkhaṃ, cetasikaṃ dukkhaṃ, sokaparideva-  
dukkhadomanassūpāyāsā asaṃkhatā ti ?

Na h'evaṃ vattabbe—pe—

Samudayasaccaṃ asaṃkhatan ti ?

Āmantā.

Samudayo asaṃkhatō ti ?

Na h'evaṃ vattabbe—pe—

Samudayasaccaṃ asaṃkhatan ti ?

Āmantā.

Kāmatanḥhā bhavatanḥhā vibhavatanḥhā asaṃkhatā ti ?

Na h'evaṃ vattabbe—pe—

Maggasaccaṃ asaṃkhatan ti ?

Āmantā.

Maggo asaṃkhatō ti ?

Na h'evaṃ vattabbe—pe—

Maggasaccaṃ asaṃkhatan ti ?

Āmantā.

Sammādiṭṭhi—pe—sammāsamādhi asaṃkhatō ti ?

Na h'evaṃ vattabbe—pe—

3. Dukkhaṃ saṃkhatan ti ?

Āmantā.

Dukkhasaccaṃ saṃkhatan ti ?

Na h'evaṃ vattabbe—pe—

Kāyikaṃ dukkhaṃ, cetasikaṃ dukkhaṃ, sokaparideva-  
dukkhadomanassūpāyāsā saṃkhatā ti ?

Āmantā.

Dukkhasaccaṃ saṃkhatan ti ?

Na h'evaṃ vattabbe—pe—

Samudayo saṃkhatō ti ?

Āmantā.

Samudayasaccaṃ saṃkhatan ti ?

Na h'evaṃ vattabbe—pe—

Kāmatanḥhā bhavatanḥhā vibhavatanḥhā saṃkhatā ti ?

Āmantā.

Samudayasaccam saṅkhatan ti?

Na h'evaṃ vattabbe—pe—

Maggo saṅkhato ti?

Āmantā.

Maggasaccam saṅkhatan ti?

Na h'evaṃ vattabbe—pe—

Sammādiṭṭhi—pe—sammāsamādhī saṅkhato ti?

Āmantā.

Maggasaccam saṅkhatan ti?

Na h'evaṃ vattabbe—pe—

4. Nirodhasaccam asaṅkhatam, nirodho asaṅkhato ti?

Āmantā.

Dukkhasaccam asaṅkhatam, dukkham asaṅkhatan ti?

Na h'evaṃ vattabbe—pe—

Nirodhasaccam asaṅkhatam, nirodho asaṅkhato ti?

Āmantā.

Samudayasaccam asaṅkhatam, samudayo asaṅkhato ti?

Na h'evaṃ vattabbe—pe—

Nirodhasaccam asaṅkhatam, nirodho asaṅkhato ti?

Āmantā.

Maggasaccam asaṅkhatam, maggo asaṅkhato ti?

Na h'evaṃ vattabbe—pe—

5. Dukkhasaccam asaṅkhatam, dukkham saṅkhatan ti?

Āmantā.

Nirodhasaccam asaṅkhatam, nirodho saṅkhato ti?

Na h'evaṃ vattabbe—pe—

Samudayasaccam asaṅkhatam, samudayo saṅkhato ti?

Āmantā.

Nirodhasaccam asaṅkhatam, nirodho saṅkhato ti?

Na h'evaṃ vattabbe—pe—

Maggasaccam asaṅkhatam, maggo saṅkhato ti?

Āmantā.

Nirodhasaccam asaṅkhatam, nirodho saṅkhato ti?

Na h'evaṃ vattabbe—pe—

6. Na vattabam “Cattāri saccāni asaṅkhatānīti”?

Āmantā.

Nanu vuttam Bhagavatā—“Cattār'imāni Bhikkhave tathāni avitathāni anaññathāni. Katamāni cattāri? Idam dukkhan ti Bhikkhave tatham etam avitatham etam anaññatham etam—pe—ayam dukkhasamudayo ti —pe—ayam dukkhanirodho ti—pe—ayam dukkhanirodhagāmini paṭipadā ti tatham etam avitatham etam anaññatham etam : imāni kho Bhikkhave cattāri tathāni avitathāni anaññathānīti.”

Atth'eva suttanto ti?

Āmantā.

Tena hi cattāri saccāni asaṃkhatānīti.

S a c c a k a t h ā .

#### VI. 4.

1. Ākāsānañcāyatanam asaṃkhatan ti?

Āmantā.

Nibbānam tāṇam leṇam saraṇam parāyanam accutam amatan ti?

Na h'evam vattabbe—pe—

Ākāsānañcāyatanam asaṃkhatam, nibbānam asaṃkhatan ti?

Āmantā.

Dve asaṃkhatānīti?

Na h'evam vattabbe—pe—

Dve asaṃkhatānīti?

Āmantā.

Dve tāṇāni—pe—antarikā vā ti?

Na h'evam vattabbe—pe—

2. Ākāsānañcāyatanam asaṃkhatan ti?

Āmantā.

Ākāsānañcāyatanam bhavo gati sattāvāso saṃsāro yoni viññāṇaṭṭhiti attabhāvapaṭilābho ti?

Āmantā.

Asaṃkhatam bhavo gati sattāvāso saṃsāro yoni  
viññāṇaṭṭhiti attabhāvapaṭilābho ti?

Na h'evaṃ vattabbe—pe—

Atthi ākāsānañcāyatanūpagam kamman ti?

Āmantā.

Atthi asaṃkhatūpagam kamman ti?

Na h'evaṃ vattabbe—pe—

Atthi ākāsānañcāyatanūpagā sattā ti?

Āmantā.

Atthi asaṃkhatūpagā sattā ti?

Na h'evaṃ vattabbe—pe—

3. Ākāsānañcāyatane sattā jāyanti jīyanti mīyanti  
cavanti uppajantīti?

Āmantā.

Asaṃkhate sattā jāyanti jīyanti mīyanti cavanti  
uppajantīti?

Na h'evaṃ vattabbe—pe—

Ākāsānañcāyatane atthi vedanā saññā saṃkhārā  
viññāṇan ti?

Āmantā.

Asaṃkhate atthi vedanā saññā saṃkhārā viññāṇan ti?

Na h'evaṃ vattabbe—pe—

Ākāsānañcāyatanam catuvokārabhavo ti?

Āmantā.

Asaṃkhatam catuvokārabhavo ti?

Na h'evaṃ vattabbe—pe—

4. Na vattabbam “Cattāro āruppā asaṃkhatā ti”?

Āmantā.

Nanu cattāro āruppā anejā<sup>1</sup> vuttā Bhagavatā ti?

Āmantā.

Hañci cattāro āruppā anejā vuttā Bhagavatā, tena vata  
re vattabbe “Cattāro āruppā asaṃkhatā ti.”

Ā r u p p a k a t h ā .

<sup>1</sup> aneñjā, K.

## VI. 5.

1. Nirodhasamāpatti asaṃkhatā ti?

Āmantā.

Nibbānaṃ tānaṃ leṇaṃ saraṇaṃ parāyanaṃ accutaṃ amataṃ ti?

Na h'evaṃ vattabbe—pe—

Nirodhasamāpatti asaṃkhatā, nibbānaṃ asaṃkhatan ti?

Āmantā.

Dve asaṃkhatānīti?

Na h'evaṃ vattabbe—pe—

Dve asaṃkhatānīti?

Āmantā.

Dve tānāni—pe—antarikā vā ti?

Na h'evaṃ vattabbe—pe—

2. Atthi keci nirodhaṃ samāpajjanti paṭilabhanti, uppādentī samuppādentī, uṭṭhāpentī samuṭṭhāpentī, nibbattenti abhinibbattenti, janenti sañjanentīti?

Āmantā.

Atthi keci asaṃkhatāṃ samāpajjanti paṭilabhanti, uppādentī samuppādentī, uṭṭhāpentī samuṭṭhāpentī, nibbattenti abhinibbattenti, janenti sañjanentīti?

Na h'evaṃ vattabbe—pe—

3. Nirodhā vodānaṃ vuṭṭhānaṃ paññāyatīti?

Āmantā.

Asaṃkhatā vodānaṃ vuṭṭhānaṃ paññāyatīti?

Na h'evaṃ vattabbe—pe—

Nirodhaṃ samāpajjantassa paṭhamāṃ nirujjhati vacīsaṃkhāro, tato kāyasaṃkhāro, tato cittasaṃkhāro ti?

Āmantā.

Asaṃkhatāṃ samāpajjantassa paṭhamāṃ nirujjhati vacīsaṃkhāro, tato kāyasaṃkhāro, tato cittasaṃkhāro ti?

Na h'evaṃ vattabbe—pe—

Nirodhā vuṭṭhahantassa paṭhamāṃ uppajjati cittasaṃkhāro, tato kāyasaṃkhāro, tato vacīsaṃkhāro ti?

Āmantā.

Asaṃkhatā vuṭṭhahantassa paṭhamam uppajjati citta-saṃkhāro, tato kāyasamkhāro, tato vacīsamkhāro ti ?

Na h'evaṃ vattabbe—pe—

4. Nirodhā vuṭṭhitam tayo phassā phusanti, suññato phasso, animitto phasso, appaṇihito phasso ti ?

Āmantā.

Asaṃkhatā vuṭṭhitam tayo phassā phusanti, suññato phasso, animitto phasso, appaṇihito phasso ti ?

Na h'evaṃ vattabbe—pe—

Nirodhā vuṭṭhitassa vivekaninam cittam hoti vivekopoṇam vivekapabbhāran ti ?

Āmantā.

Asaṃkhatā vuṭṭhitassa vivekaninam cittam hoti vivekopoṇam vivekapabbhāran ti ?

Na h'evaṃ vattabbe—pe—

5. Na vattabham “ Nirodhasamāpatti asaṃkhatā ti ” ?

Āmantā.

Saṃkhatā ti ?

Na h'evaṃ vattabbe—pe—

Tena hi nirodhasamāpatti asaṃkhatā ti.

N i r o d h a s a m ā p a t t i k a t h ā .

## VI. 6.

1. Ākāso asaṃkhato ti ?

Āmantā.

Nibbānam tāṇam leṇam saraṇam parāyanam accutam amatan ti ?

Na h'evaṃ vattabbe—pe—

Ākāso asaṃkhato, nibbānam asaṃkhatan ti ?

Āmantā.

Dve asaṃkhatānīti ?

Na h'evaṃ vattabbe—pe—

Dve asaṃkhatānīti ?

Āmantā.

Dve tāṇāni—pe—antarīkā vā ti?

Na h'evaṃ vattabbe—pe—

2. Ākāso asaṃkhato ti?

Āmantā.

Atthi keci anākāsaṃ ākāsaṃ karontīti?

Āmantā.

Atthi keci saṃkhatam asaṃkhatam karontīti?

Na h'evaṃ vattabbe—pe—

Atthi keci ākāsaṃ anākāsaṃ karontīti?

Āmantā.

Atthi keci asaṃkhatam sāmkhataṃ karontīti?

Na h'evaṃ vattabbe—pe—

3. Ākāse pakkhiyo gacchanti, candimasuriyā gacchanti, tārakarūpāni gacchanti, iddhiṃ vikubbanti, bāhuṃ cāleṇti, paṇiṃ cāleṇti, leḍḍum khipanti, laḡuḡam khipanti, iddhiṃ khipanti, usum khipantīti?

Āmantā.

Asaṃkhate pakkhiyo gacchanti, candimasuriyā gacchanti, tārakarūpāni gacchanti, iddhiṃ vikubbanti, bāhuṃ cāleṇti, paṇiṃ cāleṇti, leḍḍum khipanti, laḡuḡam khipanti, iddhiṃ khipanti, usum khipantīti?

Na h'evaṃ vattabbe—pe—

4. Ākāsaṃ parivāretvā gharāni karonti, koṭṭhāni karontīti?

Āmantā.

Asaṃkhatam parivāretvā gharāni karonti, koṭṭhāni karontīti?

Na h'evaṃ vattabbe—pe—

Udapāne khañṇamāne<sup>1</sup> anākāso ākāso hotīti?

Āmantā.

Saṃkhatam asaṃkhatam hotīti?

Na h'evaṃ vattabbe—pe—

Tucchā-udapāne pūriyamāne, tucchakoṭṭhe pūriyamāne, tucchakumbhiyā pūriyamānāya, ākāso antaradhāyatīti?

Āmantā.

<sup>1</sup> khajamāne, P.

Asaṃkhatam antaradhāyatīti ?

Na h'evaṃ vattabbe—pe—

5. Na vattabbam “Ākāso asaṃkhato ti” ?

Āmantā.

Ākāso saṃkhato ti ?

Na h'evaṃ vattabbe—pe—

Tena hi ākāso asaṃkhato ti.

Ā k ā s a k a t h ā .

VI. 7.

1. Ākāso sanidassano ti ?

Āmantā.

Rūpaṃ rūpāyatanam rūpadhātu nīlam pītakaṃ lohita-  
kam odātam cakkhuviññeyyam cakkhusmiṃ paṭihaññati  
cakkhussa āpātham<sup>1</sup> āgacchatīti ?

Na h'evaṃ vattabbe—pe—

2. Ākāso sanidassano ti ?

Āmantā.

Cakkhuñ ca paṭicca ākāsañ ca uppajjati cakkhuviññā-  
ṇan ti ?

Na h'evaṃ vattabbe—pe—

Cakkhuñ ca paṭicca ākāsañ ca uppajjati cakkhuviññā-  
ṇan ti ?

Āmantā.

“Cakkhuñ ca paṭicca ākāsañ ca uppajjati cakkhuviññā-  
ṇan ti.” Atth'eva suttanto ti ?

N'atthi.

“Cakkhuñ ca paṭicca rūpe ca uppajjati cakkhuviññāṇan  
ti.” Atth'eva suttanto ti ?

Āmantā.

Hañci “Cakkhuñ ca paṭicca rūpe ca uppajjati cakkhuviñ-  
ñāṇan ti,” atth'eva suttanto, no vata re vattabbe

<sup>1</sup> āpātam, M. ; ābādham, S.S<sub>2</sub>.

“Cakkhuñ ca paṭicca ākāsañ ca uppajjati cakkhuviññāṇan ti.”

3. Na vattabbaṃ “Ākāso sanidassano ti”?

Āmantā.

Nanu passati dvinnaṃ rukkhānaṃ antaraṃ, dvinnaṃ thambhānaṃ<sup>1</sup> antaraṃ, tālacchiddaṃ, vātapānacchiddan ti?

Āmantā.

Hañci passati dvinnaṃ rukkhānaṃ antaraṃ, dvinnaṃ thambhānaṃ antaraṃ, tālacchiddaṃ, vātapānacchiddaṃ, tena vata re vattabbe “Ākāso sanidassano ti.”

Ākāso sanidassano ti kathā.

## VI. 8.

1. Paṭhavīdhātu sanidassanā ti?

Āmantā.

Rūpaṃ rūpāyatanam rūpadhātu nīlam pītakaṃ lohita-  
kam odātaṃ cakkhuviññeyyaṃ cakkhusmiṃ paṭihaññati  
cakkhussa āpāthaṃ āgacchatīti?

Na h'evaṃ vattabbe—pe—

2. Paṭhavīdhātu sanidassanā ti?

Āmantā.

Cakkhuñ ca paṭicca paṭhavīdhātuñ ca uppajjati cakkhu-  
viññāṇan ti?

Na h'evaṃ vattabbe—pe—

Cakkhuñ ca paṭicca paṭhavīdhātuñ ca uppajjati cakkhu-  
viññāṇan ti?

Āmantā.

“Cakkhuñ ca paṭicca paṭhavīdhātuñ ca uppajjati cak-  
khuviññāṇan ti.” Atth'eva suttanto ti?

N'atthi.

“Cakkhuñ ca paṭicca rūpe ca uppajjati cakkhuviññāṇan  
ti.” Atth'eva suttanto ti?

Āmantā.

<sup>1</sup> dhammānaṃ, P.

Hañci “ Cakkhuñ ca paṭicca rūpe ca uppajjati cakkuviñ-  
ñāṇan ti,” atth’eva suttanto, no vata re vattabbe “ Cak-  
khuñ ca paṭicca paṭhavīdhātuñ ca uppajjati cakkhuviñ-  
ñāṇan ti ?

3. Na vattabbaṃ “ Paṭhavīdhātu sanidassanā ti ” ?

Āmantā.

Nanu passati bhūmiṃ pāsāṇaṃ pabbatan ti ?

Āmantā.

Hañci passati bhūmiṃ pāsāṇaṃ pabbataṃ, tena vata re  
vattabbe “ Paṭhavīdhātu sanidassanā ti.”

Na vattabbaṃ “ Āpodhātu sanidassanā ti ” ?

Āmantā.

Nanu passati udakan ti ?

Āmantā.

Hañci passati udakaṃ, tena vata re vattabbe “ Āpodhātu  
sanidassanā ti.”

Na vattabbaṃ “ Tejodhātu sanidassanā ti ” ?

Āmantā.

Nanu passati aggiṃ jalantan ti ?

Āmantā.

Hañci passati aggiṃ jalantaṃ, tena vata re vattabbe  
“ Tejodhātu sanidassanā ti.”

Na vattabbaṃ “ Vāyodhātu sanidassanā ti ” ?

Āmantā.

Nanu passati vātena rukkhe sañcāliyamāne ti ?

Āmantā.

Hañci passati vātena rukkhe sañcāliyamāne, tena vata  
re vattabbe “ Vāyodhātu sanidassanā ti.”

4. Cakkhundriyaṃ sanidassanan ti ?

Āmantā.

Rūpaṃ rūpāyatanam rūpadhātu nīlam pītakaṃ lohita-  
kaṃ odātaṃ cakkhuviññeyyaṃ cakkhusmiṃ paṭihaññati  
cakkhussa āpāthaṃ āgacchatīti ?

Na h’evaṃ vattabbe—pe—

5. Cakkhundriyaṃ sanidassanan ti ?

Āmantā.

Cakkhuñ ca paṭicca cakkhundriyañ ca uppajjati cakkhu-  
viññāṇan ti ?

Na h'evaṃ vattabbe—pe—

Cakkhuñ ca paṭicca cakkhundriyañ ca uppajjati cakkhu-  
viññāṇan ti?

Āmantā.

“Cakkhuñ ca paṭicca cakkhundriyañ ca uppajjati cak-  
khuviññāṇan ti.” Atth'eva suttanto ti?

N'atthi.

“Cakkhuñ ca paṭicca rūpe ca uppajjati cakkhuviññāṇan  
ti.” Atth'eva suttanto ti?

Āmantā.

Hañci “Cakkhuñ ca paṭicca rūpe ca uppajjati cakkhu-  
viññāṇan ti,” atth'eva suttanto, no vata re vattabbe  
“Cakkhuñ ca paṭicca cakkhundriyañ ca uppajjati cakkhu-  
viññāṇan ti.”

6. Na vattabbaṃ “Pañc'indriyāni sanidassanānīti”?

Āmantā.

Nanu passati cakkhuṃ sotaṃ ghānaṃ jivhaṃ kāyan ti?

Āmantā.

Hañci passati cakkhuṃ sotaṃ ghānaṃ jivhaṃ kāyaṃ,  
tena vata re vattabbe “Pañc'indriyāni sanidassanā-  
nīti.”

7. Kāyakammaṃ sanidassanan ti?

Āmantā.

Rūpaṃ rūpāyatanam rūpadhātu nīlam pītakaṃ lohita-  
kaṃ odātaṃ cakkhuviññeyyaṃ cakkhusmiṃ paṭihaññati  
cakkhussa āpāthaṃ āgacchatīti?

Na h'evaṃ vattabbe—pe—

8. Kāyakammaṃ sanidassanan ti?

Āmantā.

Cakkhuñ ca paṭicca kāyakammañ ca uppajjati cakkhu-  
viññāṇan ti?

Na h'evaṃ vattabbe—pe—

Cakkhuñ ca paṭicca kāyakammañ ca uppajjati cakkhu-  
viññāṇan ti?

Āmantā.

“Cakkhuñ ca paṭicca kāyakammañ ca uppajjati cakkhu-  
viññāṇan ti.” Atth'eva suttanto ti?

N'atthi.

“Cakkhuñ ca paṭicca rūpe ca uppajjati cakkhuviññānan ti.” Atth’eva suttanto ti ?

Āmantā.

Hañci “Cakkhuñ ca paṭicca rūpe ca uppajjati cakkhuviññānan ti,” atth’eva suttanto, no vata re vattabbe “Cakkuñ ca paṭicca kāyakammañ ca uppajjati cakkhuviññānan ti.”

9. Na vattabbaṃ “Kāyakammaṃ sanidassanan ti” ?

Āmantā.

Nanu passati abhikkamantaṃ<sup>1</sup> paṭikkamantaṃ āloken-  
taṃ vilokentaṃ samiñjeñtaṃ pasārentan ti ?

Āmantā.

Hañci passati abhikkamantaṃ paṭikkamantaṃ āloken-  
taṃ vilokentaṃ samiñjeñtaṃ pasārentam, tena vata re  
vattabbe “Kāyakammaṃ sanidassanan ti.”

Paṭhavīdhātu sanidassanā ti ādikathā,  
kāyakammaṃ sanidassanan ti pāriyo-  
sānakathā.

---

### Chaṭṭho Vaggo.

Niyāmo asaṃkhato, Paṭiccasamuppādo asaṃkhato,  
Cattāri saccāni asaṃkhatāni, Cattāro āruppā asaṃkhatā,  
Nirodhasamāpatti asaṃkhatā, Ākāso asaṃkhato, Ākāso  
sanidassano,  
Cattāro mahābhūtā, Pañc’indriyāni, tatth’eva Kāyakam-  
man ti.

---

<sup>1</sup> atikkamantaṃ, P.

## VII. 1.

1. N'atthi keci dhammā kehici dhammehi saṃgahītā ti?  
Āmantā.

Nanu atthi keci dhammā kehici dhammehi gaṇanaṃ  
gacchanti, uddesaṃ gacchanti, pariyāpannā ti?

Āmantā.

Hañci atthi keci dhammā kehici dhammehi gaṇanaṃ  
gacchanti, uddesaṃ gacchanti, pariyāpannā, no vata re  
vattabbe “N'atthi keci dhammā kehici dhammehi saṃga-  
hītā ti.”

2. Cakkhāyatanam katamam khandagaṇanam gaccha-  
tīti?

Rūpakkhandhagaṇanam gacchatīti.

Hañci rūpakkhandhagaṇanam gacchati, tena vata re  
vattabbe “Cakkhāyatanam rūpakkhandhena saṃgahītan ti.”

Sotāyatanam—pe—ghāṇāyatanam—pe—jivhāyatanam  
—pe—kāyāyatanam katamam khandhagaṇanam gaccha-  
tīti?

Rūpakkhandhagaṇanam gacchatīti.

Hañci kāyāyatanam rūpakkhandhagaṇanam gacchati,  
tena vata re vattabbe “Kāyāyatanam rūpakkhandhena  
saṃgahītan ti.”

3. Rūpāyatanam—pe—saddāyatanam—pe—gandhāya-  
tanam—pe—rasāyatanam—pe—phoṭṭhabbāyatanam kata-  
mam khandhagaṇanam gacchatīti?

Rūpakkhandhagaṇanam gacchatīti.

Hañci phoṭṭhabbāyatanam rūpakkhandhagaṇanam gac-  
chati, tena vata re vattabbe “Phoṭṭhabbāyatanam rūpak-  
khandhena saṃgahītan ti.”

4. Sukhā vedanā katamam khandhagaṇanam gacchatīti?

Vedanākkhandhagaṇanam gacchatīti.

Hañci sukhā vedanā vedanākkhandhagaṇanam gacchati,  
tena vata re vattabbe “Sukhā vedanā vedanākkhandhena  
saṃgahītā ti.”

Dukkhā vedanā—pe—adukkhamasukhā vedanā kata-  
mam khandhagaṇanam gacchatīti?

Vedanākkhandhagaṇanam gacchatīti.

Hañci adukkhamasukhā vedanā vedanākkhandhagaṇanam gacchati, tena vata re vattabbe “Adukkhamasukhā vedanā vedanākkhandhena saṃgahītā ti.”

5. Cakkhusamphassajā saññā katamaṃ khandhagaṇanam gacchatīti?

Saññākkhandhagaṇanam gacchatīti.

Hañci cakkhusamphassajā saññā saññākkhandhagaṇanam gacchati, tena vata re vattabbe “Cakkhusamphassajā saññā saññākkhandhena saṃgahītā ti.”

Ṣotasamphassajā saññā—pe—manosamphassajā saññā katamaṃ khandhagaṇanam gacchatīti?

Saññākkhandhagaṇanam gacchatīti.

Hañci manosamphassajā saññā saññākkhandhagaṇanam gacchati, tena vata re vattabbe “Manosamphassajā saññā saññākkhandhena saṃgahītā ti.”

6. Cakkhusamphassajā cetanā—pe—manosamphassajā cetanā katamaṃ khandhagaṇanam gacchatīti?

Samkhārakkhandhagaṇanam gacchatīti.

Hañci manosamphassajā cetanā samkhārakkhandhagaṇanam gacchati, tena vata re vattabbe “Manosamphassajā cetanā samkhārakkhandhena saṃgahītā ti.”

7. Cakkhuvīññāṇam—pe—manovīññāṇam katamaṃ khandhagaṇanam gacchatīti?

Vīññāṇakkhandhagaṇanam gacchatīti.

Hañci manovīññāṇam vīññāṇakkhandhagaṇanam gacchati, tena vata re vattabbe “Manovīññāṇam vīññāṇakkhandhena saṃgahītan ti.”

8. Yathā dāmena vā yottena vā dve balibaddā<sup>1</sup> saṃgahītā, sikkāya piṇḍapāto saṃgahīto, sā gaddulena<sup>2</sup> saṃgahīto; evameva te dhammā tehi dhammehi saṃgahītā ti?

Āmantā.

Hañci dāmena vā yottena vā dve balibaddā saṃgahītā,

<sup>1</sup> palibathā, P. S<sub>2</sub>.; balibadā, S.

<sup>2</sup> gamalena, S.; kaṭulena, P. S<sub>2</sub>.

sikkāya piṇḍapāto saṃgahīto, sā gaddulena saṃgahīto, tena vata re vattabbe “Atthi keci dhammā kehici dhammehi saṃgahītā ti.”

S a ṃ g a h ī t a k a t h ā .

VII. 2.

1. N’atthi keci dhammā kehici dhammehi sampayuttā ti?

Āmantā.

Nanu atthi keci dhammā kehici dhammehi saḥagatā saḥajātā saṃsaṭṭhā ekuppādā ekanirodhā ekavatthukā<sup>1</sup> ekārammaṇā ti?

Āmantā.

Hañci atthi keci dhammā kehici dhammehi saḥagatā saḥajātā saṃsaṭṭhā ekuppādā ekanirodhā ekavatthukā ekārammaṇā, no vata re vattabbe “N’atthi keci dhammā kehici dhammehi sampayuttā ti.”

2. Vedanākkhandho saññākkhandhena saḥajāto ti?

Āmantā.

Hañci vedanākkhandho saññākkhandhena saḥajāto, tena vata re vattabbe “Vedanākkhandho saññākkhandhena sampayutto ti.”

Vedanākkhandho saṃkhārakkhandhena viññāṇakkhandhena saḥajāto ti?

Āmantā.

Hañci vedanākkhandho viññāṇakkhandhena saḥajāto, tena vata re vattabbe “Vedanākkhandho viññāṇakkhandhena sampayutto ti.”

Saññākkhandho, saṃkhārakkhandho, viññāṇakkhandho vedanākkhandhena, saññākkhandhena, saṃkhārakkhandhena saḥajāto ti?

Āmantā.

Hañci viññāṇakkhandho saṃkhārakkhandhena saḥa-

<sup>1</sup> ekavattukā, P.

jāto, tena vata re vattabbe “Viññāṇakkhandho saṃkhārakkhandhena sampayutto ti.”

Yathā tilamhi<sup>1</sup> telam anugataṃ anupaviṭṭhaṃ, uchumhi raso anugato anupaviṭṭho, evameva te dhammā tehi dhammehi anugatā anupaviṭṭhā ti?

Na h'evaṃ vattabbe—pe—

### S a m p a y u t t a k a t h ā .

#### VII. 3.

1. N'atthi cetasiko dhammo ti?

Āmantā.

Nanu atthi keci dhammā cittena sahatatā sahatatā saṃsatṭhā sampayuttā ekuppādā ekanirodhā ekavatthukā ekārammaṇā ti?

Āmantā.

Hañci atthi keci dhammā cittena sahatatā sahatatā saṃsatṭhā sampayuttā ekuppādā ekanirodhā ekavatthukā ekārammaṇā, no vata re vattabbe “N'atthi cetasiko dhammo ti.”

2. Phasso cittena sahatatā ti?

Āmantā.

Hañci phasso cittena sahatatā, tena vata re vattabbe “Phasso cetasiko ti.”

Vedanā—pe—saññā, cetanā—pe—saddhā viriyaṃ sati samādhi paññā rāgo doso moho—pe—anottappaṃ cittena sahatatā ti?

Āmantā.

Hañci anottappaṃ cittena sahatatā, tena vata re vattabbe “Anottappaṃ cetasika ti.”

3. Cittena sahatatā ti katvā cetasikā ti?

Āmantā.

Phassena sahatatā ti katvā phassikā ti?

Āmantā.

Cittena sahatatā ti katvā cetasikā ti?

<sup>1</sup> silamhi, P.S.<sub>2</sub>.

Āmantā.

Vedanāya—pe—saññāya cetanāya saddhāya viriyena satiyā samādhiyā paññāya rāgena dosena mohena—pe— anottappena saha-jātā ti katvā anottappāsikā <sup>1</sup> ti?

Āmantā.

4. N'atthi cetasiko dhammo ti?

Āmantā.

Nanu vuttaṃ Bhagavatā—

“Cittaṃ h'idaṃ cetasikā ca dhammā

Anattato samviditassa honti.

Hinappanītaṃ tadubhaye veditvā

Sammaddaso <sup>2</sup> vedi <sup>3</sup> palokadhamman <sup>4</sup> ti.”

Atth'eva suttanto ti?

Āmantā.

Tena hi atthi cetasiko dhammo ti.

5. N'atthi cetasiko dhammo ti?

Āmantā.

Nanu vuttaṃ Bhagavatā—“Idha Kevaṭṭa <sup>5</sup> bhikkhu parasattānaṃ parapuggalānaṃ cittaṃ pi ādisati, cetasikaṃ pi ādisati, vitakkitāṃ pi ādisati, vicāritaṃ pi ādisati 'Evaṃ pi te mano, itthaṃ <sup>6</sup> pi te mano, iti pi te cittan ti,'” Atth'eva suttanto ti?

Āmantā.

Tena hi atthi cetasiko dhammo ti.

C e t a s i k a k a t h ā .

#### VII. 4.

1. Cetasiko dhammo dānan ti?

Āmantā.

<sup>1</sup> anottappaṃ siyā ti, P.S.S<sub>2</sub>.

<sup>2</sup> samphattaso, P.; sampayuttaso, S. <sup>3</sup> veri, P.S.S<sub>2</sub>.

<sup>4</sup> phaloka°, P.

<sup>5</sup> Kevaṭṭa all MSS. See Dīgha xi., note 2, p. 211.

<sup>6</sup> ittaṃ, P.

Labbhā cetasiko dhammo paresaṃ dātun ti?

Na h'evaṃ vattabbe—pe—

Labbhā cetasiko dhammo paresaṃ dātun ti?

Āmantā.

Labbhā phasso paresaṃ dātun ti?

Na h'evaṃ vattabbe—pe—

Labbhā vedanā—pe—saññā cetanā saddhā viriyaṃ sati samādhi—pe—paññā paresaṃ dātun ti?

Na h'evaṃ vattabbe—pe—

2. Na vattabbaṃ “Cetasiko dhammo dānan ti”?

Āmantā.

Dānaṃ anitṭhaphalaṃ akantaphalaṃ amanuññaphalaṃ secanakaphalaṃ dukkhindriyaṃ<sup>1</sup> dukkhavipākaṃ ti?

Nanu dānaṃ itṭhaphalaṃ kantaphalaṃ manuññaphalaṃ asecanakaphalaṃ sukhindriyaṃ sukhavipākaṃ ti?

Āmantā.

Hañci dānaṃ itṭhaphalaṃ kantaphalaṃ manuññaphalaṃ asecanakaphalaṃ sukhindriyaṃ sukhavipākaṃ, tena vata re vattabbe “Cetasiko dhammo dānan ti.”

3. Dānaṃ itṭhaphalaṃ vuttaṃ Bhāgavatā, cīvaraṃ dānan ti?

Āmantā.

Cīvaraṃ itṭhaphalaṃ kantaphalaṃ manuññaphalaṃ asecanakaphalaṃ sukhindriyaṃ sukhavipākaṃ ti?

Na h'evaṃ vattabbe—pe—

Dānaṃ itṭhaphalaṃ vuttaṃ Bhāgavatā, piṇḍapāto, senāsanam, gilānapaccayabhesajjaparikkhāro dānan ti?

Āmantā.

Gilānapaccayabhesajjaparikkhāro itṭhaphalo kantaphalo manuññaphalo asecanakaphalo sukhindriyo sukhavipāko ti?

Na h'evaṃ vattabbe—pe—

4. Na vattabbaṃ “Cetasiko dhammo dānan ti”?

Āmantā.

Nanu vuttaṃ Bhāgavatā—

<sup>1</sup> dukkhudrayaṃ, M.K.

“ Saddhā hiriyam<sup>1</sup> kusalañ ca dānaṃ  
 Dhammā ete sappurisānuyātā  
 Etaṃ hi maggaṃ diviyam vadanti<sup>2</sup>  
 Etena hi gacchati devalokan ti.”

Atth'eva suttanto ti?

Āmantā.

Tena hi cetasiko dhammo dānan ti.

5. Na vattabbaṃ “ Cetasiko dhammo dānan ti ”?

Āmantā.

Nanu vuttaṃ Bhagavatā — “ Pañc'imāni Bhikkhave dānāni mahādānāni aggaññāni rattaññāni vaṃsaññāni porāṇāni asaṃkiṇṇāni asaṃkiṇṇapubbāni na saṃkiyanti, na saṃkiyissanti, appaṭikuṭṭhāni samaṇehi brāhmaṇehi viññūhi. Katamāni pañca? Idha Bhikkhave ariyasāvako pāṇātipātaṃ pahāya pāṇātipātā paṭivirato hoti, pāṇātipātā paṭivirato Bhikkhave ariyasāvako aparimāṇānaṃ sattānaṃ abhayaṃ deti, averaṃ deti, abyāpajjhaṃ deti, aparimāṇānaṃ sattānaṃ abhayaṃ datvā, averaṃ datvā, abyāpajjhaṃ datvā aparimāṇassa abhayassa averassa abyāpajjhassa bhāgi hoti: idaṃ Bhikkhave paṭhamam dānaṃ mahādānaṃ aggaññaṃ rattaññaṃ vaṃsaññaṃ porāṇam asaṃkiṇṇam asaṃkiṇṇapubbaṃ na saṃkiyati, na saṃkiyissati, appaṭikuṭṭham samaṇehi brāhmaṇehi viññūhi. Puna ca param Bhikkhave ariyasāvako adinnādāyaṃ pahāya—pe—kāmesu micchācāraṃ pahāya—pe—musāvādaṃ pahāya — pe — surāmerayamajjapamādaṭṭhānaṃ pahāya surāmerayamajjapamādaṭṭhānā paṭivirato hoti, surāmerayamajjapamādaṭṭhānā paṭivirato Bhikkhave ariyasāvako aparimāṇānaṃ sattānaṃ abhayaṃ deti, averaṃ deti, abyāpajjhaṃ deti, aparimāṇānaṃ sattānaṃ abhayaṃ datvā, averaṃ datvā, abyāpajjhaṃ datvā aparimāṇassa abhayassa averassa abyāpajjhassa bhāgi hoti: idaṃ Bhik-

<sup>1</sup> viriyam, P.S.<sub>2</sub>.

<sup>2</sup> dibbaṃ caranti, P.S.S.<sub>2</sub>.; dibbaṃ c'ayaṃ vadanti, M.; diviyam vadanti, K.

khave pañcamam dānam mähādānam aggaññam rattaññam vaṃsaññam porānam asaṃkiṇṇam asaṃkiṇṇapubbam na saṃkiyati, na saṃkiyissati, appaṭikuṭṭham samaṇehi brāhmaṇehi viññūhi. Imāni kho Bhikkhave pañca dānāni mahādānāni aggaññāni rattaññāni vaṃsaññāni porānāni asaṃkiṇṇāni asaṃkiṇṇapubbāni na saṃkiyanti, na saṃkiyissanti, appaṭikuṭṭhāni samaṇehi brāhmaṇehi viññuhīti.”

Atth'eva suttanto ti?

Āmantā.

Tena hi cetasiko dhammo dānan ti.

6. Na vattabham “Deyyadhammo dānan ti”?

Āmantā.

Nanu vuttam Bhagavatā—“Idh'ekacco annam deti, pānam deti, vattham deti, yānam deti, mālam deti, gandham deti, vilepanam deti, seyyam deti, āvasatham deti, padīpeyyam detīti.”

Atth'eva suttanto ti?

Āmantā.

Tena hi deyyadhammo dānan ti.

7. Deyyadhammo dānan ti?

Āmantā.

Deyyadhammo iṭṭhaphalo kantaphalo manuññaphalo asecanakaphalo sukhindriyo sukhavipāko ti?

Na h'evam vattabbe—pe—

Dānam iṭṭhaphalam vuttam Bhagavatā, cīvaram dānan ti?

Āmantā.

Cīvaram iṭṭhaphalam kantaphalam manuññaphalam asecanakaphalam sukhindriyam sukhavipākan ti?

Na h'evam vattabbe—pe—

Dānam iṭṭhaphalam vuttam Bhagavatā, piṇḍapāto dānam, senāsanam dānam, gilānapaccayabhesajjaparikkhāro dānan ti?

Āmantā.

Gilānapaccayabhesajjaparikkhāro iṭṭhaphalo kantaphalo manuññaphalo asecanakaphalo sukhindriyo sukhavipāko ti?

Na h'evaṃ vattabbe—pe—

Tena hi na vattabbaṃ “Deyyadhammo dānaṃ ti.”

D ā n a k a t h ā .

VII. 5.

1. Paribhogamayaṃ puññaṃ vaḍḍhatīti<sup>1</sup> ?

Āmantā.

Paribhogamayo phasso vaḍḍhati, vedanā vaḍḍhati, saññā vaḍḍhati, cetanā vaḍḍhati, cittaṃ vaḍḍhati, saddhā vaḍḍhati, viriyaṃ vaḍḍhati, sati vaḍḍhati, samādhi vaḍḍhati, paññā vaḍḍhatīti ?

Na h'evaṃ vattabbe—pe—

Paribhogamayaṃ puññaṃ vaddhatīti ?

Āmantā.

Latā viya vaḍḍhati, māluvā viya vaḍḍhati, rukkho viya vaḍḍhati, tiṇaṃ viya vaḍḍhati, puñjapuñjo viya vaḍḍhatīti ?

Na h'evaṃ vattabbe—pe—

2. Paribhogamayaṃ puññaṃ vaḍḍhatīti ?

Āmantā.

Dāyako dānaṃ datvā na samannāharati, hoti puññaṃ ti ?

Āmantā.

Anāvaṭṭantassa<sup>2</sup> hoti, anābhogassa hoti, asamannāharantassa hoti, amanasikarontassa hoti, acetayantassa hoti, apatthayantassa hoti, apanīdahantassa hotīti ?

Na h'evaṃ vattabbe—pe—

Nanu āvaṭṭantassa hoti, ābhogassa hoti, samannāharantassa hoti, manasikarontassa hoti, cetayantassa hoti, patthayantassa hoti, paṇīdahantassa hotīti ?

Āmantā.

<sup>1</sup> samvaḍḍhati, P.S.

<sup>2</sup> anāvajjantassa, K. ; Aṭṭhakathā gives both vajj° and vaṭṭ°.

Hañci āvaṭṭantassa hoti, ābhogassa hoti, samannāharantassa hoti, manasikarontassa hoti, cetayantassa hoti, patthayantassa hoti, paṇidahantassa hoti, no vata re vattabbe “ Paribhogamayam puññaṃ vaḍḍhatīti.”

3. Paribhogamayam puññaṃ vaddhatīti?

Āmantā.

Dāyako dānaṃ datvā kāmavitakkaṃ vitakketi, byāpādavitaṅkaṃ vitakketi, vihiṃsāvitaṅkaṃ vitakketi, hoti puññaṃ ti?

Āmantā.

Dvinnam phassānam<sup>1</sup>—pe—dvinnam cittānam samodhānam hotīti?

Na h'evaṃ vattabbe—pe—

Dvinnam phassānam—pe—dvinnam cittānam samodhānam hotīti?

Āmantā.

Kusalākusalā sāvajjānavajjā hīnappaṇītā kaṇhasukkasappaṭibhāgā dhammā sammukhībhāvaṃ āgacchantīti?

Na h'evaṃ vattabbe—pe—

Kusalākusalā<sup>2</sup> sāvajjānavajjā hīnappaṇītā kaṇhasukkasappaṭibhāgā dhammā sammukhībhāvaṃ āgacchantīti?

Āmantā.

Nanu vuttaṃ Bhagavatā—“ Cattār'imāni Bhikkhave suvidūravidūrāni. Katamāni cattāri? Nabhañ ca Bhikkhave paṭhavī ca idaṃ paṭhamaṃ suvidūravidūram; orimañ ca Bhikkhave tīraṃ samuddassa pārīmañ ca tīraṃ idaṃ dutiyaṃ suvidūravidūram; yato ca Bhikkhave verocano abbhudeti yattha ca atthameti, idaṃ tatiyaṃ suvidūravidūram, satañ ca Bhikkhave dhammo<sup>3</sup> asatañ ca dhammo, idaṃ catutthaṃ suvidūravidūram: imāni kho Bhikkhave cattāri suvidūravidūrānīti.

Nabhañ ca dūre paṭhavī ca dūre,

Pāraṃ samuddassa tadāhu dūre,

<sup>1</sup> phalānam, P.S.S<sub>2</sub>. ; P.S.S<sub>2</sub>. omit the next two lines down to hīnappaṇītā.

<sup>2</sup> P.S.S<sub>2</sub> omit this question.

<sup>3</sup> dhammā, K.

Yato ca verocano abbhudeti  
 Pabhaṅkaro yattha ca atthameti,  
 Tato h'eva dūrataramaṃ vadanti  
 Sataṅ ca dhammaṃ asataṅ ca dhammaṃ ;  
 Abyāyiko hoti sataṃ samāgamo  
 Yāvam pi tiṭṭheyya tath'eva hoti  
 Khippamaṃ haveti<sup>1</sup> asataṃ samāgamo  
 Tasmā sataṃ dhammo asabbhi ārakā ti."

Atth'eva suttanto ti?

Āmantā.

Tena hi na vattabbaṃ "Kusalākusalā sāvajjānavajjā  
 hīnappaṇītā kaṇhasukkasappaṭibhāgā dhammā sammukhībhāvaṃ āgacchantīti."

4. Na vattabbaṃ "Paribhogamayaṃ puññaṃ vaḍḍhatīti"?

Āmantā.

Nanu vuttaṃ Bhagavatā—

"Ārāmaropā vanaropā  
 Ye janā setukārakā  
 Papaṅ ca udapānaṅ ca  
 Ye dadanti upassayaṃ,<sup>2</sup>  
 Tesam divā ca ratto ca  
 Sadā puññaṃ pavaḍḍhati,  
 Dhammaṭṭhā silasampannā  
 Te janā saggagāmino ti."

Atth'eva suttanto ti?

Āmantā.

Tena hi paribhogamayaṃ puññaṃ vaḍḍhatīti.

5. Na vattabbaṃ "Paribhogamayaṃ puññaṃ vaḍḍhatīti"?

Āmantā.

Nanu vuttaṃ Bhagavatā—"Cattāro'me Bhikkhave

<sup>1</sup> haveti, M.K. ; hi veti, Morris, Aṅg. iv. 47.

<sup>2</sup> upāsayaṃ, P.

puññābhisandā kusalābhisandā sukhass'āhārā sovaggikā sukhavipākā saggasaṃvatttanikā iṭṭhāya kantāya manāpāya hitāya sukhāya saṃvattanti. Katame cattāro? Yassa Bhikkhave bhikkhu cīvaraṃ paribhuñjamāno appamānaṃ cetosamādhiṃ upasampajja viharati, appamāno tassa puññābhisando kusalābhisando sukhass'āhāro sovaggiko sukhavipāko saggasaṃvatttaniko iṭṭhāya kantāya manāpāya hitāya sukhāya saṃvattati; yassa Bhikkhave bhikkhu piṇḍapātaṃ paribhuñjamāno—pe—senāsaṇaṃ paribhuñjamāno—pe—gilānapaccayabhesajjaparikkhāraṃ paribhuñjamāno appamānaṃ cetosamādhiṃ upasampajja viharati, appamāno tassa puññābhisando kusalābhisando sukhass'āhāro sovaggiko sukhavipāko saggasaṃvatttaniko iṭṭhāya kantāya manāpāya hitāya sukhāya saṃvattanti. Ime kho Bhikkhave cattāro puññābhisandā kusalābhisandā sukhass'āhārā sovaggikā sukhavipākā saggasaṃvatttanikā iṭṭhāya kantāya manāpāya hitāya sukhāya saṃvattantīti.”

Atth'eva suttanto ti ?

Āmantā.

Tena hi paribhogamayaṃ puññaṃ vaḍḍhatīti.

6. Paribhogamayaṃ puññaṃ vaḍḍhatīti ?

Āmantā.

Dāyako dānaṃ deti, paṭiggāhako paṭiggahetvā na pari-  
bhuñjati chaḍḍeti vissajjeti, hoti puññaṃ ti ?

Āmantā.

Hañci dāyako dānaṃ deti, paṭiggāhako paṭiggahetvā  
na paribhuñjati chaḍḍeti vissajjeti, hoti puññaṃ, no vata  
re vattabbe “ Paribhogamayaṃ puññaṃ vaḍḍhatīti.”

7. Paribhogamayaṃ puññaṃ vaḍḍhatīti ?

Āmantā.

Dāyako dānaṃ deti, paṭiggāhake paṭiggahite rājāno vā  
haranti, corā vā haranti, aggi vā ḍahati, udakaṃ vā  
vahati, appiyā vā dāyādā haranti, hoti puññaṃ ti ?

Āmantā.

Hañci dāyako dānaṃ deti, paṭiggāhake paṭiggahite  
rājāno vā haranti, corā vā haranti, aggi vā ḍahati, udakaṃ  
vā vahati, appiyā vā dāyādā haranti, hoti puññaṃ, no

vata re vattabbe “ Paribhogamayam puññam vadḍhatīti.”

Paribhogamayapuññakathā.

VII. 6.

1. Ito dinnena tattha yāpentīti?

Āmantā.

Ito cīvaram denti, tam cīvaram tattha paribhuñjantīti?

Na h’evam vattabbe—pe—

Ito piṇḍapātam denti, ito senāsanam denti, ito gilānapaccayabhesajjaparikkhāram denti, ito khādanīyam denti, ito bhojanīyam denti, ito pānīyam denti, tattha paribhuñjantīti?

Na h’evam vattabbe—pe—

Ito dinnena tattha yāpentīti?

Āmantā.

Añño aññassa kārako, parakatam sukhadukkham añño karoti, añño paṭisaṃvedetīti?

Na h’evam vattabbe—pe—

2. Na vattabbam “ Ito dinnena tattha yāpentīti ”?

Āmantā.

Nanu petā attano atthāya dānam dentam anumodenti, cittam pasādenti, pītiṃ uppādenti, somanassam paṭilabbhantīti?

Āmantā.

Hañci petā attano atthāya dānam dentam anumodenti, cittam pasādenti, pītiṃ uppādenti, somanassam paṭilabbhanti, tena vata re vattabbe “ Ito dinnena tattha yāpentīti.”

3. Na vattabbam “ Ito dinnena tattha yāpentīti ”?

Āmantā.

Nanu vuttam Bhagavatā—

“ Unname<sup>1</sup> udakam vuttham  
Yathā ninnaṃ pavattati,

<sup>1</sup> unnate, K.

Evameva ito dinnam  
 Petānam upakappati.  
 Yathā vārivahā pūrā  
 Paripūrenti sāgaram,  
 Evameva ito dinnam  
 Petānam upakappati.  
 Na hi tattha kasī atthi  
 Gorakkh'ettha<sup>1</sup> na vijjati,  
 Vanijjā<sup>2</sup> tādisi n'atthi  
 Hiraññena kayakkayam,  
 Ito dinnena yāpenti  
 Petā kālakatā tahin ti."

Atth'eva suttanto ti ?

Āmantā.

Tena hi ito dinnena tattha yāpentīti.

4. Na vattabham " Ito dinnena tattha yāpentīti " ?

Āmantā.

Nanu vuttam Bhagavatā—" Pañc'imāni Bhikkhave  
 ṭhāṇāni sampassantā mātāpitaro puttam icchanti kule  
 jāyamānam. Katamāni pañca ? Bhaṭo vā no bharissati,<sup>3</sup>  
 kiccam vā no karissati, kulavamso<sup>4</sup> ciram thassati, dayājjam  
 paṭipajjati,<sup>5</sup> atha vā pana petānam kālakatānam dakkhi-  
 nam anuppadassati<sup>6</sup> : imāni kho Bhikkhave pañca ṭhāṇāni  
 sampassantā mātāpitaro puttam icchanti kule jāyamānan  
 ti.

Pañca ṭhāṇāni sampassam  
 Puttam icchanti paṇḍitā  
 Bhato vā no bharissati,  
 Kiccam vā no karissati,  
 Kulavamso ciram<sup>7</sup> tiṭṭhe  
 Dāyajjam paṭipajjati,<sup>8</sup>

<sup>1</sup> ettam, P. ; etta, M.

<sup>3</sup> kirissati, P. ; karissati, S.

<sup>5</sup> me paṭipajjissati, M.

<sup>7</sup> cīvare, S. ; cīre, P.

<sup>2</sup> vānijā, M.

<sup>4</sup> kusalam vā so, P.

<sup>6</sup> anupatissa, P.S<sub>2</sub>.

<sup>8</sup> paṭipajjinati, M.

Atha vā pana petānaṃ  
 Dakkhiṇaṃ anuppadassati,<sup>1</sup>  
 Thāṇān'etāni sampassaṃ  
 Puttaṃ icchanti paṇḍitā.  
 Tasmā santo sappurisā  
 Kataññū katavedino  
 Bharanti<sup>2</sup> mātāpitaro  
 Pubbe kataṃ anussaraṃ,  
 Karonti tesāṃ kiccāni  
 Yathā taṃ pubbakāriṇaṃ,<sup>3</sup>  
 Ovādakāri bhaṭṭaposi<sup>4</sup>  
 Kulavaṃsaṃ ahāpayāṃ  
 Saddho sīlena sampanno  
 Putto hoti pasamsiyo<sup>5</sup> ti."

Atth'eva suttanto ti?

Āmantā.

Tena hi ito dinnena tattha yāpentīti.

Ito dinnakathā.

## VII. 7.

1. Paṭhavī kammavipāko ti?

Āmantā.

Sukhavedanīyā dukkhavedanīyā adukkhamasukhave-  
 danīyā sukhāya vedanāya sampayuttā dukkhāya vedanāya  
 sampayuttā adukkhamasukhāya vedanāya sampayuttā  
 phassena sampayuttā vedanāya sampayuttā saññāya sampa-  
 yuttā cetanāya sampayuttā cittaena sampayuttā sārammaṇā,  
 atthi tāya āvaṭṭanā<sup>6</sup> ābhogo samannāhāro manasikāro  
 cetanā patthanā paṇidhīti?

<sup>1</sup> anupatisati, P.S<sub>2</sub>; anupati-passati, S.      <sup>2</sup> aranti, S.

<sup>3</sup> pubbatādināṃ, P.S.S<sub>2</sub>.      <sup>4</sup> athaposi, S.

<sup>5</sup> samphassīyo, P.; sampassibho, S.; sampassīyo, S<sub>2</sub>.

<sup>6</sup> āvajjanā, K.

Na h'evaṃ vattabbe—pe—

Nanu na sukhavedaniyā na dukkhavedaniyā na adukkhamasukhavedaniyā na sukhāya vedanāya sampayuttā na dukkhāya vedanāya sampayuttā na adukkhamasukhāya vedanāya sampayuttā na phassena sampayuttā na vedanāya sampayuttā na saññāya sampayuttā na cetanāya sampayuttā na cittena sampayuttā, anārammaṇā, n'atthi tāya āvaṭṭanā ābhogo samannāhāro manasikāro cetanā patthanā paṇidhīti?

Āmantā.

Hañci na sukhavedaniyā—pe—anārammaṇā, n'atthi tāya āvaṭṭanā ābhogo samannāhāro manasikāro cetanā patthanā paṇidhi, no vata re vattabbe “Paṭhavī kammavipāko ti.”

2. Phasso kammavipāko phasso sukhavedaniyo dukkhavedaniyo adukkhamasukhavedaniyo, sukhāya vedanāya sampayutto, dukkhāya—pe—adukkhamasukhāya vedanāya sampayutto, phassena sampayutto, vedanāya sampayutto, saññāya sampayutto, cetanāya sampayutto, cittena sampayutto, sārammaṇā, atthi tassa āvaṭṭanā—pe—paṇidhīti?

Āmantā.

Paṭhavī kammavipāko paṭhavī sukhavedaniyā dukkhavedaniyā adukkhamasukhavedaniyā, sukhāya vedanāya sampayuttā, dukkhāya—pe—adukkhamasukhāya vedanāya sampayuttā, phassena sampayuttā, vedanāya sampayuttā, saññāya sampayuttā, cetanāya sampayuttā, cittena sampayuttā, sārammaṇā, atthi tāya āvaṭṭanā—pe—paṇidhīti?

Na h'evaṃ vattabbe—pe—

Paṭhavī kammavipāko, paṭhavī na sukhavedaniyā, na dukkhavedaniyā—pe—anārammaṇā, n'atthi tāya āvaṭṭanā—pe—paṇidhīti?

Āmantā.

Phasso kammavipāko, phasso na sukhavedaniyo, na dukkhavedaniyo—pe—anārammaṇo, n'atthi tassa āvaṭṭanā—pe—paṇidhīti?

3. Paṭhavī kammavipāko ti?

Āmantā.

Paṭhavī paggahaniggahūpagā chedanabhedanūpagā ti?

Āmantā.

Kammavipāko paggahaniggahūpago chedanabhedanūpago ti ?

Na h'evaṃ vattabbe—pe—

Labbhā paṭhavī ketuṃ viketuṃ<sup>1</sup> āṭhapetuṃ ocinituṃ vicinituṃ ti ?

Āmantā.

Labbhā kammavipāko ketuṃ viketuṃ āṭhapetuṃ ocinituṃ vicinituṃ ti ?

Na h'evaṃ vattabbe—pe—

Paṭhavī paresaṃ sādharmaṇā ti ?

Āmantā.

Kammavipāko paresaṃ sādharmaṇo ti ?

Na h'evaṃ vattabbe—pe—

Kammavipāko paresaṃ sādharmaṇo ti ?

Āmantā.

Nanu vuttaṃ Bhagavatā—

“ Asādhāraṇam aññesaṃ  
Acoraharaṇo<sup>2</sup> nidhi,  
Kayirātha macco<sup>3</sup> puññāni  
Sace sucaritaṃ careti.”

Atth'eva suttanto ti ?

Āmantā.

Tena hi na vattabbaṃ “ Kammavipāko paresaṃ sādharmaṇo ti.”

4. Paṭhavī kammavipāko ti ?

Āmantā.

Paṭhamam paṭhavī saṅghāti,<sup>4</sup> pacchā sattā uppajjantīti ?

Āmantā.

Paṭhamam vipāko uppajjati, pacchā vipākapaṭilābhāya kammaṃ karontīti ?

Na h'evaṃ vattabbe—pe—

5. Paṭhavī sabbasattānaṃ kammavipāko ti ?

<sup>1</sup> vikketuṃ, M.

<sup>2</sup> atha corāharaṇo, P.

<sup>3</sup> kayirathammacco, P.

<sup>4</sup> sandhāti, P.

Āmantā.

Sabbe sattā paṭhavim paribhuñjantīti?

Na h'evaṃ vattabbe—pe—

Sabbe sattā paṭhavim paribhuñjantīti?

Āmantā.

Atthi keci paṭhavim aparibhuñjitvā<sup>1</sup> parinibbāyantīti?<sup>2</sup>

Āmantā.

Atthi keci kammavipākaṃ akhepetvā parinibbāyantīti?

Na h'evaṃ vattabbe—pe—

6. Paṭhavī Cakkavattisattassa kammavipāko ti?

Āmantā.

Aññe sattā paṭhavim paribhuñjantīti?

Āmantā.

Cakkavattisattassa kammavipākaṃ aññe sattā paribhuñjantīti?

Na h'evaṃ vattabbe—pe—

Cakkavattisattassa kammavipākaṃ aññe sattā paribhuñjantīti?

Āmantā.

Cakkavattisattassa phassaṃ vedanaṃ saññaṃ cetanaṃ cittaṃ saddhaṃ viriyaṃ satim samādhiṃ paññaṃ aññe sattā paribhuñjantīti?

Na h'evaṃ vattabbe—pe—

7. Na vattabbaṃ “Paṭhavī kammavipāko ti”?

Āmantā.

Nanu atthi issariyasamvattanikaṃ<sup>3</sup> kammaṃ, adhipaccasamvattanikaṃ kammaṃ ti.

Āmantā.

Hañci atthi issariyasamvattanikaṃ kammaṃ, adhipaccasamvattanikaṃ kammaṃ, tena vata re vattabbe “Paṭhavī kammavipāko ti.”

P a ṭ h a v ī k a m m a v i p ā k a k a t h ā.

<sup>1</sup> pari°, K.

<sup>2</sup> apari°, P.

<sup>3</sup> °yam, M.K.

## VII. 8.

1. Jarāmarañam vipāko ti?

Āmantā.

Sukhavedaniyam dukkhavedaniyam adukkhamasukhavedaniyam sukhāya vedanāya sampayuttam dukkhāya vedanāya sampayuttam adukkhamasukhāya vedanāya sampayuttam phassena sampayuttam vedanāya sampayuttam saññāya sampayuttam cetanāya sampayuttam cittena sampayuttam sarammaṇam, atthi tassa āvaṭṭanā ābhogo samannāhāro manasikāro cetanā patthanā paṇidhīti?

Na h'evaṃ vattabbe—pe—

Nanu na sukhavedaniyam—pe—anārammaṇam, n'atthi tassa āvaṭṭanā—pe—paṇidhīti?

Āmantā.

Hañci na sukhavedaniyam—pe—anārammaṇam, n'atthi tassa āvaṭṭanā—pe—paṇidhi, no vata re vattabbe “Jarāmarañam vipāko ti.”

2. Phasso vipāko, phasso sukhavedaniyo—pe—sarammaṇo, atthi tassa āvaṭṭanā—pe—paṇidhīti?

Āmantā.

Jarāmarañam vipāko, jarāmarañam sukhavedaniyam—pe—sarammaṇam, atthi tassa āvaṭṭanā—pe—paṇidhīti?

Na h'evaṃ vattabbe—pe—

Jarāmarañam vipāko, jarāmarañam na sukhavedaniyam—pe—anārammaṇam, n'atthi tassa āvaṭṭanā—pe—paṇidhīti?

Āmantā.

Phasso vipāko, phasso na sukhavedaniyo—pe—anārammaṇo, n'atthi tassa āvaṭṭanā—pe—paṇidhīti?

Na h'evaṃ vattabbe—pe—

3. Akusalānam dhammānam jarāmarañam akusalānam dhammānam vipāko ti?

Āmantā.

Kusalānam dhammānam jarāmarañam kusalānam dhammānam vipāko ti?

Na h'evaṃ vattabbe—pe—

Kusalānaṃ dhammānaṃ jarāmaṇaṃ na vattabbaṃ  
“ Kusalānaṃ dhammānaṃ vipāko ti ” ?

Āmantā.

Akusalānaṃ dhammānaṃ jarāmaṇaṃ na vattabbaṃ  
“ Akusalānaṃ dhammānaṃ vipāko ti ” ?

Na h'evaṃ vattabbe—pe—

4. Kusalānaṃ dhammānaṃ jarāmaṇaṃ akusalānaṃ  
dhammānaṃ vipāko ti ?

Āmantā.

Akusalānaṃ dhammānaṃ jarāmaṇaṃ kusalānaṃ  
dhammānaṃ vipāko ti ?

Na h'evaṃ vattabbe—pe—

Akusalānaṃ dhammānaṃ jarāmaṇaṃ na vattabbaṃ  
“ Kusalānaṃ dhammānaṃ vipāko ti ” ?

Āmantā.

Kusalānaṃ dhammānaṃ jarāmaṇaṃ na vattabbaṃ  
“ Akusalānaṃ dhammānaṃ vipāko ti ” ?

Na h'evaṃ vattabbe—pe—

5. Kusalānaṃ ca akusalānaṃ ca dhammānaṃ jarāmaṇaṃ  
akusalānaṃ dhammānaṃ vipāko ti ?

Āmantā.

Kusalānaṃ ca akusalānaṃ ca dhammānaṃ jarāmaṇaṃ  
kusalānaṃ dhammānaṃ vipāko ti ?

Na h'evaṃ vattabbe—pe—

Kusalānaṃ ca akusalānaṃ ca dhammānaṃ jarāmaṇaṃ  
na vattabbaṃ “ Kusalānaṃ dhammānaṃ vipāko ti ” ?

Āmantā.

Kusalānaṃ ca akusalānaṃ ca dhammānaṃ jarāmaṇaṃ  
na vattabbaṃ “ Akusalānaṃ dhammānaṃ vipāko  
ti ” ?

Na h'evaṃ vattabbe—pe—

6. Na vattabbaṃ “ Jarāmaṇaṃ vipāko ti ” ?

Āmantā.

Nanu atthi dubbaṇṇasaṃvattanikaṃ kammaṃ, appā-  
yukasaṃvattanikaṃ kamman ti ?

Āmantā.

Hañci atthi dubbaṇṇasaṃvattanikaṃ kammaṃ, appāyu-

kaṣaṇvattanikaṃ kammaṃ, tena vata re vattabbe “Jarā-  
maraṇaṃ vipāko ti.”

Jarā maraṇaṃ vipāko ti kathā.

VII. 9.

1. N’atthi ariyadhammavipāko ti ?

Āmantā.

Nanu mahapphalaṃ sāmaññaṃ, mahapphalaṃ brah-  
maññaṃ ti ?

Āmantā.

Hañci mahapphalaṃ sāmaññaṃ, mahapphalaṃ brah-  
maññaṃ, no vata re vattabbe “N’atthi ariyadhammavi-  
pāko ti.”

2. N’atthi ariyadhammavipāko ti ?

Āmantā.

Nanu atthi sotāpattiphalaṃ ti ?

Āmantā.

Hañci atthi sotāpattiphalaṃ, no vata re vattabbe  
“N’atthi ariyadhammavipāko ti.”

Nanu atthi sakadāgāmiphalaṃ—pe—anāgāmiphalaṃ—  
pe—arahattaphalaṃ ti ?

Āmantā.

Hañci atthi arahattaphalaṃ, no vata re vattabbe  
“N’atthi ariyadhammavipāko ti.”

3. Sotāpattiphalaṃ na vipāko ti ?

Āmantā.

Dānaphalaṃ na vipāko ti ?

Na h’evaṃ vattabbe—pe—

Sotāpattiphalaṃ na vipāko ti ?

Āmantā.

Silaphalaṃ—pe—bhāvanāphalaṃ na vipāko ti ?

Na h’evaṃ vattabbe—pe—

Sakadāgāmiphalaṃ—pe—anāgāmiphalaṃ—pe—arahat-  
taphalaṃ na vipāko ti ?

Āmantā.

Dānaphalaṃ na vipāko ti?  
 Na h'evaṃ vattabbe—pe—  
 Arahattaphalaṃ na vipāko ti?

Āmantā.

Silaphalaṃ—pe—bhāvanāphalaṃ na vipāko ti?  
 Na h'evaṃ vattabbe—pe—  
 4. Dānaphalaṃ vipāko ti?

Āmantā.

Sotāpattiphalaṃ vipāko ti?  
 Na h'evaṃ vattabbe—pe—  
 Dānaphalaṃ vipāko ti?

Āmantā.

Sakadāgāmiphalaṃ—pe—anāgāmiphalaṃ—pe—arahat-  
 taphalaṃ vipāko ti?

Na h'evaṃ vattabbe—pe—

Silaphalaṃ—pe—bhāvanāphalaṃ vipāko ti?

Āmantā.

Sotāpattiphalaṃ vipāko ti?  
 Na h'evaṃ vattabbe—pe—  
 Bhāvanāphalaṃ vipāko ti?

Āmantā.

Sakadāgāmiphalaṃ—pe—anāgāmiphalaṃ—pe—arahat-  
 taphalaṃ vipāko ti?

Na h'evaṃ vattabbe—pe—

5. Kāmāvacaraṃ kusalaṃ savipākaṃ ti?

Āmantā.

Lokuttaraṃ kusalaṃ savipākaṃ ti?

Na h'evaṃ vattabbe—pe—

Rūpāvacaraṃ kusalaṃ—pe—arūpāvacaraṃ kusalaṃ  
 savipākaṃ ti?

Āmantā.

Lokuttaraṃ kusalaṃ savipākaṃ ti?

Na h'evaṃ vattabbe—pe—

Lokuttaraṃ kusalaṃ avipākaṃ ti?

Āmantā.

Kāmāvacaraṃ kusalaṃ avipākaṃ ti?

Na h'evaṃ vattabbe—pe—

Lokuttaraṃ kusalaṃ avipākaṃ ti?

Āmantā.

Rūpāvacaraṃ kusalaṃ — pe — arūpāvacaraṃ kusalaṃ  
avipākaṃ ti ?

Na h'evaṃ vattabbe—pe—

6. Kāmāvacaraṃ kusalaṃ savipākaṃ ācayagāmiṃ ?<sup>1</sup>

Āmantā.

Lokuttaraṃ kusalaṃ savipākaṃ ācayagāmiṃ ?

Na h'evaṃ vattabbe—pe—

Rūpāvacaraṃ kusalaṃ — pe — arūpāvacaraṃ kusalaṃ  
savipākaṃ ācayagāmiṃ ?

Āmantā.

Lokuttaraṃ kusalaṃ savipākaṃ ācayagāmiṃ ?

Na h'evaṃ vattabbe—pe—

Lokuttaraṃ kusalaṃ savipākaṃ apacayagāmiṃ ?

Āmantā.

Kāmāvacaraṃ kusalaṃ savipākaṃ apacayagāmiṃ ?

Na h'evaṃ vattabbe—pe—

Lokuttaraṃ kusalaṃ savipākaṃ apacayagāmiṃ ?

Āmantā.

Rūpāvacaraṃ kusalaṃ — pe — arūpāvacaraṃ kusalaṃ  
savipākaṃ apacayagāmiṃ ?

Na h'evaṃ vattabbe—pe—

A r i y a d h a m m a v i p ā k a k a t h ā.

---

VII. 10.

1. Vipāko vipākadhammadhammo ti ?

Āmantā.

Tassa vipāko vipākadhammadhammo ti ?

Na h'evaṃ vattabbe—pe—

Tassa vipāko vipākadhammadhammo ti ?

Āmantā.

Tassa tass'eva n'atthi dukkhassa antakiriyaṃ, n'atthi  
vaṭṭupacchedo, n'atthi anupādāparinibbānaṃ ti ?

---

<sup>1</sup> °gāmin ti, M.

Na h'evaṃ vattabbe—pe—

2. Vipāko vipākadhammadhammo ti?

Āmantā.

Vipāko ti vā vipākadhammadhammo ti vā, vipākadhammadhammo ti vā, vipāko ti vā, esese ekaṭṭhe same sabhāge tajjāte ti?

Na h'evaṃ vattabbe—pe—

3. Vipāko vipākadhammadhammo ti?

Āmantā.

Vipāko ca vipākadhammadhammo ca, vipākadhammadhammo ca vipāko ca sahaḡatā sahaḡatā saṃsaṭṭhā saṃpayuttā ekuppādā ekanirodhā ekavatthukā ekārammaṇā ti?

Na h'evaṃ vattabbe—pe—

4. Vipāko vipākadhammadhammo ti?

Āmantā.

Taṅ ñeva akusalaṃ so akusalassa vipāko, taṅ ñeva kusalaṃ so kusalassa vipāko ti?

Na h'evaṃ vattabbe—pe—

Vipāko vipākadhammadhammo ti?

Āmantā.

Yen'eva cittaena pāṇaṃ hanati, ten'eva cittaena niraye paccati : yen'eva cittaena dānaṃ deti, ten'eva cittaena sagge modatīti?

Na h'evaṃ vattabbe—pe—

5. Na vattabbaṃ “ Vipāko vipākadhammadhammo ti ” ?

Āmantā.

Nanu vipākā cattāro khandhā arūpino <sup>1</sup> aññaamañña-paccayā ti?

Āmantā.

Hañci vipākā cattāro khandhā arūpino aññaamañña-paccayā, tena vata re vattabbe “ Vipāko vipākadhammadhammo ti.”

V i p ā k a d h a m m a d h a m m o t i k a t h ā .

<sup>1</sup> arūpā no, P.

## S a t t a m o V a g g o .

Saṅgaho, Sampayutto, Cetasiko dhammo,  
 Cetasikaṃ dānaṃ, Paribhogamayaṃ puññaṃ vaḍḍhati,  
 Ito dinnena tattha yāpentīti, Paṭhavī kammavipāko,  
 Jarāmaraṇaṃ vipāko, N'atthi ariyadhammavipāko ti,  
 Vipāko vipākadhammadhammo ti.

## VIII. 1.

1. Cha gatiyo ti?

Āmantā.

Nanu pañca gatiyo vuttā Bhagavatā, Nirayo, Tiracchānayani, Pettivisayo, Manussā, Devā ti?

Āmantā.

Hañci pañca gatiyo vuttā Bhagavatā, Nirayo, Tiracchānayani, Pettivisayo, Manussā, Devā, no vata re vattabbe “Cha gatiyo ti.”

2. Cha gatiyo ti?

Āmantā.

Nanu Kālakañjakā<sup>1</sup> Asurā petānaṃ samānavañṇā samānabhogā samānāhārā samānāyukā petehi saha āvāhavivāhaṃ gacchantīti?

Āmantā.

Hañci Kālakañjakā Asurā petānaṃ samānavañṇā samānabhogā samānāhārā samānāyukā petehi saha āvāhavivāhaṃ gacchanti, no vata re vattabbe “Cha gatiyo ti.”

3. Cha gatiyo ti?

Āmantā.

Nanu Vepacittiparisā Devānaṃ samānavañṇā samānabhogā samānāhārā samānāyukā Devehi saha āvāhavivāhaṃ gacchantīti?

Āmantā.

Hañci Vepacittiparisā Devānaṃ samānavañṇā samānabhogā samānāhārā samānāyukā Devehi saha āvāhavivāhaṃ gacchanti, no vata re vattabbe “Cha gatiyo ti.”

4. Cha gatiyo ti?

Āmantā.

Nanu Vepacittiparisā pubbadevā ti?

Āmantā.

Hañci Vepacittiparisā pubbadevā, no vata re vattabbe “Cha gatiyo ti.”

5. Na vattabbaṃ “Cha gatiyo ti”?

Āmantā.

<sup>1</sup> kālakatā, P.

Nanu atthi asurakāyo ti ?

Āmantā.

Hañci atthi asurakāyo, tena vata re vattabbe “Cha gatiyo ti.”

G a t i k a t h ā.

VIII. 2.

1. Atthi antarābhavo ti ?

Āmantā.

Kāmabhavo ti ?

Na h'evaṃ vattabbe—pe—

Atthi antarābhavo ti ?

Āmantā.

Rūpabhavo ti ?

Na h'evaṃ vattabbe—pe—

Atthi antarābhavo ti ?

Āmantā.

Arūpabhavo ti ?

Na h'evaṃ vattabbe—pe—

2. Atthi antarābhavo ti ?

Āmantā.

Kāmabhavassa ca rūpabhavassa ca antare atthi antarābhavo ti ?

Na h'evaṃ vattabbe—pe—

Atthi antarābhavo ti ?

Āmantā.

Rūpabhavassa ca arūpabhavassa ca antare atthi antarābhavo ti ?

Na h'evaṃ vattabbe—pe—

3. Kāmabhavassa ca rūpabhavassa ca antare n'atthi antarābhavo ti ?

Āmantā.

Hañci kāmabhavassa ca rūpabhavassa ca antare n'atthi antarābhavo, no vata re vattabbe “Atthi antarābhavo ti.”

Rūpabhavassa ca arūpabhavassa ca antare n'atthi antarābhavo ti ?

Āmantā.

Hañci rūpabhavassa ca arūpabhavassa ca antare n'atthi antarābhavo, no vata re vattabbe "Atthi antarābhavo ti."

4. Atthi antarābhavo ti?

Āmantā.

Pañcamī sā yoni, chaṭṭhamī sā gati, aṭṭhamī sā viññāṇaṭṭhiti, dasamo so sattāvāso ti?

Na h'evaṃ vattabbe—pe—

Atthi antarābhavo ti?

Āmantā.

Antarābhavo bhavo gati sattāvāso saṃsāro yoni viññāṇaṭṭhiti attabhāvapaṭilābho ti?

Na h'evaṃ vattabbe—pe—

Atthi antarābhavūpagaṃ kamman ti?

Na h'evaṃ vattabbe—pe—

Atthi antarābhavūpagā sattā ti?

Na h'evaṃ vattabbe—pe—

Antarābhavo sattā jāyanti, jīyanti, mīyanti, cavanti, uppajantīti?

Na h'evaṃ vattabbe—pe—

Antarābhavo atthi rūpaṃ vedanā saññā saṃkhārā viññāṇan ti?

Na h'evaṃ vattabbe—pe—

Antarābhavo pañcavokārabhavo ti?

Na h'evaṃ vattabbe—pe—

5. Atthi kāmabhavo, kāmabhavo bhavo gati sattāvāso saṃsāro yoni viññāṇaṭṭhiti attabhāvapaṭilābho ti?

Āmantā.

Atthi antarābhavo, antarābhavo bhavo gati sattāvāso saṃsāro yoni viññāṇaṭṭhiti attabhāvapaṭilābho ti?

Na h'evaṃ vattabbe—pe—

Atthi kāmabhavūpagaṃ kamman ti?

Āmantā.

Atthi antarābhavūpagaṃ kamman ti?

Na h'evaṃ vattabbe—pe—

Atthi kāmabhavūpagā sattā ti?

Āmantā.

Atthi antarābhavūpagā sattā ti?

Na h'evaṃ vattabbe—pe—

Kāmabhavē sattā jāyanti jīyanti mīyanti cavanti  
uppajjantīti?

Āmantā.

Antarābhavē sattā jāyanti jīyanti mīyanti cavanti  
uppajjantīti?

Na h'evaṃ vattabbe—pe—

Kāmabhavē atthi rūpaṃ vedanā saññā saṃkhārā  
viññāṇaṃ ti?

Āmantā.

Antarābhavē atthi rūpaṃ vedanā saññā saṃkhārā  
viññāṇaṃ ti?

Na h'evaṃ vattabbe—pe—

Kāmabhavo pañcavokārabhavo ti?

Āmantā.

Antarābhavo pañcavokārabhavo ti?

Na h'evaṃ vattabbe—pe—

6. Atthi rūpabhavo, rūpabhavo bhavo gati sattāvāso  
saṃsāro yoni viññāṇaṭṭhiti attabhāvapaṭilābho ti?

Āmantā.

Atthi antarābhavo, antarābhavo bhavo gati sattāvāso  
saṃsāro yoni viññāṇaṭṭhiti attabhāvapaṭilābho ti?

Na h'evaṃ vattabbe—pe—

Atthi rūpabhavūpagam kamman ti?

Āmantā.

Atthi antarābhavūpagam kamman ti?

Na h'evaṃ vattabbe—pe—

Atthi rūpabhavūpagā sattā ti?

Āmantā.

Atthi antarābhavūpagā sattā ti?

Na h'evaṃ vattabbe—pe—

Rūpabhavē sattā jāyanti jīyanti mīyanti cavanti  
uppajjantīti?

Āmantā.

Antarābhavē sattā jāyanti jīyanti mīyanti cavanti  
uppajjantīti?

Na h'evaṃ vattabbe—pe—

Rūpabhavē atthi rūpaṃ vedanā saññā saṃkhārā  
viññāṇaṃ ti?

Āmantā.

Antarābhavē atthi rūpaṃ vedanā saññā saṃkhārā  
viññāṇaṃ ti?

Na h'evaṃ vattaḃbe—pe—

Rūpabhavo pañcavokārabhavo ti?

Āmantā.

Antarābhavo pañcavokārabhavo ti?

Na h'evaṃ vattaḃbe—pe—

7. Atthi arūpabhavo, arūpabhavo bhavo gati sattāvāso  
saṃsāro yoni viññāṇaṭṭhiti attabhāvapaṭilābho ti?

Āmantā.

Atthi antarābhavo, antarābhavo bhavo gati sattāvāso  
saṃsāro yoni viññāṇaṭṭhiti attabhāvapaṭilābho ti?

Āmantā.

Atthi arūpabhavūpagaṃ kamman ti?

Āmantā.

Atthi antarābhavūpagaṃ kamman ti?

Na h'evaṃ vattaḃbe—pe—

Atthi arūpabhavūpagā sattā ti?

Āmantā.

Atthi antarābhavūpagā sattā ti?

Na h'evaṃ vattaḃbe—pe—

Arūpabhavē sattā jāyanti jīyanti mīyanti cavanti  
uppajjantīti?

Āmantā.

Antarābhavē sattā jāyanti jīyanti mīyanti cavanti  
uppajjantīti?

Na h'evaṃ vattaḃbe—pe—

Arūpabhavē atthi vedanā saññā saṃkhārā viññāṇaṃ  
ti?

Āmantā.

Antarābhavē atthi vedanā saññā saṃkhārā viññāṇaṃ  
ti?

Na h'evaṃ vattaḃbe—pe—

Arūpabhavo catuvokārabhavo ti?

Āmantā.

Antarābhavo catuvokārabhavo ti ?

Na h'evaṃ vattabbe—pe—

8. Atthi antarābhavo ti ?

Āmantā.

Sabbesañ ñeva sattānaṃ atthi antarābhavo ti ?

Na h'evaṃ vattabbe—pe—

Sabbesañ ñeva sattānaṃ n'atthi antarābhavo ti ?

Āmantā.

Hañci sabbesañ ñeva sattānaṃ n'atthi antarābhavo, no vata re vattabbe “ Atthi antarābhavo ti.”

9. Atthi antarābhavo ti ?

Āmantā.

Ānantarikassa<sup>1</sup> puggalassa atthi antarābhavo ti ?

Na h'evaṃ vattabbe—pe—

Ānantarikassa puggalassa n'atthi antarābhavo ti ?

Āmantā.

Hañci ānantarikassa puggalassa n'atthi antarābhavo, no vata re vattabbe “ Atthi antarābhavo ti.”

10. Na-ānantarikassa puggalassa atthi antarābhavo ti ?

Āmantā.

Ānantarikassa puggalassa atthi antarābhavo ti ?

Na h'evaṃ vattabbe—pe—

Ānantarikassa puggalassa n'atthi antarābhavo ti ?

Āmantā.

Na-ānantarikassa puggalassa n'atthi antarābhavo ti ?

Na h'evaṃ vattabbe—pe—

Nirayūpagassa puggalassa — pe — asaññasattūpagassa puggalassa—pe—arūpūpagassa puggalassa atthi antarābhavo ti ?

Na h'evaṃ vattabbe—pe—

Arūpūpagassa puggalassa n'atthi antarābhavo ti ?

Āmantā.

Hañci arūpūpagassa puggalassa n'atthi antarābhavo, no vata re vattabbe “ Atthi antarābhavo ti.”

11. Na-arūpūpagassa puggalassa atthi antarābhavo ti ?

Āmantā.

---

<sup>1</sup> anantarikassa, P.S. ; ānantariyassa, M.K.

Arūpūpagassa puggalassa atthi antarābhavo ti?

Na h'evaṃ vattabbe—pe—

Arūpūpagassa puggalassa n'atthi antarābhavo ti?

Āmantā.

Na-arūpūpagassa puggalassa n'atthi antarābhavo ti?

Na h'evaṃ vattabbe—pe—

12. Na vattabbaṃ “ Atthi antarābhavo ti ”?

Āmantā.

Nanu antarāparinibbāyī puggalo atthīti?

Āmantā.

Hanci antarāparinibbāyī puggalo atthi, tena vata re vattabbe “ Atthi antarābhavo ti.”

13. Antarāparinibbāyī puggalo atthīti katvā atthi antarābhavo ti?

Āmantā.

Upahaccaparinibbāyī puggalo atthīti katvā atthi upahaccabhavo ti?

Na h'evaṃ vattabbe—pe—

Antarāparinibbāyī puggalo atthīti katvā atthi antarābhavo ti?

Āmantā.

Asaṃkhāraparinibbāyī puggalo—pe— sasāṃkhāraparinibbāyī puggalo atthīti katvā atthi sasāṃkhārabhavo ti?

Na h'evaṃ vattabbe—pe—

A n t a r ā b h a v a k a t h ā .

### VIII. 3.

1. Pañc'eva kāmaguṇā kāmadhātū ti?

Āmantā.

Nanu atthi tappaṭisaññutto<sup>1</sup> chando ti?

Āmantā.

Hañci atthi tappaṭisaññutto chando, no vata re vattabbe “ Pañc'eva kāmaguṇā kāmadhātū ti.”

Nanu atthi tappaṭisaññutto rāgo, tappaṭisaññutto

<sup>1</sup> tappamṭisañ°, P.

chandarāgo, tappaṭisaññutto saṅkappo, tappaṭisaññutto rāgo, tappaṭisaññutto saṅkapparāgo, tappaṭisaññuttā pīti, tappaṭisaññuttam somanassam, tappaṭisaññuttam pītiso-manassan ti?

Āmantā.

Hañci atthi tappaṭisaññuttam pītiso-manassam, no vata re vattabbe “Pañc’eva kāmagaṇā kāmadhātū ti.”

2 Pañc’eva kāmagaṇā kāmadhātū ti?

Āmantā.

Manussānaṃ cakkhum na kāmadhātūti?

Na h’evaṃ vattabbe—pe—

Manussānaṃ sotaṃ—pe—manussānaṃ ghānaṃ—pe—manussānaṃ jivhā—pe—manussānaṃ kāyo—pe—manussānaṃ mano na kāmadhātūti?

Na h’evaṃ vattabbe—pe—

Manussānaṃ mano na kāmadhātūti?

Āmantā.

Nanu vuttam Bhagavatā—

“Pañca kāmagaṇā loke  
Mano chaṭṭhā paveditā,  
Ettha chandaṃ virājetvā  
Evaṃ dukkhā pamuccatīti.”

Atth’eva suttanto ti?

Āmantā.

Tena hi na vattabbam “Manussānaṃ mano na kāmadhātūti.”

3. Pañc’eva kāmagaṇā kāmadhātū ti?

Āmantā.

Kāmagaṇā bhavo gati sattāvāso saṃsāro yoni viññāṇa-ṭṭhiti attabhāvapaṭilābho ti?

Na h’evaṃ vattabbe—pe—

Atthi kāmagaṇūpagaṃ kamman ti?

Na h’evaṃ vattabbe—pe—

Atthi kāmagaṇūpagā sattā ti?

Na h’evaṃ vattabbe—pe—

Kāmagaṇe sattā jāyanti jiyanti mīyanti cavanti uppajjantīti?

Na h'evaṃ vattabbe—pe—  
Kāmaguṇe atthi rūpaṃ vedanā saññā saṃkhārā  
viññāṇan ti?

Na h'evaṃ vattabbe—pe—

Kāmaguṇā pañcavokārabhavo ti?

Na h'evaṃ vattabbe—pe—

Kāmaguṇe Sammāsambuddhā uppajjanti, Paccekasam-  
buddhā uppajjanti, sāvakayugaṃ uppajjatīti?

Na h'evaṃ vattabbe—pe—

4. Kāmadhātu bhavo gati sattāvāso saṃsāro yoni  
viññāṇaṭṭhiti attabhāvapaṭilābho ti?

Āmantā.

5. Kāmaguṇā bhavo gati sattāvāso saṃsāro yoni viññāṇaṭ-  
ṭhiti attabhāvapaṭilābho ti?

Na h'evaṃ vattabbe—pe—

Atthi kāmadhātūpagaṃ kamman ti?

Āmantā.

Atthi kāmaguṇūpagaṃ kamman ti?

Na h'evaṃ vattabbe—pe—

Atthi kāmadhātūpagā sattā ti?

Āmantā.

Atthi kāmaguṇūpagā sattā ti?

Na h'evaṃ vattabbe—pe—

Kāmadhātuyā sattā jāyanti jīyanti mīyanti cavanti  
uppajjantīti?

Āmantā.

Kāmaguṇā sattā jāyanti jīyanti mīyanti cavanti  
uppajjantīti?

Na h'evaṃ vattabbe—pe—

Kāmadhātuyā atthi rūpaṃ vedanā saññā saṃkhārā  
viññāṇan ti?

Āmantā.

Kāmaguṇā atthi rūpaṃ vedanā saññā saṃkhārā  
viññāṇan ti?

Na h'evaṃ vattabbe—pe—

Kāmadhātu pañcavokārabhavo ti?

Āmantā.

Kāmaguṇā pañcavokārabhavo ti?

Na h'evaṃ vattabbe—pe—

Kāmadhātuyā Sammāsambuddhā uppajjanti, Pacceka-sambuddhā uppajjanti, sāvakayugaṃ uppajjatīti ?

Āmantā.

Kāmaguṇā Sammāsambuddhā uppajjanti, Pacceka-sambuddhā uppajjanti, sāvakayugaṃ uppajjatīti ?

Na h'evaṃ vattabbe—pe—

5. Na vattabbaṃ “ Pañc'eva kāmaguṇā kāmadhātūti ” ?

Āmantā.

Nanu vuttaṃ Bhagavatā—“ Pañc'ime Bhikkhave kāmaguṇā. Katame pañca ? Cakkhaviññeyyā rūpā iṭṭhā kantā manāpā piyarūpā kāmūpasamhitā rajaniyā, sotaviññeyyā saddā—pe—ghānaviññeyyā gandhā—pe—jivhāviññeyyā rasā—pe—kāyaviññeyyā phoṭṭhabbā iṭṭhā kantā manāpā piyarūpā kāmūpasamhitā rajaniyā ; ime kho Bhikkhave pañca kāmaguṇā ti.” Atth'eva suttanto ti ?

Āmantā.

Tena hi pañc'eva kāmaguṇā kāmadhātūti.

### K ā m a g u ṇ a k a t h ā

#### VIII. 4.

1. Pañc'ev'āyatanā kāmā ti ?

Āmantā.

Nanu atthi tappaṭisaññutto chando ti ?

Āmantā.

Hañci atthi tappaṭisaññutto chando, no vata re vattabbe “ Pañc'ev'āyatanā kāmā ti.”

Nanu atthi tappaṭisaññutto rāgo, tappaṭisaññutto chandarāgo, tappaṭisaññutto samkappo, tappaṭisaññutto rāgo, tappaṭisaññutto samkapparāgo, tappaṭisaññuttā pīti, tappaṭisaññuttaṃ somanassaṃ, tappaṭisaññuttaṃ pītiso-manassan ti ?

Āmantā.

Hañci atthi tappaṭisaññuttaṃ pītiso-manassaṃ, no vata re vattabbe “ Pañc'ev'āyatanā kāmā ti.”

2. Na vattabbaṃ “Pañc’ev’āyatanā kāmā ti”?

Āmantā.

Nanu vuttaṃ Bhagavatā—“Pañc’ime Bhikkhave kāmāgunā. Katame pañca? Cakkhaviññeyyā rūpā iṭṭhā kantā manāpā piyarūpā kāmūpasamhitā rajanīyā, sotaviññeyyā saddā—pe—ghānaviññeyyā gandhā—pe—jivhāviññeyyā rasā—pe—kāyaviññeyyā phoṭṭhabbā iṭṭhā kantā manāpā piyarūpā kāmūpasamhitā rajanīyā; ime kho Bhikkhave pañca kāmāgunā ti.” Atth’eva suttanto ti?

Āmantā.

Tena hi pañc’ev’āyatanā kāmā ti.

3. Pañc’ev’āyatanā kāmā ti?

Āmantā.

Nanu vuttaṃ Bhagavatā—“Pañc’ime Bhikkhave kāmāgunā. Katame pañca? Cakkhaviññeyyā rūpā—pe—kāyaviññeyyā phoṭṭhabbā iṭṭhā kantā manāpā piyarūpā kāmūpasamhitā rajanīyā; ime kho Bhikkhave pañca kāmāgunā. Api ca Bhikkhave nete kāmāgunā nāma.<sup>1</sup>

Te ariyassa vinaye vuccanti  
 Saṃkapparāgo purissassa kāmo.  
 Na te kāmā yāni citrāni loke  
 Saṃkapparāgo purisassa kāmo.  
 Tiṭṭhanti citrāni tath’eva loke,  
 Ath’ettha<sup>2</sup> dhīrā vinayan ti chandan ti.”

Atth’eva suttanto ti?

Āmantā.

Tena hi na vattabbaṃ “Pañc’ev’āyatanā kāmā ti.”

K ā m a k a t h ā .

### VIII. 5.

1. Rūpino dhammā rūpadhātūti?

Āmantā.

<sup>1</sup> nām’ete, P.M.

<sup>2</sup> ath’etta, P.S., atth’ettha, M.

Rūpaṃ bhavo gati sattāvāso saṃsāro yoni viññāṇaṭṭhiti  
attabhāvapaṭilābho ti ?

Na h'evaṃ vattabbe—pe—

Atthi rūpūpagaṃ kamman ti ?

Na h'evaṃ vattabbe—pe—

Atthi rūpūpagā sattā ti ?

Na h'evaṃ vattabbe—pe—

Rūpe sattā jāyanti jīyanti mīyanti cavanti uppajjantī-  
ti ?

Na h'evaṃ vattabbe—pe—

Rūpe atthi rūpaṃ vedanā saññā saṃkhārā viññāṇan  
ti ?

Na h'evaṃ vattabbe—pe—

Rūpaṃ pañcavokārabhavo ti ?

Na h'evaṃ vattabbe—pe—

2. Rūpadhātu bhavo gati—pe—attabhāvapaṭilābho ti ?

Āmantā.

Rūpaṃ bhavo gati—pe—attabhāvapaṭilābho ti ?

Na h'evaṃ vattabbe—pe—

Atthi rūpadhātūpagaṃ kamman ti ?

Āmantā.

Atthi rūpūpagaṃ kamman ti ?

Na h'evaṃ vattabbe—pe—

Atthi rūpadhātūpagā sattā ti ?

Āmantā.

Atthi rūpūpagā sattā ti ?

Na h'evaṃ vattabbe—pe—

Rūpadhātuyā sattā jāyanti jīyanti mīyanti cavanti  
uppajjantīti ?

Āmantā.

Rūpe sattā jāyanti jīyanti mīyanti cavanti uppajjan-  
tīti ?

Na h'evaṃ vattabbe—pe—

Rūpadhātuyā atthi rūpaṃ vedanā saññā saṃkhārā  
viññāṇan ti ?

Āmantā.

Rūpe atthi rūpaṃ vedanā saññā saṃkhārā viññāṇan ti ?

Na h'evaṃ vattabbe—pe—

Rūpadhātu pañcavokārabhavo ti?

Āmantā.

Rūpaṃ pañcavokārabhavo ti?

Na h'evaṃ vattabbe—pe—

Rūpino dhammā rūpadhātu, kāmadhātuyā atthi rūpan  
ti?

Āmantā.

Sā va kāmadhātu, sā rūpadhātūti?

Na h'evaṃ vattabbe—pe—

Sā va kāmadhātu, sā rūpadhātūti?

Āmantā.

Kāmabhavena samannāgato puggalo dvīhi bhavehi sa-  
mannāgato hoti kāmabhavena ca rūpabhavena cāti?

Na h'evaṃ vattabbe—pe—

R ū p a d h ā t u k a t h ā .

### VIII. 6.

1. Arūpino dhammā arūpadhātūti?

Āmantā.

Vedanā bhavo gati sattāvāso saṃsāro yoni viññāṇaṭṭhiti  
attabhāvapaṭilābho ti?

Na h'evaṃ vattabbe—pe—

Atthi vedanūpaṅgaṃ kamman ti?

Na h'evaṃ vattabbe—pe—

Atthi vedanūpaṅgā sattā ti?

Na h'evaṃ vattabbe—pe—

Vedanāya sattā jāyanti jīyanti mīyanti cavanti up-  
pajjantīti?

Na h'evaṃ vattabbe—pe—

Vedanāya atthi vedanā saññā saṃkhārā viññāṇan ti?

Na h'evaṃ vattabbe—pe—

Vedanā catuvokārabhavo ti?

Na h'evaṃ vattabbe—pe—

2. Arūpadhātu bhavo gati—pe—attabhāvapaṭilābho ti?

Āmantā.

Vedanā bhavo gati—pe—attabhāvapaṭilābho ti?

Na h'evaṃ vattabbe—pe—

Atthi arūpadhātūpaṇaṃ kamman ti?

Āmantā.

Atthi vedanūpaṇaṃ kamman ti?

Na h'evaṃ vattabbe—pe—

Atthi arūpadhātūpaṇā sattā ti?

Āmantā.

Atthi vedanūpaṇā sattā ti?

Na h'evaṃ vattabbe—pe—

Arūpadhātuyā sattā jāyanti jīyanti mīyanti cavanti  
uppajantīti?

Āmantā.

Vedanāya sattā jāyanti jīyanti mīyanti cavanti up-  
pajantīti?

Na h'evaṃ vattabbe—pe—

Arūpadhātuyā atthi vedanā saññā saṃkhārā viññāṇaṃ  
ti?

Āmantā.

Vedanāya atthi vedanā saññā saṃkhārā viññāṇaṃ ti?

Na h'evaṃ vattabbe—pe—

Arūpadhātu catuvokārabhavo ti?

Āmantā.

Vedanā catuvokārabhavo ti?

Na h'evaṃ vattabbe—pe—

Arūpino dhammā arūpadhātu, kāmadhātuyā atthi vedanā  
saññā saṃkhārā viññāṇaṃ ti?

Āmantā.

Sā va kāmadhātu, sā arūpadhātūti?

Na h'evaṃ vattabbe—pe—

Sā va kāmadhātu, sā arūpadhātūti?

Āmantā.

Kāmabhavena samannāgato puggalo dvīhi bhavehi sa-  
mannāgato hoti kāmabhavena ca arūpabhavena cāti?

Na h'evaṃ vattabbe—pe—

Rūpino dhammā rūpadhātu, arūpino dhammā arūpa-  
dhātu, kāmadhātuyā atthi rūpaṃ vedanā saññā saṃkhārā  
viññāṇaṃ ti?

Āmantā.

Sā va kāmadhātu, sā rūpadhātu, sā arūpadhātūti ?

Na h'evaṃ vattabbe—pe—

Sā va kāmadhātu, sā rūpadhātu, sā arūpadhātūti ?

Āmantā.

Kāmabhavena samannāgato puggalo tīhi bhavehi samannāgato hoti kāmabhavena ca rūpabhavena ca arūpabhavena cāti ?

Na h'evaṃ vattabbe—pe—

A r ū p a d h ā t u k a t h ā .

### VIII. 7.

1. Saḷāyataniko attabhāvo rūpadhātuyā ti ?

Āmantā.

Atthi tattha ghānāyatanan ti ?

Āmantā.

Atthi tattha gandhāyatanan ti ?

Na h'evaṃ vattabbe—pe—

Atthi tattha jivhāyatanan ti ?

Āmantā.

Atthi tattha rasāyatanan ti ?

Na h'evaṃ vattabbe—pe—

Atthi tattha kāyāyatanan ti ?

Āmantā.

Atthi tattha phoṭṭhabbāyatanan ti ?

Na h'evaṃ vattabbe—pe—

2. N'atthi tattha gandhāyatanan ti ?

Āmantā.

N'atthi tattha ghānāyatanan ti ?

Na h'evaṃ vattabbe—pe—

N'atthi tattha rasāyatanan ti ?

Āmantā.

N'atthi tattha jivhāyatanan ti ?

Na h'evaṃ vattabbe—pe—

N'atthi tattha phoṭṭhabbāyatanan ti ?

Āmantā.

N'atthi tattha kāyāyatanan ti?

Na h'evaṃ vattabbe—pe—

3. Atthi tattha cakkhāyatanam, atthi rūpāyatanan ti?

Āmantā.

Atthi tattha ghānāyatanam, atthi gandhāyatanan ti?

Na h'evaṃ vattabbe—pe—

Atthi tattha cakkhāyatanam, atthi rūpāyatanan ti?

Āmantā.

Atthi tattha jivhāyatanam, atthi rasāyatanam—pe—  
atthi tattha kāyāyatanam, atthi phoṭṭhabbāyatanan ti?

Na h'evaṃ vattabbe—pe—

4. Atthi tattha sotāyatanam, atthi saddāyatanam—pe—  
—atthi tattha manāyatanam, atthi dhammāyatanan ti?

Āmantā.

Atthi tattha ghānāyatanam, atthi gandhāyatanan ti?

Na h'evaṃ vattabbe—pe—

Atthi tattha manāyatanam, atthi dhammāyatanan ti?

Āmantā.

Atthi tattha jivhāyatanam, atthi rasāyatanam—pe—  
atthi tattha kāyāyatanam, atthi phoṭṭhabbāyatanan ti?

Na h'evaṃ vattabbe—pe—

5. Atthi tattha ghānāyatanam, n'atthi gandhāyatanan  
ti?

Āmantā.

Atthi tattha cakkhāyatanam, n'atthi rūpāyatanan ti?

Na h'evaṃ vattabbe—pe—

Atthi tattha ghānāyatanam, n'atthi gandhāyatanan ti?

Āmantā.

Atthi tattha sotāyatanam, n'atthi saddāyatanam—pe—  
atthi tattha manāyatanam, n'atthi dhammāyatanan ti?

Na h'evaṃ vattabbe—pe—

6. Atthi tattha jivhāyatanam, n'atthi rasāyatanam—pe—  
—atthi tattha kāyāyatanam, n'atthi phoṭṭhabbāyatanan  
ti?

Āmantā.

Atthi tattha cakkhāyatanam, n'atthi rūpāyatanan ti?

Na h'evaṃ vattabbe—pe—

Atthi tattha kāyāyatanam, n'atthi phoṭṭhabbāyatanan ti?  
Āmantā.

Atthi tattha sotāyatanam, n'atthi saddāyatanam—pe—  
atthi tattha manāyatanam, n'atthi dhammāyatanan ti?

Na h'evam vattabbe—pe—

7. Atthi tattha cakkhāyatanam, atthi rūpāyatanam, tena  
cakkhunā tam rūpam passatīti?

Āmantā.

Atthi tattha ghānāyatanam, atthi gandhāyatanam, tena  
ghānena tam gandham ghāyatīti?

Na h'evam vattabbe—pe—

Atthi tattha cakkhāyatanam, atthi rūpāyatanam, tena  
cakkhunā tam rūpam passatīti?

Āmantā.

Atthi tattha jivhāyatanam, atthi rasāyatanam, tāya  
jivhāya tam rasam sāyati—pe—atthi tattha kāyāyatanam,  
atthi phoṭṭhabbāyatanam, tena kāyena tam phoṭṭhabbam  
phusatīti?

Na h'evam vattabbe—pe—

8. Atthi tattha sotāyatanam, atthi saddāyatanam—pe  
—atthi tattha manāyatanam, atthi dhammāyatanam, tena  
manena tam dhammam vijānātīti?

Āmantā.

Atthi tattha ghānāyatanam, atthi gandhāyatanam, tena  
ghānena tam gandham ghāyatīti?

Na h'evam vattabbe—pe—

Atthi tattha manāyatanam, atthi dhammāyatanam, tena  
manena tam dhammam vijānātīti?

Āmantā.

Atthi tattha jivhāyatanam, atthi rasāyatanam—pe—  
atthi tattha kāyāyatanam, atthi phoṭṭhabbāyatanam, tena  
kāyena tam phoṭṭhabbam phusatīti?

Na h'evam vattabbe—pe—

9. Atthi tattha ghānāyatanam, atthi gandhāyatanam,  
na ca tena ghānena tam gandham ghāyatīti?

Āmantā.

Atthi tattha cakkhāyatanam, atthi rūpāyatanam, na ca  
tena cakkhunā tam rūpam passatīti?

Na h'evaṃ vattabbe—pe—

Atthi tattha ghānāyatanam, atthi gandhāyatanam, na ca tena ghānena taṃ gandham ghāyatīti?

Āmantā.

Atthi tattha sotāyatanam, atthi saddāyatanam—pe—  
atthi tattha manāyatanam, atthi dhammāyatanam, na ca tena manena taṃ dhammaṃ vijānātīti?

Na h'evaṃ vattabbe—pe—

10. Atthi tattha jivhāyatanam, atthi rasāyatanam—pe—  
—atthi tattha kāyāyatanam, atthi phoṭṭhabbāyatanam, na ca tena kāyena taṃ phoṭṭhabbam phusatīti?

Āmantā.

Atthi tattha cakkhāyatanam, atthi rūpāyatanam, na ca tena cakkhunā taṃ rūpaṃ passatīti?

Na h'evaṃ vattabbe—pe—

Atthi tattha kāyāyatanam, atthi phoṭṭhabbāyatanam,  
na ca tena kāyena taṃ phoṭṭhabbam phusatīti?

Āmantā.

Atthi tattha sotāyatanam, atthi saddāyatanam—pe—  
atthi tattha manāyatanam, atthi dhammāyatanam, na ca tena manena taṃ dhammaṃ vijānātīti?

Na h'evaṃ vattabbe—pe—

11. Atthi tattha ghānāyatanam, atthi gandhāyatanam,  
tena ghānena taṃ gandham ghāyatīti?

Āmantā.

Atthi tattha mūlagandho sāragandho tacagandho patta-  
gandho pupphagandho phalagandho āmagandho visa-  
gandho <sup>1</sup> sugandho duggandho ti?

Na h'evaṃ vattabbe—pe—

12. Atthi tattha jivhāyatanam, atthi rasāyatanam, tāya  
jivhāya taṃ rasaṃ sāyatīti?

Āmantā.

Atthi tattha mūlaraso khandharaso <sup>2</sup> tacaraso pattaraso  
puppharaso phalaraso ambilaṃ madhuraṃ tittakaṃ kaṭu-  
kaṃ loṇiyaṃ khāriyaṃ lambilaṃ <sup>3</sup> kasāvo sādu asādūti?

<sup>1</sup> vissagandho, P.S.S<sub>2</sub>.

<sup>2</sup> gandharaso, P.

<sup>3</sup> lavanaṃ, P.S.S<sub>2</sub>.

Na h'evaṃ vattabbe—pe—

13. Atthi tattha kāyāyatanam, atthi phoṭṭhabbāyatanam, tena kāyena taṃ phoṭṭhabbam phusatīti?

Āmantā.

Atthi tattha kakkhaḷaṃ mudukaṃ saṅhaṃ pharusam sukhasamphassaṃ dukkhasamphassaṃ garukaṃ lahukanti?

Na h'evaṃ vattabbe—pe—

14. Na vattabbam “Saḷāyataniko attabhāvo rūpadhātuyā ti”?

Āmantā.

Nanu atthi tattha ghānanimittam jivhānimittam kāyanimittanti?

Āmantā.

Hañci atthi tattha ghānanimittam jivhānimittam kāyanimittam, tena vata re vattabbe “Saḷāyataniko attabhāvo rūpadhātuyā ti.”

R ū p a d h ā t u y ā ā y a t a n a k a t h ā .

### VIII. 8.

1. Atthi rūpaṃ arūpesūti?

Āmantā.

Rūpabhavo rūpagati rūpasattāvāso rūpasamsāro rūpayoni rūpattabhāvapaṭilābho ti?

Na h'evaṃ vattabbe—pe—

Nanu arūpabhavo arūpagati arūpasattāvāso arūpasamsāro arūpayoni arūpattabhāvapaṭilābho ti?

Āmantā.

Hañci arūpabhavo arūpagati arūpasattāvāso arūpasamsāro arūpayoni arūpattabhāvapaṭilābho, no vata re vattabbe “Atthi rūpaṃ arūpesūti.”

2. Atthi rūpaṃ arūpesūti?

Āmantā.

Pañcavokārabhavo gati sattāvāso samsāro yoni viññānaṭṭhiti attabhāvapaṭilābho ti?

Na h'evaṃ vattabbe—pe—

Nanu catuvokārabhavo—pe—attabhāvapaṭilābho ti?

Āmantā.

Hañci catuvokārabhavo — pe — attabhāvapaṭilābho, no vata re vattabbe “ Atthi rūpaṃ arūpesūti.”

3. Atthi rūpaṃ rūpadhātuyā, so ca rūpabhavo rūpagati—pe—rūpattabhāvapaṭilābho ti?

Āmantā.

Atthi rūpaṃ arūpesu, so ca rūpabhavo rūpagati—pe—rūpattabhāvapaṭilābho ti?

Na h'evaṃ vattabbe—pe—

Atthi rūpaṃ rūpadhātuyā, so ca pañcavokārabhavo gati—pe—attabhāvapaṭilābho ti?

Āmantā.

Atthi rūpaṃ arūpesu, so ca pañcavokārabhavo gati—pe—attabhāvapaṭilābho ti?

Na h'evaṃ vattabbe—pe—

4. Atthi rūpaṃ arūpesu, so ca arūpabhavo arūpagati—pe—arūpattabhāvapaṭilābho ti?

Āmantā.

Atthi rūpaṃ arūpadhātuyā, so ca arūpabhavo arūpagati—pe—arūpattabhāvapaṭilābho ti?

Na h'evaṃ vattabbe—pe—

Atthi rūpaṃ arūpesu, so ca catuvokārabhavo gati—pe—attabhāvapaṭilābho ti?

Āmantā.

Atthi rūpaṃ arūpadhātuyā, so ca catuvokārabhavo gati—pe—attabhāvapaṭilābho ti?

Na h'evaṃ vattabbe—pe—

5. Atthi rūpaṃ arūpesūti?

Āmantā.

Nanu rūpānaṃ nissaraṇaṃ arūpaṃ vuttaṃ Bhagavatā ti?

Āmantā.

Hañci rūpānaṃ nissaraṇaṃ arūpaṃ vuttaṃ Bhagavatā, no vata re vattabbe “ Atthi rūpaṃ arūpesūti.”

6. Rūpānaṃ nissaraṇaṃ arūpaṃ vuttaṃ Bhagavatā, atthi rūpaṃ arūpesūti?

Āmantā.

Kāmānaṃ nissaraṇaṃ nekkhammaṃ vuttaṃ Bhagavatā, atthi nekkhammesu kāmā, atthi anāsavesu āsavā,<sup>1</sup> atthi apariyāpannesu pariyāpannā ti?

Na h'evaṃ vattabbe—pe—

Āruppe rūpakathā.

### VIII. 9.

1. Kusalena cittena samuṭṭhitaṃ kāyakammaṃ rūpaṃ kusalan ti?

Āmantā.

Sārammaṇaṃ, atthi tassa āvaṭṭanā ābhogo samannāhāro manasikāro cetanā patthanā paṇidhīti?

Na h'evaṃ vattabbe—pe—

Nanu anārammaṇaṃ, n'atthi tassa āvaṭṭanā ābhogo samannāhāro manasikāro cetanā patthanā paṇidhīti?

Āmantā.

Hañci anārammaṇaṃ, n'atthi tassa āvaṭṭanā ābhogo samannāhāro manasikāro cetanā patthanā paṇidhi, no vata re vattabbe “Kusalena cittena samuṭṭhitaṃ kāyakammaṃ rūpaṃ kusalan ti.”

2. Kusalena cittena samuṭṭhito phasso kusalo sāramaṇo, atthi tassa āvaṭṭanā—pe—paṇidhīti?

Āmantā.

Kusalena cittena samuṭṭhitaṃ kāyakammaṃ rūpaṃ kusalaṃ sārammaṇaṃ, atthi tassa āvaṭṭanā—pe—paṇidhīti?

Na h'evaṃ vattabbe—pe—

Kusalena cittena samuṭṭhitā vedanā—pe—saññā, cetanā, saddhā, viriyaṃ, sati, samādhi—pe—paññā kusalā, sāramaṇā, atthi tāya āvaṭṭanā—pe—paṇidhīti?

Āmantā.

<sup>1</sup> P.S.S<sub>2</sub> omit “atthi anāsavesu āsavā.”

Kusalena cittena samuṭṭhitam kāyakammaṃ rūpaṃ kusalaṃ sārammaṇaṃ, atthi tassa āvaṭṭanā—pe—paṇidhīti ?

Na h'evaṃ vattabbe—pe—

3. Kusalena cittena samuṭṭhitam kāyakammaṃ rūpaṃ kusalaṃ anārammaṇaṃ, n'atthi tassa āvaṭṭanā—pe—paṇidhīti ?

Āmantā.

Kusalena cittena samuṭṭhito phasso kusalo anārammaṇo, n'atthi tassa āvaṭṭanā—pe—paṇidhīti ?

Na h'evaṃ vattabbe—pe—

Kusalena cittena samuṭṭhitam kāyakammaṃ rūpaṃ kusalaṃ anārammaṇaṃ, n'atthi tassa āvaṭṭanā—pe—paṇidhīti ?

Āmantā.

Kusalena cittena samuṭṭhitā vedanā—pe—saññā, cetanā, saddhā, viriyaṃ, sati, samādhi—pe—paññā kusalā anārammaṇā, n'atthi tāya āvaṭṭanā—pe—paṇidhīti ?

Na h'evaṃ vattabbe—pe—

4. Kusalena cittena samuṭṭhitam kāyakammaṃ rūpaṃ kusalan ti ?

Āmantā.

Yaṃ kiñci kusalena cittena samuṭṭhitam rūpaṃ, sabban tam<sup>1</sup> kusalan ti ?

Na h'evaṃ vattabbe—pe—

Kusalena cittena samuṭṭhitam kāyakammaṃ rūpaṃ kusalan ti ?

Āmantā.

Kusalena cittena samuṭṭhitam rūpāyatanam kusalan ti ?

Na h'evaṃ vattabbe—pe—

Kusalena cittena samuṭṭhitam kāyakammaṃ rūpaṃ kusalan ti ?

Āmantā.

Kusalena cittena samuṭṭhitam saddāyatanam—pe—gandhāyatanam, rasāyatanam, phoṭṭhabbāyatanam—pe—

<sup>1</sup> santam, P. ; samantam, S.

paṭhavīdhātu, āpodhātu, tejodhātu — pe — vāyodhātu kusalā ti?

Na h'evaṃ vattabbe—pe—

5. Kusalena cittaena samuṭṭhitam rūpāyatanam abyākatan ti?

Āmantā.

Kusalena cittaena samuṭṭhitam kāyakammaṃ rūpaṃ abyākatan ti?

Na h'evaṃ vattabbe—pe—

Kusalena cittaena samuṭṭhitam saddāyatanam—pe—  
gandhāyatanam, rasāyatanam, phoṭṭhabbāyatanam—pe—  
paṭhavīdhātu, āpodhātu, tejodhātu—pe—vāyodhātu abyā-  
katā ti?

Āmantā.

Kusalena cittaena samuṭṭhitam kāyakammaṃ rūpaṃ abyākatan ti?

Na h'evaṃ vattabbe—pe—

6. Kusalena cittaena samuṭṭhitam kāyakammaṃ rūpaṃ anārammaṇam kusalan ti?

Āmantā.

Kusalena cittaena samuṭṭhitam rūpāyatanam anāram-  
maṇam kusalan ti?

Na h'evaṃ vattabbe—pe—

Kusalena cittaena samuṭṭhitam kāyakammaṃ rūpaṃ anārammaṇam kusalan ti?

Āmantā.

Kusalena cittaena samuṭṭhitam saddāyatanam—pe—  
gandhāyatanam, rasāyatanam, phoṭṭhabbāyatanam—pe—  
paṭhavīdhātu, āpodhātu, tejodhātu—pe—vāyodhātu anā-  
rammaṇā kusalā ti?

Na h'evaṃ vattabbe—pe—

7. Kusalena cittaena samuṭṭhitam rūpāyatanam anā-  
rammaṇam abyākatan ti?

Āmantā.

Kusalena cittaena samuṭṭhitam kāyakammaṃ rūpaṃ anārammaṇam abyākatan ti?

Na h'evaṃ vattabbe—pe—

Kusalena cittaena samuṭṭhitam saddāyatanam—pe—

gandhāyatanam, rasāyatanam, phoṭṭhabbāyatanam—pe—  
—paṭhavīdhātu, āpodhātu, tejodhātu—pe—vāyodhātu anā-  
rammaṇā abyākatā ti?

Āmantā.

Kusalena cittena samuṭṭhitam kāyakammaṃ rūpaṃ  
anārammaṇam abyākatan ti?

Na h'evaṃ vattabbe—pe—

8. Kusalena cittena samuṭṭhitam kāyakammaṃ rūpaṃ  
phassavippayuttam kusalan ti?

Āmantā.

Kusalena cittena samuṭṭhitam rūpāyatanam phassavip-  
payuttam kusalan ti?

Na h'evaṃ vattabbe—pe—

Kusalena cittena samuṭṭhitam kāyakammaṃ rūpaṃ  
phassavippayuttam kusalan ti?

Āmantā.

Kusalena cittena samuṭṭhitam saddāyatanam—pe—  
gandhāyatanam, rasāyatanam, phoṭṭhabbāyatanam—pe—  
paṭhavīdhātu, āpodhātu, tejodhātu — pe — vāyodhātu  
phassavippayuttā kusalā ti?

Na h'evaṃ vattabbe—pe—

9. Kusalena cittena samuṭṭhitam rūpāyatanam phass-  
avippayuttam abyākatan ti?

Āmantā.

Kusalena cittena samuṭṭhitam kāyakammaṃ rūpaṃ  
phassavippayuttam abyākatan ti?

Na h'evaṃ vattabbe—pe—

Kusalena cittena samuṭṭhitam saddāyatanam—pe—  
gandhāyatanam, rasāyatanam, phoṭṭhabbāyatanam—pe—  
paṭhavīdhātu, āpodhātu, tejodhātu — pe — vāyodhātu  
phassavippayuttā abyākatā ti?

Āmantā.

Kusalena cittena samuṭṭhitam kāyakammaṃ rūpaṃ  
phassavippayuttam abyākatan ti?

Na h'evaṃ vattabbe—pe—

10. Kusalena cittena samuṭṭhitam kāyakammaṃ rūpaṃ  
anārammaṇam phassavippayuttam kusalan ti?

Āmantā.

Kusalena cittena samuṭṭhitaṃ rūpāyatanaṃ anārammaṇaṃ phassavippayuttaṃ kusalan ti ?

Na h'evaṃ vattabbe—pe—

Kusalena cittena samuṭṭhitaṃ kāyakammaṃ rūpaṃ anārammaṇaṃ phassavippayuttaṃ kusalan ti ?

Āmantā.

Kusalena cittena samuṭṭhitaṃ saddāyatanaṃ—pe—gandhāyatanaṃ, rasāyatanaṃ, phoṭṭhabbāyatanaṃ—pe—paṭhavīdhātu, āpodhātu, tejodhātu—pe—vāyodhātu anārammaṇā phassavippayuttā kusalā ti ?

Na h'evaṃ vattabbe—pe—

11. Kusalena cittena samuṭṭhitaṃ rūpāyatanaṃ anārammaṇaṃ phassavippayuttaṃ abyākatan ti ?

Āmantā.

Kusalena cittena samuṭṭhitaṃ kāyakammaṃ rūpaṃ anārammaṇaṃ phassavippayuttaṃ abyākatan ti ?

Na h'evaṃ vattabbe—pe—

Kusalena cittena samuṭṭhitaṃ saddāyatanaṃ—pe—gandhāyatanaṃ, rasāyatanaṃ, phoṭṭhabbāyatanaṃ—pe—paṭhavīdhātu, āpodhātu, tejodhātu—pe—vāyodhātu anārammaṇā phassavippayuttā abyakatā ti ?

Āmantā.

Kusalena cittena samuṭṭhitaṃ kāyakammaṃ rūpaṃ anārammaṇaṃ phassavippayuttaṃ abyākatan ti ?

Na h'evaṃ vattabbe—pe—

12. Kusalena cittena samuṭṭhitaṃ vacīkammaṃ rūpaṃ kusalan ti ?

Āmantā.

Sārammaṇaṃ, atthi tassa āvaṭṭanā ābhogo samannāhāro manasikāro cetanā patthanā paṇidhīti ?

Na h'evaṃ vattabbe—pe—

Nanu anārammaṇaṃ, n'atthi tassa āvaṭṭanā ābhogo samannāhāro manasikāro cetanā patthanā paṇidhīti ?

Āmantā.

Hañci anārammaṇaṃ, n'atthi tassa āvaṭṭanā ābhogo samannāhāro manasikāro cetanā patthanā paṇidhi, no vata re vattabbe “Kusalena cittena samuṭṭhitaṃ vacīkammaṃ rūpaṃ kusalan ti.”

13. Kusalena cittena samuṭṭhito phasso kusalo sārammaṇo, atthi tassa āvaṭṭanā—pe—paṇidhīti?

Āmantā.

Kusalena cittena samuṭṭhitaṃ vacīkammaṃ rūpaṃ kusalaṃ sārammaṇaṃ, atthi tassa āvaṭṭanā—pe—paṇidhīti?

Na h'evaṃ vattabbe—pe—

Kusalena cittena samuṭṭhitā vedanā—pe—saññā, cetanā, saddhā, viriyaṃ, sati, samādhi—pe—paññā kusalā sārammaṇā, atthi tāya āvaṭṭanā—pe—paṇidhīti?

Āmantā.

Kusalena cittena samuṭṭhitaṃ vacīkammaṃ rūpaṃ kusalaṃ sārammaṇaṃ, atthi tassa āvaṭṭanā—pe—paṇidhīti?

Na h'evaṃ vattabbe—pe—

14. Kusalena cittena samuṭṭhitaṃ vacīkammaṃ rūpaṃ kusalaṃ anārammaṇaṃ, n'atthi tassa āvaṭṭanā—pe—paṇidhīti?

Āmantā.

Kusalena cittena samuṭṭhito phasso kusalo anārammaṇo, n'atthi tassa āvaṭṭanā—pe—paṇidhīti?

Na h'evaṃ vattabbe—pe—

Kusalena cittena samuṭṭhitaṃ vacīkammaṃ rūpaṃ kusalaṃ anārammaṇaṃ, n'atthi tassa āvaṭṭanā—pe—paṇidhīti?

Āmantā.

Kusalena cittena samuṭṭhitā vedanā—pe—saññā, cetanā, saddhā, viriyaṃ, sati, samādhi—pe—paññā kusalā anārammaṇā, n'atthi tāya āvaṭṭanā—pe—paṇidhīti?

Na h'evaṃ vattabbe—pe—

15. Kusalena cittena samuṭṭhitaṃ vacīkammaṃ rūpaṃ kusalan ti?

Āmantā.

Yaṃ kiñci kusalena cittena samuṭṭhitaṃ rūpaṃ, sabbaṃ taṃ kusalan ti?

Na h'evaṃ vattabbe—pe—

—Yathā kāyakammaṃ, tathā vacīkamman ti.—

16. Akusalena cittena samuṭṭhitaṃ kāyakammaṃ rūpaṃ akusalan ti?

Āmantā.

Sarāmmaṇaṃ, atthi tassa āvaṭṭanā ābhogo samannāhāro manasikāro cetanā patthanā paṇidhīti?

Na h'evaṃ vattabbe—pe—

Nanu anārammaṇaṃ, n'atthi tassa āvaṭṭanā ābhogo samannāhāro manasikāro cetanā patthanā paṇidhīti?

Āmantā.

Hañci anārammaṇaṃ, n'atthi tassa āvaṭṭanā ābhogo samannāhāro manasikāro cetanā patthanā paṇidhi, no vata re vattabbe “Akusalena cittaena samuṭṭhitaṃ kāyakammaṃ rūpaṃ akusalan ti.”

17. Akusalena cittaena samuṭṭhito [phasso akusalo sārammaṇo, atthi tassa āvaṭṭanā—pe—paṇidhīti?

Āmantā.

Akusalena cittaena samuṭṭhitaṃ kāyakammaṃ rūpaṃ akusalaṃ sārammaṇaṃ, atthi tassa āvaṭṭanā—pe—paṇidhīti?

Na h'evaṃ vattabbe—pe—

Akusalena cittaena samuṭṭhitā vedanā—pe—saññā, cetanā, rāgo, doso, moho, māno, diṭṭhi, vicikicchā, thīnaṃ, uddhaccaṃ, ahirikaṃ—pe—anottappaṃ akusalaṃ sārammaṇaṃ, atthi tassa āvaṭṭanā—pe—paṇidhīti?

Āmantā.

Akusalena cittaena samuṭṭhitaṃ kāyakammaṃ rūpaṃ akusalaṃ sārammaṇaṃ, atthi tassa āvaṭṭanā—pe—paṇidhīti?

Na h'evaṃ vattabbe—pe—

18. Akusalena cittaena samuṭṭhitaṃ kāyakammaṃ rūpaṃ akusalaṃ anārammaṇaṃ, n'atthi tassa āvaṭṭanā—pe—paṇidhīti?

Āmantā.

Akusalena cittaena samuṭṭhito phasso akusalo anārammaṇo, n'atthi tassa āvaṭṭanā—pe—paṇidhīti?

Na h'evaṃ vattabbe—pe—

Akusalena cittaena samuṭṭhitaṃ kāyakammaṃ rūpaṃ akusalaṃ anārammaṇaṃ, n'atthi tassa āvaṭṭanā—pe—paṇidhīti?

Āmantā.

Akusalena cittena samuṭṭhitā vedanā—pe—saññā, cetanā, rāgo, doso, moho, māno, diṭṭhi, vicikicchā, thīnaṃ, uddhaccaṃ, ahirikaṃ—pe—anottappaṃ akusalaṃ anārammaṇaṃ, n'atthi tassa āvaṭṭanā—pe—paṇidhīti?

Na h'evaṃ vattabbe—pe—

19. Akusalena cittena samuṭṭhitaṃ kāyakammaṃ rūpaṃ akusalan ti?

Āmantā.

Yaṃ kiñci akusalena cittena samuṭṭhitaṃ rūpaṃ, sabbaṃ taṃ akusalan ti?

Na h'evaṃ vattabbe—pe—

20. Akusalena cittena samuṭṭhitaṃ vacīkammaṃ rūpaṃ akusalan ti?

Āmantā.

Sārammaṇaṃ, atthi tassa āvaṭṭanā ābhogo samannāhāro manasikāro cetanā patthanā paṇidhīti?

Na h'evaṃ vattabbe—pe—

Nanu anārammaṇaṃ, n'atthi tassa āvaṭṭanā ābhogo samannāhāro manasikāro cetanā patthanā paṇidhīti?

Āmantā.

Hañci anārammaṇaṃ, n'atthi tassa āvaṭṭanā ābhogo samannāhāro manasikāro cetanā patthanā paṇidhi, no vata re vattabbe “Akusalena cittena samuṭṭhitaṃ vacīkammaṃ rūpaṃ akusalan ti.”

21. Akusalena cittena samuṭṭhito phasso akusalo sārammaṇo, atthi tassa āvaṭṭanā—pe—paṇidhīti?

Āmantā.

Akusalena cittena samuṭṭhitaṃ vacīkammaṃ rūpaṃ akusalaṃ sārammaṇaṃ, atthi tassa āvaṭṭanā—pe—paṇidhīti?

Na h'evaṃ vattabbe—pe—

Akusalena cittena samuṭṭhitā vedanā—pe—saññā, cetanā, rāgo, doso, moho, māno, diṭṭhi, vicikicchā, thīnaṃ, uddhaccaṃ, ahirikaṃ—pe—anottappaṃ akusalaṃ sārammaṇaṃ, atthi tassa āvaṭṭanā—pe—paṇidhīti?

Āmantā.

Akusalena cittena samuṭṭhitaṃ vacīkammaṃ rūpaṃ akusalaṃ sārammaṇaṃ, atthi tassa āvaṭṭanā—pe—paṇidhīti?

Na h'evaṃ vattabbe—pe—

22. Akusalena cittena samuṭṭhitam vacīkammaṃ rūpaṃ akusalam anārammaṇam, n'atthi tassa āvaṭṭanā—pe—paṇidhīti?

Āmantā.

Akusalena cittena samuṭṭhito phasso akusalo anārammaṇo, n'atthi tassa āvaṭṭanā—pe—paṇidhīti?

Na h'evaṃ vattabbe—pe—

Akusalena cittena samuṭṭhitam vacīkammaṃ rūpaṃ akusalam anārammaṇam, n'atthi tassa āvaṭṭanā—pe—paṇidhīti?

Āmantā.

Akusalena cittena samuṭṭhitā vedanā—pe—saññā, cetanā, rāgo, doso, moho, māno, diṭṭhi, vicikicchā, thīnaṃ, uddhaccaṃ, ahirikaṃ—pe—anottappaṃ akusalam anārammaṇam, n'atthi tassa āvaṭṭanā—pe—paṇidhīti?

Na h'evaṃ vattabbe—pe—

23. Akusalena cittena samuṭṭhitam vacīkammaṃ rūpaṃ akusalan ti?

Āmantā.

Yaṃ kiñci akusalena cittena samuṭṭhitam rūpaṃ, sabban taṃ akusalan ti?

Na h'evaṃ vattabbe—pe—

24. Akusalena cittena samuṭṭhitam vacīkammaṃ rūpaṃ akusalan ti?

Āmantā.

Akusalena cittena samuṭṭhitam rūpāyatanaṃ akusalan ti?

Na h'evaṃ vattabbe—pe—

Akusalena cittena samuṭṭhitam vacīkammaṃ rūpaṃ akusalan ti?

Āmantā.

Akusalena cittena samuṭṭhitam saddāyatanaṃ—pe—gandhāyatanaṃ, rasāyatanaṃ, phoṭṭhabbāyatanaṃ, paṭhavidhātu, āpodhātu, tejodhātu, vāyodhātu, asuci, assu, lohitaṃ—pe—sedo akusalo ti?

Na h'evaṃ vattabbe—pe—

25. Akusalena cittena samuṭṭhitam rūpāyatanaṃ abyākatan ti?

Āmantā.

Akusalena cittena samuṭṭhitam vacīkammaṃ rūpaṃ abyākatan ti?

Na h'evaṃ vattabbe—pe—

Akusalena cittena samuṭṭhitam saddāyatanam—pe—  
gandhāyatanam, rasāyatanam, phoṭṭhabbāyatanam—pe—  
paṭhavīdhātu, āpodhātu, tejodhātu, vāyodhātu, asuci, assu,  
lohitaṃ—pe—sedo abyākato ti?

Āmantā.

Akusalena cittena samuṭṭhitam vacīkammaṃ rūpaṃ abyākatan ti?

Na h'evaṃ vattabbe—pe—

26. Akusalena cittena samuṭṭhitam vacīkammaṃ rūpaṃ anārammaṇam akusalan ti?

Āmantā.

Akusalena cittena samuṭṭhitam rūpāyatanam anārammaṇam akusalan ti?

Na h'evaṃ vattabbe—pe—

Akusalena cittena samuṭṭhitam vacīkammaṃ rūpaṃ anārammaṇam akusalan ti?

Āmantā.

Akusalena cittena samuṭṭhitam saddāyatanam—pe—  
gandhāyatanam, rasāyatanam, phoṭṭhabbāyatanam,  
paṭhavīdhātu, āpodhātu, tejodhātu, vāyodhātu, asuci,  
assu, lohitaṃ—pe—sedo anārammaṇo akusalo ti?

Na h'evaṃ vattabbe—pe—

27. Akusalena cittena samuṭṭhitam rūpāyatanam anārammaṇam abyākatan ti?

Āmantā.

Akusalena cittena samuṭṭhitam vacīkammaṃ rūpaṃ anārammaṇam abyākatan ti?

Na h'evaṃ vattabbe—pe—

Akusalena cittena samuṭṭhitam saddāyatanam—pe—  
gandhāyatanam, rasāyatanam, phoṭṭhabbāyatanam—pe—  
paṭhavīdhātu, āpodhātu, tejodhātu, vāyodhātu, asuci, assu,  
lohitaṃ—pe—sedo anārammaṇo abyākato ti?

Āmantā.

Akusalena cittena samuṭṭhitam vacīkammaṃ rūpaṃ anārammaṇam abyākatan ti?

Na h'evaṃ vattabbe—pe—

28. Akusalena cittena samuṭṭhitam vacīkammaṃ rūpaṃ phassavippayuttam akusalan ti?

Āmantā.

Akusalena cittena samuṭṭhitam rūpāyatanam phassa-  
vippayuttam akusalan ti?

Na h'evaṃ vattabbe—pe—

Akusalena cittena samuṭṭhitam vacīkammaṃ rūpaṃ  
phassavippayuttam akusalan ti?

Āmantā.

Akusalena cittena samuṭṭhitam saddāyatanam—pe—  
gandhāyatanam, rasāyatanam, phoṭṭhabbāyatanam, path-  
avidhātu, āpodhātu, tejodhātu, vāyodhātu, asuci, assu,  
lohitam—pe—sedo phassavippayutto akusalo ti?

Na h'evaṃ vattabbe—pe—

29. Akusalena cittena samuṭṭhitam rūpāyatanam phas-  
savippayuttam abyākatan ti?

Āmantā.

Akusalena cittena samuṭṭhitam vacīkammaṃ rūpaṃ  
phassavippayuttam abyākatan ti?

Na h'evaṃ vattabbe—pe—

Akusalena cittena samuṭṭhitam saddāyatanam—pe—  
gandhāyatanam, rasāyatanam, phoṭṭhabbāyatanam—pe—  
pathavidhātu, āpodhātu, tejodhātu, vāyodhātu, asuci, assu,  
lohitam—pe—sedo phassavippayutto abyākato ti?

Āmantā.

Akusalena cittena samuṭṭhitam vacīkammaṃ rūpaṃ  
phassavippayuttam abyākatan ti?

Na h'evaṃ vattabbe—pe—

30. Akusalena cittena samuṭṭhitam vacīkammaṃ rūpaṃ  
anārammaṇam phassavippayuttam akusalan ti?

Āmantā.

Akusalena cittena samuṭṭhitam rūpāyatanam anāram-  
maṇam phassavippayuttam akusalan ti?

Na h'evaṃ vattabbe—pe—

Akusalena cittena samuṭṭhitam vacīkammaṃ rūpaṃ  
anārammaṇam phassavippayuttam akusalan ti?

Āmantā.

Akusalena cittena samuṭṭhitam saddāyatanam—pe—  
gandhāyatanam, rasāyatanam, phoṭṭhabbāyatanam, paṭha-  
vidhātu, āpodhātu, tejodhātu, vāyodhātu, asuci, assu,  
lohitam — pe — sedo anārammaṇo phassavippayutto  
akusalo ti ?

Na h'evaṃ vattabbe—pe—

31. Akusalena cittena samuṭṭhitam rūpāyatanam anā-  
rammaṇam phassavippayuttam abyākatan ti ?

Āmantā.

Akusalena cittena samuṭṭhitam vacīkammaṃ rūpaṃ  
anārammaṇam phassavippayuttam abyākatan ti ?

Na h'evaṃ vattabbe—pe—

Akusalena cittena samuṭṭhitam saddāyatanam—pe—  
gandhāyatanam, rasāyatanam, phoṭṭhabbāyatanam—pe—  
paṭhavīdhātu, āpodhātu, tejodhātu, vāyodhātu, asuci, assu,  
lohitam—pe—sedo anārammaṇo phassavippayutto abyā-  
kato ti ?

Āmantā.

Akusalena cittena samuṭṭhitam vacīkammaṃ rūpaṃ  
anārammaṇam phassavippayuttam abyākatan ti ?

Na h'evaṃ vattabbe—pe—

32. Na vattabbaṃ “Rūpaṃ kusalam pi akusalam  
pīti” ?

Āmantā.

Nanu kāyakammaṃ vacīkammaṃ kusalam pi akusalam  
pīti ?

Āmantā.

Hañci kāyakammaṃ vacīkammaṃ kusalam pi akusalam  
pi, tena vata re vattabbe “Rūpaṃ kusalam pi akusalam  
pīti.”

33. Rūpaṃ kusalam pi akusalam pīti ?

Āmantā.

Cakkhāyatanam kusalam pi akusalam pīti ?

Na h'evaṃ vattabbe—pe—

Rūpaṃ kusalam pi akusalam pīti ?

Āmantā.

Sotāyatanam—pe—ghānāyatanam, jivhāyatanam, kāy-  
āyatanam, rūpāyatanam, saddāyatanam, gandhāyatanam,

rasāyatanam, phoṭṭhabbāyatanam, paṭhavīdhātu, āpodhātu, tejo dhātu, vāyodhātu, asuci, assu, lohitaṃ—pe—sedo kusalo pi akusalo pīti?

Na h'evaṃ vattabbe—pe—

34. Kāyo rūpaṃ, kāyakammaṃ rūpan ti?

Āmantā.

Mano rūpaṃ, manokammaṃ rūpan ti?

Na h'evaṃ vattabbe—pe—

Mano arūpaṃ, manokammaṃ arūpan ti?

Āmantā.

Kāyo arūpaṃ, kāyakammaṃ arūpan ti?

Na h'evaṃ vattabbe—pe—

Kāyo rūpaṃ, kāyakammaṃ arūpan ti?

Āmantā.

Mano rūpaṃ, manokammaṃ arūpan ti?

Na h'evaṃ vattabbe—pe—

Mano arūpaṃ, manokammaṃ arūpan ti?

Āmantā.

Kāyo arūpaṃ, kāyokammaṃ arūpan ti?

Na h'evaṃ vattabbe—pe—

35. Kāyo rūpan ti, kāyakammaṃ rūpan ti?

Āmantā.

Cakkhāyatanam rūpan ti, cakkhuviññānam rūpan ti?

Na h'evaṃ vattabbe—pe—

Kāyo rūpan ti, kāyakammaṃ rūpan ti?

Āmantā.

Sotāyatanam rūpan ti, sotaviññānam rūpan ti?

Na h'evaṃ vattabbe—pe—

Kāyo rūpan ti, kāyakammaṃ rūpan ti?

Āmantā.

Ghānāyatanam rūpan ti, ghānaviññānam rūpan ti?

Na h'evaṃ vattabbe—pe—

Kāyo rūpan ti, kāyakammaṃ rūpan ti?

Āmantā.

Jivhāyatanam rūpan ti, jivhāviññānam rūpan ti?

Na h'evaṃ vattabbe—pe—

Kāyo rūpan ti kāyakammaṃ rūpan ti?

Āmantā.

Kāyāyatanam rūpan ti, kāyaviññānam rūpan ti ?

Na h'evaṃ vattabbe—pe—

36. Rūpaṃ kamman ti ?

Āmantā.

Nanu vuttaṃ Bhagavatā—“Cetanāhaṃ . Bhikkhave kamman vadāmi, cetayitvā kamman karoti kāyena vācāya manasā ti.”

Atth'eva suttanto ti ?

Āmantā.

Tena hi na vattabbaṃ “Rūpaṃ kamman ti.”

37. Rūpaṃ kamman ti ?<sup>1</sup>

Āmantā.

Nanu vuttaṃ Bhagavatā—“Kāye vā Ānanda sati kāyasañcetanāhetu uppajjati ajjhattaṃ sukhadukkhaṃ, vācāya vā Ānanda sati vacīsañcetanāhetu uppajjati ajjhattaṃ sukhadukkhaṃ, mane vā Ānanda sati manosañcetanāhetu uppajjati ajjhattaṃ sukhadukkhan ti.”

Atth'eva suttanto ti ?

Āmantā.

Tena hi na vattabbaṃ “Rūpaṃ kamman ti.”

38. Rūpaṃ kamman ti ?

Āmantā.

Nanu vuttaṃ Bhagavatā—“Tividhā Bhikkhave kāyasañcetanā akusalaṃ kāyakammaṃ dukkhindriyaṃ<sup>2</sup> dukkhavipākaṃ, catubbidhā Bhikkhave vacīsañcetanā akusalaṃ vacīkammaṃ dukkhindriyaṃ dukkhavipākaṃ, tividhā Bhikkhave manosañcetanā akusalaṃ manokammaṃ dukkhindriyaṃ dukkhavipākaṃ ; tividhā Bhikkhave kāyasañcetanā kusalaṃ kāyakammaṃ sukhindriyaṃ sukhavipākaṃ, catubbidhā Bhikkhave vacīsañcetanā kusalaṃ vacīkammaṃ sukhindriyaṃ sukhavipākaṃ, tividhā Bhikkhave manosañcetanā kusalaṃ manokammaṃ sukhindriyaṃ sukhavipākan ti.”

Atth'eva suttanto ti ?

Āmantā.

<sup>1</sup> Sec. 37 is repeated in P.S.S<sub>2</sub>.

<sup>2</sup> dukkhudrayaṃ, M.K.

Tena hi na vattabbaṃ “ Rūpaṃ kamman ti.”

39. Rūpaṃ kamman ti?

Āmantā.

Nanu vuttaṃ Bhagavatā—“ Sacāyaṃ<sup>1</sup> Ānanda samiddhi moghapuriso Pātaliputtassa<sup>2</sup> paribbājakassa evaṃ puṭṭho evaṃ byākareyya ‘ Sañcetaniyaṃ āvuso Pātaliputta kammaṃ katvā kāyena vācāya manasā sukhavedaniyaṃ sukhaṃ so vedayati,<sup>3</sup> sañcetaniyaṃ āvuso Pātaliputta kammaṃ katvā kāyena vācāya manasā dukkhavedaniyaṃ dukkhaṃ so vedayati, sañcetaniyaṃ āvuso Pātaliputta kammaṃ katvā kāyena vācāya manasā adukkhamasukhavedaniyaṃ adukkhamasukhaṃ so vedayatīti,’ evaṃ byākaramāno kho Ānanda samiddhi moghapuriso Pātaliputtassa paribbājakassa sammābyākaramāno byākareyyāti.”

Atth’eva suttanto ti?

Āmantā.

‘ Tena hi na vattabbaṃ “ Rūpaṃ kamman ti.”

R ū p a ṃ k a m m a n t i k a t h ā .

### VIII. 10.

1. N’atthi rūpajīvitindriyan ti?

Āmantā.

N’atthi rūpīnaṃ dhammānaṃ āyuṭṭhiti yapaṇā yāpaṇā iriyanā vattanā pālanā ti?

Na h’evaṃ vattabbe—pe—

Atthi rūpīnaṃ dhammānaṃ āyuṭṭhiti yapaṇā yāpaṇā iriyanā vattanā pālanā ti?

Āmantā.

Hañci atthi rūpīnaṃ dhammānaṃ āyuṭṭhiti yapaṇā yāpaṇā iriyanā vattanā pālanā, no vata re vattabbe “ N’atthi jīvitindriyan ti.”

<sup>1</sup> sacāhaṃ, P.S.<sub>2</sub>.

<sup>2</sup> Potaliputtassa, P.S.S.<sub>2</sub>.

<sup>3</sup> vediyati, P.S.S.<sub>2</sub>.

2. Atthi arūpīnaṃ dhammānaṃ āyuṭṭhiti yapaṇā yāpaṇā iriyaṇā vattanā pālanā, atthi arūpajīvitindriyaṇaṃ ti?

Āmantā.

Atthi rūpīnaṃ dhammānaṃ āyuṭṭhiti yapaṇā yāpaṇā iriyaṇā vattanā pālanā, atthi rūpajīvitindriyaṇaṃ ti?

Na h'evaṃ vattabbe—pe—

Atthi rūpīnaṃ dhammānaṃ āyuṭṭhiti yapaṇā yāpaṇā iriyaṇā vattanā pālanā, n'atthi rūpajīvitindriyaṇaṃ ti?

Āmantā.

Atthi arūpīnaṃ dhammānaṃ āyuṭṭhiti yapaṇā yāpaṇā iriyaṇā vattanā pālanā, n'atthi arūpajīvitindriyaṇaṃ ti?

Na h'evaṃ vattabbe—pe—

3. Arūpīnaṃ dhammānaṃ āyu arūpajīvitindriyaṇaṃ ti?

Āmantā.

Rūpīnaṃ dhammānaṃ āyu rūpajīvitindriyaṇaṃ ti?

Na h'evaṃ vattabbe—pe—

Rūpīnaṃ dhammānaṃ āyu na vattabbaṃ rūpajīvitindriyaṇaṃ ti?

Āmantā.

Arūpīnaṃ dhammānaṃ āyu na vattabbaṃ arūpajīvitindriyaṇaṃ ti?

Na h'evaṃ vattabbe—pe—

4. Rūpīnaṃ dhammānaṃ āyu arūpajīvitindriyaṇaṃ ti?

Āmantā.

Arūpīnaṃ dhammānaṃ āyu rūpajīvitindriyaṇaṃ ti?

Na h'evaṃ vattabbe—pe—

Arūpīnaṃ dhammānaṃ āyu na vattabbaṃ rūpajīvitindriyaṇaṃ ti?

Āmantā.

Rūpīnaṃ dhammānaṃ āyu na vattabbaṃ arūpajīvitindriyaṇaṃ ti?

Na h'evaṃ vattabbe—pe—

5. Rūpīnaṃ ca arūpīnaṃ ca dhammānaṃ āyu arūpajīvitindriyaṇaṃ ti?

Āmantā.

Rūpīnaṃ ca arūpīnaṃ ca dhammānaṃ āyu rūpajīvitindriyaṇaṃ ti?

Na h'evaṃ vattabbe—pe—

Rūpīnañ ca arūpīnañ ca dhammānaṃ āyu na vattabbaṃ rūpajīvitindriyaṃ ti?

Āmantā.

Rūpīnañ ca arūpīnañ ca dhammānaṃ āyu na vattabbaṃ arūpajīvitindriyaṃ ti?

Na h'evaṃ vattabbe—pe—

6. N'atthi rūpajīvitindriyaṃ ti?

Āmantā.

Nirodhaṃ samāpannassa n'atthi jīvitindriyaṃ ti?

Na h'evaṃ vattabbe—pe—

Nirodhaṃ samāpannassa atthi jīvitindriyaṃ ti?

Āmantā.

Hañci nirodhaṃ samāpannassa atthi jīvitindriyaṃ, no vata re vattabbe “N'atthi rūpajīvitindriyaṃ ti.”

7. Nirodhaṃ samāpannassa atthi jīvitindriyaṃ ti?

Āmantā.

Katamakkhandaḥapariyāpannaṃ ti?

Samkhārakkhandhaḥapariyāpannaṃ ti.

Nirodhaṃ samāpannassa atthi samkhārakkhandho ti?

Na h'evaṃ vattabbe—pe—

Nirodhaṃ samāpannassa atthi samkhārakkhandho ti?

Āmantā.

Nirodhaṃ samāpannassa atthi vedanākkhandho—pe—saññākkhandho—pe—viññāṇakkhandho ti?

Na h'evaṃ vattabbe—pe—

Nirodhaṃ samāpannassa atthi vedanākkhandho—pe—saññākkhandho—pe—viññāṇakkhandho ti?

Āmantā.

Na nirodhasamāpanno ti?

Na h'evaṃ vattabbe—pe—

8. N'atthi rūpajīvitindriyaṃ ti?

Āmantā.

Asaññasattānaṃ n'atthi jīvitindriyaṃ ti?

Na h'evaṃ vattabbe—pe—

Asaññasattānaṃ atthi jīvitindriyaṃ ti?

Āmantā.

Hañci asaññasattānaṃ atthi jīvitindriyaṃ, no vata re vattabbe “N’atthi rūpajīvitindriyaṃ ti.”

9. Asaññasattānaṃ atthi jīvitindriyaṃ ti?

Āmantā.

Katamakkhandhapariyāpannaṃ ti?

Samkhārakkhandhapariyāpannaṃ ti.

Asaññasattānaṃ atthi samkhārakkhandho ti?

Na h’evaṃ vattabbe—pe—

Asaññasattānaṃ atthi samkhārakkhandho ti?

Āmantā.

Asaññasattānaṃ atthi vedanākkhandho—pe—saññāk-khandho—pe—viññāṇakkhandho ti?

Na h’evaṃ vattabbe—pe—

Asaññasattānaṃ atthi vedanākkhandho—pe—saññāk-khandho—pe—viññāṇakkhandho ti?

Āmantā.

Pañcavokārabhavo ti?

Na h’evaṃ vattabbe—pe—

10. Uppattesiyaṃ cittaṃ samuṭṭhitaṃ jīvitindriyaṃ uppattesiye citte bhijjamāne ekadesaṃ bhijjatīti?

Āmantā.

Uppattesiyaṃ cittaṃ samuṭṭhito phassa uppattesiye citte bhijjamāne ekadeso bhijjatīti?

Na h’evaṃ vattabbe—pe—

Uppattesiyaṃ cittaṃ samuṭṭhito phassa uppattesiye citte bhijjamāne anavaseso bhijjatīti?

Āmantā.

Uppattesiyaṃ cittaṃ samuṭṭhitaṃ jīvitindriyaṃ uppattesiye citte bhijjamāne anavasesaṃ bhijjatīti?

Na h’evaṃ vattabbe—pe—

11. Dve jīvitindriyānīti?

Āmantā.

Dvīhi jīvitehi jīvati, dvīhi maraṇehi mīyatīti?

Na h’evaṃ vattabbe—pe—

Jīvitindriyakathā

## VIII. 11.

1. Kammahetu <sup>1</sup> Arahā arahattā parihāyatīti ?

Āmantā.

Kammahetu sotāpanno sotāpattiphalā parihāyatīti ?

Na h'evaṃ vattabbe—pe—

Kammahetu Arahā arahattā parihāyatīti ?

Āmantā.

Kammahetu sakadāgāmī—pe—anāgāmī anāgāmiphala  
parihāyatīti ?

Na h'evaṃ vattabbe—pe—

2. Kammahetu sotāpanno sotāpattiphalā na parihāya-  
tīti ?

Āmantā.

Kammahetu Arahā arahattā na parihāyatīti ?

Na h'evaṃ vattabbe—pe—

Kammahetu sakadāgāmī—pe—anāgāmī anāgāmiphala  
na parihāyatīti ?

Āmantā.

Kammahetu Arahā arahattā na parihāyatīti ?

Na h'evaṃ vattabbe—pe—

3. Kammahetu Arahā arahattā parihāyatīti ?

Āmantā.

Pāṇātipātakammasa hetūti ?

Na h'evaṃ vattabbe—pe—

Adinnādānakammasa hetu—pe—kāmesu micchācāra-  
kammasa hetu, musāvādakammasa hetu, piṣuṇavācā-  
kammasa hetu, pharusavācākammasa hetu, samphappa-  
lāpakammasa hetu, mātughātakammasa hetu, pitu-  
ghātakammasa hetu, arahantaghātakammasa hetu,  
ruhiruppādakammasa hetu, saṃghabhedakammasa he-  
tūti ?

Na h'evaṃ vattabbe—pe—

Katamassa kammasa hetūti ?

Handa hi Arahantānaṃ abbhācikkhatīti.

<sup>1</sup> Kamman hetu, P.S.<sub>2</sub>.

Arahantānaṃ abbhācikkhanakammaṃsā hetu Arahā  
arahattā parihāyatīti?

Āmantā.

Ye keci Arahantānaṃ abbhācikkhanti, sabbe te ara-  
hattaṃ sacchikarontīti?

Na h'evaṃ vattabbe—pe—

K a m m a h e t u k a t h ā .

Cha gatiyo, Antarābhavo, Pañc'eva kāmagaṇā kāmā-  
dhātu,

Pañc'ev' āyatanā kāmā, Rūpino dhammā rūpadhātu,  
Arūpino dhammā arūpadhātu, Saḷāyataniko attabhāvo  
rūpadhātuyā,

Atthi rūpaṃ arūpesu, Rūpaṃ kammaṃ, Rūpajīvitindri-  
yaṃ, Kammahetu parihāyatīti.

A ṭ ṭ h a m o V a g g o .

## IX. 1.

1. Ānisaṃsadassāvissa saññojanānaṃ pahānaṃ ti?

Āmantā.

Nanu saṃkhāre aniccato manasikaroto saññojanā pahiyantīti?

Āmantā.

Hañci saṃkhāre aniccato manasikaroto saññojanā pahiyanti, no vata re vattabbe “Ānisaṃsadassāvissa saññojanānaṃ pahānaṃ ti.”

2. Nanu saṃkhāre dukkhato—pe—rogato gaṇḍato<sup>1</sup> sallato aghato ābādhato parato palokato<sup>2</sup> itito upaddavato bhayato upasaggato calato pabhaṅguto adhuvato<sup>3</sup> atānato aḷeṇato asaraṇato asaraṇibhūtato riccato<sup>4</sup> tucchato<sup>5</sup> suññato anattato ādīnavato—pe—vipariṇāmadhammato manasikaroto saññojanā pahiyantīti?

Āmantā.

Hañci saṃkhāre vipariṇāmadhammato manasikaroto saññojanā pahiyanti, no vata re vattabbe “Ānisaṃsadassāvissa saññojanānaṃ pahānaṃ ti.”

3. Saṃkhāre ca aniccato manasikaroti, nibbāne ca ānisaṃsadassāvī hotīti?

Na h'evaṃ vattabbe—pe—

Saṃkhāre ca aniccato manasikaroti, nibbāne ca ānisaṃsadassāvī hotīti?

Āmantā.

Dvinnāṃ phassānaṃ—pe—dvinnāṃ cittānaṃ samodhānaṃ hotīti?

Na h'evaṃ vattabbe—pe—

Saṃkhāre ca dukkhato—pe—rogato—pe—vipariṇāmadhammato manasikaroti, nibbāne ca ānisaṃsadassāvī hotīti?

Na h'evaṃ vattabbe—pe—

Saṃkhāre ca vipariṇāmadhammato manasikaroti, nibbāne ca ānisaṃsadassāvī hotīti?

<sup>1</sup> gaṇḍhato, P.S.<sub>2</sub>.

<sup>2</sup> parolokato, P.S.S.<sub>2</sub>.

<sup>3</sup> adduvato, P.

<sup>4</sup> dittato, P.S.<sub>2</sub>.

<sup>5</sup> kucchato, P.

Āmantā.

Dvinnam phassānam—pe—dvinnam cittānam samodhānam hotīti?

Na h'evam vattabbe—pe—

4. Na vattabbam “Ānisaṃsadassāvissa saññojanānam pahānan ti”?

Āmantā.

Nanu vuttam Bhagavatā—“Idha Bhikkhave bhikkhu nibbāne sukhānupassī viharati sukhasaññī<sup>1</sup> sukhapatisaṃvedī satatam samitam abbokiṇṇam<sup>2</sup> cetasā adhimuccamāno paññāya pariyogāhamāno ti.” Atth'eva suttanto ti?

Āmantā.

Tena hi ānisaṃsadassāvissa saññojanānam pahānan ti.

### Ānisaṃsakathā.

#### IX. 2.

1. Amatārammaṇam saññojanan ti?

Āmantā.

Amatam saññojanīyam ganthaniyam<sup>3</sup> oghanīyam yoganiyam nīvaraṇīyam parāmaṭṭham upādānīyam saṃkilesikan ti?

Na h'evam vattabbe—pe—

Nanu amatam asaññojanīyam aganthaniyam—pe—asaṃkilesikan ti?

Āmantā.

Hañci amatam asaññojanīyam aganthaniyam—pe—asaṃkilesikam, no vata re vattabbe “Amatārammaṇam saññojanan ti.”

2. Amatam ārabba rāgo uppajjatīti?

Āmantā.

Amatam rāgaṭṭhānīyam rajanīyam kamanīyam madanīyam<sup>4</sup> bandhanīyam mucchanīyan ti?

<sup>1</sup> sukhasam, P.S.S<sub>2</sub>.

<sup>2</sup> abbhokiṇṇam, P.S<sub>2</sub>.

<sup>3</sup> gandhanīyam, P.S.S<sub>2</sub>.

<sup>4</sup> rammanīyam, P.S<sub>2</sub>.

Na h'evaṃ vattabbe—pe—

Nanu amatam na rāgaṭṭhānīyaṃ na rajanīyaṃ na kamanīyaṃ na madanīyaṃ na bandhanīyaṃ na mucchanīyan ti?

Āmantā.

Hañci amatam na rāgaṭṭhānīyaṃ na rajanīyaṃ na kamanīyaṃ na madanīyaṃ na bandhanīyaṃ na mucchanīyaṃ, no vata re vattabbe “Amatam ārabba rāgo uppajjati.”

3. Amatam ārabba doso uppajjati?

Āmantā.

Amatam dosaṭṭhānīyaṃ kopaṭṭhānīyaṃ paṭighaṭṭhānīyan ti?

Na h'evaṃ vattabbe—pe—

Nanu amatam na dosaṭṭhānīyaṃ na kopaṭṭhānīyaṃ na paṭighaṭṭhānīyan ti?

Āmantā.

Hañci amatam na dosaṭṭhānīyaṃ na kopaṭṭhānīyaṃ na paṭighaṭṭhānīyaṃ, no vata re vattabbe “Amatam ārabba doso uppajjati.”

4. Amatam ārabba moho uppajjati?

Āmantā.

Amatam mohaṭṭhānīyaṃ aññānakaṇaṃ acakkhukaṇaṃ paññānirodhiyaṃ vigātapakkhiyaṃ anibbānaṣaṃvattanikaṃ ti?

Na h'evaṃ vattabbe—pe—

Nanu amatam na mohaṭṭhānīyaṃ na aññānakaṇaṃ na acakkhukaṇaṃ paññāvuddhiyaṃ<sup>1</sup> avigātapakkhiyaṃ nibbānaṣaṃvattanikaṃ ti?

Āmantā.

Hañci amatam na mohaṭṭhānīyaṃ na aññānakaṇaṃ —pe—nibbānaṣaṃvattanikaṃ, no vata re vattabbe “Amatam ārabba moho uppajjati.”

5. Rūpaṃ ārabba saññojanā uppajjanti, rūpaṃ saññojanīyaṃ—pe—saṃkilesikaṃ ti?

<sup>1</sup> paññāratthiyaṃ, P.S.S<sub>2</sub>. ; paññābuddhiyaṃ, M.

Āmantā.

Amataṃ ārabba saññojanā uppajjanti, amataṃ saññojanīyaṃ—pe—saṃkilesikan ti?

Na h'evaṃ vattabbe—pe—

Rūpaṃ ārabba rāgo uppajjati, rūpaṃ rāgaṭṭhānīyaṃ—pe—mucchanīyan ti?

Āmantā.

Amataṃ ārabba rāgo uppajjati, amataṃ rāgaṭṭhānīyaṃ—pe—mucchanīyan ti?

Na h'evaṃ vattabbe—pe—

Rūpaṃ ārabba doso uppajjati, rūpaṃ dosaṭṭhānīyaṃ—pe—paṭighaṭṭhānīyan ti?

Āmantā.

Amataṃ ārabba doso uppajjati, amataṃ dosaṭṭhānīyaṃ—pe—paṭighaṭṭhānīyan ti?

Na h'evaṃ vattabbe—pe—

Rūpaṃ ārabba moho uppajjati, rūpaṃ mohaṭṭhānīyaṃ—pe—anibbānasamvattanikan ti?

Āmantā.

Amataṃ ārabba moho uppajjati, amataṃ mohaṭṭhānīyaṃ—pe—anibbānasamvattanikan ti?

Na h'evaṃ vattabbe—pe—

6. Amataṃ ārabba saññojanā uppajjanti, amataṃ asaññojanīyaṃ aganthanīyaṃ anoghanīyaṃ ayoganīyaṃ anīvaraṇīyaṃ aparāmaṭṭhaṃ anupādānīyaṃ asaṃkilesikan ti?

Āmantā.

Rūpaṃ ārabba saññojanā uppajjanti, rūpaṃ asaññojanīyaṃ aganthanīyaṃ—pe—asaṃkilesikan ti?

Na h'evaṃ vattabbe—pe—

Amataṃ ārabba rāgo uppajjati, amataṃ na rāgaṭṭhānīyaṃ na rajanīyaṃ na kamanīyaṃ na madanīyaṃ na bandhanīyaṃ na mucchanīyan ti?

Āmantā.

Rūpaṃ ārabba rāgo uppajjati, rūpaṃ na rāgaṭṭhānīyaṃ na rajanīyaṃ na kamanīyaṃ na madanīyaṃ na bandhanīyaṃ na mucchanīyan ti?

Na h'evaṃ vattabbe—pe—

Amataṃ ārabha doso uppajjati, amataṃ na dosatṭhānīyaṃ na kopatṭhānīyaṃ na paṭighatṭhānīyaṃ ti?

Āmantā.

Rūpaṃ ārabha doso uppajjati, rūpaṃ na dosatṭhānīyaṃ na kopatṭhānīyaṃ na paṭighatṭhānīyaṃ ti?

Na h'evaṃ vattabbe—pe—

Amataṃ ārabha moho uppajjati, amataṃ na mohatṭhānīyaṃ na aññāṇakaraṇaṃ—pe—nibbānaṃvattanikaṃ ti?

Āmantā.

Rūpaṃ ārabha moho uppajjati, rūpaṃ na mohatṭhānīyaṃ na aññāṇakaraṇaṃ—pe—nibbānaṃvattanikaṃ ti?

Na h'evaṃ vattabbe—pe—

7. Na vattabbaṃ “ Amatārammaṇaṃ saññojanaṃ ti ”?

Āmantā.

Nanu vuttaṃ Bhagavatā—“ Nibbānaṃ nibbānato sañjānāti, nibbānaṃ nibbānato sañjānitvā nibbānaṃ maññati, nibbānasmim maññati, nibbānato maññati, nibbānaṃ meti maññati, nibbānaṃ abhinandatīti.”

Atth'eva suttantaṃ ti?

Āmantā.

Tena hi amatārammaṇaṃ saññojanaṃ ti.

A m a t ā r a m m a ṇ a k a t h ā .

### IX. 3.

1. Rūpaṃ sārammaṇaṃ ti?

Āmantā.

Atthi tassa āvaṭṭanā ābhogo samannāhāro manasikāro cetanā patthanā paṇidhīti?

Na h'evaṃ vattabbe—pe—

Nanu n'atthi tassa āvaṭṭanā ābhogo—pe—paṇidhīti?

Āmantā.

Hañci n'atthi tassa āvaṭṭanā ābhogo—pe—paṇidhi, no vata re vattabbe “ Rūpaṃ sārammaṇaṃ ti.”

2. Phasso sārammaṇo, atthi tassa āvaṭṭanā ābhogo—pe—paṇidhīti?

Āmantā.

Rūpaṃ sārammaṇaṃ, atthi tassa āvaṭṭanā ābhogo  
—pe—paṇidhīti?

Na h'evaṃ vattabbe—pe—

Vedanā—pe—saññā, cetanā, cittaṃ, saddhā, viriyaṃ,  
sati, samādhi, paññā, rāgo, doso, moho, māno, diṭṭhi, vici-  
kicchā, thīnaṃ, uddhaccaṃ, ahirikaṃ—pe—anottappaṃ  
sārammaṇaṃ, atthi tassa āvaṭṭanā ābhogo—pe—paṇi-  
dhīti?

Āmantā.

Rūpaṃ sārammaṇaṃ, atthi tassa āvaṭṭanā ābhogo  
—pe—paṇidhīti?

Na h'evaṃ vattabbe—pe—

3. Rūpaṃ sārammaṇaṃ, n'atthi tassa āvaṭṭanā ābhogo  
—pe—paṇidhīti?

Āmantā.

Phasso sārammaṇo, n'atthi tassa āvaṭṭanā ābhogo—pe—  
paṇidhīti?

Na h'evaṃ vattabbe—pe—

Rūpaṃ sārammaṇaṃ, n'atthi tassa āvaṭṭanā ābhogo  
—pe—paṇidhīti?

Āmantā.

Vedanā, saññā—pe—anottappaṃ sārammaṇaṃ, n'atthi  
tassa āvaṭṭanā ābhogo—pe—paṇidhīti?

Na h'evaṃ vattabbe—pe—

4. Na vattabbaṃ “Rūpaṃ sārammaṇan ti”?

Āmantā.

Nanu rūpaṃ sappaccayaṃ ti?

Āmantā.

Hañci rūpaṃ sappaccayaṃ, tena vata re vattabbe  
“Rūpaṃ sārammaṇan ti.”

Rūpaṃ sārammaṇan ti kathā.

---

IX. 4.

1. Anusayā anārammaṇā ti?

Āmantā.

Rūpaṃ nibbānaṃ cakkhāyatanaṃ—pe—phoṭṭhabbāyatanaṃ ti?

Na h'evaṃ vattabbe—pe—

Kāmarāgānusayo anārammaṇo ti?

Āmantā.

Kāmarāgo kāmarāgapariyuṭṭhānaṃ kāmarāgasaññojanaṃ kāmogho kāmayogo kāmacchandanīvaraṇaṃ anārammaṇaṃ ti?

Na h'evaṃ vattabbe—pe—

Kāmarāgo kāmarāgapariyuṭṭhānaṃ kāmarāgasaññojanaṃ kāmogho kāmayogo kāmacchandanīvaraṇaṃ sārammaṇaṃ ti?

Āmantā.

Kāmarāgānusayo sārammaṇo ti?

Na h'evaṃ vattabbe—pe—

2. Kāmarāgānusayo anārammaṇo ti?

Āmantā.

Katamakkhandhapariyāpanno ti? Saṃkhārakkhandhapariyāpanno ti.

Saṃkhārakkhandho anārammaṇo ti?

Na h'evaṃ vattabbe—pe—

Saṃkhārakkhandho anārammaṇo ti?

Āmantā.

Vedanākkhandho, saññākkhandho, viññāṇakkhandho anārammaṇo ti?

Na h'evaṃ vattabbe—pe—

3. Kāmarāgānusayo saṃkhārakkhandhapariyāpanno anārammaṇo ti?

Āmantā.

Kāmarāgo saṃkhārakkhandhapariyāpanno anārammaṇo ti?

Na h'evaṃ vattabbe—pe—

Kāmarāgo saṃkhārakkhandhapariyāpanno sārammaṇo ti?

Āmantā.

Kāmarāgānusayo saṃkhārakkhandhapariyāpanno sārammaṇo ti?

Na h'evaṃ vattabbe—pe—

4. Kāmarāgānusayo saṃkhārakkhandhapariyāpanno anārammaṇo, kāmarāgo saṃkhārakkhandhapariyāpanno sārammaṇo ti?

Āmantā.

Saṃkhārakkhandho ekadeso sārammaṇo, ekadeso anārammaṇo ti?

Na h'evaṃ vattabbe—pe—

Saṃkhārakkhandho ekadeso sārammaṇo, ekadeso anārammaṇo ti?

Āmantā.

Vedanākkhandho, saññākkhandho, viññāṇakkhandho ekadeso sārammaṇo, ekadeso anārammaṇo ti?

Na h'evaṃ vattabbe—pe—

5. Paṭighānusayo, mānānusayo, diṭṭhānusayo, vicikicchānusayo, bhavarāgānusayo, avijjānusayo anārammaṇo ti?

Āmantā.

Avijjā avijjogho avijjāyogo avijjāpariyuṭṭhānaṃ avijjāsaññojanaṃ avijjānīvaraṇaṃ anārammaṇaṃ ti?

Na h'evaṃ vattabbe—pe—

Avijjā avijjogho—pe—avijjānīvaraṇaṃ sārammaṇaṃ ti?

Āmantā.

Avijjānusayo sārammaṇo ti?

Na h'evaṃ vattabbe—pe—

6. Avijjānusayo anārammaṇo ti?

Āmantā.

Katamakkhandhapariyāpanno ti? Saṃkhārakkhandhapariyāpanno ti.

Saṃkhārakkhandho anārammaṇo ti?

Na h'evaṃ vattabbe—pe—

Saṃkhārakkhandho anārammaṇo ti?

Āmantā.

Vedanākkhandho, saññākkhandho, viññāṇakkhandho anārammaṇo ti?

Na h'evaṃ vattabbe—pe—

7. Avijjānusayo saṃkhārakkhandhapariyāpanno anārammaṇo ti?

Āmantā.

Avijjā saṃkhārakkhandhapariyāpannā anārammaṇā ti?

Na h'evaṃ vattabbe—pe—

Avijjā saṃkhārakkhandhapariyāpannā sārammaṇā ti?

Āmantā.

Avijjānusayo saṃkhārakkhandhapariyāpanno sārammaṇo ti?

Na h'evaṃ vattabbe—pe—

8. Avijjānusayo saṃkhārakkhandhapariyāpanno anārammaṇo, avijjā saṃkhārakkhandhapariyāpannā sārammaṇā ti?

Āmantā.

Samkhārakkhandho ekadeso sārammaṇo, ekadeso anārammaṇo ti?

Na h'evaṃ vattabbe—pe—

Samkhārakkhandho ekadeso sārammaṇo, ekadeso anārammaṇo ti?

Āmantā.

Vedanākkhandho, saññākkhandho, viññāṇakkhandho ekadeso sārammaṇo, ekadeso anārammaṇo ti?

Na h'evaṃ vattabbe—pe—

9. Na vattabbaṃ “Anusayā anārammaṇā ti”?

Āmantā.

Puthujjano kusalābyākate citte vattamāne “sānusayo ti” vattabbo ti?

Āmantā.

Atthi tesaṃ anusayānaṃ ārammaṇan ti?

Na h'evaṃ vattabbe—pe—

Tena hi anusayā anārammaṇā ti.

10. Puthujjano kusalābyākate citte vattamāne “sarāgo ti” vattabbo ti?

Āmantā.

Atthi tassa rāgassa ārammaṇan ti?

Na h'evaṃ vattabbe—pe—

Tena hi rāgo anārammaṇo ti.

Anusayā anārammaṇā ti kathā.

## IX. 5.

1. *Ñāṇaṃ anārammaṇaṃ ti?*

*Āmantā.*

*Rūpaṃ nibbānaṃ cakkhāyatanaṃ—pe—phoṭṭhabbāyatanaṃ ti?*

*Na h'evaṃ vattabbe—pe—*

*Ñāṇaṃ anārammaṇaṃ ti?*

*Āmantā.*

*Paññā, paññindriyaṃ, paññābalaṃ, sammādiṭṭhi, dhammavicayasambojjaṅgo anārammaṇo ti?*

*Na h'evaṃ vattabbe—pe—*

*Paññā, paññindriyaṃ, paññābalaṃ, sammādiṭṭhi, dhammavicayasambojjaṅgo sārammaṇo ti?*

*Āmantā.*

*Ñāṇaṃ sārammaṇaṃ ti?*

*Na h'evaṃ vattabbe—pe—*

2. *Ñāṇaṃ anārammaṇaṃ ti?*

*Āmantā.*

*Katamakkhandhapariyāpannaṃ ti? Saṃkhārakkhandhapariyāpannaṃ ti.*

*Saṃkhārakkhandho anārammaṇo ti?*

*Na h'evaṃ vattabbe—pe—*

*Saṃkhārakkhandho anārammaṇo ti?*

*Āmantā.*

*Vedaṇākkhandho, saññākkhandho, viññāṇakkhandho anārammaṇo ti?*

*Na h'evaṃ vattabbe—pe—*

3. *Ñāṇaṃ saṃkhārakkhandhapariyāpannaṃ anārammaṇaṃ ti?*

*Āmantā.*

*Paññā saṃkhārakkhandhapariyāpannā anārammaṇā ti?*

*Na h'evaṃ vattabbe—pe—*

*Paññā saṃkhārakkhandhapariyāpannā sārammaṇā ti?*

*Āmantā.*

*Ñāṇaṃ saṃkhārakkhandhapariyāpannaṃ sārammaṇaṃ ti?*

*Na h'evaṃ vattabbe—pe—*

4. Nāṇaṃ saṅkhārakkhandhapariyāpannaṃ anārammaṇaṃ, paññā saṅkkārakkhandhapariyāpannā sārammaṇā ti ?

Āmantā.

Saṅkhārakkhandho ekadeso sārammaṇo, ekadeso anārammaṇo ti ?

Na h'evaṃ vattabbe—pe—

Saṅkhārakkhandho ekadeso sārammaṇo, ekadeso anārammaṇo ti ?

Āmantā.

Yedanākkhandho, saññākkhandho, viññāṇakkhandho ekadeso sārammaṇo, ekadeso anārammaṇo ti ?

Na h'evaṃ vattabbe—pe—

5. Na vattabbaṃ “ Nāṇaṃ anārammaṇaṃ ti ” ?

Āmantā.

Arahā cakkhuvīññāṇasamaṅgī “ nāṇīti ” vattabbo ti ?

Āmantā.

Atthi tassa nāṇassa ārammaṇaṃ ti ?

Na h'evaṃ vattabbe—pe—

Tena hi nāṇaṃ anārammaṇaṃ ti.

6. Arahā cakkhuvīññāṇasamaṅgī “ paññavā ti ” vattabbo ti ?

Āmantā.

Atthi tāya paññāya ārammaṇaṃ ti ?

Na h'evaṃ vattabbe—pe—

Tena hi paññā anārammaṇā ti.

Nāṇaṃ anārammaṇaṃ ti kathā.

---

### IX. 6.

1. Atītārammaṇaṃ cittaṃ anārammaṇaṃ ti ?

Āmantā.

Nānu atītārammaṇaṃ ti ?

Āmantā.

. Hañci atītārammaṇaṃ, no vata re vattabbe “ Atītārammaṇaṃ cittaṃ anārammaṇaṃ ti.”

Atītārammaṇaṃ<sup>1</sup> anārammaṇaṃ ti, micchā : hañci vā pana anārammaṇaṃ, no vata re vattabbe “Atītārammaṇaṃ ti :” anārammaṇaṃ atītārammaṇaṃ ti, micchā.

2. Atītārammaṇaṃ cittaṃ anārammaṇaṃ<sup>2</sup> ti ?

Āmantā.

Nanu atītaṃ ārabba atthi āvaṭṭanā—pe—paṇidhī ?

Āmantā.

Hañci atītaṃ ārabba atthi āvaṭṭanā—pe—paṇidhi, no vata re vattabbe “Atītārammaṇaṃ cittaṃ anārammaṇaṃ ti.”

.A t i t ā r a m m a ṇ a k a t h ā .

### IX. 7.

1. Anāgatārammaṇaṃ cittaṃ anārammaṇaṃ ti ?

Āmantā.

Nanu anāgatārammaṇaṃ ti ?

Āmantā.

Hañci anāgatārammaṇaṃ, no vata re vattabbe “Anāgatārammaṇaṃ cittaṃ anārammaṇaṃ ti.”

Anāgatārammaṇaṃ anārammaṇaṃ ti, micchā : hañci vā pana anārammaṇaṃ, no vata re vattabbe “Anāgatārammaṇaṃ ti :” anārammaṇaṃ anāgatārammaṇaṃ ti, micchā.

2. Anāgatārammaṇaṃ cittaṃ anārammaṇaṃ ti ?

Āmantā.

Nanu anāgataṃ ārabba atthi āvaṭṭanā—pe—paṇidhī ?

Āmantā.

Hañci anāgataṃ ārabba atthi āvaṭṭanā—pe—paṇidhi, no vata re vattabbe “Anāgatārammaṇaṃ cittaṃ anārammaṇaṃ ti.”

3. Paccuppannaṃ ārabba atthi āvaṭṭanā—pe—paṇidhi, paccuppannārammaṇaṃ cittaṃ sārammaṇaṃ ti ?

Āmantā.

<sup>1</sup> M. inserts cittaṃ after atītārammaṇaṃ.

<sup>2</sup> P. omits sec. 2.

Atītaṃ ārabba atthi āvaṭṭanā—pe—paṇidhi, atītārammaṇaṃ cittaṃ sārammaṇaṃ ti?

Na h'evaṃ vattabbe—pe—

Paccuppannaṃ ārabba atthi āvaṭṭanā—pe—paṇidhi, paccuppannārammaṇaṃ cittaṃ sārammaṇaṃ ti?

Āmantā.

Anāgataṃ ārabba atthi āvaṭṭanā—pe—paṇidhi, anāgatārammaṇaṃ cittaṃ sārammaṇaṃ ti?

Na h'evaṃ vattabbe—pe—

4. Atītaṃ ārabba atthi āvaṭṭanā—pe—paṇidhi, atītārammaṇaṃ cittaṃ anārammaṇaṃ ti?

Āmantā.

Paccuppannaṃ ārabba atthi āvaṭṭanā—pe—paṇidhi, paccuppannārammaṇaṃ cittaṃ anārammaṇaṃ ti?

Na h'evaṃ vattabbe—pe—

Anāgataṃ ārabba atthi āvaṭṭanā—pe—paṇidhi, anāgatārammaṇaṃ cittaṃ anārammaṇaṃ ti?

Āmantā.

Paccuppannaṃ ārabba atthi āvaṭṭanā—pe—paṇidhi, paccuppannārammaṇaṃ cittaṃ anārammaṇaṃ ti?

Na h'evaṃ vattabbe—pe—

5. Na vattabbaṃ “Atītārammaṇaṃ cittaṃ anārammaṇaṃ ti”?

Āmantā.

Nanu atītārammaṇaṃ n'atthīti?

Āmantā.

Hañci atītārammaṇaṃ n'atthi, tena vata re vattabbe “Atītārammaṇaṃ cittaṃ anārammaṇaṃ ti.”

A n ā g a t ā r a m m a ṇ a k a t h ā .

## IX. 8.

1. Sabbhaṃ cittaṃ vitakkānupatitaṃ ti?

Āmantā.

Sabbhaṃ cittaṃ vicārānupatitaṃ, pītānupatitaṃ, sukhānupatitaṃ, dukkhānupatitaṃ, somanassānupatitaṃ,

domanassānupatitaṃ, upekkhānupatitaṃ, saddhānupatitaṃ, viriyānupatitaṃ, satānupatitaṃ, samādhānupatitaṃ, paññānupatitaṃ, rāgānupatitaṃ, dosānupatitaṃ —pe— anottappānupatitaṃ ti ?

Na h'evaṃ vattabbe—pe—

2. Sabbam cittaṃ vitakkānupatitaṃ ti ?

Āmantā.

Nanu atthi avitakko vicāramatto samādhīti ?

Āmantā.

Hañci atthi avitakko vicāramatto samādhī, no vata re vattabbe “Sabbam cittaṃ vitakkānupatitaṃ ti.”

3. Sabbam cittaṃ vitakkānupatitaṃ ti ?

Āmantā.

Nanu atthi avitakko avicāro samādhīti ?

Āmantā.

Hañci atthi avitakko avicāro samādhī, no vata re vattabbe “Sabbam cittaṃ vitakkānupatitaṃ ti.”

4. Sabbam cittaṃ vitakkānupatitaṃ ti ?

Āmantā.

Nanu tayo samādhī vuttā Bhagavatā, savitakko savicāro samādhī, avitakko vicāramatto samādhī, avitakko avicāro samādhīti ?

Āmantā.

Hañci tayo samādhī vuttā Bhagavatā, savitakko savicāro samādhī, avitakko vicāramatto samādhī, avitakko avicāro samādhī, no vata re vattabbe “Sabbam cittaṃ vitakkānupatitaṃ ti.”

V i t a k k ā n u p a t i t a k a t h ā.

---

IX. 9.

1. Sabbaso vitakkayato vicārayato vitakkavipphāro saddo ti ?

Āmantā.

Sabbaso <sup>1</sup> phusayato phassavipphāro saddo, sabbaso

---

<sup>1</sup> sabbato, P.

vedayato vedanāvippahāro saddo, sabbaso sañjānato saññāvipphāro saddo, sabbaso cetayato cetanāvippahāro saddo, sabbaso cintayato cittavippahāro saddo, sabbaso sarato sativippahāro saddo, sabbaso pajānato paññāvippahāro saddo ti?

Na h'evaṃ vattabbe—pe—

2. Sabbaso vitakkayato vicārayato vitakkavippahārosaddo ti?

Āmantā.

Vitakkavippahāro saddo sotaviññeyyo, sotasmim paṭihaññati, sotassa āpātham<sup>1</sup> āgacchatīti?

Na h'evaṃ vattabbe—pe—

Nanu vitakkavippahāro saddo na sotaviññeyyo, na sotasmim paṭihaññati, na sotassa āpātham āgacchatīti?

Āmantā.

Hañci vitakkavippahāro saddo na sotaviññeyyo, na sotasmim paṭihaññati, na sotassa āpātham āgacchati, no vata re vattabbe “Sabbaso vitakkayato vicārayato vitakkavippahāro saddo ti.”

V i t a k k a v i p p h ā r a s a d d a k a t h ā .

---

IX. 10.

1. Na yathā cittassa vācā ti?

Āmantā.

Aphassakassa vācā, avedanakassa vācā, asaññakassa vācā, acetanakassa vācā, acittakassa vācā ti?

Na h'evaṃ vattabbe—pe—

Nanu saphassakassa vācā, savedanakassa vācā, sasaññakassa vācā, sacetanakassa vācā, sacittakassa vācā ti?

Āmantā.

Hañci saphassakassa—pe—sacittakassa vācā, no vata re vattabbe “Na yathā cittassa vācā ti.”

---

<sup>1</sup> ābādham, P.

2. Na yathā cittassa vācā ti?

Āmantā.

Anāvattantassa vācā, anābhogassa vācā—pe—apaṇidahantassa vācā ti?

Na h'evaṃ vattabbe—pe—

Nanu āvattantassa vācā, ābhogassa vācā—pe—paṇidahantassa vācā ti?

Āmantā.

Hañci āvattantassa vācā, ābhogassa vācā—pe—paṇidahantassa vācā, no vata re vattabbe “Na yathā cittassa vācā ti.”

3. Na yathā cittassa vācā ti?

Āmantā.

Nanu vācā cittasamuṭṭhānā cittena saha jātā cittena saha ekuppādā ti?

Āmantā.

Hañci vācā cittasamuṭṭhānā cittena saha jātā cittena saha ekuppādā, no vata re vattabbe “Na yathā cittassa vācā ti.”

4. Na yathā cittassa vācā ti?

Āmantā.

Na bhaṇitukāmo bhaṇati, na kathetukāmo katheti, na ālapitukāmo ālapati, na voharitukāmo voharatīti?

Na h'evaṃ vattabbe—pe—

Nanu bhaṇitukāmo bhaṇati, kathetukāmo katheti, ālapitukāmo ālapati, voharitukāmo voharatīti?

Āmantā.

Hañci bhaṇitukāmo bhaṇati, kathetukāmo katheti, ālapitukāmo ālapati, voharitukāmo voharati, no vata re vattabbe “Na yathā cittassa vācā ti.”

5. Na vattabbaṃ “Na yathā cittassa vācā ti”?

Āmantā.

Nanu atthi koci “aññaṃ bhaṇissāmīti” aññaṃ bhaṇati, “aññaṃ kathessāmīti” aññaṃ katheti, “aññaṃ ālapassāmīti” aññaṃ ālapati, “aññaṃ voharissāmīti” aññaṃ voharatīti?

Āmantā.

Hañci atthi koci “aññaṃ bhaṇissāmīti” aññaṃ bhaṇati,

“aññaṃ kathessāmi” aññaṃ katheti, “aññaṃ ālapasāmi” aññaṃ ālapati, “aññaṃ voharissāmi” aññaṃ voharati, tena vata re vattabbe “Na yathā cittassa vācā ti.”

Na yathā cittassa vācā ti kathā.

---

IX. 11.

1. Na yathā cittassa kāyakammaṃ ti?

Āmantā.

Aphassakassa kāyakammaṃ, avedanakassa kāyakammaṃ, asaññaṃ kāyakammaṃ, acetanakassa kāyakammaṃ, acittakassa kāyakammaṃ ti?

Na h'evaṃ vattabbe—pe—

Nanu saphassakassa kāyakammaṃ, savedanakassa kāyakammaṃ, sasaññaṃ kāyakammaṃ, sacetanakassa kāyakammaṃ, sacittakassa kāyakammaṃ ti?

Āmantā.

Hañci saphassakassa—pe—sacittakassa kāyakammaṃ, no vata re vattabbe “Na yathā cittassa kāyakammaṃ ti.”

2. Na yathā cittassa kāyakammaṃ ti?

Āmantā.

Anāvaṭṭantassa kāyakammaṃ, anābhogassa kāyakammaṃ—pe—apaṇidahantassa kāyakammaṃ ti?

Na h'evaṃ vattabbe—pe—

Nanu āvaṭṭantassa kāyakammaṃ, ābhogassa kāyakammaṃ—pe—paṇidahantassa kāyakammaṃ ti?

Āmantā.

Hañci āvaṭṭantassa kāyakammaṃ, ābhogassa kāyakammaṃ—pe—paṇidahantassa kāyakammaṃ, no vata re vattabbe “Na yathā cittassa kāyakammaṃ ti.”

3. Na yathā cittassa kāyakammaṃ ti?

Āmantā.

Nanu kāyakammaṃ cittasamuṭṭhānaṃ cittena saha jātaṃ cittena saha ekuppādan ti?

Āmantā.

Hañci kāyakammaṃ cittasamuṭṭhānaṃ cittaena saha jātaṃ cittaena saha ekuppādaṃ, no vata re vattabbe “ Na yathā cittassa kāyakammaṃ ti.”

4. Na yathā cittassa kāyakammaṃ ti ?

Āmantā.

Na abhikkamitukāmo abhikkamati, na paṭikkamitukāmo paṭikkamati, na āloketukāmo āloketi, na viloketukāmo viloketi, na sammiñjitukāmo sammiñjeti, na pasāretukāmo pasāretīti ?

Na h'evaṃ vattabbe—pe—

Nanu abhikkamitukāmo abhikkamati, paṭikkamitukāmo paṭikkamati, āloketukāmo āloketi, viloketukāmo viloketi, sammiñjitukāmo sammiñjeti, pasāretukāmo pasāretīti ?

Āmantā.

Hañci abhikkamitukāmo abhikkamati, paṭikkamitukāmo paṭikkamati, āloketukāmo āloketi, viloketukāmo viloketi, sammiñjitukāmo sammiñjeti, pasāretukāmo pasāreti, no vata re vattabbe “ Na yathā cittassa kāyakammaṃ ti.”

5. Na vattabbaṃ “ Na yathā cittassa kāyakammaṃ ti ” ?

Āmantā.

Nanu atthi koci “ aññatra gacchissāmīti ” aññatra gacchati—pe—“ annaṃ pasāressāmīti ” aññaṃ pasāretīti ?

Āmantā.

Hañci atthi koci “ aññatra gacchissāmīti ” aññatra gacchati—pe—“ aññaṃ pasāressāmīti ” aññaṃ pasāreti, tena vata re vattabbe “ Na yathā cittassa kāyakammaṃ ti.”

Na yathā cittassa kāyakammaṃ ti kathā.

---

## IX. 12.

1. Atītena samannāgato ti ?

Āmantā.

Nanu atītaṃ niruddhaṃ vigataṃ vipariṇataṃ atthaṅgataṃ abbatthāṅgatan ti ?

Āmantā.

Hañci atītaṃ niruddhaṃ vigataṃ vipariṇataṃ atthaṅgataṃ abbhatṭhaṅgataṃ, no vata re vattabbe “Atītena samannāgato ti.”

2. Anāgatenā samannāgato ti?

Āmantā.

Nanu anāgataṃ ajātaṃ abhūtaṃ asaṅjātaṃ anibbattaṃ anabhinibbattaṃ apātubhūtaṃ ti?

Āmantā.

Hañci anāgataṃ ajātaṃ abhūtaṃ asaṅjātaṃ anibbattaṃ anabhinibbattaṃ apātubhūtaṃ, no vata re vattabbe “Anāgatenā samannāgato ti.”

3. Atītena rūpakkhandhena samannāgato, anāgatenā rūpakkhandhena samannāgato, paccuppannena rūpakkhandhena samannāgato ti?

Āmantā.

Tīhi rūpakkhandhehi samannāgato ti?

Na h’evaṃ vattabbe—pe—

Atītehi pañcahi khandhehi samannāgato, anāgatehi pañcahi khandhehi samannāgato, paccuppannehi pañcahi khandhehi samannāgato ti?

Āmantā.

Paññarasahi khandhehi samannāgato ti?

Na h’evaṃ vattabbe—pe—

4. Atītena cakkhāyatanena samannāgato, anāgatenā cakkhāyatanena samannāgato, paccuppannena cakkhāyatanena samannāgato ti?

Āmantā.

Tīhi cakkhāyatanehi samannāgato ti?

Na h’evaṃ vattabbe—pe—

Atītehi dvādasahi āyatanehi samannāgato, anāgatehi dvādasahi āyatanehi samannāgato, paccuppannehi dvādasahi āyatanehi samannāgato ti?

Āmantā.

Chattims’ āyatanehi samannāgato ti?

Na h’evaṃ vattabbe—pe—

5. Atītāya cakkhudhātuyā samannāgato, anāgatāya cakkhudhātuyā samannāgato, paccuppannāya cakkhudhātuyā samannāgato ti?

Āmantā.

Tihi cakkhudhātūhi samannāgato ti?

Na h'evaṃ vattabbe—pe—

Atitāhi aṭṭhārasahi dhātūhi samannāgato, anāgatāhi aṭṭhārasahi dhātūhi samannāgato, paccuppannāhi aṭṭhārasahi dhātūhi samannāgato ti?

Āmantā.

Catupaññāsadhātūhi samannāgato ti?

Na h'evaṃ vattabbe—pe—

6. Atitena cakkhundriyena samannāgato, anāgatena cakkhundriyena samannāgato, paccuppannena cakkhundriyena samannāgato ti?

Āmantā.

Tihi cakkhundriyehi samannāgato ti?

Na h'evaṃ vattabbe—pe—

Atitehi bāvīsat' indriyehi samannāgato, anāgatehi bāvīsat' indriyehi samannāgato, paccuppannehi bāvīsat' indriyehi samannāgato ti?

Āmantā.

Chasaṭṭh' indriyehi samannāgato ti?

Na h'evaṃ vattabbe—pe—

7. Na vattabbaṃ “Atitānāgatehi samannāgato ti”?

Āmantā.

Nanu atthi aṭṭhavimokkhajhāyī catunnaṃ jhānānaṃ nikāmalābhī, catunnaṃ anupubbavīhārasamāpattīnaṃ lābhī ti?

Āmantā.

Hañci atthi aṭṭhavimokkhajhāyī catunnaṃ jhānānaṃ nikāmalābhī, catunnaṃ anupubbavīhārasamāpattīnaṃ lābhī, tena vata re vattabbe “Atitānāgatehi samannāgato ti.”

Atitānāgatapaccuppannakathā.

Ānisamsadassāvissa saññojanānaṃ pahānaṃ, Amatāramaṇaṃ saññojanaṃ,

Rūpaṃ sārammaṇaṃ, Anusayā anārammaṇā, evameva  
 ñāṇaṃ,  
 Atītānāgatārammaṇaṃ cittaṃ, Sabbhaṃ cittaṃ vitakkānu-  
 patitaṃ,  
 Sabbaso vitakkayato vicārayato vitakkavipphāro saddo,  
 Na yathā cittaṣṣa vācā, tath'eva kāyakammaṃ, Atītānā-  
 gatehi samannāgato ti.

Navamo Vaggo.

## X. 1.

1. Uppattesiye pañca khandhe aniruddhe kiriyā pañca khandhā uppajantīti?

Āmantā.

Dasannaṃ khandhānaṃ samodhānaṃ hoti, dasa khandhā sammukhībhāvaṃ āgacchantīti?

Na h'evaṃ vattabbe—pe—

Dasannaṃ khandhānaṃ samodhānaṃ hoti, dasa khandhā sammukhībhāvaṃ āgacchantīti?

Āmantā.

Dvinnāṃ phassānaṃ—pe—dvinnāṃ cittānaṃ samodhānaṃ hotīti?

Na h'evaṃ vattabbe—pe—

2. Uppattesiye pañca khandhe aniruddhe kiriyā cattāro khandhā uppajantīti?

Āmantā.

Navannaṃ khandhānaṃ samodhānaṃ hoti, nava khandhā sammukhībhāvaṃ āgacchantīti?

Na h'evaṃ vattabbe—pe—

Navannaṃ khandhānaṃ samodhānaṃ hoti, nava khandhā sammukhībhāvaṃ āgacchantīti?

Āmantā.

Dvinnāṃ phassānaṃ—pe—dvinnāṃ cittānaṃ samodhānaṃ hotīti?

Na h'evaṃ vattabbe—pe—

3. Uppattesiye pañca khandhe aniruddhe kiriyā nāṇaṃ uppajantīti?

Āmantā.

Channaṃ khandhānaṃ samodhānaṃ hoti, cha khandhā sammukhībhāvaṃ āgacchantīti?

Na h'evaṃ vattabbe—pe—

Channaṃ khandhānaṃ samodhānaṃ hoti, cha khandhā sammukhībhāvaṃ āgacchantīti?

Āmantā.

Dvinnāṃ phassānaṃ—pe—dvinnāṃ cittānaṃ samodhānaṃ hotīti?

Na h'evaṃ vattabbe—pe—

4. Uppattesiye pañca khandhe niruddhe maggo uppaj-jatīti?

Āmantā.

Mato maggaṃ bhāveti, kālaṃkato maggaṃ bhāvetīti?

Na h'evaṃ vattabbe—pe—

Nirodhakathā.

X. 2.

1. Maggasamaṅgissa rūpaṃ maggo ti?

Āmantā.

Sārammaṇaṃ, atthi tassa āvaṭṭanā ābhogo samannā-hāro manasikāro cetanā patthanā paṇidhīti?

Na h'evaṃ vattabbe—pe—

Nanu anārammaṇaṃ, n'atthi tassa āvaṭṭanā—pe—paṇidhīti?

Āmantā.

Hañci anārammaṇaṃ, n'atthi tassa āvaṭṭanā—pe—paṇidhi, no vata re vattabbe “Maggasamaṅgissa rūpaṃ maggo ti.”

2. Sammāvācā maggo ti?

Āmantā.

Sārammaṇā, atthi tāya āvaṭṭanā—pe—paṇidhīti?

Na h'evaṃ vattabbe—pe—

Nanu anārammaṇā, n'atthi tāya āvaṭṭanā—pe—paṇidhīti?

Āmantā.

Hañci anārammaṇā, n'atthi tāya āvaṭṭanā—pe—paṇidhi, no vata re vattabbe “Sammāvācā maggo ti.”

3. Sammākammanto—pe—sammā-ājīvo maggo ti?

Āmantā.

Sārammaṇo, atthi tassa āvaṭṭanā—pe—paṇidhīti?

Na h'evaṃ vattabbe—pe—

Nanu anārammaṇo, n'atthi tassa āvaṭṭanā—pe—paṇidhīti?

Āmantā.

Hañci anārammaṇo, n'atthi tassa āvaṭṭanā — pe — paṇidhi, no vata re vattabbe “Sammā-ājīvo maggo ti.”

4. Sammādiṭṭhi maggo, sā ca sārammaṇa, atthi tāya āvaṭṭanā—pe—paṇidhīti?

Āmantā.

Sammāvācā maggo, sā ca sārammaṇā, atthi tāya āvaṭṭanā—pe—paṇidhīti?

Na h'evaṃ vattabbe—pe—

Sammādiṭṭhi maggo, sā ca sārammaṇā, atthi tāya āvaṭṭanā—pe—paṇidhīti?

Āmantā.

Sammākammanto—pe—sammā-ājīvo maggo, so ca sārammaṇo, atthi tassa āvaṭṭanā—pe—paṇidhīti?

Na h'evaṃ vattabbe—pe—

5. Sammāsaṃkappo — pe — sammāvāyāmo — pe — sammāsati — pe — sammāsamādhī maggo, so ca sārammaṇo, atthi tassa āvaṭṭanā—pe—paṇidhīti?

Āmantā.

Sammāvācā maggo, sā ca sārammaṇā, atthi tāya āvaṭṭanā—pe—paṇidhīti?

Na h'evaṃ vattabbe—pe—

Sammāsamādhī maggo, so ca sārammaṇo, atthi tassa āvaṭṭanā—pe—paṇidhīti?

Āmantā.

Sammākammanto—pe—sammā-ājīvo maggo, so ca sārammaṇo, atthi tassa āvaṭṭanā—pe—paṇidhīti?

Na h'evaṃ vattabbe—pe—

6. Sammāvācā maggo, sā ca anārammaṇā, n'atthi tāya āvaṭṭanā—pe—paṇidhīti?

Āmantā.

Sammādiṭṭhi maggo, sā ca anārammaṇā, n'atthi tāya āvaṭṭanā—pe—paṇidhīti?

Na h'evaṃ vattabbe—pe—

Sammāvācā maggo, sā ca anārammaṇā, n'atthi tāya āvaṭṭanā—pe—paṇidhīti?

Āmantā.

Sammāsaṃkappo — pe — sammāvāyāmo — pe — sammā-

sati—pe—sammāsamādhi maggo, so ca anārammaṇo, n'atthi tassa āvaṭṭanā—pe—paṇidhīti?

Na h'evaṃ vattabbe—pe—

7. Sammākammanto—pe—sammā-ājīvo maggo, so ca anārammaṇo, n'atthi tassa āvaṭṭanā—pe—paṇidhīti?

Āmantā.

Sammādiṭṭhi — pe — sammāsaṃkappo, sammāvāyāmo, sammāsati—pe—sammāsamādhi maggo, so ca anārammaṇo, n'atthi tassa āvaṭṭanā—pe—paṇidhīti?

Na h'evaṃ vattabbe—pe—

8. Na vattabbaṃ “Maggasamaṅgissa rūpaṃ maggo ti”?

Āmantā.

Nanu sammāvācā sammākammanto sammā-ājīvo maggo ti?

Āmantā.

Hañci sammāvācā sammākammanto sammā - ājīvo maggo, tena vata re vattabbe “Maggasamaṅgissa rūpaṃ maggo ti.”

Rūpaṃ maggo ti kathā.

### X. 3.

1. Pañcaviññāṇasamaṅgissa atthi maggabhāvanā ti?

Āmantā.

Nanu pañca viññāṇā uppannavatthukā uppannārammaṇā ti?

Āmantā.

Hañci pañca viññāṇā uppannavatthukā uppannārammaṇā, no vata re vattabbe “Pañcaviññāṇasamaṅgissa atthi maggabhāvanā ti.”

Nanu pañca <sup>1</sup> viññāṇā purejātavatthukā purejātārammaṇā, ajjhattikavatthukā bāhirārammaṇā, asambhinnavatthukā asambhinnārammaṇā, nānāvattukā, nānāram-

<sup>1</sup> phassa, P.S.S<sub>2</sub>.

maṇā, na aññamaññassa gocaravisayaṃ paccanubhonti,<sup>1</sup>  
na asamannāhārā uppajjanti, na amanasikārā uppajjanti,  
na abbokiṇṇā<sup>2</sup> uppajjanti, na apubbaṃ acarimaṃ uppaj-  
janti, na aññamaññassa samanantarā uppajjanti—pe—  
nanu pañca viññāṇā anābhogā ti?

Āmantā.

Hañci pañca viññāṇā anābhogā, no vata re vattabbe  
“Pañcaviññāṇasamaṅgissa atthi maggabhāvanā ti.”

2. Cakkhuviññāṇasamaṅgissa atthi maggabhāvanā ti?

Āmantā.

Cakkhuviññāṇaṃ suññataṃ ārabba uppajjatīti?

Na h'evaṃ vattabbe—pe—

Cakkhuviññāṇaṃ suññataṃ ārabba uppajjatīti?

Āmantā.

Cakkhuñ ca paṭicca suññatañ ca uppajjati cakkhuviññā-  
ṇaṇ ti?

Na h'evaṃ vattabbe—pe—

Cakkhuñ ca paṭicca suññatañ ca uppajjati cakkhuviññā-  
ṇaṇ ti?

Āmantā.

“Cakkhuñ ca paṭicca suññatañ ca uppajjati cakkhuviññā-  
ṇaṇ ti,” atth'eva suttanto ti?

N'atthi.

“Cakkhuñ ca paṭicca rūpe ca uppajjati cakkhuviññāṇaṇ  
ti,” atth'eva suttanto ti?

Āmantā.

Hañci “cakkhuñ ca paṭicca rūpe ca uppajjati cakkhuviñ-  
ñāṇaṇ ti,” atth'eva suttanto, no vata re vattabbe “Cakkhuñ  
ca paṭicca suññatañ ca uppajjati cakkhuviññāṇaṇ ti.”

3. Cakkhuviññāṇasamaṅgissa atthi maggabhāvanā ti?

Āmantā.

Cakkhuviññāṇaṃ atītānāgataṃ ārabba uppajjatīti?

Na h'evaṃ vattabbe—pe—

Cakkhuviññāṇasamaṅgissa atthi maggabhāvanā ti?

Āmantā.

<sup>1</sup> paccanubhavanti, P.S.S<sub>2</sub>.

<sup>2</sup> abbhokiṇṇā, P.S<sub>2</sub>.

Cakkhaviññāṇaṃ phassaṃ ārabba vedanaṃ ārabba saññaṃ ārabba cetanaṃ ārabba cittaṃ ārabba cakkhuṃ ārabba—pe—kāyaṃ ārabba saddaṃ ārabba—pe—phoṭṭhabbaṃ ārabba uppajjati?

Na h'evaṃ vattabbe—pe—

Manoviññāṇasamaṅgissa atthi maggabhāvanā, manoviññāṇaṃ suññataṃ ārabba uppajjati?

Āmantā.

Cakkhaviññāṇasamaṅgissa atthi maggabhāvanā, cakkhaviññāṇaṃ suññataṃ ārabba uppajjati?

Na h'evaṃ vattabbe—pe—

Manoviññāṇasamaṅgissa atthi maggabhāvanā, manoviññāṇaṃ atītānagataṃ ārabba uppajjati?

Āmantā.

Cakkhaviññāṇasamaṅgissa atthi maggabhāvanā, cakkhaviññāṇaṃ atītānāgataṃ ārabba uppajjati?

Na h'evaṃ vattabbe—pe—

Manoviññāṇasamaṅgissa atthi maggabhāvanā, manoviññāṇaṃ phassaṃ ārabba—pe—phoṭṭhabbaṃ ārabba uppajjati?

Āmantā.

Cakkhaviññāṇasamaṅgissa atthi maggabhāvanā, cakkhaviññāṇaṃ phassaṃ ārabba—pe—phoṭṭhabbaṃ ārabba uppajjati?

Na h'evaṃ vattabbe—pe—

4. Na vattabbaṃ “Pañcaviññāṇasamaṅgissa atthi maggabhāvanā ti”?

Āmantā.

Nanu vuttaṃ Bhagavatā—“Idha Bhikkhave bhikkhu cakkhunā rūpaṃ disvā na nimittagāhī hoti nānubyañjanaggāhī—pe—sotena saddaṃ sutvā—pe—ghānena gandhaṃ ghāyitvā—pe—jivhāya rasaṃ sāyitvā—pe—kāyena phoṭṭhabbaṃ phusitvā na nimittaggāhī hoti nānubyañjanaggāhī ti.” Atth'eva suttanto ti?

Āmantā.

Tena hi pañcaviññāṇasamaṅgissa atthi maggabhāvanā ti.

Pañcaviññāṇasamaṅgissa maggakathā.

## X. 4.

1. Pañca viññāṇā kusalā pi akusalā pīti?

Āmantā.

Nanu pañca viññāṇā uppannavatthukā uppannārammaṇā ti?

Āmantā.

Hañci pañca viññāṇā uppannavatthukā uppannārammaṇā, no vata re vattabbe “Pañca viññāṇā kusalā pi akusalā pīti.”

Nanu pañca viññāṇā purejātavatthukā purejātārammaṇā, ajjhattikavatthukā bāhirārammaṇā, asambhinnavatthukā asambhinnārammaṇā, nānavatthukā nānārammaṇā, na aññāmaññassa gocaravisayaṃ paccañubhonti, na asamannāhārā uppajjanti, na amanasikārā uppajjanti, na abbokiṇṇā uppajjanti, na apubbaṃ acarimaṃ uppajjanti, na aññāmaññassa samanantarā uppajjanti—pe—nanu pañca viññāṇā anābhogā ti?

Āmantā.

Hañci pañca viññāṇā anābhogā, no vata re vattabbe “Pañca viññāṇā kusalā pi akusalā pīti.”

2. Cakkhuvīññāṇaṃ kusalan ti?

Āmantā.

Cakkhuvīññāṇaṃ suññataṃ ārabba uppajjati?

Na h'evaṃ vattabbe—pe—

Cakkhuvīññāṇaṃ suññataṃ ārabba uppajjati?

Āmantā.

Cakkhuñ ca paṭicca suññatañ ca uppajjati cakkhuvīññāṇan ti?

Na h'evaṃ vattabbe—pe—

Cakkhuñ ca paṭicca suññatañ ca uppajjati cakkhuvīññāṇan ti?

Āmantā.

“Cakkhuñ ca paṭicca suññatañ ca uppajjati cakkhuvīññāṇan ti,” atth'eva suttanto ti?

N'atthi.

“Cakkhuñ ca paṭicca rūpe ca uppajjati cakkhuvīññāṇan ti,” atth'eva suttanto ti?

Āmantā.

Hañci “cakkhuñ ca paṭicca rūpe ca uppajjati cakkhuviññāṇan ti,” atth’eva suttanto, no vata re vattabbe “Cakkhuñ ca paṭicca suññatañ ca uppajjati cakkhuviññāṇan ti.”

3. Cakkhuviññāṇaṃ kusalaṃ pi akusalaṃ pīti?

Āmantā.

Cakkhuviññāṇaṃ atītānāgataṃ ārabba uppajjatīti?

Na h’evaṃ vattabbe—pe—

Cakkhuviññāṇaṃ kusalaṃ pi akusalaṃ pīti?

Āmantā.

Cakkhuviññāṇaṃ phassaṃ ārabba vedanaṃ ārabba saññaṃ ārabba cetanaṃ ārabba cittaṃ ārabba cakkhuṃ ārabba—pe—kāyaṃ ārabba saddaṃ ārabba—pe—phoṭṭhabbaṃ ārabba uppajjatīti?

Na h’evaṃ vattabbe—pe—

Manoviññāṇaṃ kusaḷaṃ pi akusalaṃ pi, manoviññāṇaṃ suññataṃ ārabba uppajjatīti?

Āmantā.

Cakkhuviññāṇaṃ kusalaṃ pi akusalaṃ pi, cakkhuviññāṇaṃ suññataṃ ārabba uppajjatīti?

Na h’evaṃ vattabbe—pe—

Manoviññāṇaṃ kusalaṃ pi akusalaṃ pi, manoviññāṇaṃ atītānāgataṃ ārabba uppajjatīti?

Āmantā.

Cakkhuviññāṇaṃ kusalaṃ pi akusalaṃ pi, cakkhuviññāṇaṃ atītānāgataṃ ārabba uppajjatīti?

Na h’evaṃ vattabbe—pe—

Manoviññāṇaṃ kusalaṃ pi akusalaṃ pi, manoviññāṇaṃ phassaṃ ārabba—pe—phoṭṭhabbaṃ ārabba uppajjatīti?

Āmantā.

Cakkhuviññāṇaṃ kusalaṃ pi akusalaṃ pi, cakkhuviññāṇaṃ phassaṃ ārabba — pe — phoṭṭhabbaṃ ārabba uppajjatīti?

Na h’evaṃ vattabbe—pe—

4. Na vattabbaṃ “Pañca viññāṇā kusalā pi akusalā pīti”?

Āmantā.

Nanu vuttaṃ Bhagavatā—“Idha Bhikkhave bhikkhu

cakkhunā rūpaṃ disvā nimittaggāhī hoti—pe—na nimittaggāhī hoti—pe—sotena saddaṃ sutvā—pe—kāyena phoṭṭhabbaṃ phusitvā nimittaggāhī hoti—pe—na nimittaggāhī hotīti.” Atth’eva suttanto ti?

Āmantā.

Tena hi pañca viññāṇā kusalā pi akusalā pīti.

Pañca viññāṇā kusalā pīti kathā.

### X. 5.

1. Pañca viññāṇā sābhogā ti?

Āmantā.

Nanu pañca viññāṇā uppannavatthukā uppannāramaṇā ti?

Āmantā.

Hañci pañca viññāṇā uppannavatthukā uppannāramaṇā, no vata re vattabbe “Pañca viññāṇā sābhogā ti.”

Nanu pañca viññāṇā purejātavatthukā purejātāramaṇā, ajjhattikavatthukā bāhirāramaṇā, asambhinnavatthukā asambhinnāramaṇā, nānāvattukā nānāramaṇā, na aññamaññassa gocaravisayaṃ paccanubhonti, na asamannāhārā uppajjanti, na amanasikārā uppajjanti, na abbokiṇṇā uppajjanti, na apubbaṃ acarimaṃ uppajjanti, nanu pañca viññāṇā na aññamaññassa samanantarā uppajjantīti?

Āmantā.

Hañci pañca viññāṇā na aññamaññassa samanantarā uppajjanti, no vata re vattabbe “Pañca viññāṇā sābhogā ti.”

2. Cakkhuvīññāṇaṃ sābhogaṃ ti?

Āmantā.

Cakkhuvīññāṇaṃ suññataṃ ārabba uppajjatīti?

Na h’evaṃ vattabbe—pe—

Cakkhuvīññāṇaṃ suññataṃ ārabba uppajjatīti?

Āmantā.

Cakkhuñ ca paṭicca suññatañ ca uppajjati cakkhuviññāṇan ti ?

Na h'evaṃ vattabbe—pe—

Cakkhuñ ca paṭicca suññatañ ca uppajjati cakkhuviññāṇan ti ?

Āmantā.

“Cakkhuñ ca paṭicca suññatañ ca uppajjati cakkhuviññāṇan ti,” atth'eva suttanto ti ?

N'atthi.

“Cakkhuñ ca paṭicca rūpe ca uppajjati cakkhuviññāṇan ti,” atth'eva suttanto ti ?

Āmantā.

Hañci “cakkhuñ ca paṭicca rūpe ca uppajjati cakkhuviññāṇan ti,” atth'eva suttanto, no vata re vattabbe “Cakkhuñ ca paṭicca suññatañ ca uppajjati cakkhuviññāṇan ti.”

3. Cakkhuviññāṇaṃ sābhogaṃ ti ?

Āmantā.

Cakkhuviññāṇaṃ atītānagataṃ ārabba uppajjatīti ?

Na h'evaṃ vattabbe—pe—

Cakkhuviññāṇaṃ sābhogaṃ ti ?

Āmantā.

Cakkhuviññāṇaṃ phassaṃ ārabba vedanaṃ ārabba saññaṃ ārabba cetanaṃ ārabba cittaṃ ārabba cakkhuṃ ārabba—pe—kāyaṃ ārabba saddaṃ ārabba—pe—phoṭṭhabbaṃ ārabba uppajjatīti ?

Na h'evaṃ vattabbe—pe—

Manoviññāṇaṃ sābhogaṃ, manoviññāṇaṃ suññataṃ ārabba uppajjatīti ?

Āmantā.

Cakkhuviññāṇaṃ sābhogaṃ, cakkhuviññāṇaṃ suññataṃ ārabba uppajjatīti ?

Na h'evaṃ vattabbe—pe—

Manoviññāṇaṃ sābhogaṃ, manoviññāṇaṃ atītānāgataṃ ārabba uppajjatīti ?

Āmantā.

Cakkhuviññāṇaṃ sābhogaṃ, cakkhuviññāṇaṃ atītānāgataṃ ārabba uppajjatīti ?

Na h'evaṃ vattabbe—pe—

Manoviññāṇaṃ sābhogaṃ, manoviññāṇaṃ phassaṃ  
ārabha—pe—phoṭṭhabbaṃ ārabha uppajjatīti ?

Āmantā.

Cakkhuviññāṇaṃ sābhogaṃ, cakkhuviññāṇaṃ phassaṃ  
ārabha—pe—phoṭṭhabbaṃ ārabha uppajjatīti ?

Na h'evaṃ vattabbe—pe—

4. Na vattabbaṃ “ Pañca viññāṇā sābhogā ti ” ?

Āmantā.

Nanu vuttaṃ Bhagavatā—“ Idha Bhikkhave bhikkhu  
cakkhunā rūpaṃ disvā nimittaggāhī hoti—pe—na nimit-  
taggāhī hoti—pe—sotena saddaṃ sutvā—pe—kāyena  
phoṭṭhabbaṃ phusivā nimittaggāhī hoti—pe—na nimit-  
taggāhī hotīti.” Atth'eva suttanto ti ?

Āmantā.

Tena hi pañca viññāṇā sābhogā ti.

S ā b h o g a k a t h ā.

## X. 6.

1. Maggasamaṅgī dvīhi silehi samannāgato ti ?

Āmantā.

Maggasamaṅgī dvīhi phassehi dvīhi vedanāhi dvīhi sañ-  
ñāhi dvīhi cetanāhi dvīhi cittehi dvīhi saddhāhi dvīhi viri-  
yehi dvīhi satīhi dvīhi samādhīhi dvīhi paññāhi samannā-  
gato ti ?

Na h'evaṃ vattabbe—pe—

2. Maggasamaṅgī lokiyena sīlena samannāgato ti ?

Āmantā.

Maggasamaṅgī lokiyena phassena lokiyāya vedanāya  
lokiyāya saññāya lokiyāya cetanāya lokiyena cittena  
lokiyāya saddhāya lokiyena viriyena lokiyāya sātīyā  
lokiyena samādhinā lokiyāya paññāya samannāgato ti ?

Na h'evaṃ vattabbe—pe—

3. Maggasamaṅgī lokiyena ca lokuttarena ca sīlena  
samannāgato ti ?

Āmantā.

Maggasamaṅgī lokiyena ca lokuttarena ca phassena samannāgato—pe—lokiyāya ca lokuttarāya ca paññāya samannāgato ti?

Na h'evaṃ vattabbe—pe—

Maggasamaṅgī lokiyena silena samannāgato ti?

Āmantā.

Maggasamaṅgī puthujjano ti?

Na h'evaṃ vattabbe—pe—

4. Maggasamaṅgī lokiyāya sammāvācāya samannāgato ti?

Amantā.

Maggasamaṅgī lokiyāya sammādiṭṭhiyā samannāgato ti?

Na h'evaṃ vattabbe—pe—

Maggasamaṅgī lokiyāya sammāvācāya samannāgato ti?

Āmantā.

Maggasamaṅgī lokiyena sammāsaṅkappena — pe — lokiyena sammāvāyāmena—pe—lokiyāya sammāsatiyā—pe—lokiyena sammāsamādhinā samannāgato ti?

Na h'evaṃ vattabbe—pe—

Maggasamaṅgī lokiyena sammākammantena — pe — lokiyena sammā-ājivena samannāgato ti?

Āmantā.

Maggasamaṅgī lokiyāya sammādiṭṭhiyā—pe—lokiyena sammāsamādhinā samannāgato ti?

Na h'evaṃ vattabbe—pe—

5. Maggasamaṅgī lokiyāya ca lokuttarāya ca sammāvācāya samannāgato ti?

Āmantā.

Maggasamaṅgī lokiyāya ca lokuttarāya ca sammādiṭṭhiyā samannāgato ti?

Na h'evaṃ vattabbe—pe—

Maggasamaṅgī lokiyāya ca lokuttarāya ca sammāvācāya samannāgato ti?

Āmantā.

Maggasamaṅgī lokiyena ca lokuttarena ca sammāsaṅkappena—pe—lokiyena ca lokuttarena ca sammāvāyā-

mena—pe—lokiyāya ca lokuttarāya ca sammāsatiyā—pe  
—lokiyena ca lokuttarena ca sammāsamādhinā samannā-  
gato ti?

Na h'evaṃ vattabbe—pe—

6. Maggasamaṅgī lokiyena ca lokuttarena ca sammā-  
kammantena—pe—maggasamaṅgī lokiyena ca lokuttarena  
ca sammā-ājīvena samannāgato ti?

Āmantā.

Maggasamaṅgī lokiyāya ca lokuttārāya ca sammādiṭ-  
ṭhiyā samannāgato ti?

Na h'evaṃ vattabbe—pe—

Maggasamaṅgī lokiyena ca lokuttarena ca sammā-  
ājīvena samannāgato ti?

Āmantā.

Maggasamaṅgī lokiyena ca lokuttarena ca sammāsaṃ-  
kappena—pe—lokiyena ca lokuttarena ca sammāsamā-  
dhinā samannāgato ti?

Na h'evaṃ vattabbe—pe—

7. Na vattabbaṃ “Maggasamaṅgī dvīhi sīlehi saman-  
nāgato ti.”?

Āmantā.

Lokiye sīle niruddhe maggo uppajjatīti?

Āmantā.

Dussilo<sup>1</sup> khaṇḍasilo chinnaṣilo maggaṃ bhāvetīti?

Na h'evaṃ vattabbe—pe—

Tena hi maggasamaṅgī dvīhi sīlehi samannāgato ti.

Dvīhi sīlehīti kathā.

---

X. 7.

1. Sīlaṃ acetasikan ti?

Āmantā.

Rūpaṃ nibbānaṃ cakkhāyatanam—pe—kāyāyatanam  
—pe—rūpāyatanam—pe—phoṭṭhabbāyatanan ti?

---

<sup>1</sup> dussalo, M.

Na h'evaṃ vattabbe—pe—

Sīlaṃ acetasikan ti ?

Āmantā.

Phasso acetasiko ti ?

Na h'evaṃ vattabbe—pe—

Sīlaṃ acetasikan ti ?

Āmantā.

Vedanā—pe—saññā—pe—cetanā—pe—saddhā—pe—  
viriyam—pe—sati—pe—samādhi—pe—paññā acetasikā  
ti ?

Na h'evaṃ vattabbe—pe—

2. Phasso cetasiko ti ?

Āmantā.

Sīlaṃ cetasikan ti ?

Na h'evaṃ vattabbe—pe—

Vedanā—pe—saññā—pe—cetanā—pe—saddhā—pe—  
viriyam—pe—sati—pe—samādhi—pe—paññā cetasikā ti ?

Āmantā.

Sīlaṃ cetasikan ti ?

Na h'evaṃ vattabbe—pe—

3. Sīlaṃ acetasikan ti ?

Āmantā.

Aniṭṭhaphalan ti ?

Na h'evaṃ vattabbe—pe—

Nanu iṭṭhaphalan ti ?

Āmantā.

Hañci iṭṭhaphalam, no vata re vattabbe “Sīlaṃ acetasikan ti.”

4. Saddhā iṭṭhaphalā, saddhā cetasikā ti ?

Āmantā.

Sīlaṃ iṭṭhaphalam, sīlaṃ cetasikan ti ?

Na h'evaṃ vattabbe—pe—

Viriyam, sati, samādhi—pe—paññā iṭṭhaphalā, paññā  
cetasikā ti ?

Āmantā.

Sīlaṃ iṭṭhaphalam, sīlaṃ cetasikan ti ?

Na h'evaṃ vattabbe—pe—

5. Sīlaṃ iṭṭhaphalam, sīlaṃ acetasikan ti ?

Āmantā.

Saddhā iṭṭhaphalā, saddhā acetāsikā ti?

Na h'evaṃ vattabbe—pe—

Sīlaṃ iṭṭhaphalaṃ, sīlaṃ acetāsikaṃ ti?

Āmantā.

Viriyaṃ, sati, samādhī—pe—paññā iṭṭhaphalā, paññā acetāsikā ti?

Na h'evaṃ vattabbe—pe—

6. Sīlaṃ acetāsikaṃ ti?

Āmantā.

Aphalaṃ avipākaṃ ti?

Na h'evaṃ vattabbe—pe—

Nanu saphalaṃ savipākaṃ ti?

Āmantā.

Hañci saphalaṃ savipākaṃ, no vata re vattabbe “Sīlaṃ acetāsikaṃ ti.”

7. Cakkhāyatanam acetāsikaṃ avipākaṃ ti?

Āmantā.

Sīlaṃ acetāsikaṃ avipākaṃ ti?

Na h'evaṃ vattabbe—pe—

Sotāyatanam—pe—kāyāyatanam—pe—rūpāyatanam—pe—phoṭṭhabbāyatanam acetāsikaṃ avipākaṃ ti?

Āmantā.

Sīlaṃ acetāsikaṃ avipākaṃ ti?

Na h'evaṃ vattabbe—pe—

8. Sīlaṃ acetāsikaṃ savipākaṃ ti?

Āmantā.

Cakkhāyatanam acetāsikaṃ savipākaṃ ti?

Na h'evaṃ vattabbe—pe—

Sīlaṃ acetāsikaṃ savipākaṃ ti?

Āmantā.

Sotāyatanam—pe—kāyāyatanam—pe—rūpāyatanam—pe—phoṭṭhabbāyatanam acetāsikaṃ savipākaṃ ti?

Na h'evaṃ vattabbe—pe—

9. Sammāvācā acetāsikā ti?

Āmantā.

Sammāditṭhi acetāsikā ti?

Na h'evaṃ vattabbe—pe—

Sammāvācā acetāsikā ti ?

Āmantā.

Sammāsaṅkappo — pe — sammāvāyāmo — pe — sammā-  
sati — pe — sammāsamādhī acetāsiko ti ?

Na h'evaṃ vattabbe — pe —

Sammākammanto — pe — sammā-ājīvo acetāsiko ti ?

Āmantā.

Sammādiṭṭhī acetāsikā ti ?

Na h'evaṃ vattabbe — pe —

Sammā-ājīvo acetāsiko ti ?

Āmantā.

Sammāsaṅkappo — pe — sammāvāyāmo — pe — sammā-  
sati — pe — sammāsamādhī acetāsiko ti ?

Na h'evaṃ vattabbe — pe —

10. Sammādiṭṭhī cetāsikā ti ?

Āmantā.

Sammāvācā cetāsikā ti ?

Na h'evaṃ vattabbe — pe —

Sammādiṭṭhī cetāsikā ti ?

Āmantā.

Sammākammanto — pe — sammā-ājīvo cetāsiko ti ?

Na h'evaṃ vattabbe — pe —

Sammāsaṅkappo — pe — sammāvāyāmo — pe — sammā-  
sati — pe — sammāsamādhī cetāsiko ti ?

Āmantā.

Sammāvācā cetāsikā ti ?

Na h'evaṃ vattabbe — pe —

Sammāsamādhī cetāsiko ti ?

Āmantā.

Sammākammanto — pe — sammā-ājīvo cetāsiko ti ?

Na h'evaṃ vattabbe — pe —

11. Na vattabbaṃ “ Sīlaṃ acetāsikan ti ” ?

Āmantā.

Sīle uppajjitvā niruddhe dussilo<sup>1</sup> hotīti ?

Na h'evaṃ vattabbe — pe —

Tena hi sīlaṃ acetāsikan ti.

Sīlaṃ acetāsikan ti kathā.

<sup>1</sup> asilo, P.S.S<sub>2</sub>.

## X. 8.

1. Silaṃ na cittaṇuparivattīti ?

Āmantā.

Rūpaṃ nibbānaṃ cakkhāyatanaṃ—pe—kāyāyatanaṃ  
—pe—rūpāyatanaṃ—pe—phoṭṭhabbāyatanaṃ ti ?

Na h'evaṃ vattabbe—pe—

Silaṃ na cittaṇuparivattīti ?

Āmantā.

Phassa na cittaṇuparivattīti ?

Na h'evaṃ vattabbe—pe—

Silaṃ na cittaṇuparivattīti ?

Āmantā.

Vedanā—pe—saññā—pe—cetanā—pe—saddhā—pe—  
viriyāṃ—pe—sati—pe—samādhi—pe—paññā na cittaṇu-  
parivattīti ?

Na h'evaṃ vattabbe—pe—

2. Phassa cittaṇuparivattīti ?

Āmantā.

Silaṃ cittaṇuparivattīti ?

Na h'evaṃ vattabbe—pe—

Vedanā—pe—saññā—pe—cetanā—pe—saddhā—pe—  
viriyāṃ—pe—sati—pe—samādhi—pe—paññā cittaṇupari-  
vattīti ?

Āmantā.

Silaṃ cittaṇuparivattīti ?

Na h'evaṃ vattabbe—pe—

3. Sammāvācā na cittaṇuparivattīti ?

Āmantā.

Sammādiṭṭhi na cittaṇuparivattīti ?

Na h'evaṃ vattabbe—pe—

Sammāvācā na cittaṇuparivattīti ?

Āmantā.

Sammāsaṃkappo—pe—sammāvāyāmo—pe—sammā-  
sati—pe—sammāsamādhi na cittaṇuparivattīti ?

Na h'evaṃ vattabbe—pe—

Sammākammanto—pe—sammā-ājīvo na cittaṇupari-  
vattīti ?

Āmantā.

Sammādiṭṭhi na cittānuparivattīti ?

Na h'evaṃ vattabbe—pe—

Sammā-ājīvo na cittānuparivattīti ?

Āmantā.

Sammāsaṅkappo—pe—sammāvāyāmo—pe—sammā-  
sati—pe—sammāsamādhi na cittānuparivattīti ?

Na h'evaṃ vattabbe—pe—

4. Sammādiṭṭhi cittānuparivattīti ?

Āmantā.

Sammāvācā cittānuparivattīti ?

Na h'evaṃ vattabbe—pe—

Sammādiṭṭhi cittānuparivattīti ?

Āmantā.

Sammākammanto—pe—sammā-ājīvo cittānuparivat-  
tīti ?

Na h'evaṃ vattabbe—pe—

Sammāsaṅkappo—pe—sammāvāyāmo—pe—sammā-  
sati—pe—sammāsamādhi cittānuparivattīti ?

Āmantā.

Sammāvācā cittānuparivattīti ?

Na h'evaṃ vattabbe—pe—

Sammāsamādhi cittānuparivattīti ?

Āmantā.

Sammākammanto—pe—sammā-ājīvo cittānuparivat-  
tīti ?

Na h'evaṃ vattabbe—pe—

5. Na vattabbaṃ “Sīlaṃ na cittānuparivattīti” ?

Āmantā.

Sīle uppajjitvā niruddhe dussilo<sup>1</sup> hotīti ?

Na h'evaṃ vattabbe—pe—

Tena hi sīlaṃ na cittānuparivattīti.

Sīlaṃ na cittānuparivattīti kathā.

<sup>1</sup> asīlo, P.S.S<sub>2</sub>.

## X. 9.

1. Samādānahetukaṃ silaṃ vaḍḍhatīti ?

Āmantā.

Samādānahetuko phasso vaḍḍhati, vedanā vaḍḍhati, saññā vaḍḍhati, cetanā vaḍḍhati, cittaṃ vaḍḍhati, saddhā vaḍḍhati, viriyaṃ vaḍḍhati, sati vaḍḍhati, samādhi vaḍḍhati, paññā vaḍḍhatīti ?

Na h'evaṃ vattabbe—pe—

2. Samādānahetukaṃ silaṃ vaḍḍhatīti ?

Āmantā.

Latā viya vaḍḍhati, māluvā viya vaḍḍhati, rukkho viya vaḍḍhati, tiṇaṃ viya vaḍḍhati, muñjapuñjo viya vaḍḍhatīti ?

Na h'evaṃ vattabbe—pe—

3. Samādānahetukaṃ silaṃ vaḍḍhatīti ?

Āmantā.

Silaṃ samādiyitvā kāmavitakkaṃ vitakkentassa byāpādavitaṅkaṃ vitakkentassa vihiṃsāvitaṅkaṃ vitakkentassa silaṃ vaḍḍhatīti ?

Āmantā.

Dvinnā phassānaṃ—pe—dvinnā cittaṇaṃ samodhānaṃ hotīti ?

Na h'evaṃ vattabbe—pe—

Dvinnā phassānaṃ—pe—dvinnā cittaṇaṃ samodhānaṃ hotīti ?

Āmantā.

Kusalākusalā sāvajjānavajjā hīnappaṇītā kaṇhasukkasappaṭibhāgā dhammā sammukhībhāvaṃ āgacchantīti ?

Na h'evaṃ vattabbe—pe—

Kusalākusalā sāvajjānavajjā hīnappaṇītā kaṇhasukkasappaṭibhāgā dhammā sammukhībhāvaṃ āgacchantīti ?

Āmantā.

Nanu vuttaṃ Bhagavatā—“ Cattār'imāni Bhikkhave suvidūra vidūrāni. Katamāni cattāri ? Labhañ ca Bhikkhave paṭhavī ca, idaṃ paṭhamāṃ suvidūra vidūraṃ—pe—tasmā satāṃ dhammo asabbhi ārakā ti.” Atth'eva sut-tanto ti ?

Āmantā.

Tena hi na vattabbaṃ “Kusalākusalā sāvajjānavajjā hīnappaṇītā kaṇhasukkasappaṭibhāgā dhammā sammukhībhāvaṃ āgacchantīti.”

Na h'evaṃ vattabbe—pe—

4. Na vattabbaṃ “Samādānahetukaṃ sīlaṃ vaḍḍhatīti”?

Āmantā.

Nanu vuttaṃ Bhagavatā—

“Ārāmaropā vanaropā—pe—  
Dhammaṭṭhā sīlasampannā  
Te janā saggagāmino ti.”

Atth'eva suttanto ti?

Āmantā.

Tena hi samādānahetukaṃ sīlaṃ vaḍḍhatīti.

S a m ā d ā n a h e t u k a k a t h ā .

## X. 10.

1. Viññatti sīlaṃ ti?

Āmantā.

Pāpātipātā veramaṇīti?

Na h'evaṃ vattabbe—pe—

Adinnādānā veramaṇīti?

Na h'evaṃ vattabbe—pe—

Kāmesu micchācārā veramaṇīti?

Na h'evaṃ vattabbe—pe—

Musāvādā veramaṇīti?

Na h'evaṃ vattabbe—pe—

Surāmerayamajjapamādaṭṭhānā veramaṇīti?

Na h'evaṃ vattabbe—pe—

Abhivādanaṃ sīlaṃ, paccuṭṭhānaṃ<sup>1</sup> sīlaṃ, añjalīkammaṃ sīlaṃ, sāmīcīkammaṃ sīlaṃ, āsanābhīhāro sīlaṃ, seyyābhīhāro sīlaṃ, pādodakābhīhāro sīlaṃ, pādakathaliyābhīhāro sīlaṃ, nahāne<sup>2</sup> piṭṭhiparīkammaṃ sīlaṃ ti?

<sup>1</sup> paccupaṭṭhānaṃ, P.M.

<sup>2</sup> nhāne, M.K.

Āmantā.

Pāṇātipātā veramaṇīti ?

Na h'evaṃ vattabbe—pe—

Surāmerayamajjapamādaṭṭhānā veramaṇīti ?

Na h'evaṃ vattabbe—pe—

2. Na vattabbaṃ “ Viññatti sīlan ti.”

Dussīyan ti ?

Na h'evaṃ vattabbe—pe—

Tena hi viññatti sīlan ti.

Viññatti sīlan ti kathā.

---

X. 11.

1. Aviññatti dussīyan ti ?

Āmantā.

Pāṇātipāto ti ?

Na h'evaṃ vattabbe—pe—

Adinnādānan ti ?

Na h'evaṃ vattabbe—pe—

Kāmesu micchācāro ti ?

Na h'evaṃ vattabbe—pe—

Musāvādo ti ?

Na h'evaṃ vattabbe—pe—

Surāmerayamajjapamādaṭṭhānan ti ?

Na h'evaṃ vattabbe—pe—

2. Pāpakammaṃ samādiyivā dānaṃ dadantassa puñ-  
ñāṇ ca apuññaṇ ca ubho vaḍḍhantīti ?

Na h'evaṃ vattabbe—pe—

Puññaṇ ca apuññaṇ ca ubho vaḍḍhantīti ?

Āmantā.

Dvinnam phassānam—pe—dvinnam cittānam samo-  
dhānam hotīti ?

Na h'evaṃ vattabbe—pe—

Dvinnam phassānam—pe—dvinnam cittānam samo-  
dhānam hotīti ?

Āmantā.

Kusalākusalā sāvajjānavajjā hīnappaṇītā kaṇhasukkasappaṭibhāgā dhammā sammukhībhāvaṃ āgacchantīti ?

Na h'evaṃ vattabbe—pe—

Kusalākusalā sāvajjānavajjā hīnappaṇītā kaṇhasukkasappaṭibhāgā dhammā sammukhībhāvaṃ āgacchantīti ?

Āmantā.

Nanu vuttaṃ Bhagavatā—“ Cattār'imāni Bhikkhave suvidūravidūrāni. Katamāni cattāri ? Labhañ ca Bhikkhave paṭhavī ca, idaṃ paṭhamam suvidūravidūraṃ—pe—tasmā sataṃ dhammo asabbhi ārakā ti.” Atth'eva suttanto ti ?

Āmantā.

Tena hi na vattabbaṃ “ Kusalākusalā sāvajjānavajjā hīnappaṇītā kaṇhasukkasappaṭibhāgā dhammā sammukhībhāvaṃ āgacchantīti.”

3. Pāpakammaṃ samādiyivā cīvaraṃ dadantassa, piṇḍapātaṃ dadantassa, senāsanam dadantassa, gilānapaccayabhesajjaparikkhāraṃ dadantassa, abhivādanārahassa abhivādentassa, paccuṭṭhānārahassa paccuṭṭhentassa, añjalikammārahassa añjalikammaṃ karontassa, sammīcikammārahassa sammīcikammaṃ karontassa, āsanārahassa āsanam dadantassa, maggārahassa maggaṃ dadantassa puññañ ca apuññañ ca ubho vaḍḍhantīti ?

Na h'evaṃ vattabbe—pe—

Puññañ ca apuññañ ca ubho vaḍḍhantīti ?

Āmantā.

Dvinnam phassānam—pe—dvinnam cittānam samodhānam hotīti ?

Na h'evaṃ vattabbe—pe—

Dvinnam phassānam—pe—dvinnam cittānam samodhānam hotīti ?

Āmantā.

Kusalākusalā sāvajjānavajjā hīnappaṇītā kaṇhasukkasappaṭibhāgā dhammā sammukhībhāvaṃ āgacchantīti ?

Na h'evaṃ vattabbe—pe—

Kusalākusalā sāvajjānavajjā hīnappaṇītā kaṇhasukkasappaṭibhāgā dhammā sammukhībhāvaṃ āgacchantīti ?

Āmantā.

Nanu vuttaṃ Bhagavatā—“Cattār'imāni Bhikkhave suvidūravidūrāni. Katamāni cattāri? Labhañ ca Bhikkhave paṭhavī ca, idaṃ paṭhamam suvidūravidūram —pe—tasmā satam dhammo asabbhi ārakā ti.” Atth'eva suttanto ti?

Āmantā.

Tena hi na vattabbaṃ “Kusalākusalā sāvajjānavajjā hīnappaṇītā kaṇhasukkasappaṭibhāgā dhammā sammukhībhāvaṃ āgacchantīti.”

4. Na vattabbaṃ “Aviññatti dussīyan ti”?

Āmantā.

Nanu pāpakammaṃ samādinno āsīti?

Āmantā.

Hañci pāpakammaṃ samādinno āsi, tena vata re vattabbe “Aviññatti dussīyan ti.”

Aviññatti dussīyan ti kathā.

---

Maggasamaṅgissa rūpaṃ maggo, Pañcaviññāṇasamaṅgissa atthi maggabhāvanā,  
 Pañca viññāṇā kusalā pi akusalā pi, Pañca viññāṇā sābbogā,  
 Maggasamaṅgī dvīhi silehi samannāgato, Silaṃ aceta-sikaṃ,  
 Silaṃ na cittānuparivatti, Samādānahetukaṃ sīlaṃ vaḍḍhati,  
 Viññatti sīlaṃ, Aviññatti dussīyan ti.

Dasamo Vaggo.

Dutiyapaṇṇāsako.

---

Niyāmasaṃgahagatānisamsatā atthi pañcavokārabhavo maggasamaṅgissa<sup>1</sup> no pañcavokārabhavo.

<sup>1</sup> maggasamaṅgī, P.S.S.<sub>2</sub>; nirodho maggasamaṅgī, M.

## XI. 1.

1. Anusayā abyākatā ti?

Āmantā.

Vipākābyākatā kiriyābyākatā rūpaṃ nibbānaṃ cakkhāyatanam—pe—phoṭṭhabbāyatanan ti?

Na h'evaṃ vattabbe—pe—

2. Kāmarāgānusayo abyākato ti?

Āmantā.

Kāmarāgo kāmarāgapariyuṭṭhānaṃ kāmarāgasaññojanaṃ kāmogho kāmayogo kāmacchandanīvaraṇaṃ abyākatan ti?

Na h'evaṃ vattabbe—pe—

Kāmarāgo—pe—kāmacchandanīvaraṇaṃ akusalan ti?

Āmantā.

Kāmarāgānusayo akusalo ti?

Na h'evaṃ vattabbe—pe—

3. Paṭighānusayo abyākato ti?

Āmantā.

Paṭighaṃ paṭighapariyuṭṭhānaṃ paṭighasaññojanaṃ abyākatan ti?

Na h'evaṃ vattabbe—pe—

Paṭighaṃ paṭighapariyuṭṭhānaṃ paṭighasaññojanaṃ akusalan ti?

Āmantā.

Paṭighānusayo akusalo ti?

Na h'evaṃ vattabbe—pe—

4. Mānānusayo abyākato ti?

Āmantā.

Māno mānapariyuṭṭhānaṃ mānasaññojanaṃ abyākatan ti?

Na h'evaṃ vattabbe—pe—

Māno mānapariyuṭṭhānaṃ mānasaññojanaṃ akusalan ti?

Āmantā.

Mānānusayo akusalo ti?

Na h'evaṃ vattabbe—pe—

5. Diṭṭhānusayo abyākato ti ?

Āmantā.

Diṭṭhi diṭṭhogho diṭṭhiyogo diṭṭhipariyutthānaṃ diṭṭhi-  
saññojanaṃ abyākatan ti ?

Na h'evaṃ vattabbe—pe—

Diṭṭhi diṭṭhogho diṭṭhiyogo diṭṭhipariyutthānaṃ diṭṭhi-  
saññojanaṃ akusalan ti ?

Āmantā.

Diṭṭhānusayo akusalo ti ?

Na h'evaṃ vattabbe—pe—

6. Vicikicchānusayo abyākato ti ?

Āmantā.

Vicikicchā vicikicchāpariyutthānaṃ vicikicchāsañño-  
janaṃ vicikicchānīvaraṇaṃ abyākatan ti ?

Na h'evaṃ vattabbe—pe—

Vicikicchā vicikicchāpariyutthānaṃ vicikicchāsañño-  
janaṃ vicikicchānīvaraṇaṃ akusalan ti ?

Āmantā.

Vicikicchānusayo akusalo ti ?

Na h'evaṃ vattabbe—pe—

7. Bhavarāgānusayo abyākato ti ?

Āmantā.

Bhavarāgo bhavarāgapariyutthānaṃ bhavarāgasañño-  
janaṃ abyākatan ti ?

Na h'evaṃ vattabbe—pe—

Bhavarāgo bhavarāgapariyutthānaṃ bhavarāgasañño-  
janaṃ akusalan ti ?

Āmantā.

Bhavarāgānusayo akusalo ti ?

Na h'evaṃ vattabbe—pe—

8. Avijjānusayo abyākato ti ?

Āmantā.

Avijjā avijjogho avijjāyogo avijjāpariyutthānaṃ avijjā-  
saññojanaṃ avijjānīvaraṇaṃ abyākatan ti ?

Na h'evaṃ vattabbe—pe—

Avijjā avijjogho avijjāyogo avijjāpariyutthānaṃ avijjā-  
saññojanaṃ avijjānīvaraṇaṃ akusalan ti ?

Āmantā.

Avijjānusayo akusalo ti?

Na h'evaṃ vattabbe—pe—

9. Na vattabbam “Anusayā abyākatā ti”?

Āmantā.

Puthujjano kusalābyākate citte vattamāne “sānusayo ti” vattabbo ti?

Āmantā.

Kusalākusalā dhammā sammukhībhāvaṃ āgacchantīti?

Na h'evaṃ vattabbe—pe—

Tena hi anusayā abyākatā ti.

Puthujjano kusalābyākate citte vattamāne “sarāgo ti” vattabbo ti?

Āmantā.

Kusalākusalā dhammā sammukhībhāvaṃ āgacchantīti?

Na h'evaṃ vattabbe—pe—

Tena hi rāgo abyākato ti.

10. Anusayā ahetukā ti?

Āmantā.

Rūpaṃ nibbānaṃ cakkhāyatanam — pe — phoṭṭhab-  
bāyatanan ti?

Na h'evaṃ vattabbe—pe—

Kāmarāgānusayo ahetuko ti?

Āmantā.

Kāmarāgo kāmarāgapariyuṭṭhānaṃ kāmarāgasañño-  
janaṃ—pe—kāmarāganīvaraṇaṃ ahetukan ti?

Na h'evaṃ vattabbe—pe—

Kāmarāgo kāmarāgapariyuṭṭhānaṃ kāmarāgasañño-  
janaṃ—pe—kāmarāganīvaraṇaṃ sahetukan ti?

Āmantā.

Kāmarāgānusayo sahetuko ti?

Na h'evaṃ vattabbe—pe—

Paṭighānusayo—pe—mānānusayo, diṭṭhānusayo, vici-  
kicchānusayo, bhavarāgānusayo — pe — avijjānusayo  
ahetuko ti?

Āmantā.

Avijjā avijjogho avijjāyogo avijjāpariyuṭṭhānaṃ avijjā-  
saññojanaṃ avijjānīvaraṇaṃ ahetukan ti?

Na h'evaṃ vattabbe—pe—

Avijjā avijjogho—pe—avijjānīvaraṇaṃ sahetukan ti?  
Āmantā.

Avijjānusayo sahetuko ti?

Na h'evaṃ vattabbe—pe—

11. Na vattabbaṃ “Anusayā ahetukā ti”?

Āmantā.

Puthujjano kusalābyākate citte vattamāne “sānusayo ti” vattabbo ti?

Āmantā.

Anusayā tena hetunā sahetukā ti?

Na h'evaṃ vattabbe—pe—

Tena hi anusayā ahetukā ti.

Puthujjano kusalābyākate citte vattamāne “sarāgo ti” vattabbo ti?

Āmantā.

Rāgo tena hetunā sahetuko ti?

Na h'evaṃ vattabbe—pe—

Tena hi rāgo ahetuko ti.

12. Anusayā cittavippayuttā ti?

Āmantā.

Rūpaṃ nibbānaṃ cakkhāyatanaṃ—pe—phoṭṭhabbāyatanaṃ ti?

Na h'evaṃ vattabbe—pe—

Kāmarāgānusayo cittavippayutto ti?

Āmantā.

Kāmarāgo kāmarāgapariyuṭṭhānaṃ kāmarāgasaññojanaṃ kāmogho kāmayogo kāmacchandanīvaraṇaṃ cittavippayuttan ti?

Na h'evaṃ vattabbe—pe—

Kāmarāgo—pe—kāmacchandanīvaraṇaṃ cittasampayuttan ti?

Āmantā.

Kāmarāgānusayo cittasampayutto ti?

Na h'evaṃ vattabbe—pe—

13. Kāmarāgānusayo cittavippayutto ti?

Āmantā.

Katamakkhandhapariyāpanno ti? Saṃkhārakkhandhapariyāpanno ti.

Samkhārakkhandho cittavippayutto ti?

Na h'evaṃ vattabbe—pe—

Samkhārakkhandho cittavippayutto ti?

Āmantā.

Vedanākkhandho, viññāṇakkhandho cittavippayutto ti?

Na h'evaṃ vattabbe—pe—

14. Kāmarāgānusayo samkhārakkhandhapariyāpanno cittavippayutto ti?

Āmantā.

Kāmarāgo samkhārakkhandhapariyāpanno cittavippayutto ti?

Na h'evaṃ vattabbe—pe—

Kāmarāgo samkhārakkhandhapariyāpanno cittasampayutto ti?

Āmantā.

Kāmarāgānusayo samkhārakkhandhapariyāpanno cittasampayutto ti?

Na h'evaṃ vattabbe—pe—

15. Kāmarāgānusayo samkhārakkhandhapariyāpanno cittavippayutto, kāmarāgo samkhārakkhandhapariyāpanno cittasampayutto ti?

Āmantā.

Samkhārakkhandho ekadeso cittasampayutto ekadeso cittavippayutto ti?

Na h'evaṃ vattabbe—pe—

Samkhārakkhandho ekadeso cittasampayutto ekadeso cittavippayutto ti?

Āmantā.

Vedanākkhandho, viññāṇakkhandho ekadeso cittasampayutto ekadeso cittavippayutto ti?

Na h'evaṃ vattabbe—pe—

16. Paṭighānusayo, mānānusayo, diṭṭhānusayo, vicikicchānusayo, bhavarāgānusayo, avijjānusayo cittavippayutto ti?

Āmantā.

Avijjā avijjogho avijjāyogo—pe—avijjānīvaranaṃ cittavippayuttan ti?

Na h'evaṃ vattabbe—pe—

Avijjā avijjogho avijjāyogo—pe—avijjānīvaraṇaṃ citta-sampayuttan ti?

Āmantā.

Avijjānusayo cittasampayutto ti?

Na h'evaṃ vattabbe—pe—

17. Avijjānusayo cittavippayutto ti?

Āmantā.

Katamakkhandhapariyāpanno ti? Saṃkhārakkhandhapariyāpanno ti.

Saṃkhārakkhandho cittavippayutto ti?

Na h'evaṃ vattabbe—pe—

Saṃkhārakkhandho cittavippayutto ti?

Āmantā.

Vedanākkhandho, saññākkhandho cittavippayutto ti?

Na h'evaṃ vattabbe—pe—

18. Avijjānusayo saṃkhārakkhandhapariyāpanno citta-vippayutto ti?

Āmantā.

Avijjā saṃkhārakkhandhapariyāpannā cittavippayuttā ti?

Na h'evaṃ vattabbe—pe—

Avijjā saṃkhārakkhandhapariyāpannā cittasampayuttā ti?

Āmantā.

Avijjānusayo saṃkhārakkhandhapariyāpanno cittasampayutto ti?

Na h'evaṃ vattabbe—pe—

19. Avijjānusayo saṃkhārakkhandhapariyāpanno citta-vippayutto, avijjā saṃkhārakkhandhapariyāpannā citta-sampayuttā ti?

Āmantā.

Saṃkhārakkhandho ekadeso cittasampayutto ekadeso cittavippayutto ti?

Na h'evaṃ vattabbe—pe—

Saṃkhārakkhandho ekadeso cittasampayutto ekadeso cittavippayutto ti?

Āmantā.

Vedanākkhandho, saññākkhandho ekadeso cittasampayutto ekadeso cittavippayutto ti?

Na h'evaṃ vattabbe—pe—

20. Na vattabbaṃ “Anusayā cittavippayuttā ti”?

Āmantā.

Puthujjano kusalābyākate citte vattamāne “sānusayo ti” vattabbo ti?

Āmantā.

Anusayā tena cittena sampayuttā ti?

Na h'evaṃ vattabbe—pe—

Tena hi anusayā cittavippayuttā ti.

Puthujjano kusalābyākate citte vattamāne “sarāgo ti” vattabbo ti?

Āmantā.

Rāgo tena cittena sampayutto ti?

Na h'evaṃ vattabbe—pe—

Tena hi rāgo cittavippayutto ti.

Tisso pi anusayakathā.

---

XI. 2.

1. Aññāṇe vigate ñāṇavippayutte citte vattamāne na vattabbaṃ “ñāṇī ti”?

Āmantā.

Rāge vigate na vattabbaṃ “vītarāgo ti”?

Na h'evaṃ vattabbe—pe—

Aññāṇe vigate ñāṇavippayutte citte vattamāne na vattabbaṃ “ñāṇī ti”?

Āmantā.

Dose vigate—pe—mohe vigate—pe—kilese vigate na vattabbaṃ “Nikkilesō ti”?

Na h'evaṃ vattabbe—pe—

2. Rāge vigate vattabbaṃ “vītarāgo ti”?

Āmantā.

Aññāṇe vigate ñāṇavippayutte citte vattamāne vattabbaṃ “ñāṇī ti”?

Na h'evaṃ vattabbe—pe—

Dose vigate—pe—mohe vigate—pe—kilese vigate vattabbaṃ “ nikkilesa ti ” ?

Āmantā.

Aññāṇe vigate ñāṇavippayutte citte vattamāne vattabbaṃ “ ñāṇī ti ” ?

Na h'evaṃ vattabbe—pe—

3. Aññāṇe vigate ñāṇavippayutte citte vattamāne vattabbaṃ<sup>1</sup> “ ñāṇī ti ” ?

Āmantā.

Atītena ñāṇena ñāṇī, niruddhena vigatena paṭipassaddhena ñāṇena ñāṇī ti ?

Na h'evaṃ vattabbe—pe—

Ñ ā ṇ a k a t h ā .

### XI. 3.

1. Ñāṇaṃ cittavippayuttan ti ?

Āmantā.

Rūpaṃ nibbānaṃ cakkhāyatanaṃ—pe—phoṭṭhabbāyatanaṃ ti ?

Na h'evaṃ vattabbe—pe—

Ñāṇaṃ cittavippayuttan ti ?

Āmantā.

Paññā paññindriyaṃ paññābalaṃ sammādiṭṭhi dhammavicayasambojjhaṅgo cittavippayutto ti ?

Na h'evaṃ vattabbe—pe—

Paññā paññindriyaṃ paññābalaṃ sammādiṭṭhi dhammavicayasambojjhaṅgo cittaśampayutto ti ?

Āmantā.

Ñāṇaṃ cittaśampayuttan ti ?

Na h'evaṃ vattabbe—pe—

2. Ñāṇaṃ cittavippayuttan ti ?

Āmantā.

<sup>1</sup> na vattabbaṃ, P.

Katamakkhandhapariyāpannan ti? Saṃkhārakkhandhapariyāpannan ti.

Saṃkhārakkhandho cittavippayutto ti?

Na h'evaṃ vattabbe—pe—

Saṃkhārakkhandho cittavippayutto ti?

Āmantā.

Vedanākkhandho, saññākkhandho cittavippayutto ti?

Na h'evaṃ vattabbe—pe—

3. Nāṇaṃ saṃkhārakkhandhapariyāpannaṃ cittavippayuttan ti?

Āmantā.

Paññā saṃkhārakkhandhapariyāpannā cittavippayuttā ti?

Na h'evaṃ vattabbe—pe—

Paññā saṃkhārakkhandhapariyāpannā cittasampayuttā ti?

Āmantā.

Nāṇaṃ saṃkhārakkhandhapariyāpannaṃ cittasampayuttan ti?

Na h'evaṃ vattabbe—pe—

4. Nāṇaṃ saṃkhārakkhandhapariyāpannaṃ cittavippayuttan, paññā saṃkhārakkhandhapariyāpannā cittasampayuttā ti?

Āmantā.

Saṃkhārakkhandho ekadeso cittasampayutto ekadeso cittavippayutto ti?

Na h'evaṃ vattabbe—pe—

Saṃkhārakkhandho ekadeso cittasampayutto ekadeso cittavippayutto ti?

Āmantā.

Vedanākkhandho, saññākkhandho ekadeso cittasampayutto, ekadeso cittavippayutto ti?

Na h'evaṃ vattabbe—pe—

5. Na vattabbaṃ “ Nāṇaṃ cittavippayuttan ti ”?

Āmantā.

Arahā cakkhuvīññāṇasamaṅgī “ nāṇī ti ” vattabbo ti?

Āmantā.

Nāṇaṃ tena cittaena sampayuttan ti?

Na h'evaṃ vattabbe—pe—  
 Tena hi nāṇaṃ cittavippayuttan ti.  
 Arahā cakkhuviññāṇasamaṅgī “paññavā ti” vattabbo  
 ti?

Āmantā.

Paññā tena cittaena sampayuttā ti?

Na h'evaṃ vattabbe—pe—

Tena hi paññā cittavippayuttā ti.

Nāṇaṃ cittavippayuttan ti kathā.

#### XI. 4.

1. “Idaṃ dukkhan ti” vācaṃ bhāsato “idaṃ dukkhan  
 ti” nāṇaṃ pavattatīti?

Āmantā.

“Ayaṃ samudayo ti” vācaṃ bhāsato “ayaṃ samudayo  
 ti” nāṇaṃ pavattatīti?

Na h'evaṃ vattabbe—pe—

“Idaṃ dukkhan ti” vācaṃ bhāsato “idaṃ dukkhan  
 ti” nāṇaṃ pavattatīti?

Āmantā.

“Ayaṃ nirodho ti” vācaṃ bhāsato “ayaṃ nirodho ti”  
 nāṇaṃ pavattatīti?

Na h'evaṃ vattabbe—pe—

“Idaṃ dukkhan ti” vācaṃ bhāsato “idaṃ dukkhan  
 ti” nāṇaṃ pavattatīti?

Āmantā.

“Ayaṃ maggo ti” vācaṃ bhāsato “ayaṃ maggo ti”  
 nāṇaṃ pavattatīti?

Na h'evaṃ vattabbe—pe—

2. “Ayaṃ samudayo ti” vācaṃ bhāsato na ca “ayaṃ  
 samudayo ti” nāṇaṃ pavattatīti?

Āmantā.

“Idaṃ dukkhan ti” vācaṃ bhāsato na ca “idaṃ  
 dukkhan ti” nāṇaṃ pavattatīti?

Na h'evaṃ vattabbe—pe—

“Ayaṃ nirodho ti” vācaṃ bhāsato na ca “ayaṃ nirodho ti” ñāṇaṃ pavattatīti?

Āmantā.

“Idaṃ dukkhaṃ ti” vācaṃ bhāsato na ca “idaṃ dukkhaṃ ti” ñāṇaṃ pavattatīti?

Na h’evaṃ vattabbe—pe—

“Ayaṃ maggo ti” vācaṃ bhāsato na ca “ayaṃ maggo ti” ñāṇaṃ pavattatīti?

Āmantā.

“Idaṃ dukkhaṃ ti” vācaṃ bhāsato na ca “idaṃ dukkhaṃ ti” ñāṇaṃ pavattatīti?

Na h’evaṃ vattabbe—pe—

3. “Idaṃ dukkhaṃ ti” vācaṃ bhāsato “idaṃ dukkhaṃ ti” ñāṇaṃ pavattatīti?

Āmantā.

“Rūpaṃ aniccaṃ ti” vācaṃ bhāsato “rūpaṃ aniccaṃ ti” ñāṇaṃ pavattatīti?

Na h’evaṃ vattabbe—pe—

“Idaṃ dukkhaṃ ti” vācaṃ bhāsato “idaṃ dukkhaṃ ti” ñāṇaṃ pavattatīti?

Āmantā.

“Vedanā—pe—saññā—pe—saṃkhārā—pe—viññāṇaṃ aniccaṃ ti” vācaṃ bhāsato “viññāṇaṃ aniccaṃ ti” ñāṇaṃ pavattatīti?

Na h’evaṃ vattabbe—pe—

4. “Idaṃ dukkhaṃ ti” vācaṃ bhāsato “idaṃ dukkhaṃ ti” ñāṇaṃ pavattatīti?

Āmantā.

“Rūpaṃ anattā ti” vācaṃ bhāsato “rūpaṃ anattā ti” ñāṇaṃ pavattatīti?

Na h’evaṃ vattabbe—pe—

“Idaṃ dukkhaṃ ti” vācaṃ bhāsato “idaṃ dukkhaṃ ti” ñāṇaṃ pavattatīti?

Āmantā.

“Vedanā—pe—saññā—pe—saṃkhārā—pe—viññāṇaṃ anattā ti” vācaṃ bhāsato “viññāṇaṃ anattā ti” ñāṇaṃ pavattatīti?

Na h’evaṃ vattabbe—pe—

5. “Rūpaṃ aniccaṃ ti” vācaṃ bhāsato na ca “rūpaṃ aniccaṃ ti” ñāṇaṃ pavattatīti?

Āmantā.

“Idaṃ dukkhaṃ ti” vācaṃ bhāsato na ca “idaṃ dukkhaṃ ti” ñāṇaṃ pavattatīti?

Na h’evaṃ vattabbe—pe—

“Vedanā—pe—saññā—pe—saṃkhārā—pe—viññāṇaṃ aniccaṃ ti” vācaṃ bhāsato na ca “viññāṇaṃ aniccaṃ ti” ñāṇaṃ pavattatīti?

Āmantā.

“Idaṃ dukkhaṃ ti” vācaṃ bhāsato na ca “idaṃ dukkhaṃ ti” ñāṇaṃ pavattatīti?

Na h’evaṃ vattabbe—pe—

6. “Rūpaṃ anattā ti” vācaṃ bhāsato na ca “rūpaṃ anattā ti” ñāṇaṃ pavattatīti?

Āmantā.

“Idaṃ dukkhaṃ ti” vācaṃ bhāsato na ca “idaṃ dukkhaṃ ti” ñāṇaṃ pavattatīti?

Na h’evaṃ vattabbe—pe—

“Vedanā—pe—saññā—pe—saṃkhārā—pe—viññāṇaṃ anattā ti” vācaṃ bhāsato na ca “viññāṇaṃ anattā ti” ñāṇaṃ pavattatīti?

Āmantā.

“Idaṃ dukkhaṃ ti” vācaṃ bhāsato na ca “idaṃ dukkhaṃ ti” ñāṇaṃ pavattatīti?

Na h’evaṃ vattabbe—pe—

7. “Idaṃ dukkhaṃ ti” vācaṃ bhāsato “idaṃ dukkhaṃ ti” ñāṇaṃ pavattatīti?

Āmantā.

Īti<sup>1</sup> ca danti ca ruci<sup>2</sup> ca khanti<sup>3</sup> ca ñāṇaṃ pavattatīti?

Āmantā.

Idaṃ dukkhaṃ ti kathā.

<sup>1</sup> iti, P.S.S<sub>2</sub>.

<sup>2</sup> duti, M.; dūti, K.

<sup>3</sup> cakkhaṃ ti, M.

## XI. 5.

1. Iddhibalena samannāgato kammaṃ tiṭṭheyyāti ?

Āmantā.

Iddhimayiko so āyu, iddhimayikā sā gati, iddhimayiko so attabhāvapaṭilābho ti ?

Na h'evaṃ vattabbe—pe—

Iddhibalena samannāgato kammaṃ tiṭṭheyyāti ?

Āmantā.

Atītaṃ kammaṃ tiṭṭheyya, anāgataṃ kammaṃ tiṭṭheyyāti ?

Na h'evaṃ vattabbe—pe—

Iddhibalena samannāgato kammaṃ tiṭṭheyyāti ?

Āmantā.

Dve kappe tiṭṭheyya, tayo kappe tiṭṭheyya, cattāro kappe tiṭṭheyyāti ?

Na h'evaṃ vattabbe—pe—

2. Iddhibalena samannāgato kammaṃ tiṭṭheyyāti ?

Āmantā.

Sati jivite jīvitāvasese tiṭṭheyya, asati jivite jīvitāvasese tiṭṭheyyāti ?

Sati jivite jīvitāvasese tiṭṭheyyāti.

Hañci sati jivite jīvitāvasese tiṭṭheyya, no vata re vattabbe “Iddhibalena samannāgato kammaṃ tiṭṭheyyāti.”

Asati jivite jīvitāvasese tiṭṭheyyāti.

Mato tiṭṭheyya, kālaṃkato tiṭṭheyyāti ?

Na h'evaṃ vattabbe—pe—

3. Iddhibalena samannāgato kammaṃ tiṭṭheyyāti ?

Āmantā.

Uppanno phasso mā nirujjhīti labbhā iddhiyā pagga-hetun<sup>1</sup> ti ?

Na h'evaṃ vattabbe—pe—

Uppannā vedanā—pe—uppannā saññā—pe—uppannā cetanā—pe—uppannaṃ cittaṃ—pe—uppannā saddhā—pe—uppannaṃ viriyaṃ—pe—uppannā sati—pe—uppanno

<sup>1</sup> vagga°, P.

samādhi—pe—uppannā paññā mā nirujjhīti labbhā iddhiyā paggahetun ti?

Na h'evaṃ vattabbe—pe—

4. Iddhibalena samannāgato kappam tiṭṭheyyāti?

Āmantā.

Rūpaṃ niccaṃ hotūti labbhā iddhiyā paggahetun ti?

Na h'evaṃ vattabbe—pe—

Vedanā—pe—saññā—pe—saṃkhārā—pe—viññāṇam niccaṃ hotūti labbhā iddhiyā paggahetun ti?

Na h'evaṃ vattabbe—pe—

5. Iddhibalena samannāgato kappam tiṭṭheyyāti?

Āmantā.

Jātidhammā sattā mā jāyimsūti<sup>1</sup> labbhā iddhiyā paggahetun ti?

Na h'evaṃ vattabbe—pe—

Jarādhammā sattā mā jirimsu<sup>2</sup>—pe—byādhidhammā sattā mā byādhiyimsu<sup>3</sup>—pe—maraṇadhammā sattā mā mīyimsu<sup>4</sup> labbhā iddhiyā paggahetun ti?

Na h'evaṃ vattabbe—pe—

6. Na vattabbaṃ “Iddhibalena samannāgato kappam tiṭṭheyyāti”?

Āmantā.

Nanu vuttaṃ Bhagavatā—“Yassa kassaci Ānanda cattāro iddhipādā bhāvītā bahulikātā yānikātā vatthukatā anuṭṭhitā paricitā susamāraddhā, ākaṅkhamāno so Ānanda kappam vā tiṭṭheyya kappāvasesam vā ti.” Atth'eva sutanto ti?

Āmantā.

Tena hi iddhibalena samannāgato kappam tiṭṭheyyāti.

7. Iddhibalena samannāgato kappam tiṭṭheyyāti?

Āmantā.

Nanu vuttaṃ Bhagavatā—“Catunnaṃ Bhikkhave dhammānaṃ n'atthi koci pāṭibhogo samaṇo vā brāhmaṇo vā devo vā Māro vā Brahmā vā koci vā lokasmiṃ. Katamesaṃ catunnaṃ? Jarādhammo mā jīvīti n'atthi koci

<sup>1</sup> jāyisuti, P.S.S<sub>2</sub>.

<sup>2</sup> jītisu, P.S.S<sub>2</sub>; jiyimsu, M.

<sup>3</sup> byādhiyīsu, P.S.S<sub>2</sub>.

<sup>4</sup> mīyisu, P.S.

pāṭibhogo samaṇo vā brāhmaṇo vā devo vā Māro vā Brahmā vā koci vā lokasmiṃ, byādhidhammo mā byādhiyīti—pe—maraṇadhammo mā miyīti—pe—. Yāni kho pana tāni pubbe katāni pāpakāni kammāni saṃkilesikāni ponobhavikāni nissārāni<sup>1</sup> dukkhavipākāni āyaṭiṃ jātijarāmarañiyāni, tesam vipāko mā nibbattīti n'atthi koci pāṭibhogo samano vā brāhmaṇo vā devo vā Māro vā Brahmā vā koci vā lokasmin ti." Atth'eva suttanto ti?

Āmantā.

Tena hi na vattabbaṃ "Iddhibalena samannāgato kappam tiṭṭheyyāti."

### I d d h i b a l a k a t h ā .

#### XI. 6.

1. Cittasantati samādhīti?

Āmantā.

Atītā cittasantati samādhīti?

Na h'evaṃ vattabbe—pe—

Cittasantati samādhīti?

Āmantā.

Anāgatā cittasantati samādhīti?

Na h'evaṃ vattabbe—pe—

Nanu atītaṃ niruddhaṃ, anāgataṃ ajātan ti?

Āmantā.

Hañci atītaṃ niruddhaṃ, anāgataṃ ajātaṃ, no vata re vattabbe "Cittasantati samādhīti."

2. Ekacittakkhaṇiko samādhīti?

Āmantā.

Cakkhaviññāṇasamaṅgī samāpanno ti?

Na h'evaṃ vattabbe—pe—

Sotaviññāṇasamaṅgī — pe — ghaṇaviññāṇasamaṅgī — pe — jivhāviññāṇasamaṅgī — pe — kāyaviññāṇasamaṅgī — pe —

<sup>1</sup> saraṇāni, P.S.S.; nissarāni, M.; sadarāni, Morris, Ang. IV. 182. dukkhudrayāni, K.

akusalacittasamaṅgī—pe—rāgasahagatacittasamaṅgī—pe—  
— dosasahagatacittasamaṅgī — pe — mohasahagatacitta-  
samaṅgī—pe—anottappasahagatacittasamaṅgī samāpanno  
ti?

Na h'evaṃ vattabbe—pe—

3. Cittasantati samādhīti?

Āmantā.

Akusalacittasantati samādhīti?

Na h'evaṃ vattabbe—pe—

Rāgasahagatā—pe—dosasahagatā—pe—mohasahagatā  
—pe—anottappasahagatā cittasantati samādhīti?

Na h'evaṃ vattabbe—pe—

4. Na vattabbaṃ “Cittasantati samādhīti”?

Āmantā.

Nanu vuttaṃ Bhagavatā—“Ahaṃ kho āvuso Nigaṇha<sup>1</sup>  
pahomi aniñjamāno<sup>2</sup> kāyena abhāsamāno vācaṃ satta ratt-  
indivāni ekantasukhapāṭisaṃvedī viharitun ti.” Atth'eva  
suttanto ti?

Āmantā.

Tena hi cittasantati samādhīti.

S a m ā d h i k a t h ā .

## XI. 7.

1. Dhammaṭṭhitatā parinipphannā 3 ti?

Āmantā.

Tāya ṭhitatā parinipphannā ti?

Na h'evaṃ vattabbe—pe—

Tāya ṭhitatā parinipphanna ti?

Āmantā.

Tāya tāy'eva n'atthi dukkhass' antakiriya, n'atthi vaṭṭ-  
ūpacchedo, n'atthi anupādāparinibbānan ti?

Na h'evaṃ vattabbe—pe—

<sup>1</sup> Nigaṇṭho, K.

<sup>2</sup> anicchamāno. P.

<sup>3</sup> parinibbānā, P.S.S<sub>2</sub>.

2. Rūpassa ʒhitatā parinipphannā ti?

Āmantā.

Tāya ʒhitatā parinipphannā ti?

Na h'evaṃ vattabbe—pe—

Tāya ʒhitatā parinipphannā ti?

Āmantā.

Tāya tāy'eva n'atthi dukkhass'antakiriyā, n'atthi vaṭṭū-pacchedo, n'atthi anupādāparinibbānan ti?

Na h'evaṃ vattabbe—pe—

3. Vedanāya ʒhitatā—pe—saññāya ʒhitatā—pe—saṃ-khārānaṃ ʒhitatā—pe—viññāṇassa ʒhitatā parinipphannā<sup>1</sup> ti?

Āmantā.

Tāya ʒhitatā parinipphannā ti?

Na h'evaṃ vattabbe—pe—

Tāya tāy'eva n'atthi dukkhass' antakiriyā n'atthi vaṭṭū-pacchedo n'atthi anupādāparinibbānan ti?

Na h'evaṃ vattabbe—pe—

D h a m m a ṭ ṭ h i t a t ā k a t h ā .

## XI. 8.

1. Aniccatā parinipphannā ti?

Āmantā.

Tāya aniccatāya aniccatā parinipphannā ti?

Na h'evaṃ vattabbe—pe—

Tāya aniccatāya aniccatā parinipphannā ti?

Āmantā.

Tāya tāy'eva n'atthi dukkhass'antakiriyā, n'atthi vaṭṭū-pacchedo, n'atthi anupādāparinibbānan ti?

Na h'evaṃ vattabbe—pe—

2. Jarā parinipphannā<sup>2</sup> ti?

Āmantā.

Tāya jarāya jarā parinipphannā ti?

<sup>1</sup> parinibbannā, P.

<sup>2</sup> parinipphannā, P.S.S<sub>2</sub>.

Na h'evaṃ vattabbe—pe—

Tāya jarāya jarā parinipphannā ti?

Āmantā.

Tāya tāy'eva n'atthi dukkhass'antakiriyā, n'atthi vaṭṭūpacchedo, n'atthi anupādāparinibbānan ti?

Na h'evaṃ vattabbe—pe—

3. Maraṇaṃ parinipphannaṃ ti?

Āmantā.

Tassa maraṇassa maraṇaṃ parinipphannaṃ ti?

Na h'evaṃ vattabbe—pe—

Tassa maraṇassa maraṇaṃ parinipphannaṃ ti?

Āmantā.

Tassa tass'eva n'atthi dukkhass'antakiriyā, n'atthi vaṭṭūpacchedo, n'atthi anupādāparinibbānan ti?

Na h'evaṃ vattabbe—pe—

4. Rūpaṃ parinipphannaṃ, rūpassa aniccatā atthīti?

Āmantā.

Aniccatā parinipphannā, aniccatāya aniccatā atthīti?

Na h'evaṃ vattabbe—pe—

Rūpaṃ parinipphannaṃ, rūpassa jarā atthīti?

Āmantā.

Jarā parinipphannā, jarāya jarā atthīti?

Na h'evaṃ vattabbe—pe—

Rūpaṃ parinipphannaṃ, rūpassa bhedo atthi, antaradhānaṃ atthīti?

Āmantā.

Maraṇaṃ parinipphannaṃ, maraṇassa bhedo atthi, antaradhānaṃ atthīti?

Na h'evaṃ vattabbe—pe—

5. Vedanā—pe—saññā—pe—saṃkhārā—pe—viññānaṃ parinipphannaṃ, viññānaṃ aniccatā atthīti?

Āmantā.

Aniccatā parinipphannā, aniccatāya aniccatā atthīti?

Na h'evaṃ vattabbe—pe—

Viññānaṃ parinipphannaṃ, viññānaṃ jarā atthīti?

Āmantā.

Jarā parinipphannā, jarāya jarā atthīti?

Na h'evaṃ vattabbe—pe—

Viññāṇaṃ parinipphannaṃ, viññāṇassa bhedo atthi,  
antaradhānaṃ atthīti ?

Āmantā.

Maraṇaṃ parinipphannaṃ, maraṇassa bhedo atthi,  
antaradhānaṃ atthīti ?

Na h'evaṃ vattabbe—pe—

### Aniccātākathā.

---

Anusayā abyākatā, ahetukā, cittavippayuttā,  
Aññāṇe vigate ñāṇī, Ñāṇaṃ cittavippayuttaṃ,  
Yattha sadde ñāṇaṃ pavattati,  
Iddhibalena samannāgato kammaṃ tiṭṭheyya,  
Cittasantati samādhī, Dhammaṭṭhitatā, Aniccātā ti.

Ekādasamo Vaggo.

## XII. 1.

1. Saṃvaro kamman ti ?

Āmantā.

Cakkhundriyaṣaṃvaro cakkhukamman ti ?

Na h'evaṃ vattabbe—pe—

Sotindriyaṣaṃvaro — pe — ghānindriyaṣaṃvaro — pe —  
jivhindriyaṣaṃvaro—pe—kāyindriyaṣaṃvaro kāyakamman  
ti ?

Na h'evaṃ vattabbe—pe—

Kāyindriyaṣaṃvaro kāyakamman ti ?

Āmantā.

Cakkhundriyaṣaṃvaro cakkhukamman ti ?

Na h'evaṃ vattabbe—pe—

Kāyindriyaṣaṃvaro kāyakamman ti ?

Āmantā.

Sotindriyaṣaṃvaro — pe — ghānindriyaṣaṃvaro — pe —  
jivhindriyaṣaṃvaro jivhākamman ti ?

Na h'evaṃ vattabbe—pe—

Manindriyaṣaṃvaro manokamman ti ?

Na h'evaṃ vattabbe—pe—

Manindriyaṣaṃvaro manokamman ti ?

Āmantā.

Cakkhundriyaṣaṃvaro cakkhukamman ti ?

Na h'evaṃ vattabbe—pe—

Manindriyaṣaṃvaro manokamman ti ?

Āmantā.

Sotindriyaṣaṃvaro — pe — ghānindriyaṣaṃvaro — pe —  
jivhindriyaṣaṃvaro — pe — kāyindriyaṣaṃvaro kāyakam-  
man ti ?

Na h'evaṃ vattabbe—pe—

2. Aṣaṃvaro kamman ti ?

Āmantā.

Cakkhundriya-aṣaṃvaro cakkhukamman ti ?

Na h'evaṃ vattabbe—pe—

Sotindriya-aṣaṃvaro—pe—ghānindriya-aṣaṃvaro—pe—  
jivhindriya-aṣaṃvaro—pe—kāyindriya-aṣaṃvaro kāyakam-  
man ti ?

Na h'evaṃ vattabbe—pe—

Kāyindriya-asamvaro kāyakamman ti?

Āmantā.

Cakkhundriya-asamvaro cakkhukamman ti?

Na h'evaṃ vattabbe—pe—

Kāyindriya-asamvaro kāyakamman ti?

Āmantā.

Sotindriya-asamvaro—pe—ghānindriya-asamvaro—pe—  
jivhindriya-asamvaro jivhākamman ti?

Na h'evaṃ vattabbe—pe—

Manindriya-asamvaro manokamman ti?

Na h'evaṃ vattabbe—pe—

Manindriya-asamvaro manokamman ti?

Āmantā.

Cakkhundriya-asamvaro cakkhukamman ti?

Na h'evaṃ vattabbe—pe—

Manindriya-asamvaro manokamman ti?

Āmantā.

Sotindriya-asamvaro—pe—ghānindriya-asamvaro—pe—  
jivhindriya-asamvaro — pe — kāyindriya-asamvaro kāya-  
kamman ti?

Na h'evaṃ vattabbe—pe—

3. Na vattabbaṃ “ Samvaro asamvaro pi kamman ti ”?

Āmantā.

Nanu vuttaṃ Bhāgavatā—“ Idha Bhikkhave bhikkhu  
cakkhunā rūpaṃ disvā nimittaggāhī hoti—pe—na nimit-  
taggāhī hoti, sotenāsaddaṃ sutvā—pe—manasā dhammaṃ  
viññāya nimittaggāhī hoti—pe—na nimittaggāhī hotīti.”  
Atth'eva suttanto ti?

Āmantā.

Tena hi samvaro asamvaro pi kamman ti.

Samvaro kamman ti kathā.

## XII. 2.

1. Sabbamaṃ kammaṃ savipākaṃ ti?

Āmantā.

Sabbā cetanā savipākā ti ?

Na h'evaṃ vattabbe—pe—

Sabbā cetanā savipākā ti ?

Āmantā.

Vipākābyākatā cetanā savipākā ti ?

Na h'evaṃ vattabbe—pe—

Sabbā cetanā savipākā ti ?

Āmantā.

Kiriyābyākatā cetanā savipākā ti ?

Na h'evaṃ vattabbe—pe—

Sabbā cetanā savipākā ti ?

Āmantā.

Kāmāvacarā vipākābyākatā cetanā savipākā ti ?

Na h'evaṃ vattabbe—pe—

Sabbā cetanā savipākā ti ?

Āmantā.

Rūpāvacarā, arūpāvacarā, apariyāpannā vipākābyākatā cetanā savipākā ti ?

Na h'evaṃ vattabbe—pe—

Sabbā cetanā savipākā ti ?

Āmantā.

Kāmāvacarā kiriyābyākatā cetanā savipākā ti ?

Na h'evaṃ vattabbe—pe—

Sabbā cetanā savipākā ti ?

Āmantā.

Rūpāvacarā, arūpāvacarā kiriyābyākatā cetanā savipākā ti ?

Na h'evaṃ vattabbe—pe—

2. Vipākābyākatā cetanā avipākā ti ?

Āmantā.

Hañci vipākābyākatā cetanā avipākā, no vata re vattabbe

“Sabbā cetanā savipākā ti.”

Kiriyābyākatā cetanā avipākā ti ?

Āmantā.

Hañci kiriyābyākatā cetanā avipākā, no vata re vattabbe

“Sabbā cetanā savipākā ti.”

Kāmāvacarā, rūpāvacarā, arūpāvacarā, apariyāpannā vipākābyākatā cetanā avipākā ti ?

Āmantā.

Hañci apariyāpannā vipākābyākatā cetanā avipākā, no vata re vattabbe “Sabbā cetanā savipākā ti.”

Kāmāvacarā, rūpāvacarā, arūpāvacarā kiriyābyākatā cetanā avipākā ti?

Āmantā.

Hañci arūpāvacarā kiriyābyākatā cetanā avipākā, no vata re vattabbe “Sabbā cetanā savipākā ti.”

3. Na vattabbaṃ “Sabbāṃ kammaṃ savipākaṃ ti”?

Āmantā.

Nanu vuttaṃ Bhagavatā—“Nāhaṃ Bhikkhave sañ-cetanikānaṃ kammaṇaṃ katānaṃ upacitānaṃ appaṭi-saṃveditvā byantibhāvaṃ vadāmi taṃ ca kho diṭṭh’eva<sup>1</sup> dhamme uppajje<sup>2</sup> vā apare vā pariyāye ti.” Atth’eva suttanta ti?

Āmantā.

Tena hi sabbāṃ kammaṃ savipākaṃ ti.

K a m m a k a t h ā .

## XII. 3.

1. Saddo vipāko ti?

Āmantā.

Sukhavedanīyo, dukkhavedanīyo, adukkhamasukhave-danīyo, sukhāya vedanāya sampayutto, dukkhāya vedanāya sampayutto, adukkhamasukhāya vedanāya sampayutto, phassena sampayutto, vedanāya sampayutto, saññāya sampayutto, cetanāya sampayutto, cittena sampayutto sārammaṇo, atthi tassa āvaṭṭanā ābhogo samannāhāro manasikāro cetanā patthanā paṇidhīti?

Āmantā.

Nanu na sukhavedanīyo, na dukkhavedanīyo—pe—anārammaṇo, n’atthi tassa āvaṭṭanā—pe—paṇidhīti?

Āmantā.

<sup>1</sup> diṭṭhe vā, P.S.<sub>2</sub>.K.

<sup>2</sup> uppajjaṃ, P.S.<sub>2</sub>.

Hañci na sukhavedanīyo, na dukkhavedanīyo—pe—  
anārammano, n'atthi tassa āvaṭṭanā—pe—paṇidhi, no  
vata re vattabbe “Saddo vipāko ti.”

2. Phasso vipāko, phasso sukhavedanīyo—pe—sāram-  
maṇo, atthi tassa āvaṭṭanā—pe—paṇidhīti?

Āmantā.

Saddo vipāko, saddo sukhavedanīyo—pe—sārammaṇo,  
atthi tassa āvaṭṭanā—pe—paṇidhīti?

Na h'evaṃ vattabbe—pe—

Saddo vipāko, saddo na sukhavedanīyo—pe—anāram-  
maṇo, n'atthi tassa āvaṭṭanā—pe—paṇidhīti?

Āmantā.

Phasso vipāko, phasso na sukhavedanīyo—pe—anāram-  
maṇo, n'atthi tassa āvaṭṭanā—pe—paṇidhīti?

Na h'evaṃ vattabbe—pe—

3 Na vattabbaṃ “Saddo vipāko ti”?

Āmantā.

Nanu vuttaṃ Bhagavatā—“So tassa kammaṃsa katattā  
upacitattā ussanatā<sup>1</sup> vipulattā brahmassaro<sup>2</sup> hoti kara-  
vīkabhāṇī ti.” Atth'eva suttanto ti?

Āmantā.

Tena hi saddo vipāko ti.

Saddo vipāko ti kathā

## XII. 4.

1. Cakkhāyatanam vipāko ti ?

Āmantā.

Sukhavedanīyam, dukkhavedanīyam—pe—sāramma-  
ṇam, atthi tassa āvaṭṭanā—pe—paṇidhīti?

Na h'evaṃ vattabbe—pe—

Nanu na sukhavedanīyam—pe—anārammaṇam, n'atthi  
tassa āvaṭṭanā—pe—paṇidhīti?

Āmantā.

<sup>1</sup> ussanatā, P.S<sub>2</sub>.

<sup>2</sup> brahmasaro, M.K.

Hañci na sukhavedaniyam—pe—anārammaṇaṃ, n'atthi tassa āvaṭṭanā—pe—paṇidhi, no vata re vattabbe “Cakkhāyatanam vipāko ti.”

2. Phasso vipāko, phasso sukhavedaniyo—pe—sāramaṇo, atthi tassa āvaṭṭanā—pe—paṇidhīti?

Āmantā.

Cakkhāyatanam vipāko, cakkhāyatanam sukhavedaniyam—pe—sārammaṇaṃ, atthi tassa āvaṭṭanā—pe—paṇidhīti?

Na h'evaṃ vattabbe—pe—

Cakkhāyatanam vipāko, cakkhāyatanam na sukhavedaniyam—pe—anārammaṇaṃ, n'atthi tassa āvaṭṭanā—pe—paṇidhīti?

Āmantā.

Phasso vipāko, phasso na sukhavedaniyo—pe—anāramaṇo, n'atthi tassa āvaṭṭanā—pe—paṇidhīti?

Na h'evaṃ vattabbe—pe—

3. Sotāyatanam — pe—ghānāyatanam — pe — jivhāyatanam—pe—kāyāyatanam vipāko ti?

Āmantā.

Sukhavedaniyam, dukkhavedaniyam — pe — sāramaṇaṃ, atthi tassa āvaṭṭanā—pe—paṇidhīti?

Na h'evaṃ vattabbe—pe—

Nanu na sukhavedaniyam—pe—anārammaṇaṃ, n'atthi tassa āvaṭṭanā—pe—paṇidhīti?

Āmantā.

Hañci na sukhavedaniyam—pe—anārammaṇaṃ, n'atthi tassa āvaṭṭanā—pe—paṇidhi, no vata re vattabbe “Kāyāyatanam vipāko ti.”

Phasso vipāko, phasso sukhavedaniyo—pe—sāramaṇo, atthi tassa āvaṭṭanā—pe—paṇidhīti?

Āmantā.

Kāyāyatanam vipāko, kāyāyatanam sukhavedaniyam—pe—sārammaṇaṃ, atthi tassa āvaṭṭanā—pe—paṇidhīti?

Na h'evaṃ vattabbe—pe—

Kāyāyatanam vipāko, kāyāyatanam na sukhavedaniyam—pe—anārammaṇaṃ, n'atthi tassa āvaṭṭanā—pe—paṇidhīti?

Āmantā.

Phasso vipāko, phasso na sukhavedaniyo—pe—anāram-  
maṇo, n'atthi tassa āvaṭṭanā—pe—paṇidhīti?

Na h'evaṃ vattabbe—pe—

4. Na vattabbaṃ “Saḷāyatanam vipāko ti”?

Āmantā.

Nanu saḷāyatanam kammassa katattā uppannaṃ ti?

Āmantā.

Hañci saḷāyatanam kammassa katattā uppannaṃ, tena  
vata re vattabbe “Saḷāyatanam vipāko ti.”

S a ḷ ā y a t a n a k a t h a .

## XII. 5.

1. Sattakkhattuparamo puggalo sattakkhattuparamatā  
niyato ti?

Āmantā.

Mātā jīvitā voropitā, pitā jīvitā voropito, Arahā jīvitā  
voropito, duṭṭhena cittaena Tathāgatassa lohitaṃ uppā-  
ditaṃ, Saṃgho bhinno ti?

Na h'evaṃ vattabbe—pe—

2. Sattakkhattuparamo puggalo sattakkhattuparamatā  
niyato ti?

Āmantā.

Abhabbo antarā dhammaṃ abhisametun ti?

Na h'evaṃ vattabbe—pe—

Abhabbo antarā dhammaṃ abhisametun ti?

Āmantā.

Mātā jīvitā voropitā, pitā jīvitā voropito, Arahā jīvitā  
voropito, duṭṭhena cittaena Tathāgatassa lohitaṃ uppā-  
ditaṃ, Saṃgho bhinno ti?

Na h'evaṃ vattabbe—pe—

3. Sattakkhattuparamo puggalo sattakkhattuparamatā  
niyato ti?

Āmantā.

Atthi so niyāmo, yena niyāmena sattakkhattuparamo  
puggalo sattakkhattuparamatā niyato ti?

Na h'evaṃ vattabbe—pe—

Atthi te satipaṭṭhānā, sammappadhānā, iddhipādā, indriyā, balā, bojjhaṅgā, yehi bojjhaṅgehi sattakkhattuparamo puggalo sattakkhattuparamatā niyato ti?

Na h'evaṃ vattabbe—pe—

4. N'atthi so niyāmo, yena niyāmena sattakkhattuparamo puggalo sattakkhattuparamatā niyato ti?

Amantā.

Hañci n'atthi so niyāmo, yena niyāmena sattakkhattuparamo puggalo sattakkhattuparamatā niyato, no vata re vattabbe “Sattakkhattuparamo puggalo sattakkhattuparamatā niyato ti.”

N'atthi te satipaṭṭhānā—pe—bojjhaṅgā, yehi bojjhaṅgehi sattakkhattuparamo puggalo sattakkhattuparamatā niyato ti?

Amantā.

Hañci n'atthi te bojjhaṅgā, yehi bojjhaṅgehi sattakkhattuparamo puggalo sattakkhattuparamatā niyato, no vata re vattabbe “Sattakkhattuparamo puggalo sattakkhattuparamatā niyato ti.”

5. Sattakkhattuparamo puggalo sattakkhattuparamatā niyato ti?

Āmantā.

Sakadāgāminiyāmenāti?

Na h'evaṃ vattabbe—pe—

Anāgāminiyāmenāti?

Na h'evaṃ vattabbe—pe—

Arahattaniyāmenāti?

Na h'evaṃ vattabbe—pe—

Katāmena niyāmenāti?

Sotāpattiniyāmenāti.

Sattakkhattuparamo puggalo sattakkhattuparamatā niyato ti?

Āmantā.

Ye keci sotāpattiniyāmaṃ okkamanti, sabbe te sattakkhattuparamatā niyatā ti?

Na h'evaṃ vattabbe—pe—

6. Na vattabbaṃ “Sattakkhattuparamo puggalo sattakkhattuparamatā niyato ti”?

Āmantā.

Nanu so sattakkhattuparamo ti?

Āmantā.

Hañci so sattakkhattuparamo, tena vata re vattabbe “Sattakkhattuparamo puggalo sattakkhattuparamatā niyato ti.”

Sattakkhattuparamakathā.

## XII. 6.

1. Na vattabbaṃ “Kolamkolo<sup>1</sup> puggalo kolamkolatā niyato ti”?

Āmantā.

Nanu so kolamkolo ti?

Āmantā.

Hañci so kolamkolo, tena vata re vattabbe “Kolamkolo puggalo kolamkolatā niyato ti.”

2. Na vattabbaṃ “Ekabijī puggalo ekabijitā niyato ti”?

Āmantā.

Nanu so ekabijī ti?

Āmantā.

Hañci so ekabijī, tena vata re vattabbe “Ekabijī puggalo ekabijitā niyato ti.”

## XII. 7.

1. Diṭṭhisampanno puggalo sañcicca pāṇaṃ jīvitā voro-peyyāti?

Āmantā.

Diṭṭhisampanno puggalo sañcicca mātaṃ jīvitā voro-peyya—pe—pitaraṃ jīvitā voro-peyya, Arahaṇṭaṃ jīvitā voro-peyya—pe—duṭṭhena cittaṃ Tathāgatassa lohiṭaṃ uppādeyya—pe—Saṃghaṃ bhindeyyāti?

<sup>1</sup> kolo, P.S<sub>2</sub>.

Na h'evaṃ vattabbe—pe—

2. Diṭṭhisampanno puggalo sañcicca pāṇaṃ jīvitā voro-  
peyyāti ?

Āmantā.

Diṭṭhisampanno puggalo Satthari agāraṃ ti ?

Na h'evaṃ vattabbe—pe—

Dhamme—pe—Saṃghe—pe—Sikkhāya agāraṃ ti ?

Na h'evaṃ vattabbe—pe—

3. Nanu diṭṭhisampanno puggalo Satthari sagāraṃ ti ?

Āmantā.

Hañci diṭṭhisampanno puggalo Satthari sagāraṃ, no  
vata re vattabbe “Diṭṭhisampanno puggalo sañcicca pāṇaṃ  
jīvitā voro-peyyāti.”

Nanu diṭṭhisampanno puggalo Dhamme—pe—Saṃghe  
—pe—Sikkhāya sagāraṃ ti ?

Āmantā.

Hañci diṭṭhisampanno puggalo Sikkhāya sagāraṃ, no  
vata re vattabbe “Diṭṭhisampanno puggalo sañcicca  
pāṇaṃ jīvitā voro-peyyāti.”

. Diṭṭhisampanno puggalo Satthari agāraṃ ti ?

Āmantā.

Diṭṭhisampanno puggalo Buddhathūpe ohaneyya,<sup>1</sup>  
omutteyya, niṭṭhubheyya,<sup>2</sup> Buddhathūpe apabyāmato<sup>3</sup>  
kareyyāti ?

Na h'evaṃ vattabbe—te—

5. Diṭṭhisampanno puggalo sañcicca pāṇaṃ jīvitā voro-  
peyyāti ?

Āmantā.

Nanu vuttaṃ Bhagavatā—“Seyyathāpi Bhikkhave  
mahāsamuddo ṭhitadhammo velaṃ nātivattati, evameva  
kho Bhikkhave yaṃ mayā sāvakānaṃ sikkhāpadaṃ  
paññattaṃ, taṃ mama sāvakā jīvitahetu pi nātikka-  
mantīti.” Atth'eva suttanto ti ?

<sup>1</sup> ohareyya, P.S.S<sub>2</sub>.

<sup>2</sup> niṭṭhuseyyā, P.S<sub>2</sub> ; niṭṭhupeyya, M. ; niṭṭhukeyya,  
K.

<sup>3</sup> asabyākato, M. ; abyāto, P.S. ; apabyāto, S<sub>2</sub>.

Āmantā.

Tena hi na vattabbaṃ “Diṭṭhisampanno puggalo sañcicca pāṇaṃ jīvitā voropeyyāti.”

Jīvitā voropanakathā.

## XII. 8.

1. Diṭṭhisampannassa puggalassa pahīnā duggatīti?

Āmantā.

Diṭṭhisampanno puggalo āpāyike rūpe rajjeyyāti?

Na h'evaṃ vattabbe—pe—

Hañci diṭṭhisampanno puggalo āpāyike rūpe rajjeyya, no vata re vattabbe “Diṭṭhisampannassa puggalassa pahīnā duggatīti.”

2. Diṭṭhisampannassa puggalassa pahīnā duggatīti?

Āmantā.

Diṭṭhisampanno puggalo āpāyike sadde—pe—gandhe—pe—rase—pe—phoṭṭhabbe—pe—amanussitthiyā, tiracchā-nagatitthiyā, nāgakaññāya methunaṃ dhammaṃ paṭiseveyya, ajelakaṃ paṭiggaṇheyya, kukkuḷasūkaraṃ paṭiggaṇheyya, hatthigavassavaḷavaṃ paṭiggaṇheyya—pe—tittiravaṭṭakamorakapiñjalaṃ<sup>1</sup> paṭiggaṇheyyāti?

Āmantā.

Hañci diṭṭhisampanno puggalo tittiravaṭṭakamorakapiñjalaṃ paṭiggaṇheyya, no vata re vattabbe “Diṭṭhisampannassa puggalassa pahīnā duggatīti.”

3. Diṭṭhisampannassa puggalassa pahīnā duggati, diṭṭhisampanno puggalo āpāyike rūpe rajjeyyāti?

Āmantā.

Arahato pahīnā duggati, Arahā āpāyike rūpe rajjeyyāti?

Na h'evaṃ vattabbe—pe—

Diṭṭhisampannassa puggalassa pahīnā duggati, diṭṭhisampanno puggalo āpāyike sadde—pe—gandhe—pe—rase—pe—phoṭṭhabbe—pe—tittiravaṭṭakamorakapiñjalaṃ paṭiggaṇheyyāti?

<sup>1</sup> °piñjaraṃ, M.

Āmantā.

Arahato pahīnā duggati, Arahā tittiravaṭṭakamorakapiñ-  
jalam paṭiggaṇheyyāti ?

Na h'evaṃ vattabbe—pe—

4. Arahato pahīnā duggati, na ca Arahā āpāyike rūpe  
rajjeyyāti ?

Āmantā.

Diṭṭhisampannassa puggalassa pahīnā duggati, na ca  
diṭṭhisampanno puggalo āpāyike rūpe rajjeyyāti ?

Na h'evaṃ vattabbe—pe—

Arahato pahīnā duggati, na ca Arahā āpāyike sadde—  
pe—gandhe—pe—rase—pe—phoṭṭhabbe—pe—amanus-  
sitthiyā, tiracchānagatitthiyā, nāgakaññāya methunam  
dhammam paṭiseveyya, ajeḷakam paṭiggaṇheyya, kukkuḷa-  
sūkaram paṭiggaṇheyya, hatthigavassavaḷavam paṭiggaṇ-  
heyya—pe—tittiravaṭṭakamorakapiñjalam paṭiggaṇhey-  
yāti ?

Āmantā.

Diṭṭhisampannassa puggalassa pahīnā duggati, na ca  
diṭṭhisampanno puggalo tittiravaṭṭakamorakapiñjalam  
paṭiggaṇheyyāti ?

Na h'evaṃ vattabbe—pe—

5. Na vattabbam “Diṭṭhisampannassa puggalassa pahīnā  
duggatīti” ?

Āmantā.

Diṭṭhisampanno puggalo nirayam upapajjeyya<sup>1</sup>—pe—  
tiracchānayonim upapajjeyya—pe—pittivisayam upapaj-  
jeyyāti ?

Na h'evaṃ vattabbe—pe—

Tena hi diṭṭhisampannassa puggalassa pahīnā duggatīti.

D u g g a t i k a t h ā .

<sup>1</sup> uppajjeyya, P.S.S<sub>2</sub>.

## XII. 9.

1. Na vattabbaṃ “Sattamabhavikassa<sup>1</sup> puggalassa pahīnā duggatīti”?

Āmantā.

Sattamabhaviko<sup>2</sup> puggalo nirayaṃ upapajjeyya, tiracchānayoṇiṃ upapajjeyya, pittivisaṃ upapajjeyyāti?

Na h'evaṃ vattabbe—pe—

Tena hi sattamabhavikassa puggalassa pahīnā duggatīti.

S a t t a m a b h a v i k a k a t h ā .

Samvāro kammaṃ tath'eva asamvāro,  
Sabbam kammaṃ savipākāṃ, Saddo vipāko, Saḷāyatanam vipāko,  
Sattakkhattuparamo puggalo sattakkhattuparamatā niyato,  
Kolamkolo puggalo kolamkolatā niyato, Ekabijī puggalo ekabijitā niyato,  
Diṭṭhisampanno puggalo sañcicca pāṇaṃ jīvitā voropeyya,  
Diṭṭhisampannassa puggalassa pahīnā duggatīti, Tath'eva sattamabhavikassāti.

D v ā d a s a m o V a g g o .

<sup>1</sup> Sattamakassa, P.S.S<sub>2</sub>.

<sup>2</sup> bhaviko, P.S.S<sub>2</sub>.

## XIII. 1.

1. Kappaṭṭho kappam tiṭṭheyyāti ?

Āmantā.

Kappo ca saṅghāti <sup>1</sup> Buddho ca loke uppajjatīti ?

Na h'evaṃ vattabbe—pe—

Kappaṭṭho kappam tiṭṭheyyāti ?

Āmantā.

Kappo ca saṅghāti Saṅgho ca bhijjatīti ?

Na h'evaṃ vattabbe—pe—

Kappaṭṭho kappam tiṭṭheyyāti ?

Āmantā.

Kappo ca saṅghāti kappaṭṭho ca kappaṭṭhiyaṃ kammaṃ karotīti ?

Na h'evaṃ vattabbe—pe—

Kappaṭṭho kappam tiṭṭheyyāti ?

Āmantā.

Kappo ca saṅghāti kappaṭṭho ca puggalo kālam karotīti ?

Na h'evaṃ vattabbe—pe—

2. Kappaṭṭho kappam tiṭṭheyyāti ?

Āmantā.

Atītam kappam tiṭṭheyya, anāgataṃ kappam tiṭṭheyyāti ?

Na h'evaṃ vattabbe—pe—

Kappaṭṭho kappam tiṭṭheyyāti ?

Āmantā.

Dve kappe tiṭṭheyya, tayo kappe tiṭṭheyya, cattāro kappe tiṭṭheyyāti ?

Na h'evaṃ vattabbe—pe—

Kappaṭṭho kappam tiṭṭheyyāti ?

Āmantā.

Kappaṭṭho kappe dayhante <sup>2</sup> kattha <sup>3</sup> gacchatīti ?

Aññaṃ lokadhātum gacchatīti.

Mato gacchati, vehāsaṃ <sup>4</sup> gacchatīti ? Mato gacchatīti.<sup>5</sup>

Kappaṭṭhiyaṃ kammaṃ aparāpariyavepakkan <sup>6</sup> ti ?

<sup>1</sup> saṅghāti, P. ; sanhāti, S.    <sup>2</sup> vayante, P.    <sup>3</sup> tattha, P.

<sup>4</sup> velāsaṃ, S.    <sup>5</sup> P. omits.    <sup>6</sup> aparāyadīpe pakkantīti, P.S.

Na h'evaṃ vattabbe—pe—

Vehāsaṃ gacchatīti?

Āmantā.

Kappaṭṭho iddhimā ti?

Na h'evaṃ vattabbe—pe—

Kappaṭṭho iddhimā ti?

Āmantā.

Kappaṭṭhena chandiddhipādo bhāvito viriyiddhipādo  
bhāvito cittiddhipādo bhāvito vimamsiddhipādo bhāvito  
ti?

Na h'evaṃ vattabbe—pe—

3. Na vattabbaṃ “ Kappaṭṭho kammaṃ tiṭṭheyyāti ”?

Āmantā.

Nanu † vuttaṃ Bhagavatā—

“ Āpāyiko nerayiko kappaṭṭho saṃghabhedako

Vaggarato adhammaṭṭho yogakkhemato dhamasati

Samghaṃ samaggaṃ bhettvāna kammaṃ nirayamhi  
paccatīti.”

Atth'eva suttanto ti?

Āmantā.

Tena hi kappaṭṭho kammaṃ tiṭṭheyyāti.

Kappaṭṭhakathā.

### XIII. 2.

1. Kappaṭṭho kusalaṃ cittaṃ na paṭilabheyyāti?

Āmantā.

Kappaṭṭho dānaṃ dadeyyāti?

Āmantā.

Hañci kappaṭṭho dānaṃ dadeyya, no vata re vattabbe

“ Kappaṭṭho kusalaṃ cittaṃ na paṭilabheyyāti.”

Kappaṭṭho kusalaṃ cittaṃ na paṭilabheyyāti?

Āmantā.

Kappaṭṭho cīvaraṃ dadeyya, piṇḍapātaṃ dadeyya,  
senāsaṃ dadeyya, gilānapaccayabhesajjaparikkhāraṃ

† P. and S. omit from here to end.

dadeyya, khādanīyaṃ dadeyya, bhojanīyaṃ dadeyya, pānīyaṃ dadeyya, cetiyaṃ vandeyya,<sup>1</sup> cetiye mālaṃ āropeyya, gandhaṃ āropeyya, vilepanaṃ āropeyya, cetiyaṃ padaakkhiṇaṃ<sup>2</sup> kareyyāti?

Āmantā.

Hañci kappatṭho cetiyaṃ padaakkhiṇaṃ kareyya, no vata re vattabbe “Kappatṭho kusalaṃ cittaṃ na paṭilabheyyāti.”

2. Kappatṭho kusalaṃ cittaṃ paṭilabheyyāti?

Āmantā.

Tato vuṭṭhānaṃ<sup>3</sup> kusalaṃ cittaṃ paṭilabheyyāti?

Āmantā.

Rūpāvacaraṃ —pe— arūpāvacaraṃ —pe— lokuttaraṃ kusalaṃ cittaṃ paṭilabheyyāti?

Na h'evaṃ vattabbe—pe—

K u s a l a p a ṭ i l ā b h a k a t h ā .

### XIII. 3.

1. Anantarāpayutto puggalo sammattaniyāmaṃ okkameyyāti?

Āmantā.

Micchattaniyāmañ ca sammattaniyāmañ ca ubho okkameyyāti?

Na h'evaṃ vattabbe—pe—

Anantarāpayutto puggalo sammattaniyāmaṃ okkameyyāti?

Āmantā.

Nanu taṃ kammaṃ payuttaṃ kukkuccaṃ uppādiṭaṃ<sup>4</sup> vippaṭisāriyaṃ janitaṃ ti?

Āmantā.

Hañci taṃ kammaṃ payuttaṃ kukkuccaṃ uppādiṭaṃ vippaṭisāriyaṃ janitaṃ, no vata re vattabbe “Anantarāpayutto puggalo sammattaniyāmaṃ okkameyyāti.”

<sup>1</sup> vaṃdadeyya, P.

<sup>2</sup> abhidakkh°, M. ; dakkh°, S.

<sup>3</sup> raṭṭhānaṃ, P.S.S<sub>2</sub>. <sup>4</sup> upparahitaṃ, P.S. ; upadahitaṃ, K.

2. Anantarāpayutto puggalo abhabbo sammattaniyāmaṃ okkamitun ti?

Āmantā.

Mātā jīvitā voropitā, pitā jīvitā voropito, Arahā jīvitā voropito, duṭṭhena cittaena Tathāgatassa lohitaṃ uppāditāṃ, Saṃgho bhinno ti?

Na h'evaṃ vattabbe—pe—

Anantarāpayutto puggalo taṃ kammaṃ paṭisaṃharitvā<sup>1</sup> kukkuccaṃ paṭivinodetvā vipphaṇṣāriyaṃ paṭivinodetvā<sup>2</sup> abhabbo sammattaniyāmaṃ okkamitun ti?

Āmantā.

Mātā jīvitā voropitā, pitā jīvitā voropito, Arahā jīvitā voropito, duṭṭhena cittaena Tathāgatassa lohitaṃ uppāditāṃ, Saṃgho bhinno ti?

Na h'evaṃ vattabbe—pe—

Anantarāpayutto puggalo taṃ kammaṃ paṭisaṃharitvā kukkuccaṃ paṭivinodetvā vipphaṇṣāriyaṃ paṭivinodetvā abhabbo sammattaniyāmaṃ okkamitun ti?

Āmantā.

Nanu taṃ kammaṃ paṭisaṃhataṃ kukkuccaṃ paṭivinoditaṃ vipphaṇṣāriyaṃ paṭiviniṭānaṃ ti?

Āmantā.

Hañci taṃ kammaṃ paṭisaṃhataṃ kukkuccaṃ paṭivinoditaṃ vipphaṇṣāriyaṃ paṭiviniṭaṃ,<sup>3</sup> no vata re vattabbe “Anantarāpayutto puggalo taṃ kammaṃ paṭisaṃharitvā kukkuccaṃ paṭivinodetvā vipphaṇṣāriyaṃ paṭivinodetvā abhabbo sammattaniyāmaṃ okkamitun ti.”

3. Anantarāpayutto puggalo sammattaniyāmaṃ okkameyyāti?

Āmantā.

Nanu taṃ kammaṃ payutto atthīti?

Āmantā.

Hañci taṃ kammaṃ payutto atthi, no vata re vattabbe “Anantarāpayutto puggalo sammattaniyāmaṃ okkameyyāti.”

A n a n t a r ā p a y u t t a k a t h ā .

<sup>1</sup> paṭiharitvā, P.S.S<sub>2</sub>.

<sup>2</sup> vinetvā, P.S.S<sub>2</sub>.

<sup>3</sup> paṭivinoditaṃ, P.S.S<sub>2</sub>.

## XIII. 4.

1. Niyato niyāmaṃ okkamatīti?

Āmantā.

Micchattaniyato sammattaniyāmaṃ okkamati, sammattaniyato micchattaniyāmaṃ okkamatīti?

Na h'evaṃ vattabbe—pe—

Niyato niyāmaṃ okkamatīti?

Āmantā.

Pubbe maggaṃ bhāvetvā pacchā niyāmaṃ okkamatīti?

Na h'evaṃ vattabbe—pe—

Pubbe sotāpattimaggam bhāvetvā pacchā sotāpattiniyāmaṃ okkamatīti?

Na h'evaṃ vattabbe—pe—

Pubbe sakadāgāmimaggam — pe — anāgāmimaggam — arahattamaggam bhāvetvā pacchā arahattaniyāmaṃ okkamati?

Na h'evaṃ vattabbe—pe—

Pubbe satipaṭṭhānaṃ — pe — sammappadhānaṃ — pe — iddhipādaṃ — pe — indriyaṃ — pe — balaṃ — pe — bojjaṅgaṃ bhāvetvā pacchā niyāmaṃ okkamatīti?

Na h'evaṃ vattabbe—pe—

2. Na vattabbaṃ “ Niyato niyāmaṃ okkamatīti ? ”

Āmantā.

Bhabbo Bodhisatto tāya jātiyā dhammaṃ nābhisametunti?

Na h'evaṃ vattabbe—pe—

Tena hi niyato niyāmaṃ okkamatīti.

Niyatassa niyāmakathā.

## XIII. 5.

1. Nivuto nīvaraṇaṃ jahatīti?

Āmantā.

Ratto rāgaṃ jahati, duṭṭho dosaṃ jahati, mūlho<sup>1</sup> mohaṃ jahati, kiliṭṭho kilese<sup>2</sup> jahatīti?

<sup>1</sup> muḷo, M.

<sup>2</sup> oṣaṃ, P.

Na h'evaṃ vattabbe—pe—

Rāgena rāgaṃ jahati, dosena dosaṃ jahati, mohena moham jahati, kilesehi kilese jahatīti ?

Na h'evaṃ vattabbe—pe—

Rāgo cittasampayutto maggo cittasampayutto ti ?

Āmantā.

Dvinnam phassānaṃ—pe—dvinnam cittānaṃ samodhānaṃ hotīti ?

Na h'evaṃ vattabbe—pe—

Rāgo akusalo maggo kusalo ti ?

Āmantā.

Kusalākusalā sāvajjānavajjā hīnappaṇītā kaṇhasukkasappaṭibhāgā dhammā sammukhībhāvaṃ āgacchantīti ?

Na h'evaṃ vattabbe—pe—

Kusalākusalā sāvajjānavajjā hīnappaṇītā kaṇhasukkasappaṭibhāgā dhammā sammukhībhāvaṃ āgacchantīti ?

Āmantā.

Nanu vuttaṃ Bhagavatā—“ Cattār'imāni Bhikkhave suvidūravidūrāni. Katamāni cattāri ? Nabhañ ca Bhikkhave pathavī ca idaṃ paṭhamaṃ suvidūravidūraṃ—pe—tasmā satam dhammo asabbhi ārakā ti.” Atth'eva suttanto ti ?

Āmantā.

Tena hi na vattabbaṃ “ Kusalākusalā—pe—sammukhībhāvaṃ āgacchantīti.”

2. Nivuto nīvaraṇaṃ jahatīti ?

Āmantā.

Nanu vuttaṃ Bhagavatā—“ So evaṃ samāhite citte parisuddhe pariyodāte anaṅgaṇe vigatūpakkilese mudubhūte kammaniye ṭhite āneñjapatte<sup>1</sup> āsavānaṃ khayañāṇāya cittaṃ abhininnāmetīti.” Atth'eva suttanto ti ?

Āmantā.

Tena hi na vattabbaṃ “ Nivuto nīvaraṇaṃ jahatīti.”

3. Na vattabbaṃ “ Nivuto nīvaraṇaṃ jahatīti ” ?

Āmantā.

Nanu vuttaṃ Bhagavatā—“ Tassa evaṃ jānato evaṃ

<sup>1</sup> ānañja°, P.S. ; aneñca°, M.

passato kāmāsavā pi cittaṃ vimuccati—pe—avijjāsavā pi cittaṃ vimuccatīti.” Atth’eva suttanto ti?

Āmantā.

Tena hi nivuto nīvaraṇaṃ jahatīti.

N i v u t a k a t h ā .

### XIII. 6.

1. Sammukhībhūto saññojanaṃ jahatīti?

Āmantā.

Ratto rāgaṃ jahati, duṭṭho dosaṃ jahati, mūlho mohaṃ jahati, kiliṭṭho kilese jahatīti?

Na h’evaṃ vattabbe—pe—

Rāgena rāgaṃ jahati, dosena dosaṃ jahati, mohena mohaṃ jahati, kilesehi kilese jahatīti?

Na h’evaṃ vattabbe—pe—

Rāgo cittaśampayutto maggo cittaśampayutto ti?

Āmantā.

Dvinnāṃ phassānaṃ—pe—dvinnāṃ cittaṇaṃ samodhānaṃ hotīti?

Na h’evaṃ vattabbe—pe—

Rāgo akusalo maggo kusalo ti?

Āmantā.

Kusalākusalā sāvajjānavajjā hīnappaṇītā kaṇhasukkasappaṭibhāgā dhammā sammukhībhāvaṃ āgacchantīti?

Na h’evaṃ vattabbe—pe—

Kusalākusalā sāvajjānavajjā hīnappaṇītā kaṇhasukkasappaṭibhāgā dhammā sammukhībhāvaṃ āgacchantīti?

Āmantā.

Nanu vuttaṃ Bhagavatā—“ Cattār’imāni Bhikkhave suvidūra vidūrāni. Katamāni cattāri? Nabhañ ca Bhikkhave pathavī ca idaṃ paṭhamaṃ suvidūra vidūraṃ—pe—tasmā satāṃ dhammo asabbhi ārakā ti.” Atth’eva suttanto ti?

Āmantā.

Tena hi na vattabbaṃ “ Kusalākusalā—pe—sammukhībhāvaṃ āgacchantīti.”

2. Sammukhībhūto saññojanam jahatīti ?

Āmantā.

Nanu vuttam Bhagavatā—“So evam samāhite citte parisuddhe pariyodāte anaṅgaṇe vigatūpakkilese mudubhūte kammaniye ṭhite āneñjapatte āsavānam khayañānāya cittam abhininnāmetīti.” Atth’eva suttanto ti ?

Āmantā.

Tena hi na vattabbam “Sammukhībhūto saññojanam jahatīti.”

3. Na vattabbam “Sammukhībhūto saññojanam jahatīti” ?

Āmantā.

Nanu vuttam Bhagavatā—“Tassa evam jānato evam passato kāmāsavā pi cittam vimuccati—pe—avijjāsavā pi cittam vimuccatīti.” Atth’eva suttanto ti ?

Āmantā.

Tena hi sammukhībhūto saññojanam jahatīti.

S a m m u k h ī b h ū t a k a t h ā .

### XIII. 7.

1. Samāpanno, assādeti jhānanikanti jhānārammaṇā ti ?

Āmantā.

Tam jhānam tassa jhānassa ārammaṇan<sup>1</sup> ti ?

Na h’evam vattabbe—pe—

Tam jhānam tassa jhānassa ārammaṇan ti ?

Āmantā.

Tena phassena tam phassam phusati, tāya vedanāya tam vedanam vedeti,<sup>2</sup> tāya saññāya tam saññam jānāti, tāya cetanāya tam cetanam ceteti, tena cittena tam cittam cinteti, tena vitakkena tam vitakkam vitakketi, tena vicārena tam vicāram vicāreti, tāya pītiyā tam pītiṃ piyāyati, tāya satiyā tam satim sarati, tāya paññāya tam paññam pajānātīti ?

Na h’evam vattabbe—pe—

<sup>1</sup> anāram<sup>o</sup>, S.

<sup>2</sup> vediyati, P., vedayati, S.

2. Jhānanikanti cittasampayuttā jhānaṃ cittasampayuttan ti?

Āmantā.

Dvinnam phassānaṃ—pe—dvinnam cittānaṃ samodhānaṃ hotīti?

Na h'evaṃ vattabbe—pe—

Jhānanikanti akusalā jhānaṃ kusalan ti?

Āmantā.

Kusalākusalā sāvajjānavajjā hīnappaṇītā kaṇhasukkasappaṭibhāgā dhammā sammukhībhāvaṃ āgacchantīti?

Na h'evaṃ vattabbe—pe—

Kusalākusalā sāvajjānavajjā hīnappaṇītā kaṇhasukkasappaṭibhāgā dhammā sammukhībhāvaṃ āgacchantīti?

Āmantā.

Nanu vuttam Bhagavatā—“Cattār'imāni Bhikkhave suvidūra vidūrāni. Katamāni cattāri? Nabhañ ca Bhikkhave pathavī ca idaṃ paṭhamam suvidūra vidūram—pe—tasmā satam dhammo asabbhi ārakā ti.” Atth'eva suttanto ti?

Āmantā.

Tena hi na vattabbaṃ “Kusalākusalā—pe—sammukhībhānaṃ āgacchantīti.”

3. Na vattabbaṃ “Samāpanno assādeti, jhānanikanti jhānārammaṇā ti”?

Āmantā.

Nanu vuttam Bhagavatā—“Idha Bhikkhave bhikkhu vivicc'eva kāmehi vivicc' akusalehi dhammehi paṭhamam jhānaṃ upasampajja viharati, so tam assādeti tam nikāmeti tena ca vittiṃ<sup>1</sup> āpajjati, vitakkavicārānaṃ vūpasamā—pe—dutiyaṃ jhānaṃ—pe—tatiyaṃ jhānaṃ—pe—catuttham jhānaṃ upasampajja viharati, so tam assādeti tam nikāmeti tena ca vittiṃ āpajjatīti”?

Āmantā.

Tena hi samāpanno assādeti, jhānanikanti jhānārammaṇā ti.

S a m ā p a n n o a s s ā d e t i k a t h ā .

<sup>1</sup> vitti, M.

## XIII. 8.

1. Atthi asātarāgo<sup>1</sup> ti?

Āmantā.

Dukkhābhinandino sattā atthi keci dukkhaṃ patthenti<sup>2</sup> pihenti<sup>3</sup> esanti gavesanti pariyesanti dukkhaṃ ajjhosāya tiṭṭhantīti?

Na h'evaṃ vattabbe—pe—

Nanu sukhābhinandino sattā atthi keci sukhaṃ patthenti pihenti esanti gavesanti pariyesanti sukhaṃ ajjhosāya tiṭṭhantīti?

Āmantā.

Hañci sukhābhinandino—pe—tiṭṭhanti, no vata re vattabbe “Atthi asātarāgo ti.”

2. Atthi asātarāgo ti?

Āmantā.

Dukkhāya vedanāya rāgānusayo anuseti, sukhāya vedanāya paṭighānusayo anusetīti?

Na h'evaṃ vattabbe—pe—

Nanu sukhāya vedanāya rāgānusayo anuseti, dukkhāya vedanāya paṭighānusayo anusetīti?

Āmantā.

Hañci sukhāya vedanāya rāgānusayo anuseti, dukkhāya vedanāya paṭighānusayo anuseti, no vata re vattabbe “Atthi asātarāgo ti.”

3. Na vattabbaṃ “Atthi asātarāgo ti”?

Āmantā.

Nanu vuttaṃ Bhagavatā “So evaṃ anurodhavīrodhaṃ samāpanno yaṃ kiñci vedanaṃ vediyati,<sup>4</sup> sukhaṃ vā dukkhaṃ vā adukkhamasukhaṃ vā, so taṃ vedanaṃ abhinandati abhivadati<sup>5</sup> ajjhosāya tiṭṭhatīti.” Athh'eva suttanto ti?

Āmantā.

Tena hi atthi asātarāgo ti.”

A s ā t a r ā g a k a t h ā .

<sup>1</sup> ass°, M.

<sup>2</sup> dukkhappattenti, P.

<sup>3</sup> pihanti, M.; pihonti, S.; vihenti, P.

<sup>4</sup> vedayati, M.

<sup>5</sup> omits. P.

## XIII. 9.

1. Dhammataṇhā abyākatā ti?

Āmantā.

Vipākābyākatā kiriyābyākatā rūpaṃ nibbānaṃ cakkhāyatanam—pe—phoṭṭhabbāyatanan ti?

Na h'evaṃ vattabbe—pe—

Dhammataṇhā abyākatā ti?

Āmantā.

Rūpataṇhā abyākatā ti?

Na h'evaṃ vattabbe—pe—

Dhammataṇhā abyākatā ti?

Āmantā.

Saddataṇhā—pe—gandhataṇhā—pe—rasataṇhā—pe—phoṭṭhabbatāṇhā abyākatā ti?

Na h'evaṃ vattabbe—pe—

Rūpataṇhā akusalā ti?

Āmantā.

Dhammataṇhā akusalā ti?

Na h'evaṃ vattabbe—pe—

Saddataṇhā—pe—phoṭṭhabbatāṇhā akusalā ti?

Āmantā.

Dhammataṇhā akusalā ti?

Na h'evaṃ vattabbe—pe—

2. Dhammataṇhā abyākatā ti?

Āmantā.

Nanu taṇhā akusalā vuttā Bhagavatā ti?

Āmantā.

Hañci taṇhā akusalā vuttā Bhagavatā, no vata re vattabbe “Dhammataṇhā abyākatā ti.”

Dhammataṇhā abyākatā ti?

Āmantā.

Nanu lobho akusalo vutto Bhagavatā, dhammataṇhā lobho ti?

Āmantā.

Hañci lobho akusalo vutto Bhagavatā, dhammataṇhā lobho, no vata re vattabbe “Dhammataṇhā abyākatā ti.”

3. Dhammataṇhā lobho abyākato ti?

Āmantā.

Rūpataṇhā lobho abyākato ti ?

Na h'evaṃ vattabbe—pe—

Dhammataṇhā lobho abyākato ti ?

Āmantā.

Saddataṇhā—pe—gandhataṇhā—pe—rasataṇhā—pe—  
phoṭṭhabbataṇhā lobho abyākato ti ?

Na h'evaṃ vattabbe—pe—

Rūpataṇhā lobho akusalo ti ?

Āmantā.

Dhammataṇhā lobho akusalo ti ?

Na h'evaṃ vattabbe—pe—

Saddataṇhā—pe—phoṭṭhabbataṇhā lobho akusalo ti ?

Āmantā.

Dhammataṇhā lobho akusalo ti ?

Na h'evaṃ vattabbe—pe—

4. Dhammataṇhā abyākatā ti ?

Āmantā.

Nanu vuttaṃ Bhagavatā “Yāyaṃ taṇhā ponobhavikā<sup>1</sup>  
nandirāgasahagatā tatratatrābhinandinī, seyyathīdam kā-  
mataṇhā bhavataṇhā vibhavataṇhā ti ” Atth'eva suttanto  
ti ?

Āmantā.

Tena hi na vattabbaṃ “ Dhammataṇhā abyākatā ti.”

5. Na vattabbaṃ “ Dhammataṇhā abyākatā ti ” ?

Āmantā.

Nanu sā dhammataṇhā ti ?

Āmantā.

Hañci sā dhammataṇhā, tena vata re vattabbe “ Dham-  
mataṇhā abyākatā ti.”

D h a m m a t a ṇ h ā a b y ā k a t ā t i k a t h ā .

<sup>1</sup> ponobbh° M.

## XIII. 10.

1. Dhammatanḥā na dukkhasamudayo ti?

Āmantā.

Rūpatanḥā na dukkhasamudayo ti?

Na h'evaṃ vattabbe—pe—

Dhammatanḥā na dukkhasamudayo ti?

Āmantā.

Saddatanḥā—pe—phoṭṭhabbatanḥā na dukkhasamudayo ti?

Na h'evaṃ vattabbe—pe—

Rūpatanḥā dukkhasamudayo ti?

Āmantā.

Dhammatanḥā dukkhasamudayo ti?

Na h'evaṃ vattabbe—pe—

Saddatanḥā—pe—phoṭṭhabbatanḥā dukkhasamudayo ti?

Āmantā.

Dhammatanḥā dukkhasamudayo ti?

Na h'evaṃ vattabbe—pe—

2. Dhammatanḥā na dukkhasamudayo ti?

Āmantā.

Nanu tanḥā dukkhasamudayo vutto Bhagavatā ti?

Āmantā.

Hañci tanḥā dukkhasamudayo vutto Bhagavatā, no vata re vattabbe “Dhammatanḥā na dukkhasamudayo ti.”

Dhammatanḥā na dukkhasamudayo ti?

Āmantā.

Nanu lobho dukkhasamudayo vutto Bhagavatā, dhammatanḥā lobho ti?

Āmantā.

Hañci lobho dukkhasamudayo vutto Bhagavatā, dhammatanḥā lobho, no vata re vattabbe “Dhammatanḥā na dukkhasamudayo ti.”

3. Dhammatanḥā lobho na dukkhasamudayo ti?

Āmantā.

Rūpatanḥā lobho na dukkhasamudayo ti?

Na h'evaṃ vattabbe—pe—

Dhammataṇhā lobho na dukkhasamudayo ti?

Āmantā.

Saddataṇhā—pe—phoṭṭhabbataṇhā lobho na dukkhasamudayo ti?

Na h'evaṃ vattabbe—pe—

Rūpataṇhā lobho dukkhasamudayo ti?

Āmantā.

Dhammataṇhā lobho dukkhasamudayo ti?

Na h'evaṃ vattabbe—pe—

Saddataṇhā—pe—phoṭṭhabbataṇhā lobho dukkhasamudayo ti?

Āmantā.

Dhammataṇhā lobho dukkhasamudayo ti?

Na h'evaṃ vattabbe—pe—

4. Dhammataṇhā na dukkhasamudayo ti?

Āmantā.

Nanu vuttaṃ Bhagavatā “Yāyaṃ taṇhā ponobhavikā<sup>1</sup> nandirāgasahagatā tatrataṭṭhābhīnandī, seyyathīdam kāmataṇhā bhavataṇhā vibhavataṇhā ti.” Atth'eva suttanto ti?

Āmantā.

Tena hi na vattabbaṃ “Dhammataṇhā na dukkhasamudayo ti?”

5. Na vattabbaṃ “Dhammataṇhā na dukkhasamudayo ti?”

Āmantā.

Nanu sā dhammataṇhā ti?

Āmantā.

Hañci sā dhammataṇhā, tena vata re vattabbe “Dhammataṇhā na dukkhasamudayo ti.”

D h a m m a t a ṇ h ā n a d u k k h a s a m u d a y o t i  
k a t h ā .

<sup>1</sup> ponobbh°, M.

Kappaṭṭho kappam tiṭṭheyya, Kappaṭṭho kusalam cittam  
 na paṭilabheyya,  
 Anantarāpayutto puggalo sammattaniyāmaṃ okkameyya,  
 Niyato niyāmaṃ okkameyya, Nivuto nīvaraṇam jahati,  
 Sammukhībhūto saññojanaṃ jahati, Jhānanikanti,  
 Asātarāgo  
 Dhammatanḥā abyākatā, Dhammatanḥā na dukkhasa-  
 mudayo ti.

Terasamo Vaggo.

## XIV. 1.

1. Akusalamūlaṃ paṭisandahati kusalamūlan ti?  
Āmantā.

Yā akusalassa uppādāya āvaṭṭanā—pe—paṇidhi, sā va kusalassa uppādāya āvaṭṭanā—pe—paṇidhīti?

Na h'evaṃ vattabbe—pe—

Akusalamūlaṃ paṭisandahati kusalamūlaṃ, na vattabham “Yā akusalassa uppādāya āvaṭṭanā—pe—paṇidhi, sā va kusalassa uppādāya āvaṭṭanā—pe—paṇidhīti”?

Āmantā.

Kusalaṃ anāvaṭṭantassa uppajjati—pe—apaṇidahan-tassa uppajjati?

Na h'evaṃ vattabbe—pe—

Kusalaṃ āvaṭṭantassa uppajjati—pe—paṇidahantassa uppajjati?

Āmantā.

Hañci kusalaṃ āvaṭṭantassa uppajjati—pe—paṇidahantassa uppajjati, no vata re vattabbe “Akusalamūlaṃ paṭisandahati kusalamūlan ti.”

2. Akusalamūlaṃ paṭisandahati kusalamūlan ti?

Āmantā.

Akusalaṃ<sup>1</sup> ayoniso manasikaroto uppajjati?

Āmantā.

Kusalaṃ ayoniso manasikaroto uppajjati?

Na h'evaṃ vattabbe—pe—

Nanu kusalaṃ yoniso manasikaroto uppajjati?

Āmantā.

Hañci kusalaṃ yoniso manasikaroto uppajjati, no vata re vattabbe “Akusalamūlaṃ paṭisandahati kusalamūlan ti.”

3. Akusalamūlaṃ paṭisandahati kusalamūlan ti?

Āmantā.

Kāmasaññāya anantarā nekkhammasaññā uppajjati, byāpādasaññāya anantarā abyāpādasaññā uppajjati, vihiṃsāsaññāya anantarā avihimsāsaññā uppajjati, byā-

<sup>1</sup> kusalamūlaṃ, P. and S. ; akusalamūlaṃ, M.

pādassa anantarā mettā uppajjati, vihiṃsāya anantarā karuṇā uppajjati, aratīyā anantarā muditā uppajjati, paṭighassa<sup>1</sup> anantarā upekkhā uppajjatīti?

Na h'evaṃ vattabbe—pe—

4. Kusalamūlaṃ paṭisandahati akusalamūlan ti?

Āmantā.

Yā kusalassa uppādāya āvaṭṭanā—pe—paṇidhi, sā va akusalassa uppādāya āvaṭṭanā—pe—paṇidhīti?

Na h'evaṃ vattabbe—pe—

Kusalamūlaṃ paṭisandahati akusalamūlaṃ, na vattabbaṃ “Yā kusalassa uppādāya āvaṭṭanā—pe—paṇidhi, sā va akusalassa uppādāya āvaṭṭanā—pe—paṇidhīti”?

Āmantā.

Akusalaṃ anāvaṭṭantassa uppajjati—pe—apaṇidahantassa uppajjatīti?

Na h'evaṃ vattabbe—pe—

Akusalaṃ āvaṭṭantassa uppajjati—pe—paṇidahantassa uppajjatīti?

Āmantā.

Hañci akusalaṃ āvaṭṭantassa uppajjati—pe—paṇidahantassa uppajjati, no vata re vattabbe “Kusalamūlaṃ paṭisandahati akusalamūlan ti.”

5. Kusalamūlaṃ paṭisandahati akusalamūlan ti?

Āmantā.

Kusalaṃ yoniso manasikaroto uppajjatīti?

Āmantā.

Akusalaṃ yoniso manasikaroto uppajjatīti?

Na h'evaṃ vattabbe—pe—

Nanu akusalaṃ ayoniso manasikaroto uppajjatīti?

Āmantā.

Hañci akusalaṃ ayoniso manasikaroto uppajjati, no ca vata re vattabbe “Kusalamūlaṃ paṭisandahati akusalamūlan ti.”

6. Kusalamūlaṃ paṭisandahati akusalamūlan ti?

Āmantā.

Nekkhammasaññāya anantarā kāmasaññā uppajjati,

<sup>1</sup> oāya, M.

abyāpādasaññāya anantarā byāpādasaññā uppajjati, avihiṃsāsaññāya anantarā vihiṃsāsaññā uppajjati, mettāya anantarā byāpādo uppajjati, karuṇāya anantarā vihiṃsā uppajjati, muditāya anantarā arati uppajjati, upekkhāya anantarā paṭighaṃ uppajjatīti?

Na h'evaṃ vattabbe—pe—

7. Na vattabbaṃ “Akusalamūlaṃ paṭisandahati kusalamūlaṃ, kusalamūlaṃ paṭisandahati akusalamūlan ti”?

Āmantā.

Nanu yasmiñ ñeva vatthusmiṃ rajjati tasmiñ ñeva vatthusmiṃ virajjati, yasmiñ ñeva vatthusmiṃ virajjati tasmiñ ñeva vatthusmiṃ rajjatīti?

Āmantā.

Hañci yasmiñ ñeva vatthusmiṃ rajjati tasmiñ ñeva vatthusmiṃ virajjati, yasmiñ ñeva vatthusmiṃ virajjati tasmiñ ñeva vatthusmiṃ rajjati, tena vata re vattabbe “Akusalamūlaṃ paṭisandahati kusalamūlaṃ, kusalamūlaṃ paṭisandahati akusalamūlan ti.”

K u s a l ā k u s a l a p a ṭ i s a n d a h a n a k a t h ā .<sup>1</sup>

#### XIV. 2.

1. Saḷāyatanam apubbaṃ acarimaṃ mātukucchimiṃ saṅghātīti?

Āmantā.

Sabbaṅgapaccaṅgī<sup>2</sup> ahīnindriyo<sup>3</sup> mātukucchimiṃ okkamatīti?

Na h'evaṃ vattabbe—pe—

Uppattesiya cittaena cakkhāyatanam saṅghātīti?

Āmantā.

Uppattesiya cittaena hatthā saṅghanti, pādā saṅghanti, sīsam saṅghāti, kaṇṇo saṅghāti, nāsikā saṅghāti, mukhaṃ saṅghāti, dantā saṅghantīti?

Na h'evaṃ vattabbe—pe—

<sup>1</sup> °sandhāra, ° P. and S. ; sandhāna°, Aṭṭh°.

<sup>2</sup> °paccaṃ, P. and S.

<sup>3</sup> ahirino°, P.S.S<sub>2</sub>.

Uppattesiyaena cittaena sotāyatanam—pe—ghānāyatanam—pe—jivhāyatanam saṅghātīti ?

Āmantā.

Uppattesiyaena cittaena hatthā saṅghanti, pādā saṅghanti, sīsam saṅghātīti, kaṇṇo saṅghātīti, nāsikā saṅghātīti, mukham saṅghātīti, dantā saṅghantīti ?

Na h'evaṃ vattabbe—pe—

2. Mātukucchigatassa pacchā cakkhāyatanam uppajjantīti ?

Āmantā.

Mātukucchismim cakkhupaṭilābhāya kammam karotīti ?

Na h'evaṃ vattabbe—pe—

Mātukucchigatassa pacchā sotāyatanam—pe—ghānāyatanam—pe—jivhāyatanam uppajjantīti ?

Āmantā.

Mātukucchismim jivhāpaṭitabhāya kammam karotīti ?

Na h'evaṃ vattabbe—pe—

Mātukucchigatassa pacchā kesā lomā nakhā dantā aṭṭhī uppajjantīti ?

Āmantā.

Mātukucchismim aṭṭhipaṭilābhāya kammam karotīti ?

Na h'evaṃ vattabbe—pe—

3. Na vattabbaṃ “Mātukucchigatassa pacchā kesā lomā nakhā dantā aṭṭhī uppajjantīti” ?

Āmantā.

Nanu vuttaṃ Bhagavatā—

“Paṭhamam kalalam hoti, kalalā hoti abbudam,  
 Abbudā<sup>1</sup> jāyate pesī, pesī nibbattati ghano,  
 Ghanā pasākhā jāyanti kesā lomā nakhā pi ca,  
 Yañ c'assa bhuñjati mātā annam pānañ ca bhojanam  
 Tena so tattha yāpeti mātukucchigato naro ti.”

Atth'eva suttanto ti ?

Āmantā.

Tena hi mātukucchigatassa pacchā kesā lomā nakhā dantā aṭṭhī uppajjantīti.

Saḷāyatanauppattikathā.

<sup>1</sup> ambudā, P.K.

## XIV. 3.

1. Cakkhuviññāṇassa anantarā sotaviññāṇaṃ uppajjati?

Āmantā.

Yā cakkhuviññāṇassa uppādāya āvaṭṭanā—pe—paṇidhi, sā va sotaviññāṇassa uppādāya āvaṭṭanā—pe—paṇidhīti?

Na h'evaṃ vattabbe—pe—

Cakkhuviññāṇassa anantarā sotaviññāṇaṃ uppajjati, na vattabam “Yā cakkhuviññāṇassa uppādāya āvaṭṭanā—pe—paṇidhi, sā va sotaviññāṇassa uppādāya āvaṭṭanā—pe—paṇidhīti”?

Āmantā.

Sotaviññāṇaṃ anāvaṭṭantassa uppajjati, apaṇidahantassa uppajjati?

Na h'evaṃ vattabbe—pe—

Nanu sotaviññāṇaṃ āvaṭṭantassa uppajjati, paṇidahantassa uppajjati?

Āmantā.

Hañci sotaviññāṇaṃ āvaṭṭantassa uppajjati, paṇidahantassa uppajjati, no vata re vattabbe “Cakkhuviññāṇassa anantarā sotaviññāṇaṃ uppajjati.”

2. Cakkhuviññāṇassa anantarā sotaviññāṇaṃ uppajjati?

Āmantā.

Cakkhuviññāṇaṃ rūpanimittaṃ manasikaroto uppajjati?

Āmantā.

Sotaviññāṇaṃ rūpanimittaṃ manasikaroto uppajjati?

Na h'evaṃ vattabbe—pe—

Cakkhuviññāṇaṃ rūpārammaṇañ ñeva na aññārammaṇan ti?

Āmantā.

Sotaviññāṇaṃ rūpārammaṇañ ñeva na aññārammaṇan ti?

Na h'evaṃ vattabbe—pe—

Cakkhuñ ca paṭicca rūpe ca uppajjati cakkhuviññāṇan ti?

Āmantā.

Cakkhuñ ca paṭicca rūpe ca uppajjati sotaviññāṇan ti?  
Na h'evaṃ vattabbe—pe—

Cakkhuñ ca paṭicca rūpe ca uppajjati sotaviññāṇan ti?  
Āmantā.

“Cakkhuñ ca paṭicca rūpe ca uppajjati sotaviññāṇan ti,”  
atth'eva suttanto ti?

N'atthi.

“Cakkhuñ ca paṭicca rūpe ca uppajjati cakkhuviññāṇan  
ti,” atth'eva suttanto ti?

Āmantā.

Hañci “cakkhuñ ca paṭicca rūpe ca uppajjati cakkhu-  
viññāṇan ti,” atth'eva suttanto, no vata re vattabbe  
“Cakkhuñ ca paṭicca rūpe ca uppajjati sotaviññāṇan ti.”

Cakkhuviññāṇassa anantarā sotaviññāṇaṃ uppajjatīti?  
Āmantā.

Tañ ñeva cakkhuviññāṇaṃ taṃ sotaviññāṇan ti?

Na h'evaṃ vattabbe—pe—

3. Sotaviññāṇassa anantarā ghānaviññāṇaṃ uppajjati,  
ghānaviññāṇassa anantarā jivhāviññāṇaṃ uppajjati, jivhā-  
viññāṇassa anantarā kāyaviññāṇaṃ uppajjatīti?

Āmantā.

Yā jivhāviññāṇassa uppādāya āvaṭṭanā—pe—paṇidhi,  
sā va kāyaviññāṇassa uppādāya āvaṭṭanā—pe—paṇidhīti?

Na h'evaṃ vattabbe—pe—

Jivhāviññāṇassa anantarā kāyaviññāṇaṃ uppajjatīti,  
na vattabbaṃ “Yā jivhāviññāṇassa uppādāya āvaṭṭanā—  
pe—paṇidhi, sā va kāyaviññāṇassa uppādāya āvaṭṭanā—pe  
—paṇidhīti”?

Āmantā.

Kāyaviññāṇaṃ anāvaṭṭantassa uppajjati, apanīdahan-  
tassa uppajjatīti?

Na h'evaṃ vattabbe—pe—

Nanu kāyaviññāṇaṃ āvaṭṭantassa uppajjati, paṇida-  
hantassa uppajjatīti?

Āmantā.

Hañci kāyaviññāṇaṃ āvaṭṭantassa uppajjati, paṇida-  
hantassa uppajjati, no vata re vattabbe “Jivhāviññāṇassa  
anantarā kāyaviññāṇaṃ uppajjatīti.”

4. Jivhāviññāṇassa anantarā kāyaviññāṇaṃ uppajjatīti?  
Āmantā.

Jivhāviññāṇaṃ rasanimittam manasikaroto uppajjatīti?

Āmantā.

Kāyaviññāṇaṃ rasanimittam manasikaroto uppajjatīti?

Na h'evaṃ vattabbe—pe—

Jivhāviññāṇaṃ rasārammaṇaṃ ñeva na aññārammaṇaṃ ti?

Āmantā.

Kāyaviññāṇaṃ rasārammaṇaṃ ñeva na aññārammaṇaṃ ti?

Na h'evaṃ vattabbe—pe—

Jivhaṃ ca paṭicca rase ca uppajjati jivhāviññāṇaṃ ti?

Āmantā.

Jivhaṃ ca paṭicca rase ca uppajjati kāyaviññāṇaṃ ti?

Na h'evaṃ vattabbe—pe—

Jivhaṃ ca paṭicca rase ca uppajjati kāyaviññāṇaṃ ti?

Āmantā.

“Jivhaṃ ca paṭicca rase ca uppajjati kāyaviññāṇaṃ ti,”  
atth'eva suttanto ti?

N'atthi.

“Jivhaṃ ca paṭicca rase ca uppajjati jivhāviññāṇaṃ ti,”  
atth'eva suttanto ti?

Āmantā.

Hañci “jivhaṃ ca paṭicca rase ca uppajjati jivhāviññāṇaṃ ti,”  
atth'eva suttanto, no vata re vattabbe “Jivhaṃ ca paṭicca rase ca uppajjati kāyaviññāṇaṃ ti.”

Jivhāviññāṇassa anantarā kāyaviññāṇaṃ uppajjatīti?

Āmantā.

Tañ ñeva jivhāviññāṇaṃ tam kāyaviññāṇaṃ ti?

Na h'evaṃ vattabbe—pe—

5. Na vattabbaṃ “Pañca viññāṇā aññamaññassa samantarā uppajjantīti”?

Āmantā.

Nanu atthi koci naccati gāyati vādeti, rūpaṃ ca passati,

saddaṅ ca suṇāti, gandhaṅ ca ghāyati, rasaṅ ca sāyati,  
phoṭṭhabbaṅ ca phusatīti ?<sup>1</sup>

Āmantā.

Hañci atthi koci—pe—phusati, tena vata re vattabbe  
“Pañca viññāṇā aññamaññassa samanantarā uppajantīti.”

A n a n t a r a p a c c a y a k a t h ā .

XIV. 4.

1. Ariyarūpaṃ mahābhūtānaṃ upādāyāti ?

Āmantā.

Ariyarūpaṃ kusalan ti ?

Āmantā.

Mahābhūtā kusalā ti ?

Na h'evaṃ vattabbe—pe—

Mahābhūtā abyākatā ti ?

Āmantā.

Ariyarūpaṃ abyākatan ti ?

Na h'evaṃ vattabbe—pe—

2. Ariyarūpaṃ mahābhūtānaṃ upādāyāti ?

Āmantā.

Ariyarūpaṃ anāsavaṃ asaññojanīyaṃ aganthanīyaṃ<sup>2</sup>  
anoghanīyaṃ ayogaṇīyaṃ anīvaraṇīyaṃ aparāmaṭṭhaṃ  
anupādānīyaṃ asaṃkilesikan ti ?

Āmantā.

Mahābhūtā anāsavā—pe—asaṃkilesikā ti ?

Na h'evaṃ vattabbe—pe—

Mahābhūtā sāsavā—pe—saṃkilesikā ti ?

Āmantā.

Ariyarūpaṃ sāsavaṃ—pe—saṃkilesikan ti ?

Na h'evaṃ vattabbe—pe—

3. Na vattabbaṃ “Ariyarūpaṃ mahābhūtānaṃ upā-  
dāyāti” ?

Āmantā.

<sup>1</sup> phussati, M.

<sup>2</sup> agandho, P.S.

Nanu vuttam Bhagavatā—“ Yam kiñci Bhikkhave rūpaṃ cattāri mahābhūtāni catunnañ ca mahābhūtānaṃ upādāya rūpaṃ ti.” Atth’eva suttanto ti ?

Āmantā.

Tena hi ariyarūpaṃ mahābhūtānaṃ upādāyāti.

A r i y a r ū p a k a t h ā .

XIV. 5.

1. Añño kāmarāgānusayo aññaṃ kāmarāgapariyuṭṭhānan ti ?

Āmantā.

Añño kāmarāgo aññaṃ kāmarāgapariyuṭṭhānan ti ?

Na h’evaṃ vattabbe—pe—

Sv’eva kāmarāgo taṃ kāmarāgapariyuṭṭhānan ti ?

Āmantā.

Sv’eva kāmarāgānusayo taṃ kāmarāgapariyuṭṭhānan ti ?

Na h’evaṃ vattabbe—pe—

2. Añño paṭighānusayo aññaṃ paṭighapariyuṭṭhānan ti ?

Āmantā.

Aññaṃ paṭighaṃ aññaṃ paṭighapariyuṭṭhānan ti ?

Na h’evaṃ vattabbe—pe—

Tañ ñeva paṭighaṃ taṃ paṭighapariyuṭṭhānan ti ?

Āmantā.

Sv’eva paṭighānusayo taṃ paṭighapariyuṭṭhānan ti ?

Na h’evaṃ vattabbe—pe—

3. Añño mānānusayo aññaṃ mānapariyuṭṭhānan ti ?

Āmantā.

Añño māno aññaṃ mānapariyuṭṭhānan ti ?

Na h’evaṃ vattabbe—pe—

Sv’eva māno taṃ mānapariyuṭṭhānan ti ?

Āmantā.

Sv’eva mānānusayo taṃ mānapariyuṭṭhānan ti ?

Na h’evaṃ vattabbe—pe—

4. Añño diṭṭhānusayo aññaṃ diṭṭhipariyuṭṭhānan ti?  
Āmantā.

Aññā diṭṭhi aññaṃ diṭṭhipariyuṭṭhānan ti?

Na h'evaṃ vattabbe—pe—

Sā va diṭṭhi taṃ diṭṭhipariyuṭṭhānan ti?

Āmantā.

Sv'eva diṭṭhānusayo taṃ diṭṭhipariyuṭṭhānan ti?

Na h'evaṃ vattabbe—pe—

5. Añño vicikicchānusayo aññaṃ vicikicchāpariyuṭṭhānan ti?

Āmantā.

Aññā vicikicchā aññaṃ vicikicchāpariyuṭṭhānan ti?

Na h'evaṃ vattabbe—pe—

Sā va vicikicchā taṃ vicikicchāpariyuṭṭhānan ti?

Āmantā.

Sv'eva vicikicchānusayo taṃ vicikicchāpariyuṭṭhānan ti?

Na h'evaṃ vattabbe—pe—

6. Añño bhavarāgānusayo aññaṃ bhavarāgapariyuṭṭhānan ti?

Āmantā.

Añño bhavarāgo aññaṃ bhavarāgapariyuṭṭhānan ti?

Na h'evaṃ vattabbe—pe—

Sv'eva bhavarāgo taṃ bhavarāgapariyuṭṭhānan ti?

Āmantā.

Sv'eva bhavarāgānusayo taṃ bhavarāgapariyuṭṭhānan ti?

Na h'evaṃ vattabbe—pe—

7. Añño avijjānusayo aññaṃ avijjāpariyuṭṭhānan ti?

Āmantā.

Aññā avijjā aññaṃ avijjāpariyuṭṭhānan ti?

Na h'evaṃ vattabbe—pe—

Sā va avijjā taṃ avijjāpariyuṭṭhānan ti?

Āmantā.

Sv'eva avijjānusayo taṃ avijjāpariyuṭṭhānan ti?

Na h'evaṃ vattabbe—pe—

8. Na vattabbaṃ “Añño anusayo aññaṃ pariyuṭṭhānan ti?

Āmantā.

Puthujjano kusalābyākate citte vattamāne “sānuso ti” vattabbo ti?

Āmantā.

“Pariyuṭṭhito ti” vattabbo ti?

Na h'evaṃ vattabbe—pe—

Tena hi añño anusayo aññaṃ pariyuṭṭhānan ti.

Puthujjano kusalābyākate citte vattamāne “sarāgo ti” vattabbo ti?

Āmantā.

“Pariyuṭṭhito ti” vattabbo ti.

Na h'evaṃ vattabbe—pe—

Tena hi añño rāgo aññaṃ pariyuṭṭhānan ti.

Añño anusayo ti kathā.

---

XIV. 6.

1. Pariyuṭṭhānaṃ cittavippayuttan ti?

Āmantā.

Rūpaṃ nibbānaṃ cakkhāyatanam—pe—phoṭṭhabbāyatanan ti?

Na h'evaṃ vattabbe—pe—

Pariyuṭṭhānaṃ cittavippayuttan ti?

Āmantā.

N'atthi sarāgaṃ cittaṃ sadosaṃ cittaṃ samohaṃ cittaṃ—pe—akusalaṃ cittaṃ saṃkiliṭṭhaṃ cittaṃ ti?

Na h'evaṃ vattabbe—pe—

Nanu atthi sarāgaṃ cittaṃ sadosaṃ cittaṃ samohaṃ cittaṃ—pe—akusalaṃ cittaṃ saṃkiliṭṭhaṃ cittaṃ ti?

Āmantā.

Hañci atthi sarāgaṃ cittaṃ sadosaṃ cittaṃ samohaṃ cittaṃ—pe—akusalaṃ cittaṃ saṃkiliṭṭhaṃ cittaṃ, no vata re vattabbe “Pariyuṭṭhānaṃ cittavippayuttan ti.”

Pariyuṭṭhānaṃ cittavippayuttan ti  
kathā.

## XIV. 7.

1. Rūparāgo rūpadhātum anuseti rūpadhātupariyāpanno ti?

Āmantā.

Samāpattesiyo uppattesiyo diṭṭhadhammasukhavihāro samāpattesiyaena cittaena uppattesiyaena cittaena diṭṭhadhammasukhavihārena cittaena sahaḡato sahaḡāto saṃsaṭṭho sampayutto ekuppādo ekanirodho ekavatthuko ekārammaṇo ti?

Na h'evaṃ vattabbe—pe—

Nanu na samāpattesiyo na uppattesiyo na diṭṭhadhammasukhavihāro na samāpattesiyaena cittaena na uppattesiyaena cittaena na diṭṭhadhammasukhavihārena cittaena sahaḡato sahaḡāto saṃsaṭṭho sampayutto ekuppādo ekanirodho ekavatthuko ekārammaṇo ti?

Āmantā.

Hañci na samāpattesiyo—pe—ekārammaṇo, no vata re vattabbe “Rūparāgo rūpadhātum anuseti rūpadhātupariyāpanno ti.”

2. Rūparāgo rūpadhātum anuseti rūpadhātupariyāpanno ti?

Āmantā.

Saddarāgo saddadhātum anuseti saddadhātupariyāpanno ti?

Na h'evaṃ vattabbe—pe—

Rūparāgo rūpadhātum anuseti rūpadhātupariyāpanno ti?

Āmantā.

Gandharāgo—pe—rasarāgo—pe—phoṭṭhabbarāgo phoṭṭhabbadhātum anuseti phoṭṭhabbadhātupariyāpanno ti?

Na h'evaṃ vattabbe—pe—

Saddarāgo saddadhātum anuseti na vattabbaṃ saddadhātupariyāpanno ti?

Āmantā.

Rūparāgo rūpadhātum anuseti na vattabbaṃ rūpadhātupariyāpanno ti?

Na h'evaṃ vattabbe—pe—

Phoṭṭhabbarāgo phoṭṭhabbhadhātum anuseti na vattabbam phoṭṭhabbhadhātupariyāpanno ti ?

Āmantā.

Rūparāgo rūpadhātum anuseti na vattabbam rūpadhātupariyāpanno ti ?

Na h'evaṃ vattabbe—pe—

3. Arūparāgo arūpadhātum anuseti arūpadhātupariyāpanno ti ?

Āmantā.

Samāpattesiyo uppattesiyo diṭṭhadhammasukhavihāro samāpattesiyaena cittaena uppattesiyaena cittaena diṭṭhadhammasukhavihārena cittaena saḥagato saḥajāto saṃsaṭṭho sampayutto ekuppādo ekanirodho ekavatthuko ekārammaṇo ti ?

Na h'evaṃ vattabbe—pe—

Nanu na samāpattesiyo na uppattesiyo na diṭṭhadhammasukhavihāro na samāpattesiyaena cittaena na uppattesiyaena cittaena na diṭṭhadhammasukhavihārena cittaena saḥagato saḥajāto saṃsaṭṭho sampayutto ekuppādo ekanirodho ekavatthuko ekārammaṇo ti ?

Āmantā.

Hañci na samāpattesiyo—pe—ekārammaṇo, no vata re vattabbe “Arūparāgo arūpadhātum anuseti arūpadhātupariyāpanno ti.”

4. Arūparāgo arūpadhātum anuseti arūpadhātupariyāpanno ti ?

Āmantā.

Saddarāgo saddadhātum anuseti saddadhātupariyāpanno ti ?

Na h'evaṃ vattabbe—pe—

Arūparāgo arūpadhātum anuseti arūpadhātupariyāpanno ti ?

Āmantā.

Gandharāgo—pe—rasarāgo—pe—phoṭṭhabbarāgo phoṭṭhabbhadhātum anuseti phoṭṭhabbhadhātupariyāpanno ti ?

Na h'evaṃ vattabbe—pe—

Saddarāgo saddadhātum anuseti na vattabbam saddadhātupariyāpanno ti ?

Āmantā.

Arūparāgo arūpadhātum anuseti na vattabbaṃ arūpadhātupariyāpanno ti?

Na h'evaṃ vattabbe—pe—

Phoṭṭhabbarāgo phoṭṭhabbadhātum anuseti na vattabbaṃ phoṭṭhabbadhātupariyāpanno ti?

Āmantā.

Arūparāgo arūpadhātum anuseti na vattabbaṃ arūpadhātupariyāpanno ti?

Na h'evaṃ vattabbe—pe—

5. Na vattabbaṃ “Rūparāgo rūpadhātum anuseti rūpadhātupariyāpanno, arūparāgo arūpadhātum anuseti arūpadhātupariyāpanno ti”?

Āmantā.

Nanu kāmarāgo kāmadhātum anuseti kāmadhātupariyāpanno ti?

Āmantā.

Hañci kāmarāgo kāmadhātum anuseti kāmadhātupariyāpanno, tena vata re vattabbe “Rūparāgo rūpadhātum anuseti rūpadhātupariyāpanno, arūparāgo arūpadhātum anuseti arūpadhātupariyāpanno ti.”

P a r i y ā p a n n a k a t h ā.

#### XIV. 8.

1. Diṭṭhigataṃ abyākatan ti?

Āmantā.

Vipākābyākataṃ kiriyābyākataṃ rūpaṃ nibbānaṃ cakkhāyatanam—pe—phoṭṭhabbāyatanan ti?

Na h'evaṃ vattabbe—pe—

Diṭṭhigataṃ abyākatan ti?

Āmantā.

Diṭṭhigatasampayutto phasso abyākato ti?

Na h'evaṃ vattabbe—pe—

Diṭṭhigataṃ abyākatan ti?

Āmantā.

Diṭṭhigatasampayuttā vedanā—pe—saññā—pe—cetanā  
—pe—cittaṃ abyākatan ti ?

Na h'evaṃ vattabbe—pe—

Diṭṭhigatasampayutto phasso akusalo ti ?

Āmantā.

Diṭṭhigataṃ akusalan ti ?

Na h'evaṃ vattabbe—pe—

Diṭṭhigatasampayuttā vedanā—pe—saññā—pe—cetanā  
—pe—cittaṃ akusalan ti ?

Āmantā.

Diṭṭhigataṃ akusalan ti ?

Na h'evaṃ vattabbe—pe—

2. Diṭṭhigataṃ abyākatan ti ?

Āmantā.

Aphalaṃ avipākan ti ?

Na h'evaṃ vattabbe—pe—

Nanu saphalaṃ savipākan ti ?

Āmantā.

Hañci saphalaṃ savipākaṃ, no vata re vattabbe “Diṭṭhi-  
gataṃ abyākatan ti.”

Diṭṭhigataṃ abyākatan ti ?

Āmantā.

Nanu micchādiṭṭhiparamāni vajjāni vuttāni Bhaga-  
vatā ti ?

Āmantā.

Hañci micchādiṭṭhiparamāni vajjāni vuttāni Bhagavatā,  
no vata re vattabbe “Diṭṭhigataṃ abyākatan ti.”

3. Diṭṭhigataṃ abyākatan ti ?

Āmantā.

Nanu vuttaṃ Bhagavatā—“Micchādiṭṭhi kho<sup>1</sup> Vaccha<sup>2</sup>  
akusalā, sammādiṭṭhi<sup>3</sup> kusalā<sup>4</sup> ti.” Atth'eva suttanto ti ?

Āmantā.

Tena hi na vattabbaṃ “Diṭṭhigataṃ abyākatan ti.”

Diṭṭhigataṃ abyākatan ti ?

Āmantā.

<sup>1</sup> ko, S.

<sup>2</sup> Vacchā, P.

<sup>3</sup> dhammādiṭṭhi, M.S.S<sub>2</sub>.

<sup>4</sup> akusalā, M.

Nanu vuttam Bhagavatā—“ Micchādiṭṭhissa<sup>1</sup> kho aham<sup>2</sup> Punṇa<sup>3</sup> dvinnam gatīnam aññataram gatim vadāmi, nirayam vā tiracchānayoṇim vā ti.” Atth’eva suttanto ti ?

Āmantā.

Tena hi na vattabham “ Diṭṭhigatam abyākatan ti.”

4. Na vattabham “ Diṭṭhigatam abyākatan ti ” ?

Āmantā.

Nanu vuttam Bhagavatā—“ Sassato loko ti kho Vaccha abyākatam etam, asassato loko ti kho Vaccha abyākatam etam, antavā loko ti kho Vaccha abyākatam etam, anantavā loko ti kho Vaccha—pe—tam jīvam tam sarīran ti kho Vaccha—pe—aññam jīvam aññam sarīran ti kho Vaccha—pe—hoti Tathāgato param marañā ti kho Vaccha—pe—na hoti Tathāgato param marañā ti kho Vaccha—pe—hoti ca na ca hoti Tathāgato param marañā ti kho Vaccha—pe—n’eva hoti na na hoti Tathāgato param marañā ti kho Vaccha abyākatam etan ti.”

Atth’eva suttanto ti ?

Āmantā.

Tena hi diṭṭhigatam abyākatan ti.

5. Diṭṭhigatam abyākatan ti ?

Āmantā.

Nanu vuttam Bhagavatā—“ Micchādiṭṭhikassa Bhikkhave purisapuggalassa yañ c’eva kāyakammam yathādiṭṭhisamattam samādiṇṇam yañ ca vacīkammam—pe—yañ ca manokammam yā ca cetanā yā ca patthanā yo ca pañidhi ye ca saṃkhārā, sabbe te dhammā aniṭṭhāya akantāya amanāpāya ahitāya dukkhāya saṃvattantīti.” Atth’eva suttanto ti ?

Āmantā.

Tena hi na vattabham “ Diṭṭhigatam abyākatan ti.”

A b y ā k a t a k a t h ā .

<sup>1</sup> micchādiṭṭhiyam, S. ; micchādiṭṭhi, P.    <sup>2</sup> ayam, S.

<sup>3</sup> pana, P. ; so, S.

## XIV. 9.

1. Diṭṭhigataṃ apariyāpannan ti ?

Āmantā.

Maggo phalaṃ nibbānaṃ, sotāpattimaggo sotāpattiphalaṃ, sakadāgāminaggo sakadāgāmiphalaṃ, anāgāminimaggo anāgāmiphalaṃ, arahattamaggo arahattaphalaṃ, satipaṭṭhānaṃ sammappadhānaṃ iddhipādo indriyaṃ balaṃ bojjaṅgo ti ?

Na h'evaṃ vattabbe—pe—

2. Na vattabbaṃ “ Diṭṭhigataṃ apariyāpannan ti ” ?

Āmantā.

Puthujjano “ kāmesu vītarāgo ti ” vattabbo ti ?

Āmantā.

“ Vigatadiṭṭhiyo <sup>1</sup> ti ” vattabbo ti ?

Na h'evaṃ vattabbe—pe—

Tena hi diṭṭhigataṃ apariyāpannan ti.

A p a r i y ā p a n n a k a t h ā.

V a g g o c u d d a s a m o .

Akusalamūlaṃ paṭisandahati kusalamūlaṃ,  
Kusalamūlaṃ paṭisandahati akusalamūlaṃ,  
Saḷāyatānaṃ, Cha viññāṇakāyā,  
Ariyarūpaṃ mahābhūtaṃ upādāya,  
Sv'eva anusayo taṃ pariyuṭṭhānaṃ,  
Cittavippayuttaṃ, Yathā dhātu tañ ñeva anuseti,  
Diṭṭhigataṃ abyākataṃ, Diṭṭhigataṃ apariyāpannan ti.

<sup>1</sup> vita<sup>o</sup>, P.S.S<sub>2</sub>.

## XV. 1.

1. Paccayatā vavatthitā ti?

Āmantā.

Nanu vīmaṃsā hetu, so <sup>1</sup> ca adhipatīti?

Āmantā.

Hañci vīmaṃsā hetu, so ca adhipati, tena vata re vat-  
tabbe “Hetupaccayena paccayo, adhipatipaccayena pac-  
cayo ti.”

Nanu chandādhīpati saha-jātānaṃ dhammānaṃ adhi-  
patīti?

Āmantā.

Hañci chandādhīpati saha-jātānaṃ dhammānaṃ adhipati,  
tena vata re vattabbe “Adhipatipaccayena paccayo, saha-  
jātapaccayena paccayo ti.”

2. Nanu viriyādhīpati saha-jātānaṃ dhammānaṃ adhi-  
patīti?

Āmantā.

Hañci viriyādhīpati saha-jātānaṃ dhammānaṃ adhipati,  
tena vata re vattabbe “Adhipatipaccayena paccayo, saha-  
jātapaccayena paccayo ti.”

Nanu viriyādhīpati saha-jātānaṃ dhammānaṃ adhi-  
pati, tañ ca indriyan ti?

Āmantā.

Hañci viriyādhīpati saha-jātānaṃ dhammānaṃ adhipati,  
tañ ca indriyaṃ, tena vata re vattabbe “Adhipatipaccayena  
paccayo, indriyapaccayena paccayo ti.”

Nanu viriyādhīpati saha-jātānaṃ dhammānaṃ adhipati,  
tañ ca maggaṅgan ti?

Āmantā.

Hañci viriyādhīpati saha-jātānaṃ dhammānaṃ adhipati,  
tañ ca maggaṅgaṃ, tena vata re vattabbe “Adhipatipac-  
cayena paccayo, maggapaccayena paccayo ti.”

3. Nanu cittādhīpati saha-jātānaṃ dhammānaṃ adhi-  
patīti?

---

<sup>1</sup> yo S., P. omits the whole question.

Āmantā.

Hañci cittādhipati sahajātānaṃ dhammānaṃ adhipati, tena vata re vattabbe “ Adhipatipaccayena paccayo, sahajātapaccayena paccayo ti.”

Nanu cittādhipati sahajātānaṃ dhammānaṃ adhipati, so ca āhāro ti?

Āmantā.

Hañci cittādhipati sahajātānaṃ dhammānaṃ adhipati, so ca āhāro, tena vata re vattabbe “ Adhipatipaccayena paccayo, āhārapaccayena paccayo ti.”

4. Nanu cittādhipati sahajātānaṃ dhammānaṃ adhipati, tañ ca indriyaṃ ti?

Āmantā.

Hañci cittādhipati sahajātānaṃ dhammānaṃ adhipati, tañ ca indriyaṃ, tena vata re vattabbe “ Adhipatipaccayena paccayo, indriyapaccayena paccayo ti.”

Nanu vimaṃsādhipati sahajātānaṃ dhammānaṃ adhipati?

Āmantā.

Hañci vimaṃsādhipati sahajātānaṃ dhammānaṃ adhipati, tena vata re vattabbe “ Adhipatipaccayena paccayo, sahajātapaccayena paccayo ti.”

Nanu vimaṃsādhipati sahajātānaṃ dhammānaṃ adhipati, tañ ca maggaṅgaṃ ti?

Āmantā.

Hañci vimaṃsādhipati sahajātānaṃ dhammānaṃ adhipati, tañ ca maggaṅgaṃ, tena vata re vattabbe “ Adhipatipaccayena paccayo, maggapaccayena paccayo ti.”

Nanu ariyaṃ dhammaṃ garuṃ katvā uppajjati paccavekkhaṇā, tañ c’ārammaṇaṃ ti?

Āmantā.

Hañci ariyaṃ dhammaṃ garuṃ katvā uppajjati paccavekkhaṇā, tañ c’ārammaṇaṃ, tena vata re vattabbe “ Adhipatipaccayena paccayo, ārammaṇapaccayena paccayo ti.”

5. Nanu purimā purimā kusalā dhammā pacchimānaṃ pacchimānaṃ kusalānaṃ dhammānaṃ anantarapaccayena paccayo, sā ca āsevanā ti?

Āmantā.

Hañci purimā purimā kusalā dhammā pacchimānaṃ pacchimānaṃ kusalānaṃ dhammānaṃ anantarapaccayena paccayo, sā ca āsevanā, tena vata re vattabbe “Anantarapaccayena paccayo, āsevanapaccayena paccayo ti.”

6. Nanu purimā purimā akusalā dhammā pacchimānaṃ pacchimānaṃ akusalānaṃ dhammānaṃ anantarapaccayena paccayo, sā ca āsevanā ti ?

Āmantā.

Hañci purimā purimā akusalā dhammā pacchimānaṃ pacchimānaṃ akusalānaṃ dhammānaṃ anantarapaccayena paccayo, sā ca āsevanā, tena vata re vattabbe “Anantarapaccayo, āsevanapaccayena paccayo ti.”

7. Nanu purimā purimā kiriyābyākatā dhammā pacchimānaṃ pacchimānaṃ kiriyābyākatānaṃ dhammānaṃ anantarapaccayena paccayo, sā ca āsevanā ti ?

Hañci purimā purimā kiriyābyākatā dhammā pacchimānaṃ pacchimānaṃ kiriyābyākatānaṃ dhammānaṃ anantarapaccayena paccayo, sā ca āsevanā, tena vata re vattabbe “Anantarapaccayena paccayo, āsevanapaccayena paccayo ti.”

8. Na vattabbaṃ “Paccayatā vavatthitā ti” ?

Āmantā.

Hetupaccayena paccayo hoti, ārammaṇapaccayena paccayo hoti, anantarapaccayena paccayo hoti, samanantarapaccayena paccayo hoti ti ?

Na h’evaṃ vattabbe—pe—

Tena hi <sup>1</sup> paccayatā vavatthitā ti,

P a c c a y a k a t h ā .

## XV. 2.

1. Avijjāpaccayā pi saṃkhārā, na vattabbaṃ “saṃkhārapaccayā pi avijjā ti” ?

Āmantā.

Nanu avijjā saṃkhārena saḥajātā ti ?

<sup>1</sup> M. inserts na vattabbaṃ after hi.

Āmantā.

Hañci avijjā saṃkhārena sahajātā, tena vata re vattabbe  
“Avijjāpaccayā pi saṃkhārā saṃkhārapaccayā pi avijjā  
ti.”

2. Taṇhāpaccayā pi<sup>1</sup> upādānaṃ, na vattabbaṃ “upādā-  
napaccayā pi taṇhā ti”?

Āmantā.

Nanu taṇhā upādānena sahajātā ti?

Āmantā.

Hañci taṇhā upādānena sahajātā, tēna vata re vattabbe  
“Taṇhāpaccayā pi upādānaṃ upādānapaccayā pi taṇhā  
ti.”

3. “Jarāmarāṇapaccayā Bhikkhave jāti, jātipaccayā  
bhavo ti.” Atth’eva suttanto ti? N’atthi.

Tena hi avijjāpaccayā pi saṃkhārā, na vattabbaṃ  
“saṃkhārapaccayā pi avijjā,” taṇhāpaccayā pi upādānaṃ,  
na vattabbaṃ “upādānapaccayā pi taṇhā ti.”

4. “Viññānapaccayā Bhikkhave nāmarūpaṃ, nāmarū-  
papaccayā pi viññānaṃ ti.”

Atth’eva suttanto ti?

Āmantā.

Tena hi avijjāpaccayā pi saṃkhārā saṃkhārapaccayā  
pi avijjā, taṇhāpaccayā pi upādānaṃ upādānapaccayā pi  
taṇhā ti.

A ñ ñ a m a ñ ñ a p a c c a y a k a t h ā .

---

XV. 3.

1. Addhā parinipphanno ti?

Āmantā.

Rūpan ti?

Na h’evaṃ vattabbe—pe—

Vedanā—pe—saññā—pe—saṃkhārā—pe—viññānaṃ ti?

Na h’evaṃ vattabbe—pe—

Atīto addhā parinipphanno ti?

---

<sup>1</sup> va K.

Rūpan ti ?

Na h'evaṃ vattabbe—pe—

Vedanā—pe—saññā—pe—saṃkhārā—pe—viññāṇan ti?

Na h'evaṃ vattabbe—pe—

2. Anāgato addhā parinipphanno ti ?

Āmantā.

Rūpan ti ?

Na h'evaṃ vattabbe—pe—

Āmantā.

Vedanā—pe—saññā—pe—saṃkhārā—pe—viññāṇan ti?

Na h'evaṃ vattabbe—pe—

Paccuppanno addhā parinipphanno ti ?

Āmantā.

Rūpan ti ?

Na h'evaṃ vattabbe—pe—

Vedanā—pe—saññā—pe—saṃkhārā—pe—viññāṇan ti?

Na h'evaṃ vattabbe—pe—

3. Atītaṃ rūpaṃ vedanā saññā saṃkhārā viññāṇaṃ,  
atīto addhā ti ?

Āmantā.

Atītā pañc'addhā<sup>1</sup> ti ?

Na h'evaṃ vattabbe—pe—

Anāgataṃ rūpaṃ vedanā saññā saṃkhārā viññāṇaṃ,  
anāgato addhā ti ?

Āmantā.

Anāgatā pañc' addhā ti ?

Na h'evaṃ vattabbe—pe—

Paccuppannāṃ rūpaṃ vedanā saññā saṃkhārā viññā-  
ṇaṃ, paccuppanno addhā ti ?

Āmantā.

Paccuppannā pañc' addhā ti ?

Na h'evaṃ vattabbe—pe—

4. Atītā pañcakkhandhā atīto addhā, anāgatā pañcak-  
khandhā anāgato addhā, paccuppannā pañcakkhandhā  
paccuppanno addhā ti ?

Āmantā.

---

<sup>1</sup> pañcakkhandhā, P. and S. always.

Pannaras'addhā ti?

Na h'evaṃ vattabbe—pe—

Atītāni dvādas' āyatanāni atīto addhā, anāgatāni dvādas' āyatanāni anāgato addhā, paccuppannāni dvādas' āyatanāni paccuppanno addhā ti?

Āmantā.

Chattims' addhā ti?

Na h'evaṃ vattabbe—pe—

5. Atītā aṭṭhārasa<sup>1</sup> dhātuyo atīto addhā, anāgatā aṭṭhārasa dhātuyo anāgato addhā, paccuppannā aṭṭhārasa dhātuyo paccuppanno addhā ti?

Āmantā.

Catupaññās' addhā ti?

Na h'evaṃ vattabbe—pe—

Atītāni bāvīsat'indriyāni atīto addhā, anāgatāni bāvīsat'indriyāni anāgato addhā, paccuppannāni bāvīsat'indriyāni paccuppanno addhā ti?

Āmantā.

Chasaṭṭhī addhā ti?

Na h'evaṃ vattabbe—pe—

6. Na vattabbaṃ “Addhā parinipphanno ti”?

Āmantā.

Nanu vuttaṃ Bhagavatā—“Tiṇ'imāni Bhikkhave kathāvatthūni. Katamāni tiṇi? Atītaṃ vā Bhikkhave addhānaṃ ārabba kathaṃ katheyya 'evaṃ ahosi atītaṃ addhānaṃ ti,' anāgataṃ vā Bhikkhave addhānaṃ ārabba kathaṃ katheyya 'evaṃ bhavissati anāgataṃ addhānaṃ ti,' etarahi vā Bhikkhave paccuppannaṃ addhānaṃ ārabba kathaṃ katheyya 'evaṃ hoti etarahi paccuppannaṃ ti.' Imāni kho Bhikkhave tiṇi kathāvatthūnīti.”  
Atth'eva suttanto ti?

Āmantā.

Tena hi addhā parinipphanno ti.

A d d h ā k a t h ā .

<sup>1</sup> aṭṭh°, M.

## XV. 4.

1. Khaṇo parinipphanno, layo parinipphanno, muhuttaṃ parinipphannan ti?

Āmantā.

Rūpan ti?

Na h'evaṃ vattābhe—pe—

Vedanā—pe—saññā—pe—saṃkhārā—pe—viññāṇan ti?

Na h'evaṃ vattābhe—pe—

2. Na vattabbam “Muhuttaṃ parinipphannan ti”?

Āmantā.

Nanu vuttaṃ Bhagavatā—“Tiṇ'imāni Bhikkhave kathāvatthūni. Katamāni tiṇi? Atītaṃ vā Bhikkhave addhānaṃ ārabba kathaṃ katheyya ‘evaṃ ahosi atītaṃ addhānan ti,’ anāgataṃ vā Bhikkhave addhānaṃ ārabba kathaṃ katheyya ‘evaṃ bhavissati anāgataṃ addhānan ti,’ etarahi vā Bhikkhave paccuppannaṃ addhānaṃ ārabba kathaṃ katheyya ‘evaṃ hoti etarahi paccuppannaṃ ti.’ Imāni kho Bhikkhave tiṇi kathāvatthūnīti.” Atth'eva suttanto ti?

Āmantā.

Tena hi muhuttaṃ parinipphannan ti.

Khaṇalayamuhuttakathā.

## XV. 5.

1. Cattāro āsavā anāsavā ti?

Āmantā.

Maggo phalaṃ nibbānaṃ sotāpattimaggo sotāpattiphalaṃ—pe—bojjhaṅgo ti?

Na h'evaṃ vattābhe—pe—

2. Na vattabbam “Cattāro āsavā anāsavā ti”?

Āmantā.

Atth'aññ'eva āsavā<sup>1</sup> yehi āsavehi te āsavā sāsavā hontīti?

<sup>1</sup> anāsavā, P.S.M.

Na h'evaṃ vattabbe—pe—  
Tena hi cattāro āsavā anāsavā ti.

Ā s a v a k a t h ā .

XV. 6.

1. Lokuttarānaṃ dhammānaṃ jarāmarāṇaṃ lokuttaraṇaṃ ti ?

Āmantā.

Maggo phalaṃ nibbānaṃ—pe—bojjhaṅgo ti ?

Na h'evaṃ vattabbe—pe—

Sotāpattimaggassa jarāmarāṇaṃ sotāpattimaggo ti ?

Na h'evaṃ vattabbe—pe—

Sotāpattimaggassa jarāmarāṇaṃ sotāpattimaggo ti ?

Āmantā.

Sotāpattiphalassa jarāmarāṇaṃ sotāpattiphalan ti ?

Na h'evaṃ vattabbe—pe—

Sakadāgāmimaggassa—pe—sakadāgāmiphalassa—pe—  
anāgāmimaggassa—pe—anāgāmiphalassa—pe—arahatta-  
maggassa jarāmarāṇaṃ arahattamaggo ti ?

Na h'evaṃ vattabbe—pe—

Arahattamaggassa jarāmarāṇaṃ arahattamaggo ti ?

Āmantā.

Arahattaphalassa jarāmarāṇaṃ arahattaphalan ti ?

Na h'evaṃ vattabbe—pe—

Satipaṭṭhānānaṃ sammappadhānānaṃ iddhipādānaṃ  
indriyānaṃ balānaṃ bojjhaṅgānaṃ jarāmarāṇaṃ boj-  
jhaṅgo ti ?

Na h'evaṃ vattabbe—pe—

2. Na vattabbaṃ “Lokuttarānaṃ dhammānaṃ jarā-  
marāṇaṃ lokuttaraṇaṃ ti” ?

Āmantā.

Lokiyaṃ ti ?

Na h'evaṃ vattabbe—pe—

Tena hi lokuttaraṇaṃ ti.

J a r ā m a r ā ṇ a k a t h ā .

## XV. 7.

1. Saññāvedayitanirodhasamāpatti lokuttarā ti?

Āmantā.

Maggo phalaṃ nibbānaṃ—pe—bojjhaṅgo ti?

Na h'evaṃ vattabbe—pe—

2. Na vattabbaṃ “ Saññāvedayitanirodhasamāpatti lokuttarā ti ”?

Āmantā.

Lokiyā ti?

Na h'evaṃ vattabbe—pe—

Tena hi lokuttarā ti.

Saññāvedayitakathā.

## XV. 8.

1. Saññāvedayitanirodhasamāpatti lokiyā ti?

Āmantā.

Rūpan ti?

Na h'evaṃ vattabbe—pe—

Vedanā saññā saṃkhārā viññāṇan ti?

Na h'evaṃ vattabbe—pe—

Kāmāvacarā ti?

Na h'evaṃ vattabbe—pe—

Rūpāvacarā ti?

Na h'evaṃ vattabbe—pe—

Arūpāvacarā ti?

Na h'evaṃ vattabbe—pe—

2. Na vattabbaṃ “ Saññāvedayitanirodhasamāpatti lokiyā ti ”?

Āmantā.

Lokuttarā ti?

Na h'evaṃ vattabbe—pe—

Tena hi lokiyā ti.

Dutiyasaññāvedayitakathā.

## XV. 9.

1. Saññāvedayitanirodhasamāpanno kālaṃ kareyyāti?  
Āmantā.

Atthi saññāvedayitanirodhasamāpannassa maraṇantiyo<sup>1</sup> phasso, maraṇantiyā vedanā, maraṇantiyā saññā, maraṇantiyā cetanā, maraṇantiyaṃ cittaṃ ti?

Na h'evaṃ vattabbe—pe—

N'atthi saññāvedayitanirodhasamāpannassa maraṇantiyo phasso—pe—maraṇantiyaṃ cittaṃ ti?

Āmantā.

Hañci n'atthi saññāvedayitanirodhasamāpannassa maraṇantiyaṃ cittaṃ, no vata re vattabbe “Saññāvedayitanirodhasamāpanno kālaṃ kareyyāti.”

2. Saññāvedayitanirodhasamāpanno kālaṃ kareyyāti?

Āmantā.

Atthi saññāvedayitanirodhasamāpannassa phasso vedanā saññā cetanā cittaṃ ti?

Na h'evaṃ vattabbe—pe—

N'atthi saññāvedayitanirodhasamāpannassa phasso vedanā saññā cetanā cittaṃ ti?

Āmantā.

Aphassakassa kālakiriyā,<sup>2</sup> avedanakassa kālakiriyā—pe—acittakassa kālakiriyā ti?

Na h'evaṃ vattabbe—pe—

Nanu saphassakassa kālakiriyā—pe—sacittakassa kālakiriyā ti?

Āmantā.

Hañci saphassakassa kālakiriyā—pe—sacittakassa kālakiriyā, no vata re vattabbe “Saññāvedayitanirodhasamāpanno kālaṃ kareyyāti.”

3. Saññāvedayitanirodhasamāpanno kālaṃ kareyyāti?

Āmantā.

Saññāvedayitanirodhasamāpannassa kāye viyaṃ kameyya, satthaṃ kameyya, aggi kameyyāti?

Na h'evaṃ vattabbe—pe—

<sup>1</sup> mārāṇantiyo, M.K.

<sup>2</sup> kālaṃ°, M.

Saññāvedayitanirodhasamāpannassa kāye viṣaṃ na kameyya, satthaṃ na kameyya, aggi na kameyyāti?

Āmantā.

Hañci aggi na kameyya, no vata re vattabbe “Saññāvedayitanirodhasamāpanno kālaṃ kareyyāti.”

4. Saññāvedayitanirodhasamāpannassa kāye viṣaṃ kameyya, satthaṃ kameyya, aggi <sup>1</sup> kameyyāti?

Āmantā.

Na nirodhasamāpanno ti?

Na h'evaṃ vattabbe—pe—

Saññāvedayitanirodhasamāpanno na <sup>2</sup> kālaṃ kareyyāti?

Āmantā.

Atthi so niyāmo yena niyāmena niyato saññāvedayitanirodhasamāpanno na kālaṃ kareyyāti?

N'atthi.

Hañci n'atthi so niyāmo yena niyāmena niyato saññāvedayitanirodhasamāpanno na kālaṃ kareyya, no vata re vattabbe “Saññāvedayitanirodhasamāpanno na kālaṃ kareyyāti.”

5. Cakkhuviññāṇasamaṅgī na kālaṃ kareyyāti?

Āmantā.

Atthi so niyāmo yena niyāmena niyato cakkhuviññāṇasamaṅgī na kālaṃ kareyyāti?

N'atthi.

Hañci n'atthi so niyāmo yena niyāmena niyato cakkhuviññāṇasamaṅgī na kālaṃ kareyya, no vata re vattabbe “Cakkhuviññāṇasamaṅgī na kālaṃ kareyyāti.”

T a t i y a s a ñ ñ ā v e d a y i t a k a t h ā .

XV. 10.

1. Saññāvedayitanirodhasamāpatti asaññasattūpikā <sup>3</sup> ti?

Āmantā.

Atthi saññāvedayitanirodhasamāpannassa alobho kusa-

<sup>1</sup> aggiṃ, M.

<sup>2</sup> M. omits na.

<sup>3</sup> satthu°, P.S.

lamūlam, adoso kusalamūlam, amoho kusalamūlam,  
saddhā viriyam sati samādhi paññā ti?

Na h'evam vattabbe—pe—

N'atthi saññāvedayitanirodhasamāpannassa alobho ku-  
salamūlam—pe—paññā ti?

Āmantā.

Hañci n'atthi paññā, no vata re vattabbe “ Saññāve-  
dayitanirodhasamāpatti asaññasattūpikā ti.”

2. Saññāvedayitanirodhasamāpatti asaññasattūpikā ti?

Āmantā.

Atthi saññāvedayitanirodhasamāpannassa phasso vedanā  
saññā cetanā cittan ti?

Na h'evam vattabbe—pe—

N'atthi saññāvedayitanirodhasamāpannassa phasso  
vedanā saññā cetanā cittan ti?

Āmantā.

Aphassakassa maggabhāvanā, avedanakassa magga-  
bhāvanā—pe—acittakassa maggabhāvanā ti?

Na h'evam vattabbe—pe—

Nanu saphassakassa maggabhāvanā—pe—sacittakassa  
maggabhāvanā ti?

Āmantā.

Hañci saphassakassa maggabhāvanā—pe—sacittakassa  
maggabhāvanā, no vata re vattabbe “ Saññāvedayita-  
nirodhasamāpatti asaññasattūpikā ti.”

3. Saññāvedayitanirodhasamāpatti asaññasattūpikā ti?

Āmantā.

Ye keci saññāvedayitanirodham samāpajanti, sabbe te  
asaññasattūpikā ti?

Na h'evam vattabbe—pe—

4. Na vattabham “ Saññāvedayitanirodhasamāpatti  
asaññasattūpikā ti ”?

Āmantā.

Nanu idhāpi asaññī tatrāpi asaññī ti?

Āmantā.

Hañci idhāpi asaññī tatrāpi asaññī, tena vata re vattabbe  
“ Saññāvedayitanirodhasamāpatti asaññasattūpikā ti.”

A s a ñ ñ a s a t t ū p i k a k a t h ā .

## XV. 11.

1. Aññaṃ kammaṃ añño kammūpacayo ti?

Āmantā.

Añño phasso añño phassūpacayo, aññā vedanā añño vedanūpacayo, aññā saññā añño saññūpacayo, aññā cetanā añño cetanūpacayo, aññaṃ cittaṃ añño cittūpacayo, aññā saddhā añño saddhūpacayo, aññaṃ viriyaṃ añño viriyūpacayo, aññā sati añño satūpacayo, añño samādhī añño samādhūpacayo, aññā paññā añño paññūpacayo, añño rāgo añño rāgūpacayo—pe—aññaṃ anottappaṃ añño anottappūpacayo ti?

Na h'evaṃ vattabbe—pe—

2. Aññaṃ kammaṃ añño kammūpacayo ti?

Āmantā.

Kammūpacayo kammena sahajāto ti?

Na h'evaṃ vattabbe—pe—

Kammūpacayo kammena sahajāto ti?

Āmantā.

Kusalena kammena sahajāto kammūpacayo kusalo ti?

Na h'evaṃ vattabbe—pe—

Kusalena kammena sahajāto kammūpacayo kusalo ti?

Āmantā.

Sukhāya vedanāya sampayuttēna kammena sahajāto kammūpacayo sukhāya vedanāya sampayutto ti?

Na h'evaṃ vattabbe—pe—

Dukkhāya—pe—adukkhamasukhāya vedanāya sampayuttēna kammena sahajāto kammūpacayo adukkhamasukhāya vedanāya sampayutto ti?

Na h'evaṃ vattabbe—pe—

3. Kammūpacayo kammena sahajāto ti?

Āmantā.

Akusalena kammena sahajāto kammūpacayo akusalo ti?

Na h'evaṃ vattabbe—pe—

Akusalena kammena sahajāto kammūpacayo akusalo ti?

Āmantā.

Sukhāya vedanāya sampayuttena kammena sahajāto kammūpacayo sukhāya vedanāya sampayutto ti?

Na h'evaṃ vattabbe—pe—

Dukkāya—pe—adukkhamasukhāya vedanāya sampayuttena kammena sahajāto kammūpacayo adukkhamasukhāya vedanāya sampayutto ti?

Na h'evaṃ vattabbe—pe—

4. Kammaṃ cittena sahajātaṃ, kammaṃ sārammaṇaṃ ti?

Āmantā.

Kammūpacayo cittena sahajāto, kammūpacayo sārammaṇo ti?

Na h'evaṃ vattabbe—pe—

Kammūpacayo cittena sahajāto, kammūpacayo anārammaṇo ti?

Āmantā.

Kammaṃ cittena sahajātaṃ, kammaṃ anārammaṇaṃ ti?

Na h'evaṃ vattabbe—pe—

Kammaṃ cittena sahajātaṃ, cittaṃ bhijjamānaṃ, kammaṃ bhijjatīti?

Āmantā.

Kammūpacayo cittena sahajāto, cittaṃ bhijjamānaṃ kammūpacayo bhijjatīti?

Na h'evaṃ vattabbe—pe—

Kammūpacayo cittena sahajāto, cittaṃ bhijjamānaṃ, kammūpacayo na bhijjatīti?

Āmantā.

Kammaṃ cittena sahajātaṃ, cittaṃ bhijjamānaṃ, kammaṃ na bhijjatīti?

Na h'evaṃ vattabbe—pe—

5. Kammamhi kammūpacayo ti?

Āmantā.

Taṅ ñeva kammaṃ, so kammūpacayo ti?

Na h'evaṃ vattabbe—pe—

Kammamhi kammūpacayo, kammūpacayato vipāko nibbattatīti?

Āmantā.

Tañ ñeva kammaṃ, so kammūpacayo, so kammavipāko ti ?

Na h'evaṃ vattabbe—pe—

Kammamhi kammūpacayo, kammūpacayato vipāko nibbattati, vipāko sārammaṇo ti ?

Āmantā.

Kammūpacayo sārammaṇo ti ?

Na h'evaṃ vattabbe—pe—

Kammūpacayo anārammaṇo ti ?

Āmantā.

Vipāko anārammaṇo ti ?

Na h'evaṃ vattabbe—pe—

6. Aññaṃ kammaṃ añño kammūpacayo ti ?

Āmantā.

Nanu vuttaṃ Bhagavatā—“Idha Puṇṇa<sup>1</sup> ekacco sabyāpajjhaṃ pi abyāpajjhaṃ pi kāyasamkhāraṃ abhisamkharoti, sabyāpajjhaṃ pi abyāpajjhaṃ pi vacīsamkhāraṃ—pe—manosamkhāraṃ abhisamkharoti, so sabyāpajjhaṃ pi abyāpajjhaṃ pi kāyasamkhāraṃ abhisamkharitvā, sabyāpajjhaṃ pi abyāpajjhaṃ pi vacīsamkhāraṃ—pe—manosamkhāraṃ abhisamkharitvā sabyāpajjhaṃ pi abyāpajjhaṃ pi lokam upapajjati, tam enaṃ sabyāpajjhaṃ pi abyāpajjhaṃ pi lokam<sup>2</sup> upapannaṃ samānaṃ sabyāpajjhā pi abyāpajjhā pi phassā phusanti ; so sabyāpajjhehi pi abyāpajjhehi pi phassehi phutṭho samāno sabyāpajjhaṃ pi abyāpajjhaṃ pi vedanaṃ vedeti vokiṇṇasukhadukkhaṃ,<sup>3</sup> seyyathāpi manussā, ekacce ca devā, ekacce ca vinipātikā ; iti kho Puṇṇa bhūtābhūtassa upapatti hoti, yaṃ karoti, tena upapajjati ; upapannaṃ etaṃ phassā phusanti. Evaṃ pāhaṃ Puṇṇa kammadāyādā sattā ti vadāmīti.” Atth'eva suttanto ti ?

Āmantā.

Tena hi na vattabbaṃ “Aññaṃ kammaṃ añño kammūpacayo ti.”

### K a m m ū p a c a y a k a t h ā .

<sup>1</sup> pana, S.M.

<sup>2</sup> okā, P.

<sup>3</sup> votinnaṃ, P.

## Vaggo paṇṇarasamo.

Paccayatā vavatthitā, Paṭiccasamuppādo,  
 Addhā ca khaṇo layo muhuttaṃ, Cattāro āsavā anāsavā,  
 Lokuttarānaṃ dhammānaṃ jarāmaṇaṃ lokuttaraṃ,<sup>1</sup>  
 Saññāvedayitanirodhasamāpatti lokuttarā,  
 Saññāvedayitanirodhasamāpatti lokiyā,  
 Saññāvedayitanirodhasamāpanno kālaṃ kareyya,  
 Sv'eva maggo asaññasattūpapattiyā, Aññaṃ kammaṃ  
 añño kammūpacayo ti.

---

Anusayā, Saṃvaro, Kappo, Mūlaṃ, Vavatthitā.

Tatiyo Paṇṇāsako.

---

<sup>1</sup> orā, M.P.S.

## XVI. 1.

1. Paro parassa cittaṃ niggaṇhātīti?

Āmantā.

Paro parassa cittaṃ mā rajji mā dussi mā muyhi mā kilissīti niggaṇhātīti?

Na h'evaṃ vattabbe—pe—

Paro parassa cittaṃ niggaṇhātīti?

Āmantā.

Paro parassa uppanno phasso mā nirujjhīti<sup>1</sup> niggaṇhātīti?

Na h'evaṃ vattabbe—pe—

Paro parassa uppannā vedanā—pe—uppannā saññā—pe—uppannā cetanā—pe—uppannaṃ cittaṃ—pe—uppannā saddhā—pe—uppannaṃ viriyaṃ—pe—uppannā sati—pe—uppanno samādhi—pe—uppannā paññā mā nirujjhīti niggaṇhātīti?

Na h'evaṃ vattabbe—pe—

2. Paro parassa cittaṃ niggaṇhātīti?

Āmantā.

Paro parassa atthāya<sup>2</sup> rāgaṃ pajahati, dosaṃ pajahati—pe—anottappaṃ pajahatīti?

Na h'evaṃ vattabbe—pe—

Paro parassa cittaṃ niggaṇhātīti?

Āmantā.

Paro parassa atthāya maggaṃ bhāveti, satipaṭṭhānaṃ bhāveti—pe—bojjhaṅgaṃ bhāvetīti?

Na h'evaṃ vattabbe—pe—

Paro parassa cittaṃ niggaṇhātīti?

Āmantā.

Paro parassa atthāya dukkhaṃ pari jānāti, samudayaṃ pajahati, nirodhaṃ sacchikaroti, maggaṃ bhāvetīti?

Na h'evaṃ vattabbe—pe—

Paro parassa cittaṃ niggaṇhātīti?

Āmantā.

<sup>1</sup> nirujjhati, P. and S.

<sup>2</sup> attāya, P.; vittāya, S.

Añño aññassa kārako, paraṃ kataṃ sukhaṃ dukkhaṃ  
añño karoti añño paṭisaṃvedetīti ?

Na h'evaṃ vattabbe—pe—

3. Paro parassa cittaṃ niggaṇhātīti ?

Āmantā.

Nanu vuttaṃ Bhagavatā—

“ Attanā va<sup>1</sup> kataṃ pāpaṃ, attanā saṃkilissati,  
Attanā akataṃ pāpaṃ, attanā va visujjhati,  
Suddhi asuddhi paccattaṃ<sup>2</sup> nāñño aññaṃ visodhaye<sup>3</sup>  
ti.”

Atth'eva suttanto ti ?

Āmantā.

Tena hi na vattabbaṃ “ Paro parassa cittaṃ niggaṇhā-  
tīti.”

4. Na vattabbaṃ “ Paro parassa cittaṃ niggaṇhātīti ” ?

Āmantā.

Nanu atthi balappattā<sup>4</sup> atthi vasībhūtā ti ?

Āmantā.

Hañci atthi balappattā atthi vasībhūtā, tena vata re  
vattabbe “ Paro parassa cittaṃ niggaṇhātīti.”

N i g g a h a k a t h ā .

## XVI. 2.

1. Paro parassa cittaṃ paggaṇhātīti ?

Āmantā.

Paro parassa cittaṃ mā rajji mā dussi mā muyhi mā  
kilissīti paggaṇhātīti ?

Na h'evaṃ vattabbe—pe—

Paro parassa cittaṃ paggaṇhātīti ?

Āmantā.

Paro parassa alobhaṃ kusalamūlaṃ janeti, adosaṃ

<sup>1</sup> ca, P.S<sub>2</sub>.M.      <sup>2</sup> °antaṃ, P.      <sup>3</sup> °dhayye, P.

<sup>4</sup> pala°, S. ; phala°, P.

kusalamūlaṃ janeti, amohaṃ kusalamūlaṃ janeti, sad-  
dham janeti, viriyaṃ janeti, satipaṃ janeti, samādhim  
janeti, paññaṃ janetīti ?

Na h'evaṃ vattabbe—pe—

Paro parassa cittaṃ paggaṇhātīti ?

Āmantā.

Paro parassa uppanno phasso mā nirujjhīti paggaṇhā-  
tīti ?

Na h'evaṃ vattabbe—pe—

Paro parassa uppannā vedanā—pe—uppannā saññā—  
pe—uppannā cetanā—pe—uppannaṃ cittaṃ—pe—  
uppannā saddhā—pe—uppannaṃ viriyaṃ—pe—uppannā  
sati—pe—uppanno samādhi—pe—uppannā paññā mā  
nirujjhīti paggaṇhātīti ?

Na h'evaṃ vattabbe—pe—

2. Paro parassa cittaṃ paggaṇhātīti ?

Āmantā.

Paro parassa atthāya rāgaṃ pajahati, dosaṃ pajahati  
—pe—anottappaṃ pajahatīti ?

Na h'evaṃ vattabbe—pe—

Paro parassa cittaṃ paggaṇhātīti ?

Āmantā.

Paro parassa atthāya maggaṃ bhāveti, satipaṭṭhānaṃ  
bhāveti—pe—bojjhaṅgaṃ bhāvetīti ?

Na h'evaṃ vattabbe—pe—

Paro parassa cittaṃ paggaṇhātīti ?

Āmantā.

Paro parassa atthāya dukkhaṃ parijānāti, samudayaṃ  
pajahati, nirodhaṃ sacchikaroti, maggaṃ bhāvetīti ?

Na h'evaṃ vattabbe—pe—

Paro parassa cittaṃ paggaṇhātīti ?

Āmantā.

Añño aññaṃ kārako, paraṃ kataṃ sukhaṃ dukkhaṃ  
añño karoti añño paṭisaṃvedetīti ?

Na h'evaṃ vattabbe—pe—

3. Paro parassa cittaṃ paggaṇhātīti ?

Āmantā.

Nanu vuttaṃ Bhagavatā—

“Attanā va katam pāpaṃ, attanā saṃkilissati,  
Attanā akatam pāpaṃ, attanā va visujjhati,  
Suddhi asuddhi paccattam nāñño aññaṃ visodhaye  
ti.”

Atth'eva suttanto ti?

Āmantā.

Tena hi na vattabbaṃ “Paro parassa cittaṃ paggaṇhātīti.”

4. Na vattabbaṃ “Paro parassa cittaṃ paggaṇhātīti”?

Āmantā.

Nanu atthi balappattā atthi vasībhūtā ti?

Āmantā.

Hañci atthi balappattā atthi vasībhūtā, tena vata re  
vattabbe “Paro parassa cittaṃ paggaṇhātīti.”

P a g g a h a k a t h ā .

XVI. 3.

1. Paro parassa sukhaṃ anuppadetīti?

Āmantā.

Paro parassa dukkhaṃ anuppadetīti?

Na h'evaṃ vattabbe—pe—

Paro parassa dukkhaṃ na anuppadetīti?

Āmantā.

Paro parassa sukhaṃ na anuppadetīti?

Na h'evaṃ vattabbe—pe—

2. Paro parassa sukhaṃ anuppadetīti?

Āmantā.

Paro parassa attano sukhaṃ anuppadeti, aññesaṃ  
sukhaṃ anuppadeti, tassa sukhaṃ anuppadetīti?

Na h'evaṃ vattabbe—pe—

Paro parassa n'ev'attano na aññesaṃ na tassa sukhaṃ  
anuppadetīti?

Āmantā.

Hañci paro parassa n'ev'attano na aññesaṃ na tassa

sukhaṃ anuppadeti, no vata re vattabbe “Paro parassa sukhaṃ anuppadetīti.”

Paro parassa sukhaṃ anuppadetīti?

Āmantā.

Añño aññassa kārako, paraṃ kataṃ sukhaṃ dukkhaṃ añño karoti añño paṭisaṃvedetīti?

Na h'evaṃ vattabbe—pe—

3. Na vattabbaṃ “Paro parassa sukhaṃ anuppadetīti”?

Āmantā.

Nanu āyasmā Udāyī<sup>1</sup> etad avoca—“Bahūnaṃ vata no Bhagavā dukkhadhammānaṃ apahattā,<sup>2</sup> bahūnaṃ vata no Bhagavā sukhadhammānaṃ upahattā, bahūnaṃ vata no Bhagavā akusalānaṃ dhammānaṃ apahattā, bahūnaṃ vata no Bhagavā kusalānaṃ dhammānaṃ upahattā ti.”

Atth'eva suttanto ti?

Āmantā.

Tena hi paro parassa sukhaṃ anuppadetīti.

S u k h ā n u p p a d ā n a k a t h ā .

#### XVI. 4.

1. Adhigayha manasikarotīti?

Āmantā.

Tena cittena taṃ cittaṃ pajānātīti?

Na h'evaṃ vattabbe—pe—

Tena cittena taṃ cittaṃ pajānātīti?

Āmantā.

Tena cittena taṃ cittaṃ cittaṃ ti pajānātīti?

Na h'evaṃ vattabbe—pe—

Tena cittena taṃ cittaṃ cittaṃ ti pajānātīti?

Āmantā.

Taṃ cittaṃ tassa cittassa ārammaṇaṃ ti?

<sup>1</sup> Upadāyī, P.S.    <sup>2</sup> apahattā, P.S.S<sub>2</sub>. always.

Na h'evaṃ vattabbe—pe—

Taṃ cittaṃ tassa cittaṃ ārammaṇaṃ ti ?

Āmantā.

Tena phassaṇaṃ taṃ phassaṇaṃ phusati, tāya vedanāya, tāya saññāya, tāya cetanāya, tena cittaṇa, tena vitakkena, tena vicārena, tāya pītiyā, tāya satiyā, tāya paññāya taṃ paññaṃ pajānātīti ?

Na h'evaṃ vattabbe—pe—

2. Atītaṃ atītaṃ ti manasikaronto anāgataṃ anāgataṃ ti manasikarotīti ?

Na h'evaṃ vattabbe—pe—

Atītaṃ atītaṃ ti manasikaronto anāgataṃ anāgataṃ ti manasikarotīti ?

Āmantā.

Dvinnāṃ phassaṇaṃ—pe—dvinnāṃ cittaṇaṃ samodhānaṃ hotīti ?

Na h'evaṃ vattabbe—pe—

Atītaṃ atītaṃ ti manasikaronto paccuppannaṃ paccuppannaṃ ti manasikarotīti ?

Na h'evaṃ vattabbe—pe—

Atītaṃ atītaṃ ti manasikaronto paccuppannaṃ paccuppannaṃ ti manasikarotīti ?

Āmantā.

Dvinnāṃ phassaṇaṃ—pe—dvinnāṃ cittaṇaṃ samodhānaṃ hotīti ?

Na h'evaṃ vattabbe—pe—

Atītaṃ atītaṃ ti manasikaronto anāgataṃ anāgataṃ ti manasikaroti, paccuppannaṃ paccuppannaṃ ti manasikarotīti ?

Na h'evaṃ vattabbe—pe—

Atītaṃ atītaṃ ti manasikaronto anāgataṃ anāgataṃ ti manasikaroti, paccuppannaṃ paccuppannaṃ ti manasikarotīti ?

Āmantā.

Tiṇṇāṃ phassaṇaṃ—pe—tiṇṇāṃ cittaṇaṃ samodhānaṃ hotīti ?

Na h'evaṃ vattabbe—pe—

3. Anāgataṃ anāgataṃ ti manasikaronto atītaṃ atītaṃ ti manasikarotīti ?

Na h'evaṃ vattabbe—pe—

Anāgataṃ anāgatan ti manasikaronto atītaṃ atītan ti manasikarotīti?

Āmantā.

Dvinnāṃ phassānaṃ—pe—dvinnāṃ cittānaṃ samodhānaṃ hotīti?

Na h'evaṃ vattabbe—pe—

Anāgataṃ anāgatan ti manasikaronto paccuppannaṃ paccuppannan ti manasikarotīti?

Na h'evaṃ vattabbe—pe—

Anāgataṃ anāgatan ti manasikaronto paccuppannaṃ paccuppannan ti manasikarotīti?

Āmantā.

Dvinnāṃ phassānaṃ—pe—dvinnāṃ cittānaṃ samodhānaṃ hotīti?

Na h'evaṃ vattabbe—pe—

Anāgataṃ anāgatan ti manasikaronto atītaṃ atītan ti manasikaroti, paccuppannaṃ paccuppannan ti manasikarotīti?

Na h'evaṃ vattabbe—pe—

Anāgataṃ anāgatan ti manasikaronto atītaṃ atītan ti manasikaroti, paccuppannaṃ paccuppannan ti manasikarotīti?

Āmantā.

Tiṇṇāṃ phassānaṃ—pe—tiṇṇāṃ cittānaṃ samodhānaṃ hotīti?

Na h'evaṃ vattabbe—pe—

4. Paccuppannaṃ paccuppannan ti manasikaronto atītaṃ atītan ti manasikarotīti?

Na h'evaṃ vattabbe—pe—

Paccuppannaṃ paccuppannan ti manasikaronto atītaṃ atītan ti manasikarotīti?

Āmantā.

Dvinnāṃ phassānaṃ—pe—dvinnāṃ cittānaṃ samodhānaṃ hotīti?

Na h'evaṃ vattabbe—pe—

Paccuppannaṃ paccuppannan ti manasikaronto anāgataṃ anāgatan ti manasikarotīti?

Na h'evaṃ vattabbe—pe—

Paccuppannaṃ paccuppannaṃ ti manasikaronto anāgataṃ anāgatan ti manasikarotīti?

Āmantā.

Dvinnāṃ phassānaṃ—pe—dvinnāṃ cittānaṃ samodhānaṃ hotīti?

Na h'evaṃ vattabbe—pe—

Paccuppannaṃ paccuppannaṃ ti manasikaronto atītaṃ atītan ti manasikaroti, anāgataṃ anāgatan ti manasikarotīti?

Na h'evaṃ vattabbe—pe—

Paccuppannaṃ paccuppannaṃ ti manasikaronto atītaṃ atītan ti manasikaroti, anāgataṃ anāgatan ti manasikarotīti?

Āmantā.

Tiṇṇāṃ phassānaṃ—pe—tiṇṇāṃ cittānaṃ samodhānaṃ hotīti?

Na h'evaṃ vattabbe—pe—

5. Na vattabbaṃ “ Adhigayha manasikarotīti ”?

Āmantā.

Nanu vuttaṃ Bhagavatā—

“ ‘ Sabbe saṃkhārā aniccā ti ’<sup>1</sup> yadā paññāya passati,

Atha nibbindati dukkhe esamaggo visuddhiyā.<sup>2</sup>

‘ Sabbe saṃkhārā dukkhā ti ’ yadā paññāya passati,

Atha nibbindati dukkhe esamaggo visuddhiyā.

‘ Sabbe dhammā anattā ti ’ yadā paññāya passati,

Atha nibbindati dukkhe esamaggo visuddhiyā ti.”

Atth'eva suttanto ti?

Āmantā.

Tena hi adhigayha manasikarotīti.

A d h i g a y h a m a n a s i k ā r a k a t h ā .

<sup>1</sup> ti, M. omits.

<sup>2</sup> visuddhiya, P.

## XVI. 5.

1. Rūpaṃ hetūti?

Āmantā.

Alobho hetūti?

Na h'evaṃ vattabbe—pe—

Adoso hetu—pe—amoho hetu, lobho hetu, doso hetu, moho hetūti?

Na h'evaṃ vattabbe—pe—

Rūpaṃ hetūti?

Āmantā.

Sārammaṇaṃ, atthi tassa āvaṭṭanā—pe—paṇidhīti?

Na h'evaṃ vattabbe—pe—

Nanu anārammaṇaṃ, n'atthi tassa āvaṭṭanā—pe—paṇidhīti?

Āmantā.

Hañci anārammaṇaṃ, n'atthi tassa āvaṭṭanā—pe—paṇidhi, no vata re vattabbe “Rūpaṃ hetūti.”

2. Alobho hetu sārammaṇo, atthi tassa āvaṭṭanā—pe—paṇidhīti?

Āmantā.

Rūpaṃ hetu sārammaṇaṃ, atthi tassa āvaṭṭanā—pe—paṇidhīti?

Na h'evaṃ vattabbe—pe—

Adoso hetu, amoho hetu, lobho hetu doso hetu moho hetu sārammaṇo, atthi tassa āvaṭṭanā—pe—paṇidhīti?

Āmantā.

Rūpaṃ hetu sārammaṇaṃ, atthi tassa āvaṭṭanā—pe—paṇidhīti?

Na h'evaṃ vattabbe—pe—

3. Rūpaṃ hetu sārammaṇaṃ, n'atthi tassa āvaṭṭanā—pe—paṇidhīti?

Āmantā.

Alobho hetu anārammaṇo, n'atthi tassa āvaṭṭanā—pe—paṇidhīti?

Na h'evaṃ vattabbe—pe—

Rūpaṃ hetu anārammaṇaṃ, n'atthi tassa āvaṭṭanā—pe—paṇidhīti?

Āmantā.

Adoso hetu—pe—moho hetu anārammaṇo, n'atthi tassa āvaṭṭanā—pe—paṇidhīti?

Na h'evaṃ vattabbe—pe—

4. Na vattabbaṃ “Rūpaṃ hetūti”?

Āmantā.

Nanu mahābhūtā upādā<sup>1</sup> rūpānaṃ upādāya hetūti?

Āmantā.

Hañci mahābhūtā upādā rūpānaṃ upādāya hetu, tena vata re vattabbe “Rūpaṃ hetūti.”

R ū p a ṃ h e t ū t i k a t h ā .

XVI. 6.

1. Rūpaṃ sahetukan ti?

Āmantā.

Alobhahetunā ti?

Na h'evaṃ vattabbe—pe—

Adosahetunā ti—pe—amohahetunā ti, lobhahetunā ti, dosahetunā ti, mohahetunā ti?

Na h'evaṃ vattabbe—pe—

Rūpaṃ sahetukan ti?

Āmantā.

Sārammaṇaṃ, atthi tassa āvaṭṭanā—pe—paṇidhīti?

Na h'evaṃ vattabbe—pe—

Nanu anārammaṇaṃ, n'atthi tassa āvaṭṭanā—pe—paṇidhīti?

Āmantā.

Hañci anārammaṇaṃ, n'atthi tassa āvaṭṭanā—pe—paṇidhi, no vata re vattabbe “Rūpaṃ sahetukan ti.”

2. Alobho sahetuko sārammaṇo, atthi tassa āvaṭṭanā—pe—paṇidhīti?

Āmantā.

Rūpaṃ sahetukaṃ sārammaṇaṃ, atthi tassa āvaṭṭanā—pe—paṇidhīti?

Na h'evaṃ vattabbe—pe—

<sup>1</sup> upādāya, K.

Adoso sahetuko—pe—amoho saddhā viriyaṃ sati samādhi paññā lobho doso moho māno diṭṭhi vicikicchā thīnaṃ uddhaccaṃ ahirikaṃ anottappaṃ sahetukaṃ sārammaṇaṃ, atthi tassa āvaṭṭanā—pe—paṇidhīti?

Āmantā.

Rūpaṃ sahetukaṃ sārammaṇaṃ, atthi tassa āvaṭṭanā—pe—paṇidhīti?

Na h'evaṃ vattabbe—pe—

3. Rūpaṃ sahetukaṃ anārammaṇaṃ, n'atthi tassa āvaṭṭanā—pe—paṇidhīti?

Āmantā.

Alobho sahetuko anārammaṇo, n'atthi tassa āvaṭṭanā—pe—paṇidhīti?

Na h'evaṃ vattabbe—pe—

Rūpaṃ sahetukaṃ anārammaṇaṃ, n'atthi tassa āvaṭṭanā—pe—paṇidhīti?

Āmantā.

Adoso sahetuko—pe—anottappaṃ sahetukaṃ anārammaṇaṃ, n'atthi tassa āvaṭṭanā—pe—paṇidhīti?

Na h'evaṃ vattabbe—pe—

4. Na vattabbaṃ “ Rūpaṃ sahetukan ti ”?

Āmantā.

Nanu rūpaṃ sappaccayaṃ ti?

Āmantā.

Hañci rūpaṃ sappaccayaṃ, tena vata re vattabbe “ Rūpaṃ sahetukan ti.”

R ū p a ṃ s a h e t u k a n t i k a t h ā .

## XVI. 7.

1. Rūpaṃ kusalan ti?

Āmantā.

Sārammaṇaṃ, atthi tassa āvaṭṭanā—pe—paṇidhīti?

Na h'evaṃ vattabbe—pe—

Nanu anārammaṇaṃ, n'atthi tassa āvaṭṭanā—pe—paṇidhīti?

Āmantā.

Hañci anārammaṇaṃ, n'atthi tassa āvaṭṭanā—pe—paṇidhi, no vata re vattabbe “Rūpaṃ kusalan ti.”

2. Alobho kusalo sārammaṇo, atthi tassa āvaṭṭanā—pe—paṇidhīti?

Āmantā.

Rūpaṃ kusalaṃ sārammaṇaṃ, atthi tassa āvaṭṭanā—pe—paṇidhīti?

Na h'evaṃ vattabbe—pe—

Adoso kusalo, amoho kusalo, saddhā viriyaṃ sati samādhi—pe—paññā kusalā sārammaṇā, atthi tassa āvaṭṭanā—pe—paṇidhīti?

Āmantā.

Rūpaṃ kusalaṃ sārammaṇaṃ, atthi tassa āvaṭṭanā—pe—paṇidhīti?

Na h'evaṃ vattabbe—pe—

3. Rūpaṃ kusalaṃ anārammaṇaṃ, n'atthi tassa āvaṭṭanā—pe—paṇidhīti?

Āmantā.

Alobho kusalo anārammaṇo, n'atthi tassa āvaṭṭanā—pe—paṇidhīti?

Na h'evaṃ vattabbe—pe—

Rūpaṃ kusalaṃ anārammaṇaṃ, n'atthi tassa āvaṭṭanā—pe—paṇidhīti?

Āmantā.

Adoso kusalo, paññā kusalā anārammaṇā, n'atthi tassa āvaṭṭanā—pe—paṇidhīti?

Na h'evaṃ vattabbe—pe—

4. Rūpaṃ akusalan ti?

Āmantā.

Sārammaṇaṃ, atthi tassa āvaṭṭanā—pe—paṇidhīti?

Na h'evaṃ vattabbe—pe—

Nanu anārammaṇaṃ, n'atthi tassa āvaṭṭanā—pe—paṇidhīti?

Āmantā.

Hañci anārammaṇaṃ, n'atthi tassa āvaṭṭanā—pe—paṇidhi, no vata re vattabbe “Rūpaṃ akusalan ti.”

5. Lobho akusalo sārammaṇo, atthi tassa āvaṭṭanā—pe—paṇidhīti?

Āmantā.

Rūpaṃ akusalaṃ sārammaṇaṃ, atthi tassa āvaṭṭanā  
—pe—paṇidhīti?

Na h'evaṃ vattabbe—pe—

Doso moho māno—pe—anottappaṃ akusalaṃ sāram-  
maṇaṃ, atthi tassa āvaṭṭanā—pe—paṇidhīti?

Āmantā.

Rūpaṃ akusalaṃ sārammaṇaṃ, atthi tassa āvaṭṭanā—  
pe—paṇidhīti?

Na h'evaṃ vattabbe—pe—

6. Rūpaṃ akusalaṃ anārammaṇaṃ, n'atthi tassa  
āvaṭṭanā—pe—paṇidhīti?

Āmantā.

Lobho akusalo anārammaṇo, n'atthi tassa āvaṭṭanā—  
pe—paṇidhīti?

Na h'evaṃ vattabbe—pe—

Rūpaṃ akusalaṃ anārammaṇaṃ, n'atthi tassa āvaṭṭanā  
—pe—paṇidhīti?

Āmantā.

Doso, moho, anottappaṃ akusalaṃ anārammaṇaṃ,  
n'atthi tassa āvaṭṭanā—pe—paṇidhīti?

Na h'evaṃ vattabbe—pe—

7. Na vattabbaṃ “Rūpaṃ kusalaṃ pi akusalaṃ pīti”?

Āmantā.

Nanu kāyakammaṃ vacīkammaṃ kusalaṃ pi akusalaṃ  
pīti?

Āmantā.

Hañci kāyakammaṃ vacīkammaṃ kusalaṃ pi akusalaṃ  
pi, tena vata re vattabbe “Rūpaṃ kusalaṃ pi akusalaṃ  
pīti.”

Rūpaṃ kusalākusalan ti kathā.

## XVI. 8.

1. Rūpaṃ vipāko ti?

Āmantā.

Rūpaṃ sukhavedaniyaṃ dukkhavedaniyaṃ adukkhamā-

sukhavedanīyaṃ, sukhāya vedanāya sampayuttaṃ, dukkhāya vedanāya sampayuttaṃ, adukkhamasukhāya vedanāya sampayuttaṃ, phassena sampayuttaṃ—pe—cittena sampayuttaṃ sārammaṇaṃ, atthi tassa āvaṭṭanā—pe—paṇidhīti ?

Na h'evaṃ vattabbe—pe—

Nanu na sukhavedanīyaṃ—pe—na dukkhavedanīyaṃ—pe—anārammaṇaṃ, n'atthi tassa āvaṭṭanā—pe—paṇidhīti ?

Āmantā.

Hañci na sukhavedanīyaṃ—pe—paṇidhi, no vata re vattabbe “ Rūpaṃ vipāko ti.”

2. Phasso vipāko phasso sukhavedanīyo—pe—sārammaṇo, atthi tassa āvaṭṭanā—pe—paṇidhīti ?

Āmantā.

Rūpaṃ vipāko rūpaṃ sukhavedanīyaṃ—pe—sārammaṇaṃ, atthi tassa āvaṭṭanā—pe—paṇidhīti ?

Na h'evaṃ vattabbe—pe—

Rūpaṃ vipāko rūpaṃ na sukhavedanīyaṃ—pe—anārammaṇaṃ, n'atthi tassa āvaṭṭanā—pe—paṇidhīti ?

Āmantā.

Phasso vipāko phasso na sukhavedanīyo—pe—anārammaṇo, n'atthi tassa āvaṭṭanā—pe—paṇidhīti ?

Na h'evaṃ vattabbe—pe—

3. Na vattabbaṃ “ Rūpaṃ vipāko ti ” ?

Āmantā.

Nanu kammaṃ katattā uppannā cittacetāsikā dhammā vipāko ti ?

Āmantā.

Hañci kammaṃ katattā uppannā cittacetāsikā dhammā vipāko, tena vata re vattabbe “ Kammaṃ katattā uppannaṃ rūpaṃ vipāko ti.”

Rūpaṃ vipāko ti kathā.

## XVI. 9.

1. Atthi rūpaṃ rūpāvaccaraṇaṃ ti?

Āmantā.

Samāpattesiyaṃ uppattesiyaṃ diṭṭhadhammasukkhavihāraṃ samāpattesiyaṇa cittaṇa uppattesiyaṇa cittaṇa diṭṭhadhammasukkhavihāreṇa cittaṇa sahaḡataṃ sahaḡātaṃ saṃsaṭṭhaṃ saṃpayuttaṃ ekuppādaṃ ekaṇirodhaṃ ekavattukaṃ ekāraṃmaṇaṇaṃ ti?

Na h'evaṃ vattabbe—pe—

Nanu na samāpattesiyaṃ na uppattesiyaṃ na diṭṭhadhammasukkhavihāraṃ na samāpattesiyaṇa cittaṇa na uppattesiyaṇa cittaṇa na diṭṭhadhammasukkhavihāreṇa cittaṇa sahaḡataṃ—pe—ekāraṃmaṇaṇaṃ ti?

Āmantā.

Haṇci na samāpattesiyaṃ—pe—ekāraṃmaṇaṃ, no vata re vattabbe “ Atthi rūpaṃ rūpāvaccaraṇaṃ ti.”

2. Atthi rūpaṃ arūpāvaccaraṇaṃ ti?

Āmantā.

Samāpattesiyaṃ uppattesiyaṃ diṭṭhadhammasukkhavihāraṃ samāpattesiyaṇa cittaṇa uppattesiyaṇa cittaṇa diṭṭhadhammasukkhavihāreṇa cittaṇa sahaḡataṃ sahaḡātaṃ saṃsaṭṭhaṃ saṃpayuttaṃ ekuppādaṃ ekaṇirodhaṃ ekavattukaṃ ekāraṃmaṇaṇaṃ ti?

Na h'evaṃ vattabbe—pe—

Nanu na samāpattesiyaṃ na uppattesiyaṃ na diṭṭhadhammasukkhavihāraṃ na samāpattesiyaṇa cittaṇa na uppattesiyaṇa cittaṇa na diṭṭhadhammasukkhavihāreṇa cittaṇa sahaḡataṃ—pe—ekāraṃmaṇaṇaṃ ti?

Āmantā.

Haṇci na samāpattesiyaṃ—pe—ekāraṃmaṇaṃ, no vata re vattabbe “ Atthi rūpaṃ arūpāvaccaraṇaṃ ti.”

3. Na vattabbaṃ “ Atthi rūpaṃ rūpāvaccaraṇaṃ, atthi rūpaṃ arūpāvaccaraṇaṃ ti ”?

Āmantā.

Nanu kāṃāvaccarakammaṣṣa katattā rūpaṃ kāṃāvaccaraṇaṃ ti?

Āmantā.

Haṇci kāṃāvaccarakammaṣṣa katattā rūpaṃ kāṃāvaccaraṇaṃ

caraṃ, tena vata re vattabbe “Rūpāvacarakammassa katattā rūpaṃ rūpāvacaraṃ, arūpāvacarakammassa katattā rūpaṃ arūpāvacaraṃ ti.”

Rūpaṃ rūpāvacarārūpāvacaraṃ ti kathā.

---

XVI. 10.

1. Rūparāgo rūpadhātupariyāpanno ti?

Āmantā.

Samāpattesiyo uppattesiyo diṭṭhadhammasukhavihāro samāpattesiya cittaena uppattesiya cittaena diṭṭhadhammasukhavihārena cittaena sahaḡato sahaḡāto saṃsaṭṭho sampayutto ekuppādo ekanirodho ekavattuko ekārammaṇo ti?

Na h'evaṃ vattabbe—pe—

Nanu na samāpattesiyo na uppattesiyo na diṭṭhadhammasukhavihāro na samāpattesiya cittaena na uppattesiya cittaena na diṭṭhadhammasukhavihārena cittaena sahaḡato—pe—ekārammaṇo ti?

Āmantā.

Hañci na samāpattesiyo—pe—ekārammaṇo, no vata re vattabbe “Rūparāgo rūpadhātupariyāpanno ti.”

2. Rūparāgo rūpadhātupariyāpanno ti?

Āmantā.

Saddarāgo saddadhātupariyāpanno ti?

Na h'evaṃ vattabbe—pe—

Rūparāgo rūpadhātupariyāpanno ti?

Āmantā.

Gandharāgo — pe — rasarāgo — pe — phoṭṭhabbarāgo phoṭṭhabbadhātupariyāpanno ti?

Na h'evaṃ vattabbe—pe—

3. Saddarāgo na vattabbaṃ “saddadhātupariyāpanno ti”?

Āmantā.

Rūparāgo na vattabbaṃ “rūpadhātupariyāpanno ti”?

Na h'evaṃ vattabbe—pe—

Gandharāgo — pe — rasarāgo — pe — phoṭṭhabbarāgo na vattabbaṃ “phoṭṭhabbadhātupariyāpanno ti”?

Āmantā.

Rūparāgo na vattabbam “ rūpadhātupariyāpanno ti ” ?

Na h'evam vattabbe—pe—

4. Arūparāgo arūpadhātupariyāpanno ti ?

Āmantā.

Samāpattesiyo uppattesiyo diṭṭhadhammasukhavihāro samāpattesiyaena cittaena uppattesiyaena cittaena diṭṭhadhammasukhavihārena cittaena sahaḡato sahaḡāto saṃsaṭṭho sampayutto ekuppādo ekanirodho ekavatthuko ekārammaṇo ti ?

Na h'evam vattabbe—pe—

Nanu na samāpattesiyo na uppattesiyo na diṭṭhadhammasukhavihāro na samāpattesiyaena cittaena na uppattesiyaena cittaena na diṭṭhadhammasukhavihārena cittaena sahaḡato—pe—ekārammaṇo ti ?

Āmantā.

Hañci na samāpattesiyo—pe—ekārammaṇo, no vata re vattabbe “ Arūparāgo arūpadhātupariyāpanno ti.”

5. Arūparāgo arūpadhātupariyāpanno ti ?

Āmantā.

Saddarāgo saddadhātupariyāpanno ti ?

Na h'evam vattabbe—pe—

Arūparāgo arūpadhātupariyāpanno ti ?

Āmantā.

Gandharāgo—pe—rasarāgo—pe—phoṭṭhabbarāgo phoṭṭhabbadhātupariyāpanno ti ?

Na h'evam vattabbe—pe—

6. Saddarāgo na vattabbam “ saddadhātupariyāpanno ti ” ?

Āmantā.

Arūparāgo na vattabbam “ arūpadhātupariyāpanno ti ” ?

Na h'evam vattabbe—pe—

Gandharāgo — pe — rasarāgo — pe — phoṭṭhabbarāgo na vattabbam “ phoṭṭhabbadhātupariyāpanno ti ” ?

Āmantā.

Arūparāgo na vattabbam “ arūpadhātupariyāpanno ti ” ?

Na h'evaṃ vattabbe—pe—

7. Na vattabbaṃ “ Rūparāgo rūpadhātupariyāpanno, arūparāgo arūpadhātupariyāpanno ti ” ?

Āmantā.

Nanu kāmarāgo kāmadhātupariyāpanno ti ?

Āmantā.

Hañci kāmarāgo kāmadhātupariyāpanno, tena vata re vattabbe “ Rūparāgo rūpadhātupariyāpanno, arūparāgo arūpadhātupariyāpanno ti.”

Rūparāgo rūpadhātupariyāpanno, arūparāgo arūpadhātupariyāpanno ti kathā.

---

Vaggo soḷasamo.

Cittaniggaho, Cittapaggaho,

Sukhānuppadānaṃ, Adhigayha manasikāro,

Rūpaṃ hetu, Rūpaṃ sahetukaṃ,

Rūpaṃ kusalaṃ pi akusalaṃ pi, Rūpaṃ vipāko,

Atthi rūpaṃ rūpāvacaraṃ, Atthi rūpaṃ arūpāvacaraṃ,

Sabbe kilesā kāmadhātupariyāpannā ti.

## XVII. 1.

1. Atthi Arahato puññūpacayo ti?

Āmantā.

Atthi Arahato apuññūpacayo ti?

Na h'evaṃ vattabbe—pe—

N'atthi Arahato apuññūpacayo ti?

Āmantā.

N'atthi Arahato puññūpacayo ti?

Na h'evaṃ vattabbe—pe—

2. Atthi Arahato puññūpacayo ti?

Āmantā.

Arahā<sup>1</sup> puññābhisamkhāraṃ abhisamkharoti, āneñjābhisamkhāraṃ<sup>2</sup> abhisamkharoti, gatisamvattanikaṃ kammaṃ karoti, bhavasamvattanikaṃ kammaṃ karoti, issariyasamvattanikaṃ kammaṃ karoti, adhipaccasamvattanikaṃ kammaṃ karoti, mahābhogasaṃvattanikaṃ kammaṃ karoti, mahāparivārasaṃvattanikaṃ kammaṃ karoti, devasobhagyaṃvattanikaṃ kammaṃ karoti, manussasobhagyaṃvattanikaṃ kammaṃ karotīti?

Na h'evaṃ vattabbe—pe—

3- Atthi Arahato puññūpacayo ti?

Āmantā.

Arahā ācinātīti<sup>3</sup>?

Na h'evaṃ vattabbe—pe—

Arahā apacinātīti<sup>4</sup>?

Na h'evaṃ vattabbe—pe—

Arahā pajahātīti<sup>5</sup>—pe—Arahā upādiyatīti<sup>6</sup>—pe—Arahā visinetīti<sup>7</sup>—pe—Arahā ussinetīti—pe—Arahā vidhūpetīti—pe—Arahā sandhūpetīti?

Na h'evaṃ vattabbe—pe—

<sup>1</sup> Arahato, P.S.

<sup>2</sup> anaññābhi°, S. ; ānañj°, M.

<sup>3</sup> bhāvīnatthīti, P.S.

<sup>4</sup> apacinatinti, P. ; apacinatthīti, S.

<sup>5</sup> pacātīti, P.S. <sup>6</sup> na upadīyatīti, P.S. <sup>7</sup> vici°, P.S.

Nanu Arahā nev'ācināti na apacināti apacinitvā ṭhito ti?

Āmantā.

Hañci Arahā nev'ācināti na apacināti apacinitvā ṭhito, no vata re vattabbe “ Atthi Arahato puññūpacayo ti.”

Nanu Arahā neva pajahati na upādiyati pajahitvā ṭhito, n'eva visineti na ussineti visinetvā ṭhito, n'eva vidhūpeti na sandhūpeti vidhūpetvā ṭhito ti?

Āmantā.

Hañci Arahā neva vidhūpeti na sandhūpeti vidhūpetvā ṭhito, no vata re vattabbe “ Atthi Arahato puññūpacayo ti.”

4. N'atthi Arahato puññūpacayo ti?

Āmantā.

Arahā dānaṃ dadeyyāti?

Āmantā.

Hañci Arahā dānaṃ dadeyya, no vata re vattabbe “ N'atthi Arahato puññūpacayo ti.”

Arahā cīvaraṃ dadeyya—pe—piṇḍapātaṃ dadeyya, senāsaṃ dadeyya, gilānapaccayabhesajjaparikkhāraṃ dadeyya, khādaniyaṃ dadeyya, bhojaniyaṃ dadeyya, pāniyaṃ dadeyya, cetiyaṃ vandeyya, cetiye mālaṃ āropeyya, gandhaṃ āropeyya, vilepanaṃ āropeyya—pe—cetiyaṃ abhidakkhinaṃ kareyyāti?

Āmantā.

Hanci Arahā cetiyaṃ abhidakkhinaṃ kareyya, no vata re vattabbe “ N'atthi Arahato puññūpacayo ti.”

Atthi Arahato puññūpacayo ti kathā.

---

## XVII. 2.

1. N'atthi Arahato akālamaccūti?

Āmantā.

N'atthi Arahantaghātako ti?

Na h'evaṃ vattabbe—pe—

Atthi Arahantaghātako ti?

Āmantā.

Atthi Arahato akālamaccūti?

Na h'evaṃ vattabbe—pe—

2. N'atthi Arahato akālamaccūti?

Āmantā.

Yo Arahantaṃ jīvitā voropeti, sati jīvite jīvitāvasese jīvitā voropeti, asati jīvite jīvitāvasese jīvitā voropetīti<sup>1</sup>? Sati jīvite jīvitāvasese jīvitā voropetīti.

Hañci sati jīvite jīvitāvasese jīvitā voropeti, no vata re vattabbe “N'atthi Arahato akālamaccūti.”

Asati jīvite jīvitāvasese jīvitā voropetīti, n'atthi Arahantaghātako ti?

Na h'evaṃ vattabbe—pe—

3. N'atthi Arahato akālamaccūti?

Āmantā.

Arahato kāye viṣaṃ na kameyya, satthaṃ na kameyya, aggi na kameyyāti?

Na h'evaṃ vattabbe—pe—

Nanu Arahato kāye viṣaṃ kameyya, satthaṃ kameyya, aggi kameyyāti?

Āmantā.

Hañci Arahato kāye viṣaṃ kameyya, satthaṃ kameyya, aggi kameyya, no vata re vattabbe “N'atthi Arahato akālamaccūti.”

4. Arahato kāye viṣaṃ na kameyya, satthaṃ na kameyya, aggi na kameyyāti?

Āmantā.

N'atthi Arahantaghātako ti?

Na h'evaṃ vattabbe—pe—

5. Atthi Arahato akālamaccūti?

Āmantā.

Nanu vuttaṃ Bhagavatā—“Nāhaṃ Bhikkhave sañcetanikānaṃ kammānaṃ katānaṃ upacitānaṃ appaṭisaṃveditvā byantibhāvaṃ vadāmi, tañ ca kho diṭṭh'eva dhamme uppajje<sup>2</sup> vā apare vā pariyāye ti.<sup>3</sup>” Atth'eva suttanto ti?

<sup>1</sup> opeti, M.

<sup>2</sup> uppajjaṃ, P.S.; upapajje, K.

<sup>3</sup> pariyāyehi, P.

Āmantā.

Teha hi n'atthi Arahato akālamaccūti.

N'atthi Arahato akālamaccūti kathā.

---

XVII. 3.

1. Sabbam idam kammato ti?

Āmantā.

Kammaṃ pi kammato ti?

Na h'evaṃ vattabbe—pe—

Sabbam idam kammato ti?

Āmantā.

Sabbam idam pubbekatahetūti?

Na h'evaṃ vattabbe—pe—

2. Sabbam idam kammato ti?

Āmantā.

Sabbam idam kammavipākato ti?

Na h'evaṃ vattabbe—pe—

Sabbam idam kammavipākato ti?

Āmantā.

Kammavipākena pāṇaṃ haneyyāti?

Na h'evaṃ vattabbe—pe—

Pāṇātipāto saphalo ti?

Āmantā.

Kammavipāko saphalo ti?

Na h'evaṃ vattabbe—pe—

Kammavipāko aphalo ti?

Āmantā.

Pāṇātipāto aphalo ti?

Na h'evaṃ vattabbe—pe—

3. Kammavipākena adinnaṃ ādiyeyya — pe — musā bhaṇeyya, piṣuṇaṃ bhaṇeyya, pharusam bhaṇeyya, saṃphappalapeyya, sandhiṃ chindeyya, nillopaṃ hareyya, ekāgārikaṃ kareyya, paripanthe tiṭṭheyya, parādāraṃ gaccheyya, gāmaghātaṃ kareyya, nigamaghātaṃ kareyya, kammavipākena dānaṃ dadeyya, cīvaraṃ

dadeyya, piṇḍapātamaṃ dadeyya, senāsanamaṃ dadeyya,  
gilānapaccayabhesajjaparikkhāraṃ dadeyyāti?

Āmantā.

Gilānapaccayabhesajjaparikkhāro saphalo ti?

Āmantā.

Kammavipāko saphalo ti?

Na h'evaṃ vattabbe—pe—

Kammavipāko aphalo ti?

Āmantā.

Gilānapaccayabhesajjaparikkhāro aphalo ti?

Na h'evaṃ vattabbe—pe—

4. Na vattabbaṃ “Sabbamaṃ idamaṃ kammato ti”?

Āmantā.

Nanu vuttamaṃ Bhagavatā—

“Kammunā<sup>1</sup> vattati loko kammunā vattati pajā  
Kammanibandhanā sattā rathassānīva<sup>2</sup> yāyato.  
Kammena kittiṃ<sup>3</sup> labhate pasamsaṃ,  
Kammena jāniṃ<sup>4</sup> ca vadhañ ca bandhaṃ,  
Tamaṃ kammaṃ nānākaraṇamaṃ veditvā  
Kasmā vade n'atthi<sup>5</sup> kamman ti loke ti.”

Atth'eva suttanta ti?

Āmantā.

Tena hi sabbamaṃ idamaṃ kammato ti.

Sabbamaṃ idamaṃ kammato ti kathā.

#### XVII. 4.

1. Indriyabaddhañ ñeva dukkhaṃ ti?

Āmantā.

Indriyabaddhañ ñeva aniccaṃ samkhataṃ paṭicca-

<sup>1</sup> kammānaṃ, P.S.      <sup>2</sup> rapassani, S.; rathasani, P.

<sup>3</sup> kitti, P.      <sup>4</sup> jati, P.; jānaṃ, M.; nati, S.

<sup>5</sup> vedanatthi, P.; vadenanti, S.

samuppannaṃ khayadhammaṃ vayadhammaṃ virāga-  
dhammaṃ nirodhadhammaṃ vipariṇāmadhammaṃ ti ?

Na h'evaṃ vattabbe—pe—

Nanu anindriyabaddhaṃ aniccaṃ saṃkhatam paṭicca-  
samuppannaṃ khayadhammaṃ vayadhammaṃ virāga-  
dhāmmaṃ nirodhadhammaṃ vipariṇāmadhammaṃ ti ?

Āmantā.

Hañci anindriyabaddhaṃ — pe — vipariṇāmadhammaṃ,  
no vata re vattabbe “ Indriyabaddhañ ñeva dukkhan ti.”

2. Anindriyabaddhaṃ aniccaṃ — pe — vipariṇāma-  
dhammaṃ, tañ ca na<sup>1</sup> dukkhan ti ?

Āmantā.

Indriyabaddhaṃ aniccaṃ — pe — vipariṇāmadhammaṃ,  
tañ ca na<sup>1</sup> dukkhan ti ?

Na h'evaṃ vattabbe—pe—

Indriyabaddhaṃ aniccaṃ — pe — vipariṇāmadhammaṃ,  
tañ ca dukkhan ti ?

Āmantā.

Anindriyabaddhaṃ aniccaṃ — pe — vipariṇāmadham-  
maṃ, tañ ca dukkhan ti ?

Na h'evaṃ vattabbe—pe—

3. Indriyabaddhañ ñeva dukkhan ti ?

Āmantā.

Nanu yad aniccaṃ tam dukkham vuttam Bhagavatā,  
anindriyabaddhaṃ aniccaṃ ti ?

Āmantā.

Hañci yad aniccaṃ tam dukkham vuttam Bhagavatā,  
anindriyabaddhaṃ aniccaṃ, no vata re vattabbe “ Indriya-  
baddhañ ñeva dukkhan ti.”

4. Na vattabbaṃ “ Indriyabaddhañ ñeva dukkhan ti ” ?

Āmantā.

Yathā indriyabaddhassa dukkhassa pariññāya Bhagavati  
brahmacariyaṃ vussati, evamevaṃ anindriyabaddhassa  
dukkhassa pariññāya Bhagavati brahmacariyaṃ vussatīti ?

Na h'evaṃ vattabbe—pe—

Yathā indriyabaddhaṃ dukkham pariññātam na puna

<sup>1</sup> M. omits na.

uppajjati, evamevaṃ anindriyabaddhaṃ dukkhaṃ pariñ-  
ñātaṃ na puna uppajjatīti ?

Na h'evaṃ vattabbe—pe—

Tena hi indriyabaddhañ ñeva dukkhaṃ ti.

I n d r i y a b a d d h a k a t h ā .

---

XVII. 5.

1. Ṭhapetvā ariyamaggaṃ avasesā saṃkhārā dukkhā  
ti ?

Āmantā.

Dukkhasamudayo pi dukkho ti ?

Na h'evaṃ vattabbe—pe—

Dukkhasamudayo pi dukkho ti ?

Āmantā.

Tiṇ'eva ariyasaccānīti ?

Na h'evaṃ vattabbe—pe—

Tiṇ'eva ariyasaccānīti ?

Āmantā.

Nanu cattāri ariyasaccāni vuttāni Bhagavatā—Duk-  
khaṃ, Dukkhasamudayo, Dukkhanirodho, Dukkhaniro-  
dhagāminī paṭipadā ti ?

Āmantā.

Hañci cattāri ariyasaccāni vuttāni Bhagavatā—Duk-  
khaṃ, Dukkhasamudayo, Dukkhanirodho, Dukkhaniro-  
dhagāminī paṭipadā, no vata re vattabbe “Tiṇ'eva ariya-  
saccānīti.”

2. Dukkhasamudayo pi dukkho ti ?

Āmantā.

Ken'aṭṭhenāti ?

Aniccaṭṭhenāti.<sup>1</sup>

Ariyamaggo anicco ti ?

Āmantā.

Ariyamaggo dukkho ti ?

---

<sup>1</sup> aniccaṭṭhena, M.

Na h'evaṃ vattabbe—pe—

Ariyamaggo anicco so ca na dukkho ti?

Āmantā.

Dukkhasamudayo anicco so ca na dukkho ti?

Na h'evaṃ vattabbe—pe—

Dukkhasamudayo anicco so ca dukkho ti?

Āmantā.

Ariyamaggo anicco so ca dukkho ti?

Na h'evaṃ vattabbe—pe—

3. Na vattabbaṃ “Thapetvā ariyamaggaṃ avasesā saṃkhārā dukkhā ti”?

Āmantā.

Nanu sā dukkhanirodhagāminī paṭipadā ti?

Āmantā.

Hañci sā dukkhanirodhagāminī paṭipadā, tena vata re vattabbe “Thapetvā ariyamaggaṃ avasesā saṃkhārā dukkhā ti.”

Thapetvā ariyamaggaṃ ti kathā.

---

## XVII. 6.

1. Na vattabbaṃ “Saṃgho dakkhiṇaṃ paṭigaṇhātīti”?

Āmantā.

Nanu Saṃgho āhuneyyo pāhuneyyo dakkhiṇeyyo añjalikaraṇīyo anuttaraṃ puññakkhettaṃ lokassāti?

Āmantā.

Hañci Saṃgho āhuneyyo—pe—lokassa, tena vata re vattabbe “Saṃgho dakkhiṇaṃ paṭigaṇhātīti.”

2. Na vattabbaṃ “Saṃgho dakkhiṇaṃ paṭigaṇhātīti”?

Āmantā.

Nanu cattāro purisayugā, aṭṭha purisapuggalā dakkhiṇeyyā vuttā Bhagavatā ti?

Āmantā.

Hañci cattāro purisayugā, aṭṭha purisapuggalā dakkhi-

---

<sup>1</sup> paṭigg°, P.S₂.

ṇeyyā vuttā Bhagavatā, tena vata re vattabbe “ Saṅgho dakkhiṇaṃ paṭigaṇhātīti.”

3. Na vattabbaṃ “ Saṅgho dakkhiṇaṃ paṭigaṇhātīti ”?  
Āmantā.

Nanu atthi keci Saṅghassa dānaṃ denti?  
Āmantā.

Hañci atthi keci Saṅghassa dānaṃ denti, tena vata re vattabbe “ Saṅgho dakkhiṇaṃ paṭigaṇhātīti.”

Nanu atthi keci Saṅghassa cīvaram denti, piṇḍapātaṃ denti, senāsaṇaṃ denti, gilānapaccayabhesajjaparikkhāraṃ denti, khādaniyaṃ denti, bhojaniyaṃ denti—pe—pāniyaṃ denti?  
Āmantā.

Hañci atthi keci Saṅghassa cīvaram denti, piṇḍapātaṃ denti, senāsaṇaṃ denti, gilānapaccayabhesajjaparikkhāraṃ denti, khādaniyaṃ denti, bhojaniyaṃ denti—pe—pāniyaṃ denti, tena vata re vattabbe “ Saṅgho dakkhiṇaṃ paṭigaṇhātīti.”

4. Na vattabbaṃ “ Saṅgho dakkhiṇaṃ paṭigaṇhātīti ”?  
Āmantā.

Nanu vuttaṃ Bhagavatā—

“ Āhuti<sup>1</sup> jātavedo va mahāmeghaṃ va medinī<sup>2</sup>  
Saṅgho samādhisampanno paṭigaṇhāti dakkhiṇaṃ ti.”

Atth’eva suttanto ti?

Āmantā.

Tena hi Saṅgho dakkhiṇaṃ paṭigaṇhātīti.

5 Saṅgho dakkhiṇaṃ paṭigaṇhātīti?

Āmantā.

Maggo paṭigaṇhāti, phalaṃ paṭigaṇhātīti?

Na h’evaṃ vattabbe—pe—

Na vattabbaṃ “ Saṅgho dakkhiṇaṃ paṭigaṇhātīti ” kathā.

<sup>1</sup> ahutiṃ, P. ; āhati, S.    <sup>2</sup> medinī, P. ; medanī, S.M.

## XVII. 7.

1. Na vattabbaṃ “ Saṃgho dakkhiṇaṃ visodhetīti ” ?  
Āmantā.

Nanu Saṃgho āhuneyyo pāhuneyyo dakkhiṇeyyo  
añjalikaraṇīyo anuttaraṃ puññakkhettaṃ lokassāti ?

Āmantā.

Hañci Saṃgho āhuneyyo—pe—lokassa, tena vata re  
vattabbe “ Saṃgho dakkhiṇaṃ visodhetīti.”

2. Na vattabbaṃ “ Saṃgho dakkhiṇaṃ visodhetīti ” ?

Āmantā.

Nanu cattāro purisayugā aṭṭha purisapuggalā dakkhi-  
ṇeyyā vuttā Bhagavatā ti ?

Āmantā.

Hañci cattāro purisayugā, aṭṭha purisapuggalā dakkhi-  
ṇeyyā vuttā Bhagavatā, tena vata re vattabbe “ Saṃgho  
dakkhiṇaṃ visodhetīti.”

3. Na vattabbaṃ “ Saṃgho dakkhiṇaṃ visodhetīti ” ?

Āmantā.

Nanu atthi keci Saṃghassa dānaṃ datvā dakkhiṇaṃ  
ārādhentīti ?

Āmantā.

Hañci atthi keci Saṃghassa dānaṃ datvā dakkhiṇaṃ  
ārādhenti, tena vata re vattabbe “ Saṃgho dakkhiṇaṃ  
visodhetīti.”

Nanu atthi keci Saṃghassa cīvaraṃ datvā—pe—piṇ-  
ḍapātāṃ datvā—pe—senāsaṇaṃ datvā—pe—gilāna-  
paccayabhesajjaparikkhāraṃ datvā—pe—khādaniyaṃ  
datvā—pe—bhojanīyaṃ datvā—pe—pānīyaṃ datvā dak-  
khiṇaṃ ārādhentīti ?

Āmantā.

Hañci atthi keci Saṃghassa pānīyaṃ datvā dakkhiṇaṃ  
ārādhenti, tena vata re vattabbe “ Saṃgho dakkhiṇaṃ  
visodhetīti.”

4. Saṃgho dakkhiṇaṃ visodhetīti ?

Āmantā.

Maggo visodhetti, phalaṃ visodhetīti ?

Na h'evaṃ vattabbe—pe—

Na vattabbaṃ “Saṃgho dakkhiṇaṃ  
visodhetīti” kathā.

XVII. 8.

1. Na vattabbaṃ “Saṃgho bhuñjati pivati khādati  
sāyatīti” ?

Āmantā.

Nanu atthi keci saṃghabhattāni karonti, uddesabhattāni  
karonti, yāgupānāni<sup>1</sup> karontīti ?

Āmantā.

Hañci atthi keci saṃghabhattāni karonti, uddesabhattāni  
karonti, yāgupānāni<sup>1</sup> karonti, tena vata re vattabbe  
“Saṃgho bhuñjati pivati khādati sāyatīti.”

2. Na vattabbaṃ “Saṃgho bhuñjati pivati khādati  
sāyatīti” ?

Āmantā.

Nanu vuttaṃ Bhagavatā gaṇabhojanaṃ paramparabho-  
janaṃ atirittabhojanaṃ anatirittabhojanaṃ ti ?

Āmantā.

Hañci vuttaṃ Bhagavatā gaṇabhojanaṃ paramparabho-  
janaṃ atirittabhojanaṃ anatirittabhojanaṃ, tena vata re  
vattabbe “Saṃgho bhuñjati pivati khādati sāyatīti.”

3. Na vattabbaṃ “Saṃgho bhuñjati pivati khādati  
sāyatīti” ?

Āmantā.

Nanu aṭṭha pānāni vuttāni Bhagavatā—ambapānaṃ  
jambupānaṃ cocapānaṃ mocapānaṃ madhupānaṃ mud-  
dikapānaṃ sālukupānaṃ phārusakapānaṃ ti ?

Āmantā.

Hañci aṭṭha pānāni vuttāni Bhagavatā—ambapānaṃ  
jambupānaṃ cocapānaṃ mocapānaṃ madhupānaṃ mud-

<sup>1</sup> yāgunāpāni, P.

dikapānaṃ sālūkapānaṃ phārusakapānaṃ, tena vata re vattabbe “Saṃgho bhuñjati pivati khādati sāyatīti.”

4. Saṃgho bhuñjati pivati khādati sāyatīti?

Āmantā.

Maggo bhuñjati pivati khādati sāyati, phalaṃ bhuñjati pivati khādati sāyatīti?

Na h'evaṃ vattabbe—pe—

Na vattabbaṃ “Saṃgho bhuñjatīti” kathā.

### XVII. 9.

1. Na vattabbaṃ “Saṃghassa dinnam mahapphalan ti”?

Āmantā.

Nanu Saṃgho āhuneyyo pāhuneyyo dakkhiṇeyyo añjalikaraṇīyo anuttaram puññakkhettaṃ lokassāti?

Āmantā.

Hañci Saṃgho āhuneyyo—pe—lokassa, tena vata re vattabbe “Saṃghassa dinnam mahapphalan ti.”

2. Na vattabbaṃ “Saṃghassa dinnam mahapphalan ti”?

Āmantā.

Nanu cattāro purisayugā, aṭṭha purisapuggalā dakkhiṇeyyā vuttā Bhagavatā ti?

Āmantā.

Hañci cattāro purisayugā, aṭṭha purisapuggalā dakkhiṇeyyā vuttā Bhagavatā, tena vata re vattabbe “Saṃghassa dinnam mahapphalan ti.”

3. Na vattabbaṃ “Saṃghassa dinnam mahapphalan ti”?

Āmantā.

Nanu vuttaṃ Bhagavatā—“Saṃghe Gotamī dehi,<sup>1</sup> Saṃghe te dinne ahañ c'eva pūjito bhavissāmi Saṃgho cāti.”

<sup>1</sup> deti, M.

Atth'eva suttanto ti ?

Āmantā.

Tena hi Saṃghassa dinnam mahapphalan ti.

4. Na vattabbam "Saṃghassa dinnam mahapphalan ti" ?

Āmantā.

Nanu Sakko devānam indo Bhagavantam etad avoca—

"Yajamānānam manussānam puññapekhānapāṇinam <sup>1</sup>  
Karotam <sup>2</sup> opadhikam <sup>3</sup> puññam kattha dinnam mahap-  
phalan ti."

"Cattāro ca paṭipannā cattāro ca phale t̥hitā  
Esasamgho ujubhūto paññāsīlasamāhito.  
Yajamānānam manussānam puññapekhānapāṇinam  
Karotam opadhikam puññam Saṃghe dinnam mahap-  
phalan ti."

"Eso hi Saṃgho vipulo mahaggato  
Esappameyyo udadhīva sāgaro  
Ete hi setthā naravīrasāvaka <sup>4</sup>  
Pabhaṅkarā dhammam udīrayan ti.<sup>5</sup>  
Tesam sudinnam suhutam suyittham  
Ye samgham uddissa <sup>6</sup> dadanti dānam  
Sā dakkhiṇā Saṃhagatā paṭit̥hitā  
Mahapphalā lokavidūna <sup>7</sup> vaṇṇitā <sup>8</sup>  
Etādisam yaññam anussarantā <sup>9</sup>  
Ye vedajātā <sup>10</sup> viharanti <sup>11</sup> loke  
Vineyya maccheram alam samālam <sup>12</sup>  
Aninditā saggam upenti t̥hānan ti."

<sup>1</sup> puññasekh°, M.

<sup>2</sup> karontam, P.

<sup>3</sup> opacitam, P.M.S.S<sub>2</sub>.

<sup>4</sup> nivirayasāvaka, M. ; naraviriyasāvaka, P.S.S<sub>2</sub>.

<sup>5</sup> dhammā mudirayan ti, M.

<sup>6</sup> samghassa muddissa, P.S<sub>2</sub> ; samghassa mudittā, S.

<sup>7</sup> lokavidunā, M.

<sup>8</sup> vannitā, S.

<sup>9</sup> °dantā, S.

<sup>10</sup> ye'va jātā, S. ; ce da jātā°, P.

<sup>11</sup> vicaranti, K.

<sup>12</sup> vineyya malam samula, S.

Atth'eva suttanto ti?

Āmantā.

Tena hi Saṅghassa dinnam mahapphalan ti.

Na vattabbam "Saṅghassa dinnam mahapphalan ti" kathā.

XVII. 10.

1. Na vattabbam "Buddhassa dinnam mahapphalan ti"?

Āmantā.

Nanu Bhagavā dipadānam<sup>1</sup> aggo, dipadānam seṭṭho, dipadānam pamokkho, dipadānam uttamo, dipadānam pavaro asamo asamasamo appaṭisamo appaṭibhāgo appaṭipuggalo ti?

Āmantā.

Hañci Bhagavā dipadānam aggo, dipadānam seṭṭho, dipadānam pamokkho, dipadānam uttamo, dipadānam pavaro asamo asamasamo appaṭisamo appaṭibhāgo appaṭipuggalo, tena vata re vattabbe "Buddhassa dinnam mahapphalan ti."

2. Na vattabbam "Buddhassa dinnam mahapphalan ti"?

Āmantā.

Atthi keci Buddhena samasamo sīlena samādhinā paññāyāti?

N'atthi.

Hañci n'atthi keci Buddhena samasamo sīlena samādhinā paññāya, tena vata re vattabbe "Buddhassa dinnam mahapphalan ti."

3. Na vattabbam "Buddhassa dinnam mahapphalan ti"?

Āmantā.

Nanu vuttam Bhagavatā—"Nayimasmiṃ vā loke

<sup>1</sup> dvipadānam, M.

parasmim vā pana<sup>1</sup> Buddhena seṭṭho ca<sup>2</sup> samo ca vijjati,<sup>3</sup> yamāhuneyyānaṃ<sup>4</sup> aggaṭaṃ gato, puññattikānaṃ vipulaphalesinaṃ<sup>5</sup> ti.”

Atth'eva suttanto ti?

Āmantā.

Tena hi Buddhassa dinnam mahapphalan ti.

Na vattabbaṃ “Buddhassa dinnam mahapphalan ti” kathā.

---

XVII. 11.

1. Dāyakato va dānaṃ visujjhati, no paṭiggāhakato ti?

Āmantā.

Nanu atthi keci paṭiggāhakā āhuneyyā pāhuneyyā dakkhiṇeyyā añjalikaraṇīyā anuttaraṃ puññakkhettaṃ lokassāti?

Āmantā.

Hañci atthi keci paṭiggāhakā āhuneyyā pāhuneyyā dakkhiṇeyyā añjalikaraṇīyā anuttaraṃ puññakkhettaṃ lokassa, no vata re vattabbe “Dāyakato va dānaṃ visujjhati, no paṭiggāhakato ti.”

2. Dāyakato va dānaṃ visujjhati, no paṭiggāhakato ti?

Āmantā.

Nanu cattāro purisayugā aṭṭha purisapuggalā dakkhiṇeyyā vuttā Bhagavatā ti?

Āmantā.

Hañci cattāro purisayugā aṭṭha purisapuggalā dakkhiṇeyyā vuttā Bhagavatā, no vata re vattabbe “Dāyakato va dānaṃ visujjhati, no paṭiggāhakato ti.”

3. Dāyakato va dānaṃ visujjhati, no paṭiggāhakato ti?

Āmantā.

---

<sup>1</sup> puna, M.

<sup>2</sup> After ca P. inserts na.

<sup>3</sup> vijjhati, M.

<sup>4</sup> yathā āhunveyyānaṃ, M.

<sup>5</sup> °sīnan ti, M.

Nanu atthi keci sotāpanne <sup>1</sup> dānaṃ datvā dakkhiṇaṃ  
ārādhentīti?

Āmantā.

Hañci atthi keci sotāpanne dānaṃ datvā dakkhiṇaṃ  
ārādhenti, no vata re vattabbe “Dāyakato va dānaṃ  
visujjhati, no paṭiggāhakato ti.”

Nanu atthi keci sakadāgāmissa—pe—anāgāmissa—pe—  
Arahato dānaṃ datvā dakkhiṇaṃ ārādhentīti?

Āmantā.

Hañci atthi keci Arahato dānaṃ datvā dakkhiṇaṃ  
ārādhenti, no vata re vattabbe “Dāyakato va dānaṃ  
visujjhati, no paṭiggāhakato ti.”

4. Paṭiggāhakato dānaṃ visujjhatīti?

Āmantā.

Añño aññassa kāraṅko, parakatam sukhadukkham, añño  
karoti añño paṭisaṃvedetīti?

Na h’evaṃ vattabbe—pe—

Dāyakato va dānaṃ visujjhati, na paṭiggāhakato ti?

Āmantā.

Nanu vuttam Bhagavatā—“Catasso kho im’ Ānanda  
dakkhiṇā visuddhiyo. Katamā catasso? Atth’ Ānanda  
dakkhiṇā dāyakato visujjhati no paṭiggāhakato, atth’  
Ānanda dakkhiṇā paṭiggāhakato visujjhati no dāyakato,  
atth’ Ānanda dakkhiṇā dāyakato c’eva visujjhati paṭig-  
gāhakato ca, atth’ Ānanda dakkhiṇā n’eva dāyakato  
visujjhati no paṭiggāhakato. Imā kho Ānanda catasso  
dakkhiṇā visuddhiyo ti.”

Atth’eva suttanto ti?

Āmantā.

Tena hi na vattabbam “Dāyakato va dānaṃ visujjhati,  
no paṭiggāhakato ti.”

Dakkhiṇā visuddhikathā.

<sup>1</sup> °pannā, M.

## Vaggo sattarasamo.

Atthi Arahato puññūpacayo, N'atthi Arahato akālamaccu,  
 Sabbam idam kammato, Indriyabaddhañ ñeva dukkham,  
 Thapetvā ariyamaggaṃ avasesā saṃkhārā dukkhā,  
 Saṃgho dakkhiṇaṃ paṭigaṇhāti, Saṃgho dakkhiṇaṃ  
     visodheti,  
 Saṃgho bhujjati pivati khādati sāyati, Saṃghassa dinnam  
     mahapphalam,  
 Atthi dānam visuddhiyā ti.

---

## XVIII. 1.

1. Na vattabbaṃ “Buddho Bhagavā manussaloke aṭṭhāsīti”?

Āmantā.

Nanu atthi Buddhavuttāni <sup>1</sup> cetiyāni ārāma-vihāragāma-nigamanagarāni raṭṭhāni janapadānīti?

Āmantā.

Hañci atthi Buddhavuttāni cetiyāni ārāma-vihāragāma-nigamanagarāni raṭṭhāni janapadāni, tena vata re vattabbe “Buddho Bhagavā manussaloke aṭṭhāsīti.”

2. Na vattabbaṃ “Buddho Bhagavā manussaloke aṭṭhāsīti”?

Āmantā.

Nanu Bhagavā Lumbiniyā <sup>2</sup> jāto, Bodhiyā mūle abhisambuddho, Bārāṇasīyaṃ Bhagavatā Dhammacakkaṃ pavattitaṃ, Cāpāle <sup>3</sup> cetiye āyusaṃkhāro ossaṭṭho, Kusinārāyaṃ Bhagavā parinibbuto ti?

Āmantā.

Hañci Bhagavā Lumbiniyā jāto, Bodhiyā mūle abhisambuddho, Bārāṇasīyaṃ Bhagavatā Dhammacakkaṃ pavattitaṃ, Cāpāle cetiye āyusaṃkhāro ossaṭṭho, Kusinārāyaṃ Bhagavā parinibbuto, tena vata re vattabbe “Buddho Bhagavā manussaloke aṭṭhāsīti.”

3. Na vattabbaṃ “Buddho Bhagavā manussaloke aṭṭhāsīti”?

Āmantā.

Nanu vuttaṃ Bhagavatā—“Ekaṃ idāhaṃ Bhikkhave samayaṃ Ukkatṭhāyaṃ viharāmi Subhagavane sālārājamūle ti, ekaṃ idāhaṃ Bhikkhave samayaṃ Uruvelāyaṃ viharāmi Ajapālanigrodhe paṭṭhamābhisaṃbuddho ti, ekaṃ idāhaṃ Bhikkhave samayaṃ Rājagahe viharāmi Veḷuvane Kalandakanivāpe ti, ekaṃ idāhaṃ Bhikkhave samayaṃ Sāvatthiyaṃ viharāmi Jetavane Anāthapiṇḍikassa ārāme

<sup>1</sup> vutthāni, K.

<sup>2</sup> Lam°, P.

<sup>3</sup> Tāpāle, P. ; Cātapāle, S. ; Pāvāle, K.

ti, ekaṃ idāhaṃ Bhikkhave samayaṃ Vesāliyaṃ viharāmi Mahāvane kuṭāgārasālāyan<sup>1</sup> ti.” Atth’eva suttanto ti?

Āmantā.

Tena hi Buddho Bhagavā manussaloke aṭṭhāsīti.

4. Buddho Bhagavā manussaloke aṭṭhāsīti?

Āmantā.

Nanu Bhagavā loke jāto loke sambuddho lokaṃ abhi-  
bhuyya viharati anupalitto lokenāti?

Āmantā.

Hañci Bhagavā loke jāto loke sambuddho lokaṃ abhi-  
bhuyya viharati anupalitto lokena, no vata re vattabbe  
“Buddho Bhagavā manussaloke aṭṭhāsīti.”

Manussalokakathā.

### XVIII. 2.

1. Na vattabbaṃ “Buddhena Bhagavatā Dhammo  
desito ti”?

Āmantā.

Kena desito ti? Abhinimmitena desito ti.

Abhinimmito Jino Satthā Sammāsambuddho Sabbaññū  
Sabbadassāvī Dhammasāmī Dhammapaṭisaraṇo ti?

Na h’evaṃ vattabbe—pe—

2. Na vattabbaṃ “Buddhena Bhagavatā Dhammo  
desito ti”?

Āmantā.

Kena desito ti? Āyasmatā Ānandena desito ti.

Āyasmā Ānando Jino Satthā—pe—Dhammapaṭisaraṇo  
ti?

Na h’evaṃ vattabbe—pe—

3. Na vattabbaṃ “Buddhena Bhagavatā Dhammo  
desito ti”?

Āmantā.

<sup>1</sup> Kuṭṭha°, M.

Nanū vuttaṃ Bhagavatā—“ Saṃkhittena pi kho ahaṃ Sāriputta dhammaṃ deseyyaṃ, vitthārena pi kho ahaṃ Sāriputta dhammaṃ deseyyaṃ, saṃkhittavitthārena pi kho ahaṃ Sāriputta dhammaṃ deseyyaṃ, aññātāro va dullabhā<sup>1</sup> ti.”

Atth'eva suttanto ti?

Āmantā.

Tena hi Buddhena Bhagavatā Dhammo desito ti.

4. Na vattabbaṃ “Buddhena Bhagavatā Dhammo desito ti”?

Āmantā.

Nanu vuttaṃ Bhagavatā—“ Abhiññāyāhaṃ Bhikkhave Dhammaṃ desemi no anabhiññāya, sanidānāhaṃ Bhikkhave Dhammaṃ desemi no anidānaṃ, sappāṭihāriyāhaṃ Bhikkhave Dhammaṃ desemi no appāṭihāriyaṃ, yañ c'assa<sup>2</sup> mayhaṃ Bhikkhave abhiññāya Dhammaṃ desayato no anabhiññāya, sanidānaṃ Dhammaṃ desayato no anidānaṃ, sappāṭihāriyaṃ Dhammaṃ desayato no appāṭihāriyaṃ karaṇīyo ovādo karaṇīyo anusāsani, alaṅ ca pana vo Bhikkhave tuṭṭhiyā,<sup>3</sup> alaṃ attamanatāya, alaṃ somanasāya Sammāsambuddho Bhagavā, svākhyāto<sup>4</sup> Dhammo suppaṭipanno Saṃgho ti.

Imasmiṃ ca pana veyyākaraṇasmiṃ bhaññamāne dasasahassī lokadhātu akampitthā ti.”

Atth'eva suttanto ti?

Āmantā.

Tena hi Buddhena Bhagavatā Dhammo desito ti.

D h a m m a d e s a n ā k a t h ā .

### XVIII. 3.

1. N'atthi Buddhassa Bhagavato karuṇā ti?

Āmantā.

N'atthi Buddhassa Bhagavato mettā ti?

<sup>1</sup> dullabho, P.S.<sub>2</sub>.

<sup>2</sup> K. reads tassa for yañ c'assa.

<sup>3</sup> oyo, P.

<sup>4</sup> svākkhāto, P.S.

Na h'evaṃ vattabbe—pe—

N'atthi Buddhassa Bhagavato karuṇā ti?

Āmantā.

N'atthi Buddhassa Bhagavato muditā—pe—upekkhā ti?

Na h'evaṃ vattabbe—pe—

2. Atthi Buddhassa Bhagavato mettā ti?

Āmantā.

Atthi Buddhassa Bhagavato karuṇā ti?

Na h'evaṃ vattabbe—pe—

Atthi Buddhassa Bhagavato muditā—pe—upekkhā ti?

Āmantā.

Atthi Buddhassa Bhagavato karuṇā ti?

Na h'evaṃ vattabbe—pe—

3. N'atthi Buddhassa Bhagavato karuṇā ti?

Āmantā.

Bhagavā akāruṇiko ti?

Na h'evaṃ vattabbe—pe—

Nanu Bhagavā kāruṇiko lokahito lokānukampako  
lokattthacaro<sup>1</sup> ti?

Āmantā.

Hañci Bhagavā kāruṇiko lokahito lokānukampako  
lokattthacaro, no vata re vattabbe “N'atthi Buddhassa  
Bhagavato karuṇā ti.”

4. N'atthi Buddhassa Bhagavato karuṇā ti?

Āmantā.

Nanu Bhagavā mahākaruṇā samāpattiṃ<sup>2</sup> samāpajjīti?

Āmantā.

Hañci Bhagavā mahākaruṇā samāpattiṃ samāpajjī, no  
vata re vattabbe “N'atthi Buddhassa Bhagavato karuṇā  
ti.”

5. Atthi Buddhassa Bhagavato karuṇā ti?

Āmantā.

Bhagavā sarāgo ti?

Na h'evaṃ vattabbe—pe—

Tena hi n'atthi Buddhassa Bhagavato karuṇā ti.

K a r u ṇ ā k a t h ā .

<sup>1</sup> lokattacaraṇo, P.S.

<sup>2</sup> °patti, P.S.

## XVIII. 4.

1. Buddhassa Bhagavato uccārapassāvo ativiya aññe gandhajāte adhigaṇhātīti?

Āmantā.

Bhagavā gandhabhojī ti?

Na h'evaṃ vattabbe—pe—

Nanu Bhagavā odanakummāsaṃ<sup>1</sup> bhuñjati?

Āmantā.

Hañci Bhagavā odanakummāsaṃ bhuñjati, no vata re vattabbe “Buddhassa Bhagavato uccārapassāvo ativiya aññe gandhajāte adhigaṇhātīti.”

2. Buddhassa Bhagavato uccārapassāvo ativiya aññe gandhajāte adhigaṇhātīti?

Āmantā.

Atthi keci Buddhassa Bhagavato uccārapassāvaṃ nahāyanti<sup>2</sup> vilimpenti<sup>3</sup> uccārenti, peḷāya patisāmenti, karaṇḍāya nikkhipenti, āpaṇe pasārenti,<sup>4</sup> tena ca gandhena gandhakaraṇīyaṃ karontīti?

Na h'evaṃ vattabbe—pe—

## G a n d h a j ā t i k a t h ā .

## XVIII. 5.

1. Ekena ariyamaggena cattāri sāmāññaphalāni sacchikarotīti?

Āmantā.

Catunnaṃ phassānaṃ—pe—catunnaṃ saññānaṃ samodhānaṃ hotīti?

Na h'evaṃ vattabbe—pe—

Ekena ariyamaggena cattāri sāmāññaphalāni sacchikarotīti?

Āmantā.

<sup>1</sup> °kumāsaṃ, M.

<sup>2</sup> nhāyo, M.K.

<sup>3</sup> vilipanti, M.K.

<sup>4</sup> passārenti, M.

Sotāpattimaggo ti ?

Na h'evaṃ vattabbe—pe—

Sakadāgāmi—pe—anāgāmi maggo ti ?

Na h'evaṃ vattabbe—pe—

Katamena maggeṇāti ? Arahattamaggeṇāti.

Arahattamaggena sakkāyadīṭṭhiṃ vicikiccham sīlabbataparāmāsam jahatīti ?

Na h'evaṃ vattabbe—pe—

Arahattamaggena sakkāyadīṭṭhiṃ vicikiccham sīlabbataparāmāsam jahatīti ?

Āmantā.

Nanu tiṇṇam saññojanānaṃ pahānaṃ sotāpattiphalaṃ vuttaṃ Bhagavatā ti ?

Āmantā.

Hañci tiṇṇam saññojanānaṃ pahānaṃ sotāpattiphalaṃ vuttaṃ Bhagavatā, no vata re vattabbe “Arahattamaggena sakkāyadīṭṭhiṃ vicikiccham sīlabbataparāmāsam jahatīti.”

2. Arahattamaggena oḷārikaṃ kāmarāgaṃ oḷārikaṃ byāpādaṃ jahatīti ?

Na h'evaṃ vattabbe—pe—

Arahattamaggena oḷārikaṃ kāmarāgaṃ oḷārikaṃ byāpādaṃ jahatīti ?

Āmantā.

Nanu kāmarāgabyāpādānaṃ tanubhāvaṃ<sup>1</sup> sakadāgāmi-phalaṃ vuttaṃ Bhagavatā ti ?

Āmantā.

Hañci kāmarāgabyāpādānaṃ tanubhāvaṃ sakadāgāmi-phalaṃ vuttaṃ Bhagavatā, no vata re vattabbe “Arahattamaggena oḷārikaṃ kāmarāgaṃ oḷārikaṃ byāpādaṃ jahatīti.”

3. Arahattamaggena aṇusahagataṃ kāmarāgaṃ aṇusahagataṃ byāpādaṃ jahatīti ?

Na h'evaṃ vattabbe—pe—

Arahattamaggena aṇusahagataṃ kāmarāgaṃ aṇusahagataṃ byāpādaṃ jahatīti ?

<sup>1</sup> patanu°, P.S<sub>2</sub>.

Āmantā.

Nanu kāmarāgabyāpādānaṃ anavasesappahānaṃ anā-gāmiphalaṃ vuttaṃ Bhagavatā ti?

Āmantā.

Hañci kāmarāgabyāpādānaṃ anavasesappahānaṃ anā-gāmiphalaṃ vuttaṃ Bhagavatā, no vata re vattabbe “Arahattamaggena aṇusahagataṃ kāmarāgaṃ aṇusahagataṃ byāpādaṃ jahatīti.”

4. Na vattabbaṃ “Ekena ariyamaggena cattāri sāmaññaphalāni sacchikarotīti”?

Āmantā.

Bhagavatā sotāpattimaggo bhāvito ti?

Āmantā.

Bhagavā sotāpanno ti?

Na h’evaṃ vattabbe—pe—

Bhagavatā sakadāgāmi—pe—anāgāmi maggo bhāvito ti?

Āmantā.

Bhagavā anāgāmi ti?

Na h’evaṃ vattabbe—pe—

5. Bhagavā ekena ariyamaggena cattāri sāmaññaphalāni sacchikaroti, sāvakā catūhi ariyamaggehi cattāri sāmaññaphalāni sacchikarontīti?

Āmantā.

Sāvakā Buddhassa Bhagavato adiṭṭhaṃ dakkhinti,<sup>1</sup> anadhigataṃ adhigacchanti, asacchikataṃ sacchikarontīti?

Na h’evaṃ vattabbe—pe—

E k a m a g g a k a t h ā .

XVIII. 6.

1. Jhānā jhānaṃ saṃkamatīti?

Āmantā.

<sup>1</sup> dakkhanti, M.K.

Paṭhamā jhānā<sup>1</sup> tatiyaṃ jhānaṃ saṃkamatīti ?

Na h'evaṃ vattabbe—pe—

Jhānā jhānaṃ saṃkamatīti ?

Āmantā.

Dutiyaṃ jhānā catutthaṃ jhānaṃ saṃkamatīti ?

Na h'evaṃ vattabbe—pe—

2. Paṭhamā jhānā dutiyaṃ jhānaṃ saṃkamatīti ?

Āmantā.

Yā paṭhamassa jhānassa uppādāya āvaṭṭanā—pe—  
paṇidhi, sā va dutiyassa jhānassa uppādāya āvaṭṭanā—pe  
—paṇidhīti ?

Na h'evaṃ vattabbe—pe—

Paṭhamā jhānā dutiyaṃ jhānaṃ saṃkamatīti, na vat-  
tabbaṃ “Yā paṭhamassa jhānassa uppādāya āvaṭṭanā—  
pe—paṇidhi, sā va dutiyassa jhānassa uppādāya āvaṭṭanā  
—pe—paṇidhīti” ?

Āmantā.

Dutiyaṃ jhānaṃ anāvaṭṭantassa uppajjati—pe—apaṇi-  
dahantassa uppajjati ?

Na h'evaṃ vattabbe—pe—

Nanu dutiyaṃ jhānaṃ āvaṭṭantassa uppajjati—pe—  
paṇidahantassa uppajjati ?

Āmantā.

Hañci dutiyaṃ jhānaṃ āvaṭṭantassa uppajjati—pe—  
paṇidahantassa uppajjati, no vata re vattabbe “Paṭhamā  
jhānā dutiyaṃ jhānaṃ saṃkamatīti.”

3. Paṭhamā jhānā dutiyaṃ jhānaṃ saṃkamatīti ?

Āmantā.

Paṭhamam jhānaṃ kāme ādīnavato<sup>2</sup> manasikaroto  
uppajjati ?

Āmantā.

Dutiyaṃ jhānaṃ kāme ādīnavato manasikaroto uppaj-  
jati ?

Na h'evaṃ vattabbe—pe—

Paṭhamam jhānaṃ savitakkaṃ savicāraṃ ti ?

<sup>1</sup> paṭhamajjhānā, P.S.S<sub>2</sub>.

<sup>2</sup> ādie, M.

Āmantā.

Dutiyam jhānam savitakkam savicāran ti ?

Na h'evam vattabbe—pe—

Paṭhamā jhānā dutiyam jhānam saṃkamatīti ?

Āmantā.

Tañ nēva paṭhamam jhānam tam dutiyam jhānan ti ?

Na h'evam vattabbe—pe—

4. Dutiyā jhānā tatiyam jhānam saṃkamatīti ?

Āmantā.

Yā dutiyassa jhānassa uppādāya āvaṭṭanā—pe—  
paṇidhi, sā va tatiyassa jhānassa uppādāya āvaṭṭanā—pe  
—paṇidhīti ?

Na h'evam vattabbe—pe—

Dutiyā jhānā tatiyam jhānam saṃkamatī, na vat-  
tabbam “ Yā dutiyassa jhānassa uppādāya āvaṭṭanā—pe  
—paṇidhi, sā va tatiyassa jhānassa uppādāya āvaṭṭanā  
—pe—paṇidhīti ” ?

Āmantā.

Tatiyam jhānam anāvaṭṭantassa uppajjati—pe—apanida-  
hantassa uppajjati ?

Na h'evam vattabbe—pe—

Nanu tatiyam jhānam āvaṭṭantassa uppajjati—pe—paṇi-  
dahantassa uppajjati ?

Āmantā.

Hañci tatiyam jhānam āvaṭṭantassa uppajjati—pe—  
paṇidahantassa uppajjati, no vata re vattabbe “ Dutiyā  
jhānā tatiyam jhānam saṃkamatīti.”

5. Dutiyā jhānā tatiyam jhānam saṃkamatīti ?

Āmantā.

Dutiyam jhānam vitakkavicāre ādīnavato manasikaroto  
uppajjati ?

Āmantā.

Tatiyam jhānam vitakkavicāre ādīnavato manasikaroto  
uppajjati ?

Na h'evam vattabbe—pe—

Dutiyam jhānam sappitikan ti ?

Āmantā.

Tatiyam jhānam sappitikan ti ?

Na h'evaṃ vattabbe—pe—

Dutiyā jhānā tatiyaṃ jhānaṃ saṃkamatīti?

Āmantā.

Tañ ñeva dutiyaṃ jhānaṃ taṃ tatiyaṃ jhānaṃ ti?

Na h'evaṃ vattabbe—pe—

6. Tatiyā jhānā catuttham jhānaṃ saṃkamatīti?

Āmantā.

Yā tatiyassa jhānassa uppādāya āvaṭṭanā—pe—  
paṇidhi, sā va catutthassa jhānassa uppādāya āvaṭṭanā—  
pe—paṇidhīti?

Na h'evaṃ vattabbe—pe—

Tatiyā jhānā catuttham jhānaṃ saṃkamatīti, na vat-  
tabbam “Yā tatiyassa jhānassa uppādāya āvaṭṭanā—pe—  
paṇidhi, sā va catutthassa jhānassa uppādāya āvaṭṭanā—  
pe—paṇidhīti”?

Āmantā.

Catuttham jhānaṃ anāvaṭṭantassa uppajjati—pe—apaṇi-  
dahantassa uppajjati?

Na h'evaṃ vattabbe—pe—

Nanu catuttham jhānaṃ āvaṭṭantassa uppajjati—pe—  
paṇidahantassa uppajjati?

Āmantā.

Hañci catuttham jhānaṃ āvaṭṭantassa uppajjati—pe—  
paṇidahantassa uppajjati, no vata re vattabbe “Tatiyā  
jhānā catuttham jhānaṃ saṃkamatīti.”

7. Tatiyā jhānā catuttham jhānaṃ saṃkamatīti?

Āmantā.

Tatiyaṃ jhānaṃ pītiṃ<sup>1</sup> ādīnavato manasikaroto uppaj-  
jatīti?

Āmantā.

Catuttham jhānaṃ pītiṃ ādīnavato manasikaroto uppaj-  
jatīti?

Na h'evaṃ vattabbe—pe—

Tatiyaṃ jhānaṃ sukhasahagatan ti?

Āmantā.

Catuttham jhānaṃ sukhasahagatan ti?

<sup>1</sup> pīti, P.S<sub>2</sub>.

Na h'evaṃ vattabbe—pe—

Tatīyā jhānā catutthaṃ jhānaṃ saṃkamaṭṭi?

Āmantā.

Tañ ñeva tatīyaṃ jhānaṃ taṃ catutthaṃ jhānaṃ ti?

Na h'evaṃ vattabbe—pe—

8. Na vattabbaṃ “Jhānā jhānaṃ saṃkamaṭṭi”?

Āmantā.

Nanu vuttaṃ Bhagavatā “Idha Bhikkhave bhikkhu vivicca'eva kāmehi—pe—catutthaṃ jhānaṃ upasampajja viharatīti.”

Atth'eva suttanta ti?

Āmantā.

Tena hi jhānā jhānaṃ saṃkamaṭṭi.

J h ā n a s a ṃ k a ṇ ṭ i k a t h ā .

### XVIII. 7.

1. Atthi jhānantarikā ti?

Āmantā.

Atthi phassantarikā—pe—atthi saññantarikā ti?

Na h'evaṃ vattabbe—pe—

Atthi jhānantarikā ti?

Āmantā.

Dutiyassa ca jhānassa tatīyassa ca jhānassa antare atthi jhānantarikā ti?

Na h'evaṃ vattabbe—pe—

Atthi jhānantarikā ti?

Āmantā.

Tatīyassa ca jhānassa catutthassa ca jhānassa antare atthi jhānantarikā ti?

Na h'evaṃ vattabbe—pe—

2. Dutiyassa ca jhānassa tatīyassa ca jhānassa antare n'atthi jhānantarikā ti?

Āmantā.

Hañci dutiyassa ca jhānassa tatīyassa ca jhānassa antare

n'atthi jhānantarikā, no vata re vattabbe "Atthi jhānantarikā ti."

Tatīyassa ca jhānassa catutthassa ca jhānassa antare n'atthi jhānantarikā ti?

Āmantā.

Hañci tatīyassa ca jhānassa catutthassa ca jhānassa antare n'atthi jhānantarikā, no vata re vattabbe "Atthi jhānantarikā ti."

3. Paṭhamassa ca jhānassa dutiyassa ca jhānassa antare atthi jhānantarikā ti?

Āmantā.

Dutiyassa ca jhānassa tatīyassa ca jhānassa antare atthi jhānantarikā ti?

Na h'evaṃ vattabbe—pe—

Paṭhamassa ca jhānassa dutiyassa ca jhānassa antare atthi jhānantarikā ti?

Āmantā.

Tatīyassa ca jhānassa catutthassa ca jhānassa antare atthi jhānantarikā ti?

Na h'evaṃ vattabbe—pe—

4. Dutiyassa ca jhānassa tatīyassa ca jhānassa antare n'atthi jhānantarikā ti?

Āmantā.

Paṭhamassa ca jhānassa dutiyassa ca jhānassa antare n'atthi jhānantarikā ti?

Na h'evaṃ vattabbe—pe—

Tatīyassa ca jhānassa catutthassa ca jhānassa antare n'atthi jhānantarikā ti?

Āmantā.

Paṭhamassa ca jhānassa dutiyassa ca jhānassa antare n'atthi jhānantarikā ti?

Na h'evaṃ vattabbe—pe—

5. Avitakko vicāramatto samādhi jhānantarikā ti?

Āmantā.

Savitakko savicāro samādhi jhānantarikā ti?

Na h'evaṃ vattabbe—pe—

Avitakko vicāramatto samādhi jhānantarikā ti?

Āmantā.

Avitakko avicāro samādhi jhānantarikā ti?

Na h'evaṃ vattabbe—pe—

6. Savitakko savicāro samādhi na jhānantarikā ti?

Āmantā.

Avitakko vicāramatto samādhi na jhānantarikā ti?

Na h'evaṃ vattabbe—pe—

Avitakko avicāro samādhi na jhānantarikā ti?

Āmantā.

Avitakko vicāramatto samādhi na jhānantarikā ti?

Na h'evaṃ vattabbe—pe—

7. Dvinnam jhānānam paṭupannānam <sup>1</sup> antare avitakko vicāramatto samādhīti?

Āmantā.

Nanu avitakke vicāramatte samādhimhi vattamāne paṭhamam jhānam niruddham, dutiyam jhānam anupannam <sup>2</sup> ti?

Āmantā.

Hañci avitakke vicāramatte samādhimhi vattamāne paṭhamam jhānam niruddham, dutiyam jhānam anupannam, no vata re vattabbe “Dvinnam jhānānam paṭupannānam antare avitakko vicāramatto samādhīti.”

8. Avitakko vicāramatto samādhi na jhānantarikā ti?

Āmantā.

Avitakko vicāramatto samādhi paṭhamam jhānam—pe—dutiyam jhānam—pe—tatiyam jhānam—pe—catuttham jhānan ti?

Na h'evaṃ vattabbe—pe—

Tena hi avitakko vicāramatto samādhi jhānantarikā ti.

9. Avitakko vicāramatto samādhi jhānantarikā ti?

Āmantā.

Nanu tayo samādhī vuttā Bhagavatā—savitakko savicāro samādhi, avitakko vicāramatto samādhi, avitakko avicāro samādhīti?

Āmantā.

Hañci tayo samādhī—pe—avicāro samādhi, no vata re

<sup>1</sup> paṭipannānam, P.S.<sub>2</sub>; paccuppannānam, Aṭṭh.

<sup>2</sup> paṭu°, M.

vattabbe “ Avitakko vicāramatto samādhi jhānantarikā ti.”

J h ā n a n t a r i k a k a t h ā .

XVIII. 8.

1. Samāpanno saddaṃ suṇātīti?

Āmantā.

Samāpanno cakkhunā rūpaṃ passati—pe—sotena—pe—  
ghānena—pe—jivhāya—pe—kāyena phoṭṭhabbaṃ phusa-  
tīti?

Na h’evaṃ vattabbe—pe—

Samāpanno saddaṃ suṇātīti?

Āmantā.

Sotaviññāṇasamaṅgī samāpanno ti?

Na h’evaṃ vattabbe—pe—

Nanu samādhi manoviññāṇasamaṅgissāti?

Āmantā.

Hañci samādhi manoviññāṇasamaṅgissa, no vata re  
vattabbe “ Samāpanno saddaṃ suṇātīti.”

2. Samādhi manoviññāṇasamaṅgissa sotaviññāṇasa-  
maṅgī saddaṃ suṇātīti?

Āmantā.

Hañci samādhi manoviññāṇasamaṅgissa sotaviññāṇa-  
samaṅgī saddaṃ suṇāti, no vata re vattabbe “ Samāpanno  
saddaṃ suṇātīti.”

Samādhi manoviññāṇasamaṅgissa sotaviññāṇasamaṅgī  
saddaṃ suṇātīti?

Āmantā.

Dvinnaṃ phassānaṃ—pe—dvinnaṃ cittānaṃ samodhā-  
naṃ hotīti?

Na h’evaṃ vattabbe—pe—

3. Na vattabbaṃ “ Samāpanno saddaṃ suṇātīti ”?

Āmantā.

Nanu paṭhamassa jhānassa saddo kaṇṭako<sup>1</sup> vutto Bha-  
gavatā ti?

<sup>1</sup> kaṇṭako, M.

Āmantā.

Hañci paṭhamassa jhānassa saddo kaṇṭako vutto Bhagavatā, tena vata re vattabbe “ Samāpanno saddaṃ suṇātīti.”

Paṭhamassa jhānassa saddo kaṇṭako vutto Bhagavatā ti, samāpanno saddaṃ suṇātīti?

Āmantā.

Dutiyassa jhānassa vitakko vicāro kaṇṭako vutto Bhagavatā, atthi tassa vitakkavicārā ti?

Na h'evaṃ vattabbe—pe—

Paṭhamassa jhānassa saddo kaṇṭako vutto Bhagavatā ti, samāpanno saddaṃ suṇātīti?

Āmantā.

Tatīyassa jhānassa pīti kaṇṭako, catutthassa jhānassa assāsapassāso kaṇṭako, ākāśānañcāyatanam samāpannassa rūpasaññā kaṇṭako, viññāṇañcāyatanam samāpannassa ākāśānañcāyatanasaññā kaṇṭako, ākiñcaññāyatanam samāpannassa viññāṇañcāyatanasaññā kaṇṭako, nevasaññānāsaññāyatanam samāpannassa ākiñcaññāyatanasaññā kaṇṭako, saññāvedayitanirodham samāpannassa saññā ca vedanā ca kaṇṭako vutto Bhagavatā, atthi tassa saññā ca vedanā cāti?

Na h'evaṃ vattabbe—pe—

S a d d a ṃ s u ṇ ā t ī t i k a t h ā .

### XVIII. 9.

1. Cakkhunā rūpaṃ passatīti<sup>1</sup>?

Āmantā.

Rūpena rūpaṃ passatīti?

Na h'evaṃ vattabbe—pe—

Rūpena rūpaṃ passatīti?

Āmantā.

Rūpeṇa rūpaṃ paṭivijānātīti?

<sup>1</sup> phassatīti, P.

Na h'evaṃ vattabbe—pe—  
Rūpena rūpaṃ paṭivijānātīti ?  
Āmantā.

Rūpaṃ manoviññāṇan ti ?

Na h'evaṃ vattabbe—pe—

2. Cakkhunā rūpaṃ passatīti ?

Āmantā.

Atthi cakkhussa āvaṭṭanā—pe—paṇidhīti ?

Na h'evaṃ vattabbe—pe—

Nanu n'atthi cakkhussa āvaṭṭanā—pe—paṇidhīti ?

Āmantā.

Hañci n'atthi cakkhussa āvaṭṭanā—pe—paṇidhi, no vata re vattabbe “Cakkhunā rūpaṃ passatīti.”

3. Sotena saddaṃ suṇātīti—pe—ghānena gandhaṃ ghāyatīti—pe—jivhāya rasaṃ sāyatīti—pe—kāyena photoṭṭhabbaṃ phusatīti ?

Āmantā.

Rūpena rūpaṃ phusatīti ?

Na h'evaṃ vattabbe—pe—

Rūpena rūpaṃ phusatīti ?

Āmantā.

Rūpena rūpaṃ paṭivijānātīti ?

Na h'evaṃ vattabbe—pe—

Rūpena rūpaṃ paṭivijānātīti ?

Āmantā.

Rūpaṃ manoviññāṇan ti ?

Na h'evaṃ vattabbe—pe—

4. Kāyena photoṭṭhabbaṃ phusatīti ?

Āmantā.

Atthi kāyassa āvaṭṭanā—pe—paṇidhīti ?

Na h'evaṃ vattabbe—pe—

Nanu n'atthi kāyassa āvaṭṭanā—pe—paṇidhīti ?

Āmantā.

Hañci n'atthi kāyassa āvaṭṭanā—pe—paṇidhi, no vata re vattabbe “Kāyena photoṭṭhabbaṃ phusatīti.”

5. Na vattabbaṃ “Cakkhunā rūpaṃ passatīti—pe—kāyena photoṭṭhabbaṃ phusatīti” ?

Āmantā.

Nanu vuttam̄ Bhagavatā—“Idha Bhikkhave bhikkhu cakkhunā rūpaṃ passati — pe — kāyena photoṭṭhabbam̄ phusatīti.”

Atth'eva suttanto ti?

Āmantā.

Tena hi cakkhunā rūpaṃ passatīti—pe—kāyena photoṭṭhabbam̄ phusatīti.

C a k k h u n ā r ū p a ṃ p a s s a t ī t i k a t h ā .

---

V a g g o a ṭ ṭ h ā r a s a m o .

Buddho Bhagavā manussaloke aṭṭhāsi,  
 Buddhena Bhagavatā Dhammo desito,  
 N'atthi Buddhassa Bhagavato karuṇā,  
 Buddhassa Bhagavato uccārapassāvo ativiya aññe gan-  
 dhajāte adhigaṇhāti,  
 Ekena ariyamaggena cattāri sāmāññaphalāni sacchika-  
 roti,  
 Jhānā jhānaṃ saṅkamati,  
 Atthi jhānantarikā,  
 Samāpanno saddaṃ suṇāti,  
 Cakkhunā rūpaṃ passati,  
 Kāyena photoṭṭhabbam̄ phusatīti.

## XIX. 1.

1. Atīte kilese jahatīti ?

Āmantā.

Niruddham nirodheti, vigataṃ vigameti, khīṇaṃ khepeti, atthaṅgataṃ <sup>1</sup> atthaṅgameti, abbatthaṅgataṃ abbatthaṅgametīti ?

Na h'evaṃ vattabbe—pe—

Atīte kilese jahatīti ?

Āmantā.

Nanu atītaṃ niruddhan ti ?

Āmantā.

Hañci atītaṃ niruddhaṃ, no vata re vattabbe “ Atīte kilese jahatīti.”

Atīte kilese jahatīti ?

Āmantā.

Nanu atītaṃ n'atthīti ?

Āmantā.

Hañci atītaṃ n'atthi, no vata re vattabbe “ Atīte kilese jahatīti.”

2. Anāgate kilese jahatīti ?

Amantā.

Ajātaṃ ajaneti, asaṅjātaṃ asaṅjaneti, anibbattaṃ anibbattati, apātubhūtaṃ apātubhāvetīti ?

Na h'evaṃ vattabbe—pe—

Anāgate kilese jahatīti ?

Āmantā.

Nanu anāgataṃ ajātan ti ?

Āmantā.

Hañci anāgataṃ ajātaṃ, no vata re vattabbe “ Anāgate kilese jahatīti.”

Anāgate kilese jahatīti ?

Āmantā.

Nanu anāgataṃ n'atthīti ?

Āmantā.

Hañci anāgataṃ n'atthi, no vata re vattabbe “ Anāgate kilese jahatīti.”

<sup>1</sup> atthagataṃ, P.

3. Paccuppanne kilese jahatīti ?

Āmantā.

Ratto rāgaṃ jahati, duṭṭho dosaṃ jahati, mūlho mohaṃ jahati, kiliṭṭho kilese jahatīti ?

Na h'evaṃ vattabbe—pe—

Rāgena rāgaṃ jahati, dosena dosaṃ jahati, mohena mohaṃ jahati, kilesehi kilese jahatīti ?

Na h'evaṃ vattabbe—pe—

Rāgo cittasampayutto, maggo cittasampayutto ti ?

Āmantā.

Dvinnāṃ phassānaṃ—pe—dvinnāṃ cittānaṃ samodhānaṃ hotīti ?

Na h'evaṃ vattabbe—pe—

Rāgo akusalo, maggo kusalo ti ?

Āmantā.

Kusalākusalā sāvajjānavajjā hīnappaṇītā kaṇhasukkasappaṭibhāgā dhammā sammukhībhāvaṃ āgacchantīti ?

Na h'evaṃ vattabbe—pe—

Kusalākusalā savajjānavajjā hīnappaṇītā kaṇhasukkasappaṭibhāgā dhammā sammukhībhāvaṃ āgacchantīti ?

Āmantā.

Nanu vuttaṃ Bhagavatā—“ Cattār'imāni Bhikkhave suvidūra vidūrāni. Katamāni cattāri ? Nabhañ ca Bhikkhave pathavī ca, idaṃ paṭhamāṃ suvidūra vidūraṃ—pe—tasmā satāṃ dhammo asabbhi ārakā ti.” Atth'eva suttanto ti ?

Āmantā.

Tena hi na vattabbaṃ “ Kusalākusalā—pe—āgacchantīti.”

4. Na vattabbaṃ “ Atīte anāgate paccuppanne kilese jahatīti ” ?

Āmantā.

N'atthi kilesajahanā<sup>1</sup> ti ?

Na h'evaṃ vattabbe—pe—

Tena hi atīte anāgate paccuppanne kilese jahatīti.

K i l e s a j a h a n a k a t h ā .

<sup>1</sup> kilese jahatīti, M. ; kilesajahatīti, P.S. ; kilesajahanā, Aṭṭh°.

## XIX. 2.

1. Suññatā saṃkhāra-kkhandhapariyāpannā ti?

Āmantā.

Animittam saṃkhāra-kkhandhapariyāpannan ti?

Na h'evaṃ vattabbe—pe—

Suññatā saṃkhāra-kkhandhapariyāpannā ti?

Āmantā.

Appaṇihito saṃkhāra-kkhandhapariyāpanno ti?

Na h'evaṃ vattabbe—pe—

2. Animittam na vattabbam “saṃkhāra-kkhandhapariyāpannan ti”?

Āmantā.

Suññatā na vattabbā “saṃkhāra-kkhandhapariyāpannā ti”?

Na h'evaṃ vattabbe—pe—

Appaṇihito na vattabbo “saṃkhāra-kkhandhapariyāpanno ti”?

Āmantā.

Suññatā na vattabbā “saṃkhāra-kkhandhapariyāpannā ti”?

Na h'evaṃ vattabbe—pe—

3. Suññatā saṃkhāra-kkhandhapariyāpannā ti?

Āmantā.

Saṃkhāra-kkhandho na anicco na saṃkhato na paṭicca-samuppanno na khayadhammo na vayadhammo na virāga-dhammo na nirodhadhammo na vipariṇāmadhammo ti?

Na h'evaṃ vattabbe—pe—

Nanu saṃkhāra-kkhandho anicco saṃkhato paṭicca-samuppanno khayadhammo vayadhammo virāgadhammo nirodhadhammo vipariṇāmadhammo ti?

Āmantā.

Hañci saṃkhāra-kkhandho anicco — pe — vipariṇāmadhammo, no vata re vattabbe “Suññatā saṃkhāra-kkhandhapariyāpannā ti.”

4. Rūpakkhandhassa suññatā saṃkhāra-kkhandhapariyāpannā ti?

Āmantā.

Samkhārakkhandhassa suññatā rūpakkhandhapariyāpannā ti?

Na h'evaṃ vattabbe—pe—

Vedanā—pe—saññā—pe—viññāṇakkhandhassa suññatā samkhārakkhandhapariyāpannā ti?

Āmantā.

Samkhārakkhandhassa suññatā viññāṇakkhandhapariyāpannā ti?

Na h'evaṃ vattabbe—pe—

5. Samkharakkhandhassa suññatā na vattabbā “rūpakkhandhapariyāpannā ti”?

Āmantā.

Rūpakkhandhassa suññatā na vattabbā “samkhārakkhandhapariyāpannā ti”?

Na h'evaṃ vattabbe—pe—

Samkhārakkhandhassa<sup>1</sup> suññatā na vattabbā “viññāṇakkhandhapariyāpannā ti”?

Āmantā.

Viññāṇakkhandhassa suññatā na vattabbā “samkhārakkhandhapariyāpannā ti”?

Na h'evaṃ vattabbe—pe—

6. Na vattabbam “Suññatā samkhārakkhandhapariyāpannā ti”?

Āmantā.

Nanu vuttam Bhagavatā—“Suññam idaṃ Bhikkhave samkhārā attena vā attaniyena<sup>1</sup> vā ti.” Atth'eva sutanto ti?

Āmantā.

Tena hi suññatā samkhārakkhandhapariyāpannā ti.

Suññatā kathā.

### XIX. 3.

1. Sāmaññaphalaṃ asaṃkhatan ti?

Āmantā.

<sup>1</sup> attaniye, P.

Nibbānaṃ tāṇaṃ leṇaṃ saraṇaṃ parāyaṇaṃ accutaṃ  
amataṇṭhaṃ ti ?

Na h'evaṃ vattabbe—pe—

Sāmaññaphalaṃ asaṃkhataṃ, nibbānaṃ asaṃkhataṇṭhaṃ  
ti ?

Āmantā.

Dve asaṃkhataṇṭhāni ?

Na h'evaṃ vattabbe—pe—

Dve asaṃkhataṇṭhāni ?

Āmantā.

Dve tāṇāni—pe—antarikā vā ti ?

Na h'evaṃ vattabbe—pe—

2. Sāmaññaphalaṃ asaṃkhataṇṭhaṃ ti ?

Āmantā.

Sāmaññaṃ asaṃkhataṇṭhaṃ ti ?

Na h'evaṃ vattabbe—pe—

Sāmaññaṃ saṃkhataṇṭhaṃ ti ?

Āmantā.

Sāmaññaphalaṃ saṃkhataṇṭhaṃ ti ?

Na h'evaṃ vattabbe—pe—

3. Sotāpattiphalaṃ asaṃkhataṇṭhaṃ ti ?

Āmantā.

Sotāpattimaggo asaṃkhato ti ?

Na h'evaṃ vattabbe—pe—

Sotāpattimaggo saṃkhato ti ?

Āmantā.

Sotāpattiphalaṃ saṃkhataṇṭhaṃ ti ?

Na h'evaṃ vattabbe—pe—

4. Sakadāgāmi —pe— anāgāmi — pe— arahattaphalaṃ  
asaṃkhataṇṭhaṃ ti ?

Āmantā.

Arahattamaggo asaṃkhato ti ?

Na h'evaṃ vattabbe—pe—

Arahattamaggo saṃkhato ti ?

Āmantā.

Arahattaphalaṃ saṃkhataṇṭhaṃ ti ?

Na h'evaṃ vattabbe—pe—

5. Sotāpattiphalaṃ asaṃkhataṃ, sakadāgāmi — pe —

anāgāmi—pe—arahattaphalaṃ asaṃkhatam, nibbānaṃ  
asaṃkhatan ti?

Āmantā.

Pañca asaṃkhatānīti?

Na h'evaṃ vattabbe—pe—

Pañca asaṃkhatānīti?

Āmantā.

Pañca tānāni—pe—antarikā vā ti?

Na h'evaṃ vattabbe—pe—

S ā m a ñ ñ a p h a l a k a t h ā.

---

XIX. 4.

1. Patti asaṃkhatā ti?

Āmantā.

Nibbānaṃ tānaṃ leṇaṃ saraṇaṃ parāyanaṃ accutaṃ  
amatan ti?

Na h'evaṃ vattabbe—pe—

Patti asaṃkhatā, nibbānaṃ asaṃkhatan ti?

Āmantā.

Dve asaṃkhatānīti?

Na h'evaṃ vattabbe—pe—

Dve asaṃkhatānīti?

Āmantā.

Dve tānāni—pe—antarikā vā ti?

Na h'evaṃ vattabbe—pe—

2. Cīvarassa patti asaṃkhatā ti?

Āmantā.

Nibbānaṃ—pe—amatan ti?

Na h'evaṃ vattabbe—pe—

Cīvarassa patti asaṃkhatā, nibbānaṃ asaṃkhatan ti?

Āmantā.

Dve asaṃkhatānīti?

Na h'evaṃ vattabbe—pe—

Dve asaṃkhatānīti?

Āmantā.

Dve tānāni—pe—antarikā vā ti?

Na h'evaṃ vattabbe—pe—

3. Piṇḍapātassa — pe — senāsanassa — pe — gilānapaccayabhesajjaparikkhārassa patti asaṃkhatā ti?

Āmantā.

Nibbānaṃ—pe—amatan ti?

Na h'evaṃ vattabbe—pe—

Gilānapaccayabhesajjaparikkhārassa patti asaṃkhatā, nibbānaṃ asaṃkhatan ti?

Āmantā.

Dve asaṃkhatānīti?

Na h'evaṃ vattabbe—pe—

Dve asaṃkhatānīti?

Āmantā.

Dve tāṇāni—pe—antarīkā vā ti?

Na h'evaṃ vattabbe—pe—

4. Cīvarassa patti asaṃkhatā — piṇḍapātassa — pe — senāsanassa — pe — gilānapaccayabhesajjaparikkhārassa patti asaṃkhatā, nibbānaṃ asaṃkhatan ti?

Āmantā.

Pañca asaṃkhatānīti?

Na h'evaṃ vattabbe—pe—

Pañca asaṃkhatānīti?

Āmantā.

Pañca tāṇāni—pe—antarīkā va ti?

Na h'evaṃ vattabbe—pe—

5. Paṭhamassa jhānassa patti asaṃkhatā—evaṃ sabbam<sup>1</sup> vitthāretabbaṃ—dutiyaṃ tatiyaṃ catutthassa jhānassa ākāsañācāyatanassa viññāṇañcāyatanassa ākiñcaññāyatanassa nevaññānāsaññāyatanassa — pe — sotāpattimag-gassa sotāpattiṭṭhalassa, sakadāgāmi anāgāmi—arahatta-maggassa arahattaphalassa patti asaṃkhatā ti?

Āmantā.

Nibbānaṃ—pe—accutaṃ amatan ti?

Na h'evaṃ vattabbe—pe—

Arahattaphalassa patti asaṃkhatā, nibbānaṃ asaṃkhatan ti?

<sup>1</sup> sabbattha, P.S<sub>2</sub>.

Āmantā.

Dve asaṃkhatānīti?

Na h'evaṃ vattabbe—pe—

Dve asaṃkhatānīti?

Āmantā.

Dve tāṇāni—pe—antarikā vā ti?

Na h'evaṃ vattabbe—pe—

6. Sotāpattimaggassa patti asaṃkhatā, sotāpatti-phalassa patti asaṃkhatā—pe—arahattamaggassa patti asaṃkhatā, arahattaphalassa patti asaṃkhatā, nibbānaṃ asaṃkhatan ti?

Āmantā.

Nava asaṃkhatānīti?

Na h'evaṃ vattabbe—pe—

Nava asaṃkhatānīti?

Āmantā.

Nava tāṇāni—pe—antarikā vā ti?

Na h'evaṃ vattabbe—pe—

7. Na vattabbaṃ “Patti asaṃkhatā ti”?

Āmantā.

Patti rūpaṃ vedanā saññā saṃkhārā viññānaṃ ti?

Na h'evaṃ vattabbe—pe—

Tena hi patti asaṃkhatā ti.

P a t t i k a t h ā.

---

XIX. 5.

1. Sabbadhammānaṃ tathatā asaṃkhatā ti?

Āmantā.

Nibbānaṃ tāṇaṃ leṇaṃ saraṇaṃ parāyanaṃ accutaṃ amatan ti?

Na h'evaṃ vattabbe—pe—

Sabbadhammānaṃ tathatā asaṃkhatā, nibbānaṃ asaṃkhatan ti?

Āmantā.

Dve asaṃkhatānīti?

Na h'evaṃ vattabbe—pe—

Dve asaṃkhatānīti ?

Āmantā.

Dve tāṇāni—pe—antarīkā vā ti ?

Na h'evaṃ vattabbe—pe—

2. Rūpassa rūpatā, nanu rūpatā asaṃkhatā ti ?

Āmantā.

Nibbānaṃ tāṇaṃ leṇaṃ saraṇaṃ parāyaṇaṃ accutaṃ  
amataṃ ti ?

Na h'evaṃ vattabbe—pe—

Rūpassa rūpatā, nanu rūpatā asaṃkhatā ti ?

Āmantā.

Dve asaṃkhatānīti ?

Na h'evaṃ vattabbe—pe—

Dve asaṃkhatānīti ?

Āmantā.

Dve tāṇāni—pe—antarīkā vā ti ?

Na h'evaṃ vattabbe—pe—

3. Vedanāya vedanā, nanu vedanā—pe—saññāya  
saññā, nanu saññā—pe—saṃkhārānaṃ saṃkhārā,  
nanu saṃkhārā—pe—viññāṇassa viññāṇatā, nanu viññā-  
ṇatā asaṃkhatā ti ?

Āmantā.

Nibbānaṃ tāṇaṃ leṇaṃ saraṇaṃ parāyaṇaṃ accutaṃ  
amataṃ ti ?

Na h'evaṃ vattabbe—pe—

Viññāṇassa viññāṇatā, nanu rūpatā asaṃkhatā ti ?

Āmantā.

Cha asaṃkhatānīti ?

Na h'evaṃ vattabbe—pe—

Cha asaṃkhatānīti ?

Āmantā.

Cha tāṇāni—pe—antarīkā vā ti ?

Na h'evaṃ vattabbe—pe—

4. Na vattabbaṃ “Sabbadhammānaṃ tathatā asaṃ-  
khatā ti” ?

Āmantā.

Sabbadhammānaṃ tathatā rūpaṃ vedanā saññā saṃ-  
khārā viññāṇaṃ ti ?

Āmantā.

Tena hi sabbadhammānaṃ tathatā asaṃkhatā ti.

T a t h a t ā k a t h ā .

XIX. 6.

1. Nibbānadhātu kusalā ti?

Āmantā.

Sārammaṇā, atthi tāya āvaṭṭanā—pe—paṇidhīti?

Na h'evaṃ vattabbe—pe—

Nanu anārammaṇā, n'atthi tāya āvaṭṭanā—pe—paṇidhīti?

Āmantā.

Hañci anārammaṇā, n'atthi tāya āvaṭṭanā—pe—paṇidhi, no vata re vattabbe “Nibbānadhātu kusalā ti.”

2. Alobho kusalo sārammaṇo, atthi tassa āvaṭṭanā—pe—paṇidhīti?

Āmantā.

Nibbānadhātu kusalā sārammaṇā, atthi tāya āvaṭṭanā—pe—paṇidhīti?

Na h'evaṃ vattabbe—pe—

Adoso kusalo—pe—amoho kusalo—pe—saddhā viriyaṃ sati samādhi—pe—paññā kusalā sārammaṇā, atthi tāya āvaṭṭanā—pe—paṇidhīti?

Āmantā.

Nibbānadhātu kusalā sārammaṇā, atthi tāya āvaṭṭanā—pe—paṇidhīti?

Na h'evaṃ vattabbe—pe—

Nibbānadhātu kusalā anārammaṇā, n'atthi tāya āvaṭṭanā—pe—paṇidhīti?

Āmantā.

Alobho kusalo anārammaṇo, n'atthi tassa āvaṭṭanā—pe—paṇidhīti?

Na h'evaṃ vattabbe—pe—

Nibbānadhātu kusalā anārammaṇā, n'atthi tāya āvaṭṭanā—pe—paṇidhīti?

Āmantā.

Adoso—pe—paññā kusalā anārammaṇā, n'atthi tāya  
āvaṭṭanā—pe—paṇidhīti?

Na h'evaṃ vattabbe—pe—

3. Na vattabbaṃ “Nibbānadhātu kusalā ti”?

Āmantā.

Nanu nibbānadhātu anavajjā ti?

Āmantā.

Hañci nibbānadhātu anavajjā, tena vata re vattabbe  
“Nibbānadhātu kusalā ti.”

K u s a l a k a t h ā .

XIX. 7.

1. Atthi puthujjanassa accantaniyāmatā ti?

Āmantā.

Mātughātako accantaniyato, pitughātako, Arahanta-  
ghātako—pe—ruhiruppādako—pe—Saṃghabhedako ac-  
cantaniyato ti?

Na h'evaṃ vattabbe—pe—

Atthi puthujjanassa accantaniyāmatā ti?

Āmantā.

Accantaniyatassa puggalassa vicikicchā uppajjeyyāti?

Āmantā.

Hañci accantaniyatassa puggalassa vicikicchā uppaj-  
jeyya, no vata re vattabbe “Atthi puthujjanassa accan-  
taniyāmatā ti.”

2. Accantaniyatassa puggalassa vicikicchā n'uppajjey-  
yāti<sup>1</sup>?

Āmantā.

Pahīnā ti?

Na h'evaṃ vattabbe—pe—

Pahīnā ti?

Āmantā.

Sotāpattimaggenāti?

<sup>1</sup> uppajj°, P. and S.

Na h'evaṃ vattabbe—pe—

Sakadāgāmi—anāgāmi—arahattamaggenāti ?

Na h'evaṃ vattabbe—pe—

Katamena maggenāti ?

Akusalena maggenāti.

Akusalo maggo nīyāniko khayagāmī bodhagāmī  
anāsavo—pe—asamkilesiko ti ?

Na h'evaṃ vattabbe—pe—

Nanu akusalo maggo anīyāniko samkilesiko ti ?

Āmantā.

Hañci akusalo maggo anīyāniko samkilesiko, no  
vata re vattabbe “ Accantaniyatassa puggalassa vicikicchā  
akusalena maggena pahīnā ti.”

3. Sassatadiṭṭhinyatassa puggalassa ucchedadiṭṭhi  
uppajjeyyāti ?

Āmantā.

Hañci sassatadiṭṭhinyatassa puggalassa ucchedadiṭṭhi  
uppajjeyya, no vata re vattabbe “ Atthi puthujjanassa  
accantaniyāmatā ti.”

4. Sassatadiṭṭhinyatassa puggalassa ucchedadiṭṭhi  
n'uppajjeyyāti ?

Āmantā.

Pahīnā ti ?

Na h'evaṃ vattabbe—pe—

Pahīnā ti ?

Āmantā.

Sotāpattimaggenāti ?

Na h'evaṃ vattabbe—pe—

Sakadāgāmi—anāgāmi—arahattamaggenāti ?

Na h'evaṃ vattabbe—pe—

Katamena maggenāti ?

Akusalena maggenāti.

Akusalo maggo nīyāniko khayagāmī bodhagāmī  
anāsavo—pe—asamkilesiko ti ?

Na h'evaṃ vattabbe—pe—

Nanu akusalo maggo anīyāniko samkilesiko ti ?

Āmantā.

Hañci akusalo maggo anīyāniko samkilesiko, no vata

re vattabbe “ Sassatadiṭṭhīniyatassa puggalassa uccheda-  
diṭṭhi akusalena maggena pahīnā ti.”

5. Ucchedadiṭṭhīniyatassa puggalassa sassatadiṭṭhi  
uppajjeyyāti ?

Āmantā.

Hañci ucchedadiṭṭhīniyatassa puggalassa sassatadiṭṭhi  
uppajjeyya, no vata re vattabbe “ Atthi puthujjanassa  
accantaniyāmatā ti.”

6. Ucchedadiṭṭhīniyatassa puggalassa sassatadiṭṭhi  
n’uppajjeyyāti ?

Āmantā.

Pahīnā ti ?

Na h’evaṃ vattabbe—pe—

Pahīnā ti ?

Āmantā.

Sotāpattimaggenāti ?

Na h’evaṃ vattabbe—pe—

Sakadāgāmi—anāgāmi—ārahattamaggenāti ?

Na h’evaṃ vattabbe—pe—

Katamena maggenāti ?

Akusalena maggenāti.

Akusalo maggo nīyāniko khayagāmī bodhagāmī  
anāsavo—pe—asamkilesiko ti ?

Na h’evaṃ vattabbe—pe—

Nanu akusalo maggo anīyāniko—pe—samkilesiko ti ?

Āmantā.

Hañci akusalo maggo anīyāniko—pe—samkilesiko, no  
vata re vattabbe “ Ucchedadiṭṭhīniyatassa puggalassa  
sassatadiṭṭhi akusalena maggena pahīnā ti.”

7. Na vattabbaṃ “ Atthi puthujjanassa accantani-  
yāmatā ti ” ?

Nanu vuttaṃ Bhagavatā—“ Idha Bhikkhave ekacco  
puggalo samannāgato hoti ekantakāḷakehi akusalehi  
dhanmehi, so sakiṃ nimuggo<sup>1</sup> nimuggo va hotīti.”  
Atth’eva suttanto ti ?

Āmantā.

<sup>1</sup> °ggā, P.

Tena hi atthi puthujjanassa accantaniyāmatā ti.

8. Vuttaṃ Bhagavatā—“ Idha Bhikkhave ekacco puggalo samannāgato hoti ekantakālakehi akusalehi dhammehi, so sakiṃ nimuggo nimuggo va hotīti ” katvā tena ca kāraṇena atthi puthujjanassa accantaniyāmatā ti ?

Āmantā.

Vuttaṃ Bhagavatā—“ Idha Bhikkhave ekacco puggalo ummujjitvā <sup>1</sup> nimujjatīti.” Atth’eva suttanto ti ?

Āmantā.

Sabbakālaṃ ummujjitvā nimujjatīti ?

Na h’evaṃ vattabbe—pe—

9. Vuttaṃ Bhagavatā—“ Idha Bhikkhave ekacco puggalo samannāgato hoti ekantakālakehi akusalehi dhammehi, so sakiṃ nimuggo nimuggo va hotīti ” katvā tena ca kāraṇena atthi puthujjanassa accantaniyāmatā ti ?

Āmantā.

Vuttaṃ Bhagavatā—“ Idha Bhikkhave ekacco puggalo ummujjitvā ṭhito hoti, ummujjitvā vipassati viloketi, ummujjitvā patarati,<sup>2</sup> ummujjitvā paṭigādhappatto hotīti.” Atth’eva suttanto ti ?

Āmantā.

Sabbakālaṃ ummujjitvā paṭigādhappatto hotīti ?

Na h’evaṃ vattabbe—pe—

A c c a n t a n i y ā m a k a t h ā .

### XIX. 8.

1. N’atthi lokiyaṃ saddhindriyan ti ?

Āmantā.

N’atthi lokiyā saddhā ti ?

Na h’evaṃ vattabbe—pe—

N’atthi lokiyaṃ viriyindriyaṃ—pe—satindriyaṃ—pe—samādhindriyaṃ—pe—paññindriyan ti ?

<sup>1</sup> uppajō, P.S.

<sup>2</sup> patahāti, S. ; pajahati, P

Āmantā.

N'atthi lokiyā paññā ti?

Na h'evaṃ vattabbe—pe—

2. Atthi lokiyā saddhā ti?

Āmantā.

Atthi lokiyaṃ saddhindriyan ti?

Na h'evaṃ vattabbe—pe—

Atthi lokiyaṃ viriyaṃ—pe—paññā ti?

Āmantā.

Atthi lokiyaṃ paññindriyan ti?

Na h'evaṃ vattabbe—pe—

3. Atthi lokiyo mano, atthi lokiyaṃ manindriyan ti?

Āmantā.

Atthi lokiyā saddhā, atthi lokiyaṃ saddhindriyan ti?

Na h'evaṃ vattabbe—pe—

Atthi lokiyo mano, atthi lokiyaṃ manindriyan ti?

Āmantā.

Atthi lokiyā paññā, atthi lokiyaṃ paññindriyan ti?

Na h'evaṃ vattabbe—pe—

Atthi lokiyaṃ somanassaṃ, atthi lokiyaṃ somanassindriyaṃ, atthi lokiyaṃ jīvitaṃ, atthi lokiyaṃ jīvitindriyan ti?

Āmantā.

Atthi lokiyā saddhā, atthi lokiyaṃ saddhindriyan ti?

Na h'evaṃ vattabbe—pe—

Atthi lokiyaṃ jīvitaṃ, atthi lokiyaṃ jīvitindriyan ti?

Āmantā.

Atthi lokiyā paññā, atthi lokiyaṃ paññindriyan ti?

Na h'evaṃ vattabbe—pe—

4. Atthi lokiyā saddhā, n'atthi lokiyaṃ saddhindriyan ti?

Āmantā.

Atthi lokiyo mano, n'atthi lokiyaṃ manindriyan ti?

Na h'evaṃ vattabbe—pe—

Atthi lokiyā paññā, n'atthi lokiyaṃ paññindriyan ti?

Āmantā.

Atthi lokiyo mano, n'atthi lokiyaṃ manindriyan ti?

Na h'evaṃ vattabbe—pe—

Atthi lokiyā saddhā, n'atthi lokiyaṃ saddhindriyan ti?

Āmantā.

Atthi lokiyaṃ somanassaṃ, n'atthi lokiyaṃ somanassin-  
driyaṃ, atthi lokiyaṃ jīvitāṃ, n'atthi lokiyaṃ jīvitindriyaṃ  
ti?

Na h'evaṃ vattabbe—pe—

Atthi lokiyā paññā, n'atthi lokiyaṃ paññindriyaṃ ti?

Āmantā.

Atthi lokiyaṃ jīvitāṃ, n'atthi lokiyaṃ jīvitindriyaṃ ti?

Na h'evaṃ vattabbe—pe—

5. Atthi lokuttarā saddhā, atthi lokuttaraṃ saddhin-  
driyaṃ ti?

Āmantā.

Atthi lokiyā saddhā, atthi lokiyaṃ saddhindriyaṃ ti?

Na h'evaṃ vattabbe—pe—

Atthi lokuttarā paññā, atthi lokuttaraṃ paññindriyaṃ  
ti?

Āmantā.

Atthi lokiyā paññā, atthi lokiyaṃ paññindriyaṃ ti?

Na h'evaṃ vattabbe—pe—

6. Atthi lokiyā saddhā, n'atthi lokiyaṃ saddhindriyaṃ  
ti?

Āmantā.

Atthi lokuttarā saddhā, n'atthi lokuttaraṃ saddhindi-  
riyaṃ ti?

Na h'evaṃ vattabbe—pe—

Atthi lokiyā paññā, n'atthi lokiyaṃ paññindriyaṃ ti?

Āmantā.

Atthi lokuttarā paññā, n'atthi lokuttaraṃ paññindriyaṃ  
ti?

Na h'evaṃ vattabbe—pe—

7. N'atthi lokiyāni pañc' <sup>1</sup> indriyānīti?

Āmantā.

Nanu vuttaṃ Bhagavatā “ Addasa kho ahaṃ Bhikkhave  
Buddhacakkhunā lokāṃ volokento <sup>2</sup> satte apparajakkhe  
mahārajakkhe tikkhindriye mudindriye svākāre <sup>3</sup> suviññā-

<sup>1</sup> paññ°, P.

<sup>2</sup> lokanto, P. ; olokento, S.

<sup>3</sup> suvā°, S.

paye appekacce paralokavajjabhayadassāvino<sup>1</sup> viharante<sup>2</sup>  
ti." Atth'eva suttanto ti ?

Āmantā.

Tena hi atthi lokiyāni pañc'indriyānīti.

Indriyakathā.

---

Vaggo ekūnavīsatiṃo.

Atīte kilese jahati, Anāgate kilese jahati,  
Paccuppanne kilese jahati, Suññatā saṃkhārakkhan-  
dhapariyāpannā,  
Sāmaññaphalaṃ asaṃkhatam, Patti asaṃkhatā,  
Sabbadhammānaṃ tathatā asaṃkhatā, Nibbānadhātu  
kusalā,  
Atthi puthujjanassa accantaniyāmatā, N'atthi lokiyāni  
pañc'indriyānīti.

---

<sup>1</sup> one, P.S.S<sub>2</sub>.

<sup>2</sup> vasāradeti, P. ; sāraceti, S.

## XX. 1.

1. Asañcicca mātaraṃ jīvitā voropetvā ānantariko hotīti?  
Āmantā.

Asañcicca pāṇaṃ hantvā pāṇātipātī hotīti ?

Na h'evaṃ vattabbe—pe—

Asañcicca mātaraṃ jīvitā voropetvā ānantariko hotīti ?  
Āmantā.

Asañcicca adinnaṃ ādiyitvā—pe—musābhaṇitvā musā-  
vādī hotīti ?

Na h'evaṃ vattabbe—pe—

2. Asañcicca pāṇaṃ hantvā pāṇātipātī na hotīti ?

Āmantā.

Asañcicca mātaraṃ jīvitā voropetvā ānantariko na hotīti ?

Na h'evaṃ vattabbe—pe—

Asañcicca adinnaṃ ādiyitvā—pe—musābhaṇitvā musā-  
vādī na hotīti ?

Āmantā.

Asañcicca mātaraṃ jīvitā voropetvā ānantariko na hotīti ?

Na h'evaṃ vattabbe—pe—

3. Asañcicca mātaraṃ jīvitā voropetvā ānantariko hotīti ?

Āmantā.

“Asañcicca mātaraṃ jīvitā voropetvā ānantariko hotīti,”  
atth'eva suttanto ti? N'atthi.

“Sañcicca mātaraṃ jīvitā voropetvā ānantariko hotīti,”  
atth'eva suttanto ti?

Āmantā.

Hañci “sañcicca mātaraṃ jīvitā voropetvā ānantariko  
hotīti,” atth'eva suttanto, no vata re vattabbe “Asañcicca  
mātaraṃ jīvitā voropetvā ānantariko hotīti.”

4. Na vattabbaṃ “Mātughātaṃ ānantariko ti” ?

Āmantā.

Nanu mātā jīvitā voropitā ti ?

Āmantā.

Hañci mātā jīvitā voropitā, tena vata re vattabbe  
“Mātughātaṃ ānantariko ti.”

5. Na vattabbaṃ “Pitughātaṃ ānantariko ti” ?

Āmantā.

Nanu pitā jīvitā voropito ti?

Āmantā.

Hañci pitā jīvitā voropito, tena vata re vattabbe  
“Pitughātako ānantariko ti.”

6. Na vattabbaṃ “Arahantaghātako ānantariko ti”?

Āmantā.

Nanu Arahā jīvitā voropito ti?

Āmantā.

Hañci Arahā jīvitā voropito, tena vata re vattabbe  
“Arahantaghātako ānantariko ti.”

7. Na vattabbaṃ “Lohituppādako<sup>1</sup> ānantariko ti”?

Āmantā.

Nanu Tathāgatassa lohitaṃ uppāditaṃ ti?

Āmantā.

Hañci Tathāgatassa lohitaṃ uppāditaṃ, tena vata re  
vattabbe “Lohituppādako ānantariko ti.”

8. Saṃghabhedako ānantariko ti?

Āmantā.

Sabbe Saṃghabhedakā ānantarikā ti?

Na h’evaṃ vattabbe—pe—

Sabbe Saṃghabhedakā ānantarikā ti?

Āmantā.

Dhammasaññī Saṃghabhedako ānantariko ti?

Na h’evaṃ vattabbe—pe—

Dhammasaññī Saṃghabhedako ānantariko ti?

Āmantā.

Nanu vuttaṃ Bhagavatā—“Atth’ Upāli Saṃghabhedako  
āpāyiko nerayiko kappatṭho atekiccho, atth’ Upāli Saṃ-  
ghabhedako na āpāyiko na nerayiko na kappatṭho na  
atekiccho ti.” Atth’eva suttanto ti?

Āmantā.

Tena hi na vattabbaṃ “Dhammasaññī Saṃghabhedako  
ānantariko ti.”

9. Na vattabbaṃ “Dhammasaññī Saṃghabhedako ānan-  
tariko ti”?

---

<sup>1</sup> ruhiruppādako. M.K.

Āmantā.

Nanu vuttam Bhagavatā—

“Āpāyiko nerayiko kappattho Saṃghabhedako  
Vaggarato adhammattho yogakkhemato dhamṣati  
Saṃgham samaggaṃ bhettvāna kappam nirayamhi  
paccatīti.”

Atth'eva suttanto ti?

Āmantā.

Tena hi Saṃghabhedako ānantariko ti.

A s a ñ c i ÷ c a k a t h ā .

## XX. 2.

1. N'atthi puthujjanassa ñāṇan ti?

Āmantā.

N'atthi puthujjanassa paññā pajānanā vicayo pavicayo  
dhammavicayo sallakkhaṇā upalakkhaṇā paccupalakkhaṇā  
ti?

Na h'evaṃ vattabbe—pe—

Nanu atthi puthujjanassa paññā—pe—paccupalakkhaṇā  
ti?

Āmantā.

Hañci atthi puthujjanassa paññā—pe—paccupalakkhaṇā,  
no vata re vattabbe “N'atthi puthujjanassa ñāṇan ti.”

2. N'atthi puthujjanassa ñāṇan ti?

Āmantā.

Puthujjano paṭhamam jhānam samāpajjeyyāti?

Āmantā.

Hañci puthujjano paṭhamam jhānam samāpajjeyya, no  
vata re vattabbe “N'atthi puthujjanassa ñāṇan ti.”

Puthujjano dutiyam jhānam—pe—tatiyam jhānam—pe  
—catuttham jhānam—pe—ākāsānañcāyatanam samāpaj-  
jeyya, viññāṇañcāyatanam ākiñcaññāyatanam nevasaññā-  
nāsaññāyatanam samāpajjeyya, puthujjano dānam dadeyya

—pe—cīvaṃ, piṇḍapātāṃ, senāsaṇaṃ, gilānapaccayabhesajjaparikkhāraṃ dadeyyāti?

Āmantā.

Hañci puthujjano gilānapaccayabhesajjaparikkhāraṃ dadeyya, no vata re vattabbe “N’atthi puthujjanassa ñāṇaṃ ti.”

3. Atthi puthujjanassa ñāṇaṃ ti?

Āmantā.

Puthujjano tena ñāṇena dukkhaṃ pariṇāṇāti, samudayaṃ pajahati, nirodhaṃ sacchikaroti, maggaṃ bhāvetīti?

Na h’evaṃ vattabbe—pe—

Ñ ā ṇ a k a t h ā .

---

XX. 3.

1. N’atthi nirayesu nirayapālā ti?

Āmantā.

N’atthi nirayesu kammakāraṇā ti?

Na h’evaṃ vattabbe—pe—

Atthi nirayesu kammakāraṇā ti?

Āmantā.

Atthi nirayesu nirayapālā ti?

Na h’evaṃ vattabbe—pe—

2. Atthi manussesu kammakāraṇā, atthi ca kāraṇikā<sup>1</sup> ti?

Āmantā.

Atthi nirayesu kammakāraṇā, atthi ca kāraṇikā ti?

Na h’evaṃ vattabbe—pe—

Atthi nirayesu kammakāraṇā, n’atthi ca kāraṇikā ti?

Āmantā.

Atthi manussesu kammakāraṇā, n’atthi ca kāraṇikā ti?

Na h’evaṃ vattabbe—pe—

3. Atthi nirayesu nirayapālā ti?

Āmantā.

Nanu vuttaṃ Bhagavatā—

---

<sup>1</sup> karunikā, P.

“ Na Vessabhū no pi <sup>1</sup> ca Pettirājā  
 Somo Yamo <sup>2</sup> Vessavaṇo ca rājā  
 Sakāni kammāni hananti tattha  
 Ito paṇunnaṃ <sup>3</sup> paralokapattan <sup>4</sup> ti.”

Atth'eva suttanto ti?

Āmantā.

Tena hi n'atthi nirayesu nirayapālā ti.

4. N'atthi nirayesu nirayapālā ti?

Āmantā.

Nanu vuttaṃ Bhagavatā—“ Taṃ enaṃ Bhikkhave nirayapālā pañcavidhabandhanaṃ <sup>5</sup> nāma <sup>6</sup> kāraṇaṃ kārenti, tattaṃ ayokhīlaṃ hatthe gamenti, tattaṃ ayokhīlaṃ dutiye hatthe gamenti, tattaṃ ayokhīlaṃ pāde gamenti, tattaṃ ayokhīlaṃ dutiye pāde gamenti, tattaṃ ayokhīlaṃ majjhe urasmiṃ gamenti ; so tattha dukkhā tībā <sup>7</sup> kaṭukā vedanā vedeti, na ca tāva kālaṃ karoti yāva na taṃ <sup>8</sup> pāpakammaṃ byanti hotīti.”

Atth'eva suttanto ti?

Āmantā.

Tena hi atthi nirayesu nirayapālā ti.

5. N'atthi nirayesu nirayapālā ti?

Āmantā.

Nanu vuttaṃ Bhagavata—“ Taṃ enaṃ Bhikkhave nirayapālā <sup>9</sup> saṃvesitvā <sup>10</sup> kudhārihi <sup>11</sup> tacchanti, taṃ enaṃ Bhikkhave nirayapālā uddhaṃ pādaṃ adhosiraṃ ṭhapetvā vāsīhi tacchanti, taṃ enaṃ Bhikkhave nirayapālā rathe yojetvā ādittāya <sup>12</sup> paṭhaviyā sampajjalitāya sajotibhūtāya sārenti <sup>13</sup> pi paccā sārenti pi, taṃ enaṃ Bhikkhave nirayapālā mahantaṃ Aṅgārapabbataṃ <sup>14</sup> ādittaṃ sampajjalitaṃ

<sup>1</sup> hi, S.

<sup>2</sup> Soyamo, P. ; soyamoyamo, S.

<sup>3</sup> panunam, P. ; pakuṇṇaṃ S. ; pannunnaṃ, Atth<sup>o</sup>.

<sup>4</sup> lokam matan ti, P. ; pattan, S. <sup>5</sup> nā, P.S.

<sup>6</sup> nāma, om. P.S.S<sub>2</sub>. <sup>7</sup> tippā, P.S.K. <sup>8</sup> yāvattaṃ, P.

<sup>9</sup> pālā ti, P. <sup>10</sup> pālasmiṃ dhesitvā, S.

<sup>11</sup> khūdādihi, S. <sup>12</sup> āditthāya, P.

<sup>13</sup> pājenti, P. ; pādentī, S. <sup>14</sup> Ālaṃkāra<sup>o</sup>, S.

sajotibhūtaṃ āropenti pi oropenti pi, taṃ enaṃ Bhikkhave nirayapālā uddhaṃ pādaṃ adhosiraṃ gahetvā tattāya lohakumbhiyā pakkhipanti<sup>1</sup> ādittāya sampajjalitāya sajotibhūtāya, so tattha pheṇuddehakaṃ<sup>2</sup> paccati, so tattha pheṇuddehakaṃ paccamaṇo sakiṃ pi uddhaṃ gacchati sakiṃ pi adho gacchati, sakiṃ pi tiriyaṃ gacchati, so tattha dukkhā tībā kaṭukā vedanā vedayati<sup>3</sup> na ca tāva kālaṃ karoti yāva ca na taṃ pāpakammaṃ byanti hoti, taṃ enaṃ Bhikkhave nirayapālā mahāniraye pakkhipanti.<sup>4</sup> So kho pana Bhikkhave Mahānirayo

Catukkaṇṇo<sup>5</sup> catudvāro  
 Vibhatto bhāgasō mito  
 Ayopākārapariyanto  
 Ayasā paṭikujjito,<sup>6</sup>  
 Tassa ayomayā<sup>7</sup> bhūmi  
 Alitā tejasā yuttā.<sup>8</sup>  
 Samantā yojanasataṃ  
 Pharitvā tiṭṭhati sabbadā ti.”

Atth'eva suttanto ti?

Āmantā.

Tena hi atthi nirayesu nirayapālā ti.

Nirayapālakathā.

## XX. 4.

1. Atthi devesu tiracchānagatā ti?

Āmantā.

Atthi tiracchānagatesu devā ti?

Na h'evaṃ vattabbe—pe—

Atthi devesu tiracchānagatā ti?

<sup>1</sup> °penti, P.S.

<sup>2</sup> peṇ°, P.S.

<sup>3</sup> vediy°, P.S.S<sub>2</sub>.

<sup>4</sup> °penti, P.S.

<sup>5</sup> °kanno, P.; catukkavaṇṇo, S.

<sup>6</sup> °kujjito, P.

<sup>7</sup> °mahā, S.

<sup>8</sup> yutā, P.S.

Āmantā.

Devaloko tiracchānayanīti ?

Na h'evaṃ vattabbe—pe—

Atthi devesu tiracchānagatā ti ?

Āmantā.

Atthi tattha kiṭṭhā<sup>1</sup> paṭaṅgā makasā makkhikā ahī vicchikā satapadī gaṇḍupādā<sup>2</sup> ti ?

Na h'evaṃ vattabbe—pe—

2. N'atthi devesu tiracchānagatā ti ?

Āmantā.

Nanu atthi tattha Erāvaṇo nāma hatthināgo sahasayuttam dibbam yānan ti ?

Āmantā.

Hañci atthi tattha Erāvaṇo nāma hatthināgo sahasayuttam dibbam yānaṃ, tena vata re vattabbe “Atthi devesu tiracchānagatā ti.”

3. Atthi devesu tiracchānagatā ti ?

Āmantā.

Atthi tattha hatthibandhā assabandhā yāvasikā<sup>3</sup> kāraṇikā bhattakārakā ti ?

Na h'evaṃ vattabbe—pe—

Tena hi n'atthi devesu tiracchānagatā ti.

T i r a c c h ā n a k a t h ā .

---

XX. 5.

1. Pañcaṅgiko maggo ti ?

Āmantā.

Nanu aṭṭhaṅgiko maggo vutto Bhagavatā, seyyathīdam sammādiṭṭhi—pe—sammāsamādhīti ?

Āmantā.

Hañci aṭṭhaṅgiko maggo vutto Bhagavatā, seyyathīdam

---

<sup>1</sup> kiṭṭhā, M. S. has Atthi tattha kiṭṭhā padaṇaṃ mahāsā makkhikā ahivicchikāsahadigambahadā ti.

<sup>2</sup> maṇḍukādī ti, P.

<sup>3</sup> yāvassikā, M.

sammādiṭṭhi—pe—sammāsamādhi, no vata re vattabbe  
“ Pañcaṅgiko maggo ti.”

2. Pañcaṅgiko maggo ti?

Āmantā.

Nanu vuttam Bhagavatā—

“ Maggānam aṭṭhaṅgiko<sup>1</sup> seṭṭho saccānam<sup>2</sup> caturō padā  
Virāgo seṭṭho dhammānam dvipadānañ<sup>3</sup> ca cakkhumā  
ti.”

Atth'eva suttanto ti?

Āmantā.

Tena hi aṭṭhaṅgiko maggo ti.

3. Sammāvācā maggaṅgam, sā ca na maggo ti?

Āmantā.

Sammādiṭṭhi maggaṅgam, sā ca na maggo ti?

Na h'evaṃ vattabbe—pe—

Sammāvācā maggaṅgam, sā ca na maggo ti?

Āmantā.

Sammāsaṅkappo—pe—sammāvāyāmo—pe—sammā-  
sati—pe—sammāsamādhi maggaṅgam, so ca na maggo ti?

Na h'evaṃ vattabbe—pe—

Sammākammanto—pe—sammāājīvo maggaṅgam, so ca  
na maggo ti?

Āmantā.

Sammādiṭṭhi—pe—sammāsamādhi maggaṅgam, so ca  
na maggo ti?

Na h'evaṃ vattabbe—pe—

4. Sammādiṭṭhi maggaṅgam, sā ca maggo ti?

Āmantā.

Sammāvācā maggaṅgam, sā ca maggo ti?

Na h'evaṃ vattabbe—pe—

Sammādiṭṭhi maggaṅgam, sā ca maggo ti?

Āmantā.

Sammākammanto—pe—sammāājīvo maggaṅgam, so ca  
maggo ti?

<sup>1</sup> maggān'aṭṭh, P.S. <sup>2</sup> pacchānam, S. ; sakhānaṇo, P.

<sup>3</sup> dve°, P.

Na h'evaṃ vattabbe—pe—  
Sammāsaṅkappo—pe—sammāsamādhi maggaṅgaṃ, so  
ca maggo ti?

Āmantā.

Sammāvācā—pe—sammāājīvo maggaṅgaṃ, so ca maggo  
ti?

Na h'evaṃ vattabbe—pe—

5. Aṭṭhaṅgiko maggo ti?

Āmantā.

Nanu vuttaṃ Bhagavatā—“Pubbe va<sup>1</sup> kho pan'assa  
kāyakammaṃ vacīkammaṃ ājīvo supārisuddho hoti, evaṃ  
assāyaṃ ariyo aṭṭhaṅgiko maggo bhāvanāpāripūriṃ<sup>2</sup>  
gacchatīti.”<sup>3</sup>

Atth'eva suttanto ti?

Āmantā.

Tena hi pañcaṅgiko maggo ti.

6. Pañcaṅgiko maggo ti?

Āmantā.

Nanu vuttaṃ Bhagavatā—“Yasmiṃ kho Subhadda  
Dhammavinaye ariyo aṭṭhaṅgiko maggo na upalabbhati,  
samaṇo pi tattha na upalabbhati, dutiyo pi tattha samaṇo  
na upalabbhati, tatiyo pi tattha samaṇo na upalabbhati,  
catuttho pi tattha samaṇo na upalabbhati, yasmiṃ ca kho  
Subhadda Dhammavinaye ariyo aṭṭhaṅgiko maggo upa-  
labbhati samaṇo pi tattha upalabbhati, dutiyo pi—pe—  
tatiyo pi—pe—catuttho pi tattha samaṇo upalabbhati;  
imasmīṃ kho Subhadda Dhammavinaye ariyo aṭṭhaṅgiko  
maggo upalabbhati, idh'eva Subhadda samaṇo idha dutiyo  
samaṇo idha tatiyo samaṇo idha catuttho samaṇo, suññā  
parappavādā samaṇehi<sup>4</sup> aññehīti.”<sup>5</sup> Atth'eva suttanto  
ti?

Āmantā.

Tena hi aṭṭhaṅgiko maggo ti.

M a g g a k a t h ā .

<sup>1</sup> ca, P.S.                      <sup>2</sup> orī, P.                      <sup>3</sup> gacchanti, P.S.

+ samaṇo ti, P.S.              <sup>5</sup> añño ti, P.; abhiñño, S.

## XX. 6.

1. Dvādasavatthukaṃ nāṇaṃ lokuttaraṃ ti?

Āmantā.

Dvādasā lokuttaraṇāṇānīti?

Na h'evaṃ vattaṃ pe—

Dvādasā lokuttaraṇāṇānīti?

Āmantā.

Dvādasā sotāpattimaggā ti?

Na h'evaṃ vattaṃ pe—

Dvādasā sotāpattimaggā ti?

Āmantā.

Dvādasā sotāpattiphalānīti?

Na h'evaṃ vattaṃ pe—

Dvādasā sakadāgāmi—pe—anāgāmi—pe—arahattamaggā ti?

Na h'evaṃ vattaṃ pe—

Dvādasā arahattamaggā ti?

Āmantā.

Dvādasā arahattaphalānīti?

Na h'evaṃ vattaṃ pe—

2. Na vattaṃ “ Dvādasavatthukaṃ nāṇaṃ lokuttaraṃ ti ” ?

Āmantā.

Nanu vuttaṃ Bhagavatā—“ Idam dukkhaṃ ariyasaccan ti me Bhikkhave pubbe ananussutesu dhammesu cakkhuṃ udapādi nāṇaṃ udapādi vijjā udapādi paññā udapādi āloko udapādi, taṃ kho paṇ'idaṃ dukkhaṃ ariyasaccaṃ pariññeyyan ti me Bhikkhave—pe—pariññātan ti me Bhikkhave—pe—idaṃ dukkhasamudayo ariyasaccan ti me Bhikkhave—pe—taṃ kho paṇ'idaṃ dukkhasamudayo ariyasaccaṃ pahātabban ti me Bhikkhave—pe—pahīnan ti me Bhikkhave—pe—idaṃ dukkhanirodho ariyasaccan ti me Bhikkhave—pe—taṃ kho paṇ'idaṃ dukkhanirodho ariyasaccaṃ sacchikātabban ti me Bhikkhave—pe—sacchikatan ti me Bhikkhave—pe—idaṃ dukkhanirodhagāminī paṭipadā ariyasaccan ti me Bhikkhave—pe—taṃ kho paṇ'idaṃ dukkhanirodhagāminī paṭipadā ariyasaccaṃ

bhāvetabban ti me Bhikkhave—pe—bhāvitan ti me Bhikkhave pubbe ananussutesu dhammesu cakkhum udapādi—pe—āloko udapādīti.”

Atth'eva suttanto ti?

Āmantā.

Tena hi dvādasavatthukaṃ nāṇaṃ lokuttaran ti.

Ñāṇakathā.

---

Vaggo vīsatiṃ.

Mātughātako ānantariko, Pitughātako ānantariko,  
Arahantaghātako ānantariko, Ruhiruppādako ānanta-  
riko,

Samghabhedako ānantariko, N'atthi puthujjanassa nā-  
ṇaṃ,

N'atthi nirayesu nirayapālā, Atthi devesu tiracchāna-  
gatā,

Pañcaṅgiko maggo, dvādasavatthukaṃ nāṇaṃ lokuttaran  
ti.

---

Catuttho paṇṇāsako.

Niggaho, puññasamcayo, aṭṭhāsi, atītena ca mātughā-  
tako ti.

## XXI. 1.

1. Sāsanam navakatan<sup>1</sup> ti ?

Āmantā.

Satipaṭṭhānā navakatā ti ?

Na h'evam vattabbe—pe—

Sāsanam navakatan ti ?

Āmantā.

Sammappadhānā—pe—iddhipādā—pe—indriyā—pe—  
balā—pe—bojjhaṅgā navakatā ti ?

Na h'evam vattabbe—pe—

Pubbe akusalam pacchā kusalam katan ti ?

Na h'evam vattabbe—pe—

Pubbe sāsavam—pe—saññojanīyam gandhanīyam ogha-  
nīyam yoganīyam nīvaraṇīyam parāmaṭṭham upādānīyam  
saṃkilesikam pacchā asaṃkilesikam katan ti ?

Na h'evam vattabbe—pe—

2. Atthi koci Tathāgatassa sāsanam navam karotīti ?

Āmantā.

Atthi koci satipaṭṭhāne navam karotīti ?

Na h'evam vattabbe—pe—

Atthi koci sammappadhāne—pe—bojjhaṅge navam ka-  
rotīti ?

Na h'evam vattabbe—pe—

Atthi koci pubbe akusalam pacchā kusalam karotīti ?

Na h'evam vattabbe—pe—

Atthi koci pubbe sāsavam—pe—saṃkilesikam pacchā  
asaṃkilesikam karotīti ?

Na h'evam vattabbe—pe—

3. Labbhā Tathāgatassa sāsanam puna navam kātun  
ti ?

Āmantā.

Labbhā satipaṭṭhānā puna navam kātun ti ?

Na h'evam vattabbe—pe—

Labbhā sammappadhānā—pe—bojjhaṅgā navam kātun  
ti ?

<sup>1</sup> navam kat°, M.K.

Na h'evaṃ vattabbe—pe—

Labbhā pubbe akusalaṃ pacchā kusalaṃ kātun ti?

Na h'evaṃ vattabbe—pe—

Labbhā pubbe sāsavaṃ—pe— saṃkilesikaṃ pacchā asaṃkilesikaṃ kātun ti?

S ā s a n a k a t h ā .

XXI. 2.

1. Puthujjano tedhātukehi dhammehi<sup>1</sup> avivitto ti?

Āmantā.

Puthujjano tedhātukehi phassehi—pe—vedanāhi saññāhi cetanāhi cittehi saddhāhi viriyehi satīhi samādhihi—pe—tedhātukāhi paññāhi avivitto ti?

Na h'evaṃ vattabbe—pe—

2. Puthujjano tedhātukehi dhammehi avivitto ti?

Āmantā.

Yasmiṃ khaṇe puthujjano cīvaraṃ deti, tasmim khaṇe paṭhamaṃ jhānaṃ upasampajja viharati—pe—ākāsānañcāyatanam upasampajja viharatīti?

Na h'evaṃ vattabbe—pe—

Yasmiṃ khaṇe puthujjano piṇḍapātaṃ deti—pe—senāsaṇaṃ deti—pe—gilānapaccayabhesajjaparikkhāraṃ deti, tasmim khaṇe catutthaṃ jhānaṃ upasampajja viharati, nevasaññānāsaññāyatanam upasampajja viharatīti?

Na h'evaṃ vattabbe—pe—

3. Na vattabbaṃ “ Puthujjano tedhātukehi dhammehi<sup>2</sup> avivitto ti ”?

Āmantā.

Puthujjanassa rūpadhātu—arūpadhātūpagaṃ kammaṃ pariññātan ti?

Na h'evaṃ vattabbe—pe—

Tena hi puthujjano tedhātukehi kammehi avivitto ti.

A v i v i t t a k a t h ā .

<sup>1</sup> kammehi, M.P.; kappehi, S.S<sub>2</sub>; dhammehi, K. Atth<sup>o</sup>.

<sup>2</sup> dhammehi, P.S<sub>2</sub>.

## XXI. 3.

1. Atthi kiñci saññojanam appahāya arahattappattīti ?  
Āmantā.

Atthi kiñci sakkāyadiṭṭhim appahāya—pe—vicikiccham  
sīlabbataparāmāsam rāgam dosam moham anottappam  
appahāya arahattappattīti ?

Na h'evam vattabbe—pe—

2. Atthi kiñci saññojanam appahāya arahattappattīti ?  
Āmantā.

Arahā sarāgo sadoso samoho samāno samakkho sapa-  
ḷāso<sup>1</sup> sa-upāyāso sakilesa ti ?

Na h'evam vattabbe—pe—

Nanu Arahā nirāgo niddoso nimmoho nimmāno nim-  
makkho nippaḷāso nirūpāyāso nikkilesa ti ?

Āmantā.

Hañci Arahā nirāgo niddoso nimmoho nimmāno nim-  
makkho nippaḷāso nirūpāyāso nikkilesa, no vata re  
vattabbe “ Atthi kiñci saññojanam appahāya arahattap-  
pattīti.”

3. Na vattabbam “ Atthi kiñci saññojanam appahāya  
Arahattappattīti ” ?

Āmantā.

Arahā sabbam Buddhavisayam<sup>2</sup> jānātīti ?

Na h'evam vattabbe—pe—

Tena hi atthi kiñci saññojanam appahāya Arahattap-  
pattīti.

Saññojanakathā.

## XXI. 4.

1. Atthi adhippāya-iddhi Buddhānam vā sāvakānam  
vā ti ?

Āmantā.

<sup>1</sup> sapho, P.

<sup>2</sup> Buddhakiccam, P.S.

Niccapaṇṇā rukkā hontūti atthi adhippāya-iddhi  
Buddhānaṃ vā sāvakānaṃ vā ti?

Na h'evaṃ vattabbe—pe—

Niccapupphā rukkā hontu—pe—niccaphalikā<sup>1</sup> rukkā  
hontu, niccaṃ jaṇhaṃ<sup>2</sup> hotu, niccaṃ khemaṃ hotu  
niccaṃ subhikkhaṃ hotu, niccaṃ suvatthi<sup>3</sup> hotūti, atthi  
adhippāya-iddhi Buddhānaṃ vā sāvakānaṃ vā ti?

Na h'evaṃ vattabbe—pe—

2. Atthi adhippāya-iddhi Buddhānaṃ vā sāvakānaṃ  
vā ti?

Āmantā.

Uppanno phasso mā nirujjhīti atthi adhippāya-iddhi  
Buddhānaṃ vā sāvakānaṃ vā ti?

Na h'evaṃ vattabbe—pe—

Uppannā vedanā—pe—paññā mā nirujjhīti atthi  
adhippāya-iddhi Buddhānaṃ vā sāvakānaṃ vā ti?

Na h'evaṃ vattabbe—pe—

3. Atthi adhippāya-iddhi Buddhānaṃ vā sāvakānaṃ  
vā ti?

Āmantā.

Rūpaṃ niccaṃ hotūti—pe—vedanā—pe—saññā—pe—  
saṃkhārā—pe—viññānaṃ niccaṃ hotūti, atthi adhippāya-  
iddhi Buddhānaṃ vā sāvakānaṃ vā ti?

Na h'evaṃ vattabbe—pe—

4. Atthi adhippāya-iddhi Buddhānaṃ vā sāvakānaṃ  
vā ti?

Āmantā.

Jātidhammā sattā mā jāyimsūti,<sup>4</sup> atthi—pe—jarā-  
dhammā sattā mā jarimsūti<sup>5</sup>—pe—byādhidhammā sattā  
mā byādhimsūti—pe—maraṇadhammā sattā mā mīyims-  
sūti, atthi adhippāya-iddhi Buddhānaṃ vā sāvakānaṃ vā ti?

Na h'evaṃ vattabbe—pe—

5. Na vattabbaṃ “Atthi adhippāya-iddhi Buddhānaṃ  
vā sāvakānaṃ vā ti?”

<sup>1</sup> opalitā, P.S.; phalino, K.

<sup>2</sup> jaṇhaṃ, P.S.S<sub>2</sub>.

<sup>3</sup> suvatthikaṃ, K.

<sup>4</sup> jāyanti, P.S.

<sup>5</sup> jiyisūti, P.S.

Āmantā.

Nanu āyasmā Pilindavaccho rañño Māgadhassa Seniyassa Bimbisārassa pāsādaṃ suvaṇṇaṃ t'eva adhimucci, suvaṇṇo ca pana āsīti?

Āmantā.

Hañci āyasmā Palindavaccho rañño Māgadhassa Seniyassa Bimbisārassa pāsādaṃ suvaṇṇaṃ t'eva adhimucci, suvaṇṇo ca pana āsi, tena vata re vattabbe "Atthi adhippāya-iddhi Buddhānaṃ vā sāvakānaṃ vā ti."

I d d h i k a t h ā .

XXI. 5.

1. Atthi Buddhānaṃ Buddhehi hīnātirekatā ti?

Āmantā.

Satipaṭṭhānato ti?

Na h'evaṃ vattabbe—pe—

Sammappadhānato—pe—iddhipādato—pe—indriyato—pe—balato—pe—bojjhaṅgato—pe—vasībhāvato<sup>1</sup>—pe—sabbaññutañānadassanato ti?

Na h'evaṃ vattabbe—pe—

B u d d h a k a t h ā .

XXI. 6.

1. Sabbā disā Buddhā tiṭṭhantīti?

Āmantā.

Puratthimāya<sup>2</sup> disāya Buddhā tiṭṭhantīti?

Na h'evaṃ vattabbe—pe—

Puratthimāya disāya Buddhā tiṭṭhantīti?

Āmantā.

Kinnāmo so Bhagavā, kiṃjacco, kiṃgotto, kinnāmā

<sup>1</sup> P. omits.

<sup>2</sup> purattimāya, M.

tassa Bhagavato mātāpitaro, kinnāmaṃ tassa Bhagavato sāvaka-yugaṃ, ko nāmo tassa Bhagavato upatthāko, kīdisaṃ cīvaraṃ dhāreti, kīdisaṃ pattamaṃ dhāreti, kata-rasmiṃ gāme vā nigame vā nagare vā ratthe va janapade vā ti?

Na h'evaṃ vattabbe—pe—

2. Dakkhiṇāya disāya—pe—pacchimāya disāya—pe—uttarāya disāya—pe—heṭṭhimāya disāya Buddho tiṭṭhatīti?

Na h'evaṃ vattabbe—pe—

Heṭṭhimāya disāya Buddho tiṭṭhatīti?

Āmantā.

Kinnāmo so Bhagavā—pe—janapade vā ti?

Na h'evaṃ vattabbe—pe—

Uparimāya disāya Buddho tiṭṭhatīti?

Na h'evaṃ vattabbe—pe—

Uparimāya disāya Buddho tiṭṭhatīti?

Āmantā.

Cātummahārājike tiṭṭhati—pe—Tāvatiṃse tiṭṭhati—pe—Yāme tiṭṭhati—pe—Tusite tiṭṭhati—pe—nimmānara-tiyā tiṭṭhati—pe—paranimmitavasavattiyā tiṭṭhati—pe—Brahmaloke tiṭṭhatīti?

Na h'evaṃ vattabbe—pe—

Sabbadisā kathā.

---

XXI. 7.

1. Sabbe dhammā niyatā ti?

Āmantā.

Micchattaniyatā ti?

Na h'evaṃ vattabbe—pe—

Sammattaniyatā ti?

Na h'evaṃ vattabbe—pe—

N'atthi aniyato rāsīti?

Na h'evaṃ vattabbe—pe—

Nanu atthi aniyato rāsīti?

Āmantā.

Hañci atthi aniyato rāsi, no vata re vattabbe “ Sabbe dhammā niyatā ti.”

2. Sabbe dhammā niyatā ti?

Āmantā.

Nanu tayo rāsī vuttā Bhagavatā—micchattaniyato rāsi, sammattaniyato rāsi, aniyato rāsīti?

Āmantā.

Hañci tayo rāsī vuttā Bhagavatā—micchattaniyato rāsi, sammattaniyato rāsi, aniyato rāsi, no vata re vattabbe “ Sabbe dhammā niyatā ti.”

3. Rūpaṃ rūpaṭṭhena niyatan ti?

Āmantā.

Micchattaniyatan ti?

Na h’evaṃ vattabbe—pe—

Sammattaniyatan ti?

Na h’evaṃ vattabbe—pe—

Vedanā—pe—saññā—pe—saṃkhārā—pe—viññāṇaṃ viññāṇaṭṭhena niyatan ti?

Āmantā.

Micchattaniyatan ti?

Na h’evaṃ vattabbe—pe—

Sammattaniyatan ti?

Na h’evaṃ vattabbe—pe—

4. Na vattabbaṃ “ Rūpaṃ rūpaṭṭhena niyataṃ—pe—vedanā—pe—saññā—pe—saṃkhārā—pe—viññāṇaṃ viññāṇaṭṭhena niyatan ti ”?

Āmantā.

Rūpaṃ hoti, vedanā hoti, saññā hoti, saṃkhārā honti, viññāṇaṃ hoti, vedanā, saññā, saṃkhārā, viññāṇaṃ rūpaṃ hoti, vedanā hoti, saññā hoti, saṃkhārā hontīti?

Na h’evaṃ vattabbe—pe—

Tena hi rūpaṃ rūpaṭṭhena niyataṃ, vedanā, saññā, saṃkhārā, viññāṇaṃ viññāṇaṭṭhena niyatan ti.

D h a m m a k a t h ā .

## XXI. 8.

1. Sabbe kammā niyatā ti?

Āmantā.

Micchattaniyatā ti?

Na h'evaṃ vattabbe—pe—

Sammattaniyatā ti?

Na h'evaṃ vattabbe—pe—

N'atthi aniyato rāsīti?

Na h'evaṃ vattabbe—pe—

Nanu atthi aniyato rāsīti?

Āmantā.

Hañci atthi aniyato rāsī, no vata re vattabbe “Sabbe kammā niyatā ti.”

2. Sabbe kammā niyatā ti?

Āmantā.

Nanu tayo rāsī vuttā Bhagavatā—micchattaniyato rāsī, sammattaniyato rāsī, aniyato rāsīti?

Hañci tayo rāsī vuttā Bhagavatā—micchattaniyato rāsī, sammattaniyato rāsī, aniyato rāsī, no vata re vattabbe “Sabbe kammā niyatā ti.”

3. Diṭṭhadhammavedanīyaṃ kammaṃ diṭṭhadhammavedanīyaṭṭhena<sup>1</sup> niyatan ti?

Āmantā.

Micchattaniyatan ti?

Na h'evaṃ vattabbe—pe—

Sammattaniyatan ti?

Na h'evaṃ vattabbe—pe—

Upapajjavedanīyaṃ kammaṃ—pe—aparāpariyavedanīyaṃ kammaṃ aparāpariyavedanīyaṭṭhena niyatan ti?

Āmantā.

Micchattaniyatan ti?

Na h'evaṃ vattabbe—pe—

Sammattaniyatan ti?

Na h'evaṃ vattabbe—pe—

4. Na vattabbaṃ “Diṭṭhadhammavedanīyaṃ kammaṃ

<sup>1</sup> diṭṭhadhammasukhaniyatan ti, P.S.S<sub>2</sub>.

diṭṭhadhammavedanīyatṭhena niyatam, upapajjavedanīyam kammaṃ — pe — aparāpariyavedanīyam kammaṃ aparāpariyavedanīyatṭhena niyatan ti ” ?

Āmantā.

Diṭṭhadhammavedanīyam kammaṃ upapajjavedanīyam hoti, aparāpariyavedanīyam hoti—pe—upapajjavedanīyam kammaṃ diṭṭhadhammavedanīyam hoti, aparāpariyavedanīyam hoti, aparāpariyavedanīyam kammaṃ diṭṭhadhammavedanīyam hoti upapajjavedanīyam hotīti ?

Na h’evam vattabbe—pe—

Tena hi diṭṭhadhammavedanīyam kammaṃ diṭṭhadhammavedanīyatṭhena niyatam, upapajjavedanīyam kammaṃ—pe—aparāpariyavedanīyam kammaṃ aparāpariyavedanīyatṭhena niyatan ti.

K a m m a k a t h ā .

V a g g o e k a v ī s a t i m o .

Sāsanam navakatam,  
 Atthi koci Tathāgatassa sāsanam navam karoti,  
 Labbhā Tathāgatassa sāsanam puna navam kātum,  
 Puthujjano tedhātukehi dhammehi avivitto,  
 Atthi kiñci saññojanam appahāya arahattappatti,  
 Atthi adhippāya-iddhi Buddhānam vā sāvakānam vā,  
 Atthi Buddhānam Buddhehi hinātirekatā,  
 Sabbā disā Buddhā tiṭṭhanti,  
 Sabbe dhammā niyatā,  
 Sabbe kammā niyatā ti.

## XXII. 1.

1. Atthi kiñci saññojanam appahāya parinibbānan ti?  
Āmantā.

Atthi kiñci sakkāyaditthim appahāya—pe—vicikiccham  
sīlabbataparāmāsam rāgam dosam moham anottappam  
appahāya parinibbānan ti?

Na h'evam vattabbe—pe—

2. Atthi kiñci saññojanam appahāya parinibbānan ti?  
Āmantā.

Arahā sarāgo sadoso samoho samāno samakkho sapaḷāso  
sa-upāyāso sakilesa ti?

Na h'evam vattabbe—pe—

Nanu Arahā nirāgo niddoso nimmoho nimmāno nim-  
makkho nippaḷāso nirūpāyāso nikkilesa ti?

Āmantā.

Hañci Arahā nirāgo niddoso nimmoho nimmāno nim-  
makkho nippaḷāso nirūpāyāso nikkilesa, no vata re vat-  
tabbe “Atthi kiñci saññojanam appahāya parinibbānan  
ti.”

3. Na vattabham “Atthi kiñci sannojanam appahāya  
parinibbānan ti”?

Āmantā.

Arahā sabbam Buddhavisayam jānātīti?

Na h'evam vattabbe—pe—

Tena hi atthi kiñci saññojanam appahāya parinibbānan  
ti?

P a r i n i b b ā n a k a t h ā .

## XXII. 2.

1. Arahā kusalacitto parinibbāyatīti?

Āmantā.

Arahā puññābhisamkhāram abhisamkharonto, āneñjā-  
bhisamkhāram<sup>1</sup> abhisamkharonto, gatisamvattanikam

<sup>1</sup> anañc°, P. ; ānañj°, S.

kammaṃ karonto, bhavasamvattanikaṃ kammaṃ karonto, issariyasamvattanikaṃ kammaṃ karonto, adhipaccasamvattanikaṃ kammaṃ karonto, mahābhogasamvattanikaṃ kammaṃ karonto, mahāparivārasamvattanikaṃ kammaṃ karonto, devasobhagyasamvattanikaṃ kammaṃ karonto, manussasobhagyasamvattanikaṃ kammaṃ karonto parinibbāyatīti?

Na h'evaṃ vattabbe—pe—

2. Arahā kusalacitto parinibbāyatīti?

Āmantā.

Arahā ācinanto, apacinanto,<sup>1</sup> pajahanto, upādiyanto visinanto, ussinento,<sup>2</sup> vidhūpento, sandhūpento parinibbāyatīti?

Na h'evaṃ vattabbe—pe—

Nanu Arāha nev'ācināti na apacināti apacinitvā ṭhito ti?

Āmantā.

Hañci Arahā nev'ācināti na apacināti apacinitvā ṭhito, no vata re vattabbe “Arahā kusalacitto parinibbāyatīti.”

Nanu Arahā neva pajahati na upādiyati pajahitvā ṭhito, neva visineta na ussineti visinetvā ṭhito, nanu Arahā neva vidhūpeti na sandhūpeti vidhūpetvā ṭhito ti?

Āmantā.

Hañci Arahā neva pajahati na upādiyati pajahitvā ṭhito, neva visineta na ussineti visinetvā ṭhito, hañci Arahā neva vidhūpeti na sandhūpeti vidhūpetvā ṭhito, no vata re vattabbe “Arahā kusalacitto parinibbāyatīti.”

3. Na vattabbaṃ “Arahā kusalacitto parinibbāyatīti”?

Āmantā.

Nanu Arahā upaṭṭhitasati<sup>3</sup> sato sampajāno parinibbāyatīti?

Āmantā.

Hañci Arahā upaṭṭhitasati sato sampajāno parinibbāyati, tena vata re vattabbe “Arahā kusalacitto parinibbāyatīti.”

K u s a l a c i t t a k a t h ā.

<sup>1</sup> P.S.S<sub>2</sub>. omit.    <sup>2</sup> upacinanto, P. ; ucin<sup>o</sup>, S.    <sup>3</sup> upam<sup>o</sup>, M.

## XXII. 3.

1. Arahā āneñje<sup>1</sup> ṭhito parinibbāyatīti?

Āmantā.

Nanu Arahā pakaticitte ṭhito parinibbāyatīti?

Āmantā.

Hañci Arahā pakaticitte ṭhito parinibbāyati, no vata re vattabbe “Arahā āneñje ṭhito parinibbāyatīti.”

2. Arahā āneñje ṭhito parinibbāyatīti?

Āmantā.

Arahā kiriyamaye citte ṭhito parinibbāyatīti?

Na h'evam vattabbe—pe—

Nanu Arahā vipākacitte ṭhito parinibbāyatīti?

Āmantā.

Hañci Arahā vipākacitte ṭhito parinibbāyati, no vata re vattabbe “Arahā āneñje ṭhito parinibbāyatīti.”

3. Arahā āneñje ṭhito parinibbāyatīti?

Āmantā.

Arahā kiriyābyākate citte ṭhito parinibbāyatīti?

Na h'evam vattabbe—pe—

Nanu Arahā vipākābyākate citte ṭhito parinibbāyatīti?

Āmantā.

Hañci Arahā vipākābyākate citte ṭhito parinibbāyati, no vata re vattabbe “Arahā āneñje ṭhito parinibbāyatīti.”

4. Arahā āneñje ṭhito parinibbāyatīti?

Āmantā.

Nanu Bhagavā catutthajjhānā vuṭṭhahitvā samanantarā parinibbuto ti?

Āmantā.

Hañci Bhagavā catutthajjhānā vuṭṭhahitvā samanantarā parinibbuto, no vata re vattabbe “Arahā āneñje ṭhito parinibbāyatīti.”

Ā n e ñ j a k a t h ā .

---

<sup>1</sup> ānañje, P.S.S<sub>2</sub>.

## XXII. 4.

1. Atthi gabbhaseyyāya dhammābhisamayo ti?

Āmantā.

Atthi gabbhaseyyāya dhammadesanā<sup>1</sup>, dhammasava-  
naṃ, dhammasākacchā, paripucchā, silasamādānaṃ,  
indriyesu guttadvāratā, bhojane mattaññutā, pubbarattā-  
pararattam<sup>2</sup> jāgariyānuyogo ti?

Na h'evaṃ vattabbe—pe—

N'atthi gabbhaseyyāya dhammadesanā—pe—jāgariyā-  
nuyogo ti?

Āmantā.

Hañci n'atthi gabbhaseyyāya dhammadesanā—pe—  
jāgariyānuyogo, no vata re vattabbe “Atthi gabbhasey-  
yāya dhammābhisamayo ti.”

2. Atthi gabbhaseyyāya dhammābhisamayo ti?

Āmantā.

Nanu dve paccayā sammādiṭṭhiyā upādāya, parato ca  
ghoso, yoniso ca manasikāro ti?

Āmantā.

Hañci dve paccayā sammādiṭṭhiyā upādāya, parato ca  
ghoso, yoniso ca manasikāro, no vata re vattabbe “Atthi  
gabbhaseyyāya dhammābhisamayo ti.”

3. Atthi gabbhaseyyāya dhammābhisamayo ti?

Āmantā.

Suttassa pamattassa muṭṭhasatissa asampajānassa dham-  
mābhisamayo ti?

Na h'evaṃ vattabbe—pe—

D h a m m ā b h i s a m a y a k a t h ā.

## XXII. 5.

1. (a) Atthi gabbhaseyyāya arahattappattīti?

Āmantā.

<sup>1</sup> dhammasenaṃ, P.

<sup>2</sup> parattam, P.S<sub>2</sub>.

Suttassa pamattassa muṭṭhasatissa asampajānassa arahattappattīti?

Na h'evaṃ vattabbe—pe—

(b) Atthi supinagatassa dhammābhisamayo ti?

Āmantā.

Suttassa pamattassa muṭṭhasatissa asampajānassa dhammābhisamayo ti?

Na h'evaṃ vattabbe—pe—

(c) Atthi supinagatassa arahattappattīti?

Āmantā.

Suttassa pamattassa muṭṭhasatissa asampajānassa arahattappattīti?

Na h'evaṃ vattabbe—pe—

Tisso pi kathā.

---

XXII. 6.

1. Sabbhaṃ supinagatassa cittaṃ abyākatan ti?

Āmantā.

Supinantena pāṇaṃ haṇeyyāti?

Āmantā.

Hañci supinantena pāṇaṃ haṇeyya, no vata re vattabbe  
“Sabbhaṃ supinagatassa cittaṃ abyākatan ti.”

Supinantena ādinnaṃ ādiyeyya—pe—musā bhaṇeyya—  
pe—pisunaṃ bhaṇeyya—pharusam bhaṇeyya—saṃphap-  
palāpeyya—sandhiṃ chindeyya—nillopaṃ kareyya—  
ekāgārikaṃ kareyya—paripante tiṭṭheyya—paradāraṃ  
gaccheyya — gāmaghātaṃ kareyya — nigamaghātaṃ  
kareyya—supinantena methunaṃ dhammaṃ paṭiseveyya  
— supinagatassa asucimucceyya — supinantena dānaṃ  
dadeyya—cīvaraṃ dadeyya—piṇḍapātaṃ dadeyya—senā-  
sanaṃ dadeyya—gilānapaccayabhesajjaparikkhāraṃ da-  
deyya—khādaniyaṃ dadeyya—bhojaniyaṃ dadeyya—  
pāṇiyaṃ dadeyya—cetiyaṃ dadeyya—cetiye mālaṃ  
āropeyya—gandhaṃ āropeyya—vilepanaṃ āropeyya—pe  
—cetiyaṃ abhidakkhiṇaṃ kareyyāti?

Āmantā.

Hañci supinantena cetiyam abhidakkhiṇam kareyya, no vata re vattabbe “Sabbam supinagatassa cittaṃ abyākatan ti.”

2. Na vattabbam “Sabbam supinagatassa cittaṃ abyākatan ti”?

Āmantā.

Nanu supinagatassa cittaṃ abbohāriyam vuttaṃ Bhagavatā ti?

Āmantā.

Hañci supinagatassa cittaṃ abbohāriyam vuttaṃ Bhagavatā, tena vata re vattabbe “Sabbam supinagatassa cittaṃ abyākatan ti.”

A b y ā k a t a k a t h ā .

---

XXII. 7.

1. N’atthi kāci āsevanapaccayatā ti?

Āmantā.

Nanu vuttaṃ Bhagavatā—“Pāṇātipāto Bhikkhave āsevito bhāvito bahulīkato nirayasamvattaniko tiracchānayoniasamvattaniko pittivisayasamvattaniko, yo sabbalahu so pāṇātipātassa vipāko manussabhūtassa appāyukasamvattaniko hotīti.” Atth’eva suttanto ti?

Āmantā.

Tena hi atthi kāci āsevanapaccayatā ti

2. N’atthi kāci āsevanapaccayatā ti?

Āmantā.

Nanu vuttaṃ Bhagavatā—“Adinnādānam Bhikkhave āsevitam bhāvitam bahulīkatam nirayasamvattanikam tiracchānayoniasamvattanikam pittivisayasamvattanikam, yo sabbalahu so adinnādānassa vipāko manussabhūtassa bhogabyasanasamvattaniko hoti—pe—yo sabbalahu so kāmesu micchācārassa vipāko manussabhūtassa sapattaverasamvattaniko hoti—pe—yo sabbalahu so musāvādassa

vipāko, manussabhūtassa abbhūtabbhakkhānasamvattaniko hoti—pe—yo sabbalahu so pisuṇāya vācāya vipāko, manussabhūtassa mittehibhedanasamvattaniko hoti—pe—yo sabbalahu so pharusāya vācāya vipāko, manussabhūtassa amanāpasaddasamvattaniko hoti—pe—yo sabbalahu so samphappalāpassa vipāko, manussabhūtassa anādeyyavācasamvattaniko hoti, surāmerayapānaṃ Bhikkhave āsevitam—pe—yo sabbalahu so surāmerayapānassa vipāko manussabhūtassa ummattakasaṃvattaniko hotīti.” Atth’eva suttanto ti?

Āmantā.

Tena hi atthi kāci āsevanapaccayatā ti.

3. N’atthi kāci āsevanapaccayatā ti?

Āmantā.

Nanu vuttaṃ Bhagavatā—“ Micchādiṭṭhi Bhikkhave āsevitā bhāvitā bahulikatā nirayasamvattanikā tiracchānāyonisamvattanikā pittivisayasamvattanikā ti.” Atth’eva suttanto ti?

Āmantā.

Tena hi atthi kāci āsevanapaccayatā ti.

4. N’atthi kāci āsevanapaccayatā ti?

Āmantā.

Nanu vuttaṃ Bhagavatā—“ Micchāsamādhī Bhikkhave āsevito—pe—pittivisayasamvattaniko ti.” Atth’eva suttanto ti?

Āmantā.

Tena hi atthi kāci āsevanapaccayatā ti.

5. N’atthi kāci āsevanapaccayatā ti?

Āmantā.

Nanu vuttaṃ Bhagavatā—“ Sammādiṭṭhi Bhikkhave āsevitā bhāvitā bahulikatā amatogadhā hoti amataparāyanā amatapariyosānā ti.” Atth’eva suttanto ti?

Āmantā.

Tena hi atthi kāci āsevanapaccayatā ti?

6. N’atthi kāci āsevanapaccayatā ti?

Āmantā.

Nanu vuttaṃ Bhagavatā—“ Sammāsamādhī Bhikkhave āsevito bhāvito bahulikato

amatogadho hoti amataparāyano amatapariyosāno ti.”  
Atth’eva suttanto ti ?

Tena hi atthi kāci āsevanapaccayatā ti.

Āsevanapaccayakathā.

XXII. 8.

1. Ekacittakkhaṇikā sabbe dhammā ti ?

Āmantā.

Citte mahāpaṭhavī saṅghāti, mahāsamuddo saṅghāti,  
Sineru pabbatarājā saṅghāti, āpo saṅghāti, tejo saṅghāti,  
vāyo saṅghāti, tiṇakatṭhavanappatiyo saṅghantīti ?

Na h’evaṃ vattabbe—pe—

2. Ekacittakkhaṇikā sabbe dhammā ti ?

Āmantā.

Cakkhāyatanam cakkhuviññāṇena sahaajātan ti ?

Na h’evaṃ vattabbe—pe—

Cakkhāyatanam cakkhuviññāṇena sahaajātan ti ?

Āmantā.

Nanu āyasmā Sāriputto etad avoca—“ Ajjhattikaṅ c’eva  
āvuso cakkhum aparibhinnaṃ hoti, bāhirā ca rūpā na  
āpātham āgacchanti, no ca tajjo samannāhāro hoti,  
n’eva tāva tajjassa viññāṇabhāvassa<sup>1</sup> pātubhāvo hoti ;  
ajjhattikaṅ c’eva āvuso cakkhum aparibhinnaṃ hoti,  
bāhirā ca rūpā āpātham āgacchanti, no ca tajjo saman-  
nāhāro hoti, n’eva tāva tajjassa viññāṇabhāvassa pātubhāvo  
hoti ; yato ca kho āvuso ajjhattikaṅ c’eva cakkhum  
aparibhinnaṃ hoti, bāhirā ca rūpā āpātham āgacchanti,  
tajjo ca samannāhāro hoti, evaṃ tajjassa viññāṇabhāvassa  
pātubhāvo hotīti.” Atth’eva suttanto ti ?

Āmantā.

Tena hi na vattabbaṃ “ Cakkhāyatanam cakkhuviññā-  
ṇena sahaajātan ti.”

3. Sotāyatanam—pe—ghānāyatanam—pe—jivhāyata-  
nam—pe—kāyāyatanam kāyaviññāṇena sahaajātan ti ?

<sup>1</sup> °bhāgassa. Trenckner. Majjh°. I. 190.

Na h'evaṃ vattabbe—pe—

Kāyāyatanam kāyaviññāṇena sahaajātan ti?

Āmantā.

Nanu āyasmā Sāriputto etad avoca—“ Ajjhattiko c'eva āvuso kāyo aparibhinno hoti bāhirā ca phoṭṭhabbā na āpātham āgacchanti no ca—pe—ajjhattiko c'eva āvuso kāyo aparibhinno hoti bāhirā ca phoṭṭhabbā āpātham āgacchanti no ca—pe—yato ca kho āvuso ajjhattiko c'eva kāyo aparibhinno hoti bāhirā ca rūpā phoṭṭhabbā āpātham āgacchanti tajjo ca samannāhāro hoti, evaṃ tajjassa viññāṇabhāvassa pātubhāvo hotīti.” Atth'eva suttanto ti?

Āmantā.

Tena hi na vattabbam “ Kāyāyatanam kāyaviññāṇena sahaajātan ti.”

4. Na vattabbam “ Ekacittakkhaṇikā sabbe dhammā ti ”?

Āmantā.

Sabbe dhammā niccā dhuvā sassatā avipariṇāma-dhammā ti?

Na h'evaṃ vattabbe—pe—

Tena hi ekacittakkhaṇikā sabbe dhammā ti.

K h a ṇ i k a k a t h ā .

V a g g o b ā v i s a t i m o .

Atthi kiñci saññojanam appahāya parinibbānam,  
 Arahā kusalacitto parinibbāyati,  
 Arahā āneñje ṭhito parinibbāyati,  
 Atthi gabbhaseyyāya dhammābhisamayo,  
 Atthi gabbhaseyyāya arahattappatti,  
 Atthi supinagatassa dhammābhisamayo,  
 Atthi supinagatassa arahattappatti,  
 Sabbam supinagatassa cittam abyākatam,  
 N'atthi kāci āsevanapaccayatā,  
 Ekacittakkhaṇikā sabbe dhammā ti.

## XXIII. 1.

1. Ekādhippāyo<sup>1</sup> methuno dhammo paṭisevitabbo ti?  
Āmantā.

Ekādhippāyena asamaṇena hotabbaṃ, abhikkhunā hotabbaṃ, chinnamūlena hotabbaṃ, pārājikena hotabban ti?

Na h'evaṃ vattabbe—pe—

Ekādhippāyena methuno dhammo paṭisevitabbo ti?  
Āmantā.

Ekādhippāyena pāṇo hantabbo, adinnaṃ ādiyitabbaṃ, musā bhaṇitabbā, piṣuṇaṃ bhaṇitabbaṃ, pharuṣaṃ bhaṇitabbaṃ, saṃphappalāpitabbaṃ, sandhi cheditabbā, nillopaṃ hātābbaṃ, ekāgārikaṃ kātābbaṃ, paripanthē ṭhātābbaṃ, paradāro gantabbo, gāmaghāto kātābbo, nigamaghāto kātābbo ti?

Na h'evaṃ vattabbe—pe—

Ekādhippāyakathā.

## XXIII. 2.

1. Arahantānaṃ vaṇṇena amanussā methunaṃ dhammaṃ paṭisevantīti?

Āmantā.

Arahantānaṃ vaṇṇena amanussā pāṇaṃ hananti—pe—ādinnaṃ ādiyanti, musā bhaṇanti, piṣuṇaṃ bhaṇanti, pharuṣaṃ bhaṇanti, saṃphappalāpanti, sandhiṃ chindanti, nillopaṃ haranti, ekāgārikaṃ karonti, paripanthē tiṭṭhanti, paradāraṃ gacchanti, gāmaghātaṃ karonti, nigamaghātaṃ karontīti?

Na h'evaṃ vattabbe—pe—

Arahantavaṇṇakathā.

<sup>1</sup> ekādhippāyena, M.

## XXIII. 3.

1. Bodhisatto issariyakāmakārikāhetu vinipātaṃ gacchatīti?

Āmantā.

Bodhisatto issariyakāmakārikāhetu nirayaṃ gacchati, sañjīvaṃ gacchati, kālasuttaṃ gacchati, tāpanaṃ gacchati, patāpanaṃ gacchati, saṃghātaṃ gacchati, roruvaṃ<sup>1</sup> gacchati, avīciṃ gacchatīti?

Na h'evaṃ vattabbe—pe—

Bodhisatto issariyakāmakārikāhetu vinipātaṃ gacchatīti?

Āmantā.

Bodhisatto issariyakāmakārikāhetu vinipātaṃ gacchatīti, atth'eva suttanto ti?

N'atthi.

Hañci Bodhisatto issariyakāmakārikāhetu vinipātaṃ gacchatīti, n'atth'eva suttanto, no vata re vattabbe “Bodhisatto issariyakāmakārikāhetu vinipātaṃ gacchatīti.”

2. Bodhisatto issariyakāmakārikāhetu gabbhaseyyaṃ okkamatīti?

Bodhisatto issariyakāmakārikāhetu nirayaṃ upapajjeyya, tiracchānayoṇiṃ<sup>2</sup> upapajjeyyāti?

Na h'evaṃ vattabbe—pe—

Bodhisatto issariyakāmakārikāhetu gabbhaseyyaṃ okkamatīti?

Āmantā.

Bodhisatto iddhimā ti?

Na h'evaṃ vattabbe—pe—

Bodhisatto iddhimā ti?

Āmantā.

Bodhisattena chandiddhipādo bhāvito—pe—viriyiddhipādo—pe—cittiddhipādo—pe—vīmaṃsiddhipādo bhāvito ti?

Na h'evaṃ vattabbe—pe—

<sup>1</sup> roravaṃ, P.S<sub>2</sub>.

<sup>2</sup> yonigaṃ, P.

Bodhisatto issariyakāmakārikāhetu gabbhaseyyaṃ okkamatīti ?

Āmantā.

Bodhisatto issariyakāmakārikāhetu gabbhaseyyaṃ okkamatīti, atth'eva suttanto ti ?

N'atthi.

Hañci Bodhisatto issariyakāmakārikāhetu gabbhaseyyaṃ okkamati, n'atth'eva suttanto, no vata re vattabbe " Bodhisatto issariyakāmakārikāhetu gabbhaseyyaṃ okkamati."

3. Bodhisatto issariyakāmakārikāhetu dukkarakārikaṃ akāsīti ?

Āmantā.

Bodhisatto issariyakāmakārikāhetu sassato loko ti pacchāgacchi, asassato loko ti—pe—antavā loko ti—pe—anantavā loko ti—pe—taṃ jīvaṃ taṃ sarīraṃ ti, aññaṃ jīvaṃ aññaṃ sarīraṃ ti, hoti Tathāgato paraṃ maraṇā ti, na hoti Tathāgato paraṃ maraṇā ti, hoti ca na ca hoti Tathāgato paraṃ maraṇā ti, n'eva hoti na na hoti Tathāgato paraṃ maraṇā ti pacchāgacchīti ?

Na h'evaṃ vattabbe—pe—

Bodhisatto issariyakāmakārikāhetu dukkarakārikaṃ akāsīti ?

Āmantā.

Bodhisatto issariyakāmakārikāhetu dukkarakārikaṃ akāsīti, atth'eva suttanto ti ?

N'atthi.

Hañci Bodhisatto issariyakāmakārikāhetu dukkarakārikaṃ akāsīti, n'atth'eva suttanto, no vata re vattabbe " Bodhisatto issariyakāmakārikāhetu dukkarakārikaṃ akāsīti."

4. Bodhisatto issariyakāmakārikāhetu aparantapaṃ<sup>1</sup> akāsi, aññaṃ satthāraṃ uddisīti<sup>2</sup> ?

Āmantā.

Bodhisatto issariyakāmakārikāhetu sassato loko ti pacchāgacchi, asassato loko ti—pe—antavā loko ti—pe—

<sup>1</sup> aparantabbam, P.S.

<sup>2</sup> udisati; P.; uddissati, S.

anantavā loko ti—pe—taṃ jīvaṃ taṃ sarīraṃ ti, aññaṃ jīvaṃ aññaṃ sarīraṃ ti, hoti Tathāgato paraṃ maraṇā ti, na hoti Tathāgato paraṃ maraṇā ti, hoti ca na ca hoti Tathāgato paraṃ maraṇā ti, n'eva hoti na na hoti Tathāgato paraṃ maraṇā ti pacchāgacchīti ?

Na h'evaṃ vattabbe—pe—

Bodhisatto issariyakāmakārikāhetu aññaṃ satthāraṃ uddisīti ?

Āmantā.

Bodhisatto issariyakāmakārikāhetu aññaṃ satthāraṃ uddisīti, atth'eva suttanto ti ?

N'atthi.

Hañci Bodhisatto issariyakāmakārikāhetu aññaṃ satthāraṃ uddisīti, n'atth'eva suttanto, no vata re vattabbe “Bodhisatto issariyakāmakārikāhetu aññaṃ satthāraṃ uddisīti.”

I s s a r i y a k ā m a k ā r i k ā k a t h ā .

### XXIII. 4.

1. Atthi na rāgo rāgapaṭirūpako ti ?

Āmantā.

Atthi na phasso phassapaṭirūpako, atthi na vedanā vedanāpaṭirūpakā, atthi na saññā saññāpaṭirūpakā, atthi na cetanā cetanāpaṭirūpakā, atthi na cittaṃ cittapaṭirūpakaṃ, atthi na saddhā saddhāpaṭirūpakā, atthi na viriyaṃ viriyapaṭirūpakaṃ, atthi na satī satīpaṭirūpakā, atthi na samādhi sāmādhipaṭirūpako, atthi na paññā paññāpaṭirūpakā ti ?

Na h'evaṃ vattabbe—pe—

2. Atthi na doso dosapaṭirūpako, atthi na moho mohapaṭirūpako, atthi na kilesa<sup>1</sup> kilesapaṭirūpakā ti ?

Āmantā.

<sup>1</sup> kilesiyo, M.P.

Atthi na phasso phassapaṭirūpako—pe—atthi na paññā  
paññāpaṭirūpakā ti?

Na h'evaṃ vattabbe—pe—

Paṭirūpakathā.

XXIII. 5.

1. Rūpaṃ apariniṭṭhannaṃ ti?

Āmantā.

Rūpaṃ na aniccaṃ na saṃkhataṃ na paṭiccasamup-  
pannaṃ na khayadhammaṃ na vayadhammaṃ na virā-  
dhammaṃ na nirodhadhammaṃ na vipariṇāma-  
lhammaṃ ti?

Na h'evaṃ vattabbe—pe—

Nanu rūpaṃ aniccaṃ saṃkhataṃ paṭiccasamuppannaṃ  
khayadhammaṃ vayadhammaṃ virāgadhammaṃ niro-  
dhadhammaṃ vipariṇāmadhammaṃ ti?

Āmantā.

Hañci rūpaṃ aniccaṃ saṃkhataṃ paṭiccasamuppannaṃ  
khayadhammaṃ vayadhammaṃ virāgadhammaṃ niro-  
dhadhammaṃ vipariṇāmadhammaṃ, no vata re vattabbe  
“Rūpaṃ apariniṭṭhannaṃ ti.”

2. Dukkhañ ñeva pariniṭṭhannaṃ ti?

Āmantā.

Nanu yad aniccaṃ taṃ dukkhaṃ vuttaṃ Bhagavatā,  
rūpaṃ aniccaṃ ti?

Āmantā.

Hañci yad aniccaṃ taṃ dukkhaṃ vuttaṃ Bhagavatā,  
rūpaṃ aniccaṃ, no vata re vattabbe “Dukkhañ ñeva  
pariniṭṭhannaṃ ti.”

3. Vedanā—pe—saññā—pe—saṃkhārā—pe—viññānaṃ  
—pe—cakkhāyatanaṃ —pe—cakkhudhātu—pe—cak-  
khundriyaṃ —pe—aññātāvindriyaṃ apariniṭṭhannaṃ  
ti?

Āmantā.

Aññātāvindriyaṃ na aniccaṃ — pe — na vipariṇāma-dhamman ti?

Na h'evaṃ vattabbe — pe —

Nanu aññātāvindriyaṃ aniccaṃ — pe — vipariṇāma-dhamman ti?

Āmantā.

Hañci aññātāvindriyaṃ aniccaṃ — pe — vipariṇāma-dhammaṃ, no vata re vattabbe “Aññātāvindriyaṃ aparinipphannaṃ ti.”

4. Dukkhañ ñeva parinipphannaṃ ti?

Āmantā.

Nanu yad aniccaṃ taṃ dukkhaṃ vuttaṃ Bhagavatā, aññātāvindriyaṃ aniccaṃ ti?

Āmantā.

Hañci yad aniccaṃ taṃ dukkhaṃ vuttaṃ Bhagavatā, aññātāvindriyaṃ aniccaṃ, no vata re vattabbe “Dukkhañ ñeva parinipphannaṃ ti.”

Aparinipphannakathā.

---

Vaggo tevīsatiṃ.

Ekādhippāyena methuno dhammo paṭisevitabbo,  
Arahantānaṃ vaṇṇena amanussā methunaṃ dhammaṃ  
paṭisevanti,

Bodhisatto issariyakāmakārikāhetu vinipātaṃ gacchati,  
gabbhaseyyaṃ okkamati, dukkarakārikaṃ akāsi,  
aparantapaṃ akāsi, aññaṃ satthāraṃ uddisi,

Atthi na rāgo rāgapaṭirūpako, atthi na doso dosapaṭirūpako,  
atthi na moho mohapaṭirūpako, atthi na kilesa  
kilesapaṭirūpako,

Rūpaṃ parinipphannaṃ, aññātāvindriyaṃ aparinip-  
phannaṃ ti.

---

Mahāniyāmo anusayā niggaho khuddakapañcamo,<sup>1</sup>  
 Parappavādamaddano suttamūlasamāhitā  
 Ujjotanā satthusamaye<sup>2</sup> ti.

---

Kathāvatthuppakarāṇe pañcatimsa<sup>3</sup> bhāṇavāraṃ  
 niṭṭhitam.

---

<sup>1</sup> °pañcamā, P.

<sup>2</sup> sattasamayo, P.; satthusamayo, S.

<sup>3</sup> vīsa, P.; pañcavīsati, S.

## INDICES.

## INDICES.

### I.

#### INDEX OF PROPER NAMES.

(The numbers are those of the pages.)

- |   |                                    |
|---|------------------------------------|
| Akaniṭṭhagāmi, 105, 106.                                  | Upāli, 594.                        |
| Akaniṭṭhā devā, 207, 208.                                 | Uruvelā, 559.                      |
| Āṅgārapabbata, 597.                                       |                                    |
| Ajapālanigrodha, 559.                                     | Erāvaṇa, 599.                      |
| Atappā devā, 207.   |                                    |
| Anāthapiṇḍika, 559.                                       | Kaccāyana, 89, 269.                |
| Appamāṇasubhā devā, 207.                                  | Kalandakanivāpa, 559.              |
| Appamāṇābhā devā, 207.                                    | Kassapa, 89, 269, 286.             |
| Avihā devā, 207.  | Kālakañjakā Asurā, 360.            |
| Asaññasattā devā, 262.                                    | Kusinārā, 559.                     |
|   | Kevaṭṭa, 339.                      |
| Ākāsānañcāyatanūpagā deva,<br>207, 208.                   | Koṭṭhika, 89, 269.                 |
| Ānanda, 66, 67, 203, 287, 304,<br>393, 394, 457, 557, 560 | Gavampati, 220.                    |
| Ābhassarā devā, 207.                                      | Gotama, 267.                       |
|   | Gótamī, 553.                       |
| Ukkaṭṭhā, 559.  |                                    |
| Uttarakuruka, 99.   | Cakkavattisatta, 284.              |
| Uttiya, 268.  | Citta, 288.                        |
| Udāyi, 528.   | Cātummahārājikā devā, 207,<br>609. |
| Upaka, 289.   | Cāpāla, 559.                       |

- Jambudīpaka, 99.  
 Jetavana, 559.  
  
 Tāvatiṃsa, 99, 207, 609  
 Tusitā devā, 207, 609.  
  
 Dhotaka, 194.  
  
 Nandaka, 142.  
 Nigaṇha, 459.  
 Nimmānaritī devā, 207.  
  
 Paccekasambuddha, 97.  
 Panthaka, 89, 269.  
 Paranimmitavasavattī devā,  
 207.  
 Parittasubhā devā, 207.  
 Parittābhā devā, 207.  
 Pātaliputta, 314, 394.  
 Pilindavaccha, 608.  
 Puṇṇa, 522.  
 Phagguṇa, 142.  
  
 Bārāṇasī, 97, 559.  
 Bimbisāra, 608.  
 Bodhisatta, 284, 286.  
 Brāhmaparohitā, 207.  
 Brahmapārisajjā, 207.  
 Brahmā, 457.  
  
 Magadhā, 97.  
 Mahābrahmā devā, 207.  
 Māra, 66, 457.
- Mārakāyikā devatā, 164, 165.  
 Moggallāna, 89, 269, 304.  
 Mogharāja, 64.  
  
 Yasa, 268.  
 Yāmā devā, 207, 609.  
  
 Rājagaha, 559.  
  
 Lumbini, 97, 559.  
  
 Vacchagotta, 267, 505, 506.  
 Vajirā, 66.  
 Vepacittiparisā, 360.  
 Vesāli, 559.  
 Vehapphalā devā, 207.  
 Veļuvana, 559.  
  
 Sakka, 554.  
 Sāriputta, 257, 304, 561, 620,  
 621.  
 Sāvatti, 100, 559.  
 Sikhi, 203.  
 Sineru, 46, 49, 50, 51, 52, 620.  
 Sudassā devā, 207.  
 Sudassī devā, 207.  
 Subhakiṇṇā devā, 207.  
 Subhagavana, 559.  
 Subhadda, 601.  
 Setu, 268.  
 Seniya, 68.  
  
 Hatthaka, 288.

## II.

INDEX OF PASSAGES FROM THE SUTTA PIṬAKA  
QUOTED IN THE KATHĀVATTHU.

- Ajjhattikañ c'eva āvuso cakkhum, XXII. 8. 2.
- Ajjhattiko c'eva āvuso kāyo, XXII. 8. 3.
- Attanā ca katam pāpaṃ, XVI. 1. 3; XVI. 2. 3.
- Attani vā Bhikkhave sati, I. 1. 242.
- Atthi nu kho taṃ bhante cakkhum, I. 6. 61.
- Atthi nu kho bho Gotama koci gihī, IV. 1. 4.
- Atthi puggalo attahitāya paṭipanno, I. 1. 147.
- Atth' Upāli saṃghabhedako, XX. 1. 8.
- Adinnādānaṃ Bhikkhave āsevitam, XXII. 7. 2.
- Addasa kho ahaṃ Bhikkhave buddhacakkhunā, XIX. 8. 6.
- Anamattaggāyaṃ Bhikkhave saṃsāro, I. 1. 159.
- Anupubbena medhāvī, I. 4. 17; II. 9. 18.
- Abhiññāyāhaṃ Bhikkhave dhammaṃ desemi, XVIII. 2. 4.
- Amatan te Bhikkhave na paribhuñjanti, I. 9. 6.
- Asādhāraṇaṃ aññesaṃ, VII. 7. 3.
- Ahaṃ kho āvuso Nigaṇha pahomi, XI. 6. 3.
- Ahu pubbe lobho, I. 6. 62.
- Ahesuṃ te atitaṃse, I. 5. 14.
- Āpāyiko nerayiko, XIII. 1. 3; XX. 1. 9.
- Ārāmaropā vanaropā, VII. 5. 4; X. 9. 4.
- Āhuti jātavedo va, XVII. 6. 4.
- Idaṃ dukkhaṃ ariyasaccanti, IV. 9. 8; XX. 6. 2.
- Idha Kevaṭṭa bhikkhu parasattānaṃ, VII. 3. 5.
- Idha Puṇṇa ekacco sabyāpajjhaṃ pi, XV. 11. 6.
- Idha brahmacariyavāso ti, I. 3. 15.
- Idha Bhikkhave bhikkhu cakkhunā rūpaṃ disvā, X. 3. 4; X. 4. 4; X. 5. 4; XII. 1. 3.
- Idha Bhikkhave bhikkhu cakkhunā rūpaṃ passati, XVIII. 9. 5.
- Idha Bhikkhave bhikkhu nibbāne sukhānupassī viharati, IX. 1. 4.
- Idha Bhikkhave bhikkhu vivicca kāmehi, XIII. 7. 3; XVIII. 6. 8.

- Idha Bhikkhave ekacco pug-  
galo samannāgato hoti,  
XIX. 7. 6.
- Idha Bhikkhave ekacco pug-  
galo ummujjitvā ṭhito hoti,  
XIX. 7. 7.
- Idh' ekacco annaṃ deti,  
VII. 4. 6.
- Uccāvacā hi paṭipadā, I. 2.  
56.
- Unname udakaṃ vutthaṃ,  
VII. 6. 3.
- Ekapuggalo Bhikkhave loke  
uppajjamāno, I. 1. 237.
- Ekam idāhaṃ Bhikkhave  
samayaṃ Ukkatṭhāyaṃ  
viharāmi, XVIII. 1. 3.
- Ekāyano ayaṃ Bhikkhave  
maggo, I. 9. 7.
- Etādisī dhammapakāsanet-  
tha, II. 3. 20.
- Kabalimkāre ce Bhikkhave  
āhāre atthi rāgo, I. 6. 63.
- Kabalimkāre ce Bhikkhave  
āhāre n'atthi rāgo, I. 6.  
64.
- Kammunā vattati loko,  
XVII. 3. 4.
- Kassape ahaṃ Ānanda Bha-  
gavati, IV. 8. 6.
- Kāye vā Ānanda sati kaya-  
sañcetanāhetu, VIII. 9.  
37.
- Kin nu satto ti paccesi, I.  
1. 240.
- Cakkhuñ ca paṭicca rūpe ca,  
VI. 7. 2; VI. 8. 2.
- Catasso kho im' Ānanda  
dakkhiṇā, XVII. 11. 4.
- Catunnaṃ Bhikkhave dham-  
mānaṃ n'atthi koci paṭi-  
bhāgo, XI. 5. 7.
- Cattār'imāni Bhikkhave ta-  
thāni, VI. 4. 6.
- Cattār'imāni Bhikkhave su-  
vidūravidūrāni, VII. 5.  
3; X. 9. 3; X. 11. 2;  
XIII. 5. 1; XIII. 6. 1;  
XIII. 7. 2; XIX. 1. 3.
- Cattāro'me Bhikkhave puñ-  
ṇābhisandā, VII. 5. 5.
- Cittañ h'idam cetasikā ca  
dhammā, VII. 3. 4.
- Cetanāhaṃ Bhikkhave kam-  
maṃ vadāmi, VIII. 9. 36.
- Jātipaccayā Bhikkhave jarā-  
maraṇaṃ, VI. 2. 4.
- Jānatvāhaṃ Bhikkhave pas-  
sato āsavānaṃ khayam  
vadāmi, II. 2. 17.
- Taṃ enaṃ Bhikkhave nira-  
yapālā, XX. 3. 4. and 5.
- Tayo'me Bhikkhave nirutti-  
pathā, I. 6. 60.
- Tayo'me Seniya sathāro, I.  
1. 243.
- Tassa evaṃ jānato evaṃ  
passato, III. 4. 6; XIII.  
5. 3; XIII. 6. 3.
- Tassa sammāvimuttassa san-

- tacittassa bhikkhuno, I. 2. 58.
- Tiṇ'imāni Bhikkhave asaṃkhatassa asaṃkhatalakkaṇāni, I. 1. 227.
- Tiṇ'imāni Bhikkhave saṃkhatassa saṃkhatalakkaṇāni, I. 1. 227.
- Tiṇ'imāni Bhikkhave kathāvatthūni, XV. 3. 6; XV. 4. 2.
- Tiṇ'imāni Bhikkhave cakkhūni, III. 7. 4.
- Tīhi Bhikkhave ṭhānehi Jambudīpakā manussā, I. 3. 15.
- Te ariyassa vinaye vuccanti, VIII. 4. 3.
- Tividhā Bhikkhave kāya-saṅcetanā, VIII. 9. 38.
- Dukkhaṃ eva uppajjamānaṃ uppajjati, I. 1. 239.
- Dvattiṃs'imāni Bhikkhave mahāpurisassa mahāpurisalakkaṇāni, IV. 7. 6.
- Dve'mā Bhikkhave dhātuyo, I. 1. 225.
- Na Vessabhū no pi ca Pettirājā, XX. 3. 3.
- Nayimasmiṃ vā loke, XVII. 10. 3.
- Nāhaṃ gamissāmi pamocanāya, II. 4. 20.
- Nāhaṃ Bhikkhave aññaṃ ekaṃ dhammaṃ pi samānupassāmi, II. 7. 2.
- Nāhaṃ Bhikkhave saṅcetanikānaṃ kammānaṃ, XII. 2. 3; XVII. 2. 4.
- Nibbānaṃ nibbānato saṅjānāti, IX. 2. 7.
- N'eva pubbenivāsāya, III. 9. 5.
- Pañca kāmagaṇā loke, VIII. 3. 2.
- Pañc'imāni Bhikkhave indriyāni, III. 6. 13.
- Pañc'imāni Bhikkhave ṭhānāni, VII. 6. 4.
- Pañc'imāni Bhikkhave dānāni, VII. 4. 5.
- Pañc'ime Bhikkhave kāmagaṇā, II. 8. 3; VIII. 3. 5; VIII. 4. 2.
- Pañc'ime Bhikkhave dhammā, I. 2. 59.
- Paṭhamaṃ kalalaṃ hoti, XIV. 2. 3.
- Passāmaṃ ahaṃ Bhikkhave dibbena cakkhunā, I. 1. 198.
- Pāṇātipāto Bhikkhave āsevito, XXII. 7. I.
- Pāṭaliputtassa kho Ānanda tayo antarāyā, V. 9. 4.
- Pubbe va kho paṇ'assa kāyakammaṃ, XX. 5. 5.
- Bahūnaṃ vata no Bhagavā dukkhadhammānaṃ XVI. 3. 3.
- Maggānaṃ atthaṅgikoseṭṭho, XX. 5. 2.

- Micchādiṭṭhi kho Vaccha akusalā, XIV. 8. 3.  
 Micchādiṭṭhi Bhikkhave āsevitā, XXII. 7. 3.  
 Micchādiṭṭhissa kho ahaṃ Puṇṇa, XIV. 8. 3.
- Yajamānānaṃ manussānaṃ, XVII. 9. 4.  
 Yadā have pātubhavanti dhammā, II. 3. 20.  
 Yaṃ kiñci Bhikkhave rūpaṃ cattāri mahābhūtāni, XIV. 4. 3.  
 Yaṃ kiñci Bhikkhave rūpaṃ atītānāgatapaccuppannaṃ, I. 6. 59.  
 Yasmiṃ kho Subhadda dhammavinaye, XX. 5. 6.  
 Yasmiṃ Bhikkhave samaye ariyasāvakaṃ virajaṃ, I. 4. 19 ; II. 2. 21.  
 Yassa kassaci Ānanda cattāro iddhipādā, XI. 5. 6.  
 Yāyaṃ taṇhā ponobhavikā, XIII. 9. 4 ; XIII. 10. 4.  
 Ye kaṅkhā samatikkantā, II. 3. 20.  
 Ye te Bhikkhave bhikkhū puthujjanā silasampannā, II. 1. 21.
- Raṅṅo Bhikkhave Cakkavatissa pātubhāvā, I. 9. 8.
- Lābhā vo Bhikkhave, suladdhaṃ vo Bhikkhave, II. 8. 4. and 5.
- Viññānapaccayā Bhikkhave jāti, XV. 2. 3.  
 Vītataṅho anādāno, I. 2. 57.
- Sasattakkhattuparamaṃ sandhāvitvāna puggalo, I. 1. 159.  
 Sacāyaṃ Ānanda samiddhi moghapuriso, VIII. 9. 39.  
 Santi Bhikkhave Asaññasattā nāma devā, III. 11. 5.  
 Saddhā hiriyāṃ kusalaṃ ca dānaṃ, VII. 4. 4.  
 Sappikumbho ti, I. 1. 244.  
 Sabbāṃ Bhikkhave anabhijānaṃ, II. 2. 19.  
 Sabbāṃ Bhikkhave ādittaṃ, II. 8. 2.  
 Sabbābhībhū sabbavidū' haṃ asmi, IV. 8. 7.  
 Sabbe dhammā anattā ti, I. 1. 238.  
 Sabbe saṃkhārā aniccā ti, XVI. 4. 5.  
 Saṃkhittena pi kho ahaṃ Sāriputta, XVIII. 2. 3.  
 Saṃghe Gotamī dehi, XVII. 9. 3.  
 Sammādiṭṭhi Bhikkhave āsevitā, XXII. 7. 4.  
 Sammukhā me taṃ āvuso Bhagavato sutā, II. 9. 19.  
 Sassato loko ti kho Vaccha, XIV. 8. 4.  
 Sahā v'assa dassanasampadāya, I. 4. 18 ; II. 2. 20 ; II. 9. 20 and 21.

- Sikhissa Ānanda bhagavato arahato, II. 5. 22.
- Sukho viveko tuṭṭhassa, II. 8. 8.
- Suññato lokam avekkhassu, I. 1. 234.
- Suññam idam Bhikkhave, XIX. 2. 6.
- Suñño loko suñño loko ti bhante vuccati I. 1. 241.
- Seyyathāpi Bhikkhave makkaṭo ārañṇe pavane caramāno, II. 7. 3.
- Seyyathāpi Bhikkhave mahāsamuddo anupubbaninno, II. 9. 17.
- Seyyathāpi Bhikkhave mahāsamuddo ṭhitadhammo, XII. 7. 5.
- So evam anurodhavirodham samāpanno, XIII. 8. 3.
- So evam samāhite citte, III. 4. 7; XIII. 5. 2; XIII. 6. 2.
- So tassa kammassa katattā, XII. 3. 3.
- So hi nāma Bhikkhave sunetto satthā, I. 5. 15.

**The Gresham Press,  
UNWIN BROTHERS,  
WOKING AND LONDON.**